

Clarice







DS  
734  
L39  
v.19

國朝先正事略卷三十六 經學

周書昌先生事略桂馥

平江李元度次青纂

周先生永年字書昌其先餘姚人也高祖始遷山東之歷城生而好學棄產營書凡積五萬卷見藏書家易散有感於釋道藏約桂君末谷築借書園祠祀漢經師伏生叔重諸先生聚書其中以招致來學與李君文藻同修歷城縣志朱學士筠稱其詳愼乾隆三十六年成進士欲入山治儀禮特召修四庫書改庶吉士授編修典試貴州能得士與程君晉芳丁君杰邵君晉涵善嘗借館中書屬末谷爲四部考鈔胥數十人所夕校治會



禁借官書遂止先生之學淹博無涯。洙於先正雅慕顧亭林李榕村閻潛邱方望溪於鄉人稱張穆若自謂文拙不存橐亦不著書未谷名馥宇冬卉曲阜人於書無不窺尤邃於金石六書之學少以優行貢成均交翁覃溪學士詣益進又與濟南周書昌友誘接後進甚篤乾隆五十五年進士知永平縣卒官年七十永平故渙之邊邑君臥閣以治政簡甚因以其餘爲經生業嘗謂訓詁不明不足以通經日取說文與諸經之義相疏證爲說文義證五十卷又繪許祭酒以下至二徐吾邱衍之屬爲說文統系圖題書室曰十二篆師精舍著禮樸十卷繆篆分韻五卷晚學集八卷詩集四卷



程綿莊先生事略

程先生延祚字啟生號綿莊先世本歙人遷江甯少好學十三經二十二史諸子百家書無不讀年十四作松賦七千餘言驚其長老弟嗣章字南耕深於史先生獨好治經而於天文輿地食貨河渠兵農禮樂之事皆能竟委探源性端靜迂緩具衣冠傳先生語人見之如臨高山氣爲之肅弱冠補諸生鄉試輒不利乾隆丙辰召試鴻詞科有要人慕其名欲令出門下屬密友道意曰主我試必入選先生正色拒之竟不用自此不復應鄉舉惟閉戶窮經而已自王輔嗣注易盡掃圖緯之說宋元儒尊希夷河洛圖書及變互卦氣之說又或拘執爻位陰陽乘承




比應之體易學轉晦先生乃著易通及大易擇言三十卷晚年  
作彖交求是說六卷自成一家言少時見西河毛氏古文尚書  
冤詞乃作冤冤詞以攻之又著晚書訂疑推拒其說別成尚書  
通議三十卷青溪詩說二十卷魯論說四卷春秋識小錄三卷  
禮說二卷多能發前人未發之覆同時方君望溪鍾君厲暇皆  
盛推之辛未詔舉經明行修之士先生被薦入都復報罷自  
以家近青溪其出處與劉嘯兄弟相類乃自號青溪居士云卒  
年七十七所著經學外有詩文各三十卷嘗言墨守宋學已非  
墨守漢學者尤非孟子不云深造之以道欲其自得之乎又曰  
宋人謂孫復疏經多背先儒非也夫不救先儒之非何以爲孫



復其持論若此







崔東璧先生事略

陳履和

崔先生述字武承號東璧直隸大名。人乾隆二十七年舉人嘉慶元年授羅源知縣。武弁多藉海寇邀功誣商船爲盜先生屢平反之於是奸徒控其擅釋巨盜臺使者故知先生得免議四年調上杭關和向廟數千金先生悉解充緝盜公費未幾投劾歸著書三十四種而考信錄一書尤生平心力所專注其上古考信錄二卷謂易傳僅溯至伏羲春秋傳僅溯至黃帝不應後人所知反詳於古人凡緯書所云十紀史記所云天皇地皇人皇皆妄也謂龍馬負圖出緯書乃方士之言謂庖羲非太皞神農非炎帝以五行配五帝乃陰陽家言謂楊墨欲高於儒者故



稱述上古以求加於唐虞三代之上。凡稱引上古多異端假託之言。不可爲實事。謂上古各君其國。各子其民。有聖人出則天下尊之。爲帝。旣沒則已焉。自唐虞而後有禪。自夏商而後有繼。不可以後世之事例上古。其唐虞考信錄四卷。謂舜事統於堯。古但有堯典。今本割慎徽五典以下爲舜典。始於齊代姚方興之謬。有三謂堯非帝。譽子堯之德能協和萬邦。故天下歸之。非藉父兄之業。謂歷數在躬。非聖人之言。聖人豈有置人事不言。而以歷數爲據。使後世聞于者。藉爲口實乎。謂舜以前未有州。舜始設之。故曰肇十有二州。其後水患旣平。乃舜其三而爲九。僞孔傳謂禹別九州之後。舜改爲十二州者。謬謂舜竄三苗於



三危何以復命禹征之何以舜之德久不能格舜干羽而七旬  
遂格此偽書矣韓詩外傳而增飾之耳其夏商考信錄四卷謂  
彭蠡別一地非鄱陽彭蠡自在江北爲漢水所匯鄭樵以東匯  
澤爲彭蠡東爲北江入於海十三字爲衍文固謬朱子蔡傳不  
疑以鄱陽爲彭蠡之誤而反疑經爲誤亦非謂庭堅非臯陶當  
是兩人謂允征乃偽書義和廢職雖之可也何必興師且義和  
黨羿羿必助之仲康安能征之至六卿分掌六師皆誓所記甚  
明自周官始言司馬掌六師師偽書周官篇因之夏時必無是  
語也謂募湯舟非陸地行舟乃力能搖櫓尋之舟而覆之也謂  
元鳥生商當從毛傳春分元鳥至祈於郊禘而生契不當從史



記吞鳥卵之說謂湯誓言率割夏邑則知夏之政不行於諸侯  
言夏罪其如台則知桀不能囚湯湯固未嘗立桀之朝爲桀之  
臣也。謂外丙仲王當從孟子不當從僞孔傳。削去外丙仲王兩  
代。程子胡氏之說皆謬。謂祖甲乃武丁子非太甲當從馬鄭其  
豐鎬考信錄八卷謂夏商周未有號爲某公者。公亶父相連成  
文。猶所謂公劉公非公叔類也。古公亶父猶言昔公亶父也。謂  
太王流離播遷之不服何暇謀商。閼宮詩語夸誕。僖公乞師於  
楚以代齊而此詩反謂荆舒是德則翦商一語豈可信以爲實。  
謂齊魯韓三家皆以關雎爲康王時詩。關雎取興河洲而岐陽  
距河絕遠。况亭但言后妃尙未指爲何王之后。安得據一言而



廢三家之說乎。謂周自立國於岐。與商無涉。文王未嘗立於紂之朝。所謂服事殷者。不過王帛反馬卑禮以奉之耳。非委質而立於其朝也。謂文王美里之厄。詩書不言。論語孟子亦不言。至易傳始言之。易傳本非孔子所作。是以汲冢周易有陽陰篇而無十翼。卽所云大難亦未言爲何難。謂武王牧野以前其事殷之心與文王不異。孔子言周之德。周者文武之統。稱況上文所記者。武王之言。以爲論武而兼文。則可。若以爲專論文而不及武。則上下文不相屬矣。謂僞泰誓云。惟十有三年春。不書月而反書時。尙書有是文體乎。又云。惟戊午。王次於河朔。蒙日於時。而反無月。不特尙書卽春秋亦無此文體也。謂周介戎狄之間。



乃商政所不及至。寢昌寢大。又商所不能。臣紂與文武原無君臣之分。但爲名號正朔所存。故論文武者。但問其實爲紂。臣與否。而不必問其伐商不伐商。果君臣也。則曹操雖不篡漢而罪與丕無殊。非君臣也。則武王雖伐商而至德。與文王不異。謂雖有周親二句。承周有大賚而言。言周雖有親戚不敵善人。故大賚之也。上句周指武王。下句周豈可指紂。謂唐叔乃成王母弟。周公之東也。唐叔實往歸禾。則成王非幼明矣。蓋成王居喪不言。周公以冢宰聽政。後人但聞周公攝政。遂誤以成王爲幼耳。謂管蔡二叔以殷畔。漢以前皆不言霍叔。至晉皇甫謐始稱。監殷有管蔡霍三叔。而僞尚書采之。謂微子之命難於措辭。而語



但這套其偽尤易明。謂儀禮非周公之制。古禮臣拜君於堂下。雖君有命。仍拜畢乃升。今儀禮君辭之乃升。成敗是拜上非拜下矣。古者公之下不得復有公。今儀禮諸侯之臣所諸諸公者。是春秋之末大夫僭也。覲禮大禮也。聘禮小禮也。今儀禮聘禮之詳反十倍於覲禮。蓋周衰覲禮缺失而聘禮通行故也。王穆后崩太子壽卒。晉叔向曰。王一歲而有三年之喪。二焉。今儀禮喪服篇爲妻期年。果周公所制之禮。叔向豈有不知何以所言。喪服與儀禮迥異。且十七篇多係士禮。而文繁物奢已如此。然則此書之作當在周末文勝之時。周公所制必不如是。謂周禮條理詳備。然以爲周公所作亦非也。書曰。弼成五服。至於五千。



孟子曰海內之地方千里者九今周禮封國諸公方五百里侯方四百里伯三百里子二百里男百里天子邦畿之外分九畿畿每面五百海內安得如許地而封之畿之耶古者建國必本大而末小今周禮天子之地僅四諸公而諸公之地乃二十五倍於男邦正賈誼所謂胫大如腰指大如股者是豈先主之法制乎孟子其實皆什一也公羊曰什一者天下之中正也今周禮乃云遠郊二十而三甸稍縣都皆無過十二其非周公之法明矣孟子曰厘無夫里之布是正賦之外無課於民者今周禮使不毛者無職事者出夫里之布其非周公之法又明矣古者止有一郊祭天乃如郊祭地則如社今周禮云祭天南郊祭地



北郊果爾則周公於洛何以一郊卽兼祭天地且南北郊亦不當同日春秋書郊凡九皆但書郊果有南北兩郊不應混而同之謂共和者因周召二相和衷共懾而稱之以爲共伯和者謬謂龍釐事荒誕不足信謂伯夷叔齊無扣馬諫伐紂事辟紂故餓餓故思養而歸於周論語但言餓於首陽不言餓死於首陽蓋戰國時楊墨橫議常非堯舜薄湯武以快其私毀堯則託諸許由毀禹則託諸子高毀孔子則託諸老聃毀武王則託諸伯夷太史公尊黃老故好采異端雜說學者但當信論孟不當信史記其洙泗考信錄四卷餘錄三卷謂今語語非孔門論語之原本亦非漢初魯論之舊本齊論語章句多於魯論是齊魯互



異也。張禹本授魯論晚講齊論後刪而合之號張侯論然則今之論語乃張禹所更定也。禹但知媚王氏以保富貴耳何足以知論語其不當刪而刪不當采而采蓋不少矣。如公山佛肸兩章蓋戰國之士顧自便其私故誣聖人以自解而張禹誤采之。夫佛肸叛乃趙襄子時事其時孔子已卒矣何往之有此誣聖之大者也。謂孔子家語原書已佚今之家語乃魏晉閒人雜取子史中孔子事跡增益而成者謂孔子事見於異端雜說者人猶不信至世家及家語載之而人始信之矣。至孔子年譜則又采之世家家語及諸雜說者其謬尤甚。謂左傳言孔子相者相禮也非相國也。史記誤以爲相國之相謂宋爲宋邑似畏匡過



宋本一事匡人其如予何。桓魋其如予何。似一時一事之言。記者小異耳。謂孔子無刪詩書之事先。儒以春秋爲託南面之權。行黜陟之事。其說亦非。蓋春秋所闕者。天下之治亂。所正者。天下之名分。不可仍以諸侯之史目之。故曰天子之事耳。春秋得孔子修之。則善不待褒而自見。惡不待貶而自明。大義性然。功罪昭著。故曰成春秋而亂臣賊子懼。謂孔子所謂一貫。曾子以爲忠恕。是卽忠恕也。先儒釋之曰。一理渾然。此渾然者。果何物乎。從曾子之言。則學者皆有所持循。從宋儒之言。則聖道反入於虛杳。吾甯從曾子。不敢從宋儒也。謂南容非南适敬叔以爲一人。其誤有六語。詳本書。謂論語左邱明非作傳之左邱明。作



傳之左邱明未嘗親炙孔子劉歆謂親見夫子無所據其論語  
餘說一卷謂天下之理皆寓於事非聞見閱歷不能知故聖人  
教人多聞擇善而從之多見而識之曰我非生而知之者好古  
敏以求之者也又曰以思無益不如學也至宋儒始好以窮理  
爲說以靜坐爲功以明心見性爲道然則聖人何爲教人多聞  
多見乎其孟子事實錄二卷謂孟子至梁不在惠王二十五年  
當在後元十二年襄陵旣敗之後蓋惠王三十七年始僭稱王  
惟旣稱王故孟子稱之曰王惟旣敗故有喪地之語謂後人疑  
孟子當尊周室不當勸齊梁行王政不知周顯王時周已失國  
至東周西周君判爲兩三已降同諸侯是時民困已極孟子急



欲大民。故勉以王政保民之事。此時而責以尊周是不識時勢而妄議也。其三代正朔考一卷。調孔子修春秋以尊王室。斷無改本朝正朔之理。王正月卽周正月也。謂三正並行於侯國列國自用其歷。聖王不强使從已。故周十二月卜偃謂之十月。周三月絳老人謂之正月。可見周用周正。晉自用夏正也。其三代經界考一卷。謂聖王治天下惟期安民。必不紛更以擾民。夏貢殷助周徹。各因其宜。至諸侯之國各仍其舊。公劉當夏殷之際而徹田爲糧。可知夏殷貢助不盡行於天下也。謂方田法田不盡方而算自方。并田之制亦若是耳。其禘祀通考一卷。謂禘見於春秋者二。閔二年吉禘於莊公。僖八年禘於太廟。觀此則太



廟羣廟皆有禘器。非祭始祖所自出之禘也。禘見於左傳者三。昭十五年將禘於武公。二十五年將禘於襄公。定八年禘於禧公。此三事皆禘羣廟。非祭始祖所自出也。禘見於論語者二。所以不欲觀。所以不答。或問之。故皆無明文。禘見於王制。禮運。郊特牲。明堂位。祭統。祭義。皆無祭始祖所自出之說。惟喪服小記及大傳云。王者禘其祖之所自出。以其祖配之。亦無祭始祖所自出之說。加始字於祖之上。其誤始於趙匡。謂國語多自相矛盾。不足據。卽據國語。禘嚳之文。亦以其有功而祭。非以其爲始祖所自出而祭也。祭法一篇。出於漢儒。蓋襲國語之文。其謬有三。其讀風偶識四卷。謂齊魯韓毛均出於漢。三家之詩雖亡。然



見於漢人引述者有之與今詩序互異豈毛詩獨可信而齊魯韓皆不可信也謂前人以詩序爲子夏毛公所作非有實據而衛宏作詩序則後漢書實有朋文申公說詩疑者不傳衛宏在後何以每篇皆能悉其爲某人之事謂風雅南皆詩之體江沘汝漢皆在岐周之東不當言化自北而南其古文尙書辨僞二卷謂東漢以後杜林賈逵馬融鄭康成傳古文尙書皆止二十九篇史記所引尙書皆二十九篇之文並無今書二十五篇一語謂後人尊僞書不敢廢者以人心道心數語爲宋以來理學諸儒所宗也不知危微二語出荀子荀子凡引詩書皆稱詩云書云獨此稱道經曰人心之危道心之微則知荀子所見秦



火以前之。尙書無危微二語也。先生之學考註詳明如漢儒而  
未嘗墨守舊說而不求其心之安。辨析精微如宋儒而未嘗空  
談虛理而不核乎事之實。山陽汪文端序稱其書爲古今不可  
無之書。其功爲世儒不可及之功。其心折如此。先生卒於嘉慶  
二十一年。年七十有七。弟子陳履和、雪南、石屏舉人。遇先生於  
京邠。見考信錄。卽執弟子禮。先生歿。爲刊其遺書。



張皋文先生事略 董士錫

阮文達居館職時創立國史儒林傳其序述前代師儒分合及本朝理學經學諸儒源流甚晰而亟稱近世張惠言之於孟虞易說與孔廣森之於公羊春秋皆爲專家絕學蓋自惠氏棟作周易述大旨遵虞翻補以鄭荀諸儒學者以未能專一少之漢人之易孟費諸家各有師承勢不能合張先生傳虞氏易卽傳漢孟氏易矣是以爲孤經絕學也先生名惠言字皋文江蘇武進人少孤貧年十四卽爲童子師舉乾隆丙午鄉試教習景由官學期滿例得引見聞母疾急歸遂居母憂嘉慶四年睿皇帝始親政試天下進士加慎先生中式時大學士朱文正



公以先生學行特奏選庶吉士。允實錄纂修官。蓋前後七試禮部而後遇年三十有九矣。六年散館。以部屬用。文正復特奏改授編修。七年卒。年四十二。先生清羸鬢眉作青。組色面有風稜。而性特和易。至義之所在。必達而後已。鄉會試皆出文正之門。未嘗求私見。以所能自異。默然隨羣弟子進退而已。文正潛察得之。得大喜。故屢進達之。而先生斷斷以善相諍。不敢隱文正言。天子當以寬大得民。先生言。國家承平百餘年。至仁涵育。遠出漢唐宋之上。吏民習於寬大。故奸孽萌芽。其閒宜大伸罰。以肅內外之政。文正言。天子當優有過大臣。先生言。庸猥之輩。倖致通顯。復攘朝廷法。惜全之。當何用。文正喜。進淹雅。



之士先生言當進內治官府外治疆場者與同縣洪編修亮吉  
於廣坐諍之文正不以爲忤也爲庶吉士時嘗奉  
篆。命詣盛京

列聖加尊號玉寶言於當事者宜自京師下所司等上上玉刻  
成遣使奉藏其舊藏寶不得磨治當事以爲然格於例不果  
奏又言翰林官乃

皇帝侍從奉命篆

列聖寶宜奏請馳驛不得由部給火牌亦於例不果奏先生  
歎曰天下事皆如是耶吾位卑能言之而已篆書初學李陽冰  
後學漢碑額及石古文嘗曰少溫言篆書如鐵石陷入屋壁此



最精晉書象勢。是晉人語。非漢中郎語也。少爲詞賦。嘗擬司馬相如揚雄及壯爲古文。效韓氏愈。歐陽氏修。言禮主鄭氏康成。言易主虞氏翻。所著周易虞氏義九卷。虞氏消息二卷。其虞氏易序曰。白漢成帝時。劉向校書。考易說以爲諸家皆祖田何楊叔丁將軍。大義略同。惟京氏爲異。而孟喜受易家陰陽。其說易本於氣。而後以人事明之。入卦六十四象。四正七十二候。變通消息。諸儒皆祖述之。莫能具。當漢之季年。扶風馬融作易傳授鄭康成。康成作易註。而荊州牧劉表。會稽太守王朗。潁川荀爽。南陽宋忠。皆以易名家。各有所述。惟翻傳孟氏學。嘗作易注。奏上以獻。帝翻之言。易以陰陽消息。六爻發揮。旁通升降。上下歸。



於乾元用九而天下治。依物取類貫穿比附離根散葉啗莠條  
理。後儒罕能通之。自魏王弼以空言解易。唐立之學宮。而漢儒  
之說微獨。李鼎祚作集解。頗採古易家言。而翻注爲多。其後古  
書盡亡。而宋道士陳搏以意造爲龍圖。其徒劉牧以爲易之河  
圖洛書也。河南邵雍又爲先天後天之圖。宋之說易者翕然宗  
之。以至於今。牢不可破。而易陰陽之大義。蓋盡晦矣。清興百  
年。元和徵士惠棟始考孟京荀鄭虞氏古義。作易漢學。又自爲  
解釋。曰周易述。然掇拾於已廢之後。左右采獲。十無二三。其所  
述大氏宗禰虞氏。而未能盡通矣。旁徵他禰以合之。蓋從唐五  
代宋元明朽壤散亂。千有餘年。區區修補。撫拾欲一旦而其道



復明斯固難也。翻既承世學。又具見馬鄭荀宋氏書。考其是否。故其義爲精。又古書亡。而漢魏師說。可見者十餘家。惟鄭荀虞三家略。有梗概。可指說。而虞又較備。然則求七十子之微言。田何楊叔丁將軍之所傳者。舍虞氏之注。其何所自焉。故求其條貫。明其統例。釋其疑滯。信其亡闕。爲虞氏義九卷。又表其大指。爲消息二卷。庶以探頤索隱。存一家之學。其所未寤。俟有道正焉耳。先生又撰虞氏易禮易事易侯易言及周易鄭荀義易義別錄易圖條辨儀禮圖說文諧聲譜茗柯文集共數十卷。生平修學立行。敦禮自守。嘗言文章末也。爲人非表裏純白。豈足爲第一流哉。弟子從受易禮者十數。甥重士錫字晉卿能傳其學。



江容甫先生事略

賈田祖  
鍾襄

江德量

顧九苞

顧鳳毛

江先生中字容甫江蘇江都人生七歲而孤家酷貧冬夜藉薪而臥旦供爨給以養親力不能就外傳母鄒授以小學四子書稍長傭書材塾中代學子爲文塾師大驚異久之就書賈借讀經史百家觸目成誦遂爲通人弱冠補諸生杭董甫沈椒園皆賞異之學使朱竹君禮爲上客同時鄭炳也王德甫錢竹汀盧紹公並爲延譽乾隆丁酉謝侍郎塘督學江蘇選充拔貢生每試別置一榜署名諸生前謂所取士曰若能受學於容甫業當益進又曰予之先容甫以爵也以學則北面事之矣先生以母老竟不朝考絕意仕進丙午朱文正以佳郎典試江南語人曰



此行必得汪某爲選首。不知其不與試也。文正旋督學浙江。先生往謁。問及揚州文獻。作廣陵對三千餘言。文極奇偉。畢尙書沅開府湖北。禮先生入幕。屬撰琴臺銘。黃鶴樓記。甫脫稿。好事者爭傳誦之。先生治經宗漢學。謂國朝諸儒崛起。接二千餘年。墜緒。若顧亭林。閻百詩。梅定九。胡朏明。惠定宇。戴東原。皆足繼往開來。經學自亭林始。閻氏端河洛圖書至胡氏。而繼中式。推步至梅氏。而精力闢古文者。閻氏也。專治漢易者。惠氏也。及東原出。而集大成焉。擬作六儒頌。未成。好金石碑版。嘗從射陽湖項氏墓。得漢石闕。孔子見老子畫像。因署其堂曰問禮。性伉直。不信釋老陰陽神怪之說。謂周禮天神地示神鬼。今合而爲



一。如。文。昌。天。神。也。東。嶽。地。示。也。先。聖。先。師。人。鬼。也。天。神。地。示。世。俗。必。求。其。人。以。實。之。豈。不。大。愚。乎。尤。惡。淫。祀。見。人。邀。福。祠。禱。者。輒。罵。之。聞。者。掩。耳。走。而。先。生。自。喜。益。甚。於。時。彥。不。輕。許。可。見。負。盛。名。者。必。譏。彈。其。失。或。規。之。則。曰。吾。所。罵。皆。非。不。知。古。文。者。或。且。求。吾。罵。焉。不。得。耳。事。母。至。孝。家。無。甌。石。儲。而。滌。髓。必。具。侍。母。疾。晝。夜。不。交。睫。廁。牕。皆。親。滌。焉。晚。歲。離。使。全。德。耳。其。名。延。請。鑒。別。書。畫。甲。寅。校。四。庫。全。書。於。浙。江。之。文。宗。閣。疾。終。西。湖。葛。嶺。僧。舍。年。五。十。有。一。先。生。少。工。詩。治。古。文。不。取。韓。歐。以。漢。魏。六。朝。爲。則。著。述。學。內。外。篇。及。廣。陵。通。典。周。官。徵。文。左。氏。春。秋。釋。疑。于。喜。孫。字。孟。慈。嘉。慶。丁。卯。舉。人。能。讀。父。書。長。於。考。據。同。時。學。者。有。賈。




君田祖江君德量顧君九苞鍾君襄皆與先生善

田祖字稻孫號禮耕高郵人廩膳生好學多所瞻涉喜左氏春秋未嘗去手旁行斜上朱墨爛然與陽湖洪稚存同里王懷祖李孝臣友善矜立名節猛志疾邪大罵學力行之士也德量字成嘉一字秋吏儀徵人世父昱字賓谷江都諸生讀書好古爲聲音訓詁之學著有松泉集韻岐瀟湘聽雨錄諸書秋史少溺苦於學與汪容甫爲文字交所業益進乾隆庚辰一甲二名進士賜及第授編修改御史精於小學好藏碑版名書畫古錢著泉志三十卷又撰廣雅疏未成而卒九苞字文子興化人治聞強記長於毛詩三禮母任氏子田侍御之祖姑也博通經史



父子之學得諸母教爲多與乾隆辛丑進士尋卒子鳳毛字超  
宗亦受經於祖母年十一通五經著有毛詩集解楚詞韻考入  
聲韻考乾隆甲辰 聖駕南巡 召誠列二等後舉戊申副榜  
早世鍾襄字敬崖甘泉人優貢生與阮文達元焦孝廉循善共  
討論經學實事求是君淡然無欲以讀書爲樂生平篤實敦善  
行嘗撰漢儒考較陸元朗所載增多十餘人文達爲刻考古錄  
四卷







凌次仲先生事略

凌先生延堪字次仲安徽歙人六歲而孤家貧年十二棄書學  
賈偶讀唐詩選本及詞綜。還。能。詩。詞。見。者。大。義。之。二。十。餘。始。復。  
讀書。濯。時。過。難。成。也。著。辨。意。賦。以。見。志。慕。其。鄉。江。慎。修。戴。東。原。  
之。學。復。從。翁。覃。溪。阮。文。達。遊。於。禮。經。用。力。最。深。不。輟。寒。暑。二。十。  
餘。年。於。史。則。大。事。本。末。地。里。官。制。沿。革。及。元。史。姓。氏。有。問。者。從。  
容。置。答。如。數。家。珍。焉。乾。隆。五。十。五。年。戊。進。士。出。朱。文。正。王。文。端。  
二。公。門。例。選。知。縣。改。寧。國。府。教。授。便。於。養。母。治。經。也。著。禮。經。釋。  
例。十。三。卷。謂。儀。禮。委。曲。繁。重。不。得。其。經。緯。塗。徑。雖。上。哲。亦。苦。其。  
難。苟。得。之。中。材。可。勉。起。焉。經。緯。塗。徑。之。謂。何。例。而。已。矣。如。鄉。飲。



酒此飲食之禮也而有司徹祭畢飲酒其例亦與之同尸卽鄉  
飲酒之賓也侑卽鄉飲酒之介也主人獻尸主人獻侑主人受  
尸酢卽鄉飲酒之主人獻賓主人獻介賓酢主人也主人酬尸  
與而不舉卽鄉飲酒之主人酬賓漢而不舉也旅酬無算爵卽  
鄉飲酒之旅酬無算爵也此異中同也也有司徹獻尸獻侑及  
受尸酢有籩豆牢俎七清肉湑燔從諸節鄉飲酒獻介獻賓及  
酢主人但薦與俎而已有尸徹獻尸獻侑之禮主人主婦上賓  
凡三獻鄉飲酒但主人一獻而已有司徹獻尸侑畢復有獻長  
賓主人自酢及酬賓之儀鄉飲酒但獻眾賓而已有司徹旅酬  
便二人舉觶於尸侑以發端鄉飲酒但使一人舉觶於賓而已



本司徹無算爵賓黨則用主所貴之觶主人黨則中兄弟後生  
所舉之觶以發端鄉飲酒則但使二人舉觶於賓與介而已此  
同中之異也推之於士冠禮冠禮醴賓以一獻之禮鄉飲酒鄉  
射明日患司正。特性饋食禮祭畢獻賓其例皆大約相同而鄉  
射之同於鄉飲酒者更無論也又如聘禮之聘享覲此賓客之  
礼也而聘畢間卿面卿及士昏禮納采納徵之屬其例亦與之  
同間卿授束帛昏禮授雁卽享禮之授璧也問卿及昏禮納徵  
庭實用皮卽享禮之庭實用皮也昏禮使者禮畢主人禮賓卽  
聘禮之聘賓禮畢主國之君禮賓也面卿幣用束錦庭實用馬  
卽私覲之幣用束錦庭實用馬也聘賓面卿畢介面眾介面卽



聘賓之私覲畢介覲眾介覲也此異中之同也。聘川圭享用璧面昏及卿禮無授玉之事。但用束帛及雁。如享禮而已。聘禮聘賓主昏禮使者至皆設几筵。問卿賓及廟門。不几筵。但賓者請命而已。聘禮既享未覲之際。則禮賓問卿畢不宿。但人而師之禮而已。聘禮禮賓侑禮以幣。昏禮禮賓但酌醴禮之而已。聘享聘賓主因之賓皆皮弁服。有襲裼之殊。問卿聘賓主人但朝服昏禮使台主人但元端而已。聘禮受玉於中堂與束楹之間。問卿則受幣於堂中西昏禮則受雁於楹閒而已。此同中之異也。推之於人相見已及聘禮郊勞致館歸饗餼其例皆大約相同而聘禮之同於覲禮者更無論也。是故鄉飲酒鄉射燕禮大射



不同也。而其爲獻酢酬旅酬無算爵之例則同也。聘禮覲禮不同也。而其爲郊勞執玉行享庭實之例則同也。特牲饋食少牢饋食不同也。而其爲尸飯主人初獻主婦亞獻賓客長三獻祭具祀酒之例則同也。鄉射大射不同也。而其爲司射誘射初射不耳獲再射釋獲飲不勝者三射以樂節射飲不勝者之例則同也。不啻通其例一以貫之。祇厭其膠葛重複而已耳。烏覩所謂社緯塗行者哉。於是區爲八類。曰通例上下二卷。曰飲食之例上中下二卷。曰賓客之例一卷。曰射例一卷。曰變例一卷。曰祭例上下二卷。曰器服之例上下二卷。曰雜例一卷。共爲卷十三。至於第十一篇。自漢以來說者雖多。由不明尊尊之旨。故罕得



經意乃爲封建尊尊服制先一篇。附於變例之後。不別立宮室之例者。宋李氏如圭等已詳故也。先生又著燕樂考源。元遺山年譜校禮堂集。又著魏書音義。未成。先生雄於文。九慰七戒。兩音辨亡論。十六國名臣序贊諸篇。上擬騷選。鄉射五物考。九拜解。九祭解。釋牲詩。楚茨考。旅酬下爲上解。諸篇皆說經之文。發古文所未發。其尤卓然可傳者。則有復禮三篇。唐宋以來儒者所未有也。復禮上曰。夫人之所受於天者。性也。性之所固有者。善也。所以復其善者。學也。所以貫其學者。禮也。是故聖人之道。一禮而已矣。孟子曰。契爲司徒。教以人倫。父子有親。君臣有義。夫婦有別。長幼有序。朋友有信。此五者皆吾性之所固有者也。



聖人知其然也。因父子之道而制爲士冠之禮。因君臣之道而制爲聘覲之禮。因夫婦之道而制爲士昏之禮。因長幼之道而制爲鄉飲酒之禮。因朋友之道而制爲士相見之禮。自一子以至於庶人。少而習焉。長而安焉。禮之外別無所謂學也。人性具於生初。而情則緣性而有者也。性本至中。而情則不能太過。不及之偏。非禮以節之。則何以復其性焉。父子當親也。君臣當義也。夫婦當別也。長幼當序也。朋友當信也。五者根於性者也。所謂人倫也。而其所以親之義之別之序之信之則必由乎情以達焉者也。非禮以節之。則過者或溢於情。而不及者明漠焉。遇之故曰喜怒哀樂之未發。謂之中。發而皆中節。謂之目。初其中節。



也。非自能中節也。必有禮以節之。故曰。非禮何以復其性焉。是故知父子之當親也。則爲醴醢祝字之文以達焉。其禮非士冠可賅也。而於士冠焉。始之知君臣之當義也。則爲堂廉拜稽之文以達焉。其禮非聘覲可賅也。而於聘覲焉。始之知夫婦之當別也。則爲笄次悅聲之文以達焉。其禮非士昏可助力精於士昏焉。始之知長幼之當序也。則爲盥洗酬酢之文以達焉。其禮非鄉飲酒可賅也。而於鄉飲酒焉。始之知朋友之當信也。則爲雉膳奠授之文以達焉。其禮非士相見可賅也。而於士相見焉。始之記曰。禮儀三百。威儀三千。其事蓋不僅父子君臣夫婦長幼朋友也。卽其大者而推之。而百行舉不外是矣。其篇亦不僅



士冠聘覲士昏鄉飲酒士相見也。卽其存者而推之。而五禮舉不外是矣。良金之在井也。非梁氏之模範不能爲量焉。良材之在山也。非倫人之規矩不能爲車焉。禮之於性也。亦猶是而已矣。如曰舍禮而可以復性也。是金之爲量不必待模範也。材之爲車不必待規矩也。如曰舍禮而可以復性也。必如釋氏之幽深微渺而後可。若猶是聖人之道也。則舍禮奚由哉。蓋聖至隱也。而禮則見焉者。性至微也。而禮則顯焉者。故曰莫見乎隱。莫顯乎微。故君子慎其獨也。三代盛王之時。士以禮爲教。下以禮爲學。君子學士冠之禮。自三加以至於受醴。而父子之親油然而矣。學聘覲之禮。自受王以至於親勞。而君臣之義秩然矣。學士



昏之禮自親迎以至於徹饌成禮而夫婦之別判然矣學鄉飲  
昏之禮自始獻以至於無算爵而長幼之序井然矣學士相見  
之禮自初見贄以至於既見還贄而朋友之信昭然矣蓋至天  
下無一人不固於禮無一事不依於禮循循焉日以復甚性於  
禮而不自知也劉康公曰民受天地之中以生所謂命也是以  
有動作禮義威儀之則以定命也故曰天命之謂性率性之謂  
道修道之謂教夫其所謂教者禮也卽父子有親君臣有義夫  
婦有別長幼有序朋友有信是也故曰學則三代共之皆所以  
明人倫也復禮中日記曰仁者人也親親爲大義者宜也尊賢  
爲大親親之殺尊賢之等禮所生也此仁與義不易之解也又



曰君臣也。父子也。夫婦也。昆弟也。朋友之交也。五者天下之達道也。知仁勇三者。天下之達德也。此道與德。不易之解也。不必舍此而別求新說也。夫人之所以爲人者。仁而已矣。凡天屬之親。則親之。從其本也。故曰仁者人也。親親爲大。亦有非天屬之親。而其人爲賢者。則尊之。從其宜也。故曰義者宜也。尊賢爲大。以喪服之制論之。昆弟親也。從父昆弟。則次之。從祖昆弟。又次之。故昆弟之服。則疏衰裳齊期。從父昆弟之服。則大功布衰裳。九月。從祖昆弟之服。則小功布衰裳。五月。所謂親親之殺也。以鄉飲酒之制論之。其實賓也。其介則次之。其眾賓又次之。故獻賓則分階。其俎用肩。獻介則共階。其俎用肫。脰獻眾賓。則其長



升受有薦而無俎。所謂尊賢之等也。皆聖人所制之禮也。故曰。親親之殺。尊賢之等。禮所生也。親親之殺。仁中之義也。尊賢之等。義中之義也。是故義因仁而後生。禮因義而後生。故曰。君子義以爲質。禮以行之。孫以出之。信以成之。禮運曰。禮也者。義之實也。協諸義而協。則禮雖先王未之有。可以義起也。郊特牲曰。父子親。然後義生。義生。然後禮作。董生曰。漸民以仁。摩民以義。節民以禮。然則禮也者。所以制仁義之中也。故至親可以掩義。而大義亦可以滅親。後儒不知。往往於仁外求義。復於義外求禮。是不識仁。且不識義矣。烏覩先王制禮之大原哉。是故以昆弟之服。服從父昆弟。從祖昆弟。以獻賓之禮。獻介獻眾賓。則謂



之過。以從祖昆弟從父昆弟之服。服昆弟以獻介獻眾賓之禮。獻賓則謂之不及。蓋聖人制之而執其中。君子行之而協於中。庶幾無過不及之差焉。夫聖人之制禮也。本於君臣父子夫婦昆弟朋友五者。皆爲斯人所共由。故曰道者所由適於治之路也。天下之達道是也。若舍禮而別求所謂道。則杳渺而不可憑矣。而君子之行禮也。本之知仁勇三者。皆爲斯人所同得。故曰德者得也。天下之達德是也。若舍禮而別求所謂德。則虛懸而無所薄矣。蓋道無跡也。必緣禮而著見。而制禮者以之。德無象也。必藉禮爲依歸。而行禮者以之。故曰苟不至德。至道不凝焉。是故禮也者。不獨大經大法。悉本乎天命民彝而出之。卽一器



數之微。一儀節之細。莫不各有精義。彌綸於其間。所謂物本有。末事有終始是也。格物者。格此也。禮器一篇。皆格物之學也。若泛指天下之物。有終身不能盡識者矣。蓋必先習其器數儀節。然後知禮之原於性。所謂致知也。知其原於性。然後行之出於誠。所謂誠意也。若舍禮而言誠意。則正心不當在誠意之後矣。記曰。自天子以至於庶人。壹是皆以修身爲本。又曰。非禮不動。所以修身也。又曰。修身以道。修道以仁。卽就仁義而申言之曰。禮所生也。是道實禮也。然則修身爲本者。禮而已矣。蓋修身爲平天下之本。而禮又爲修身之本也。後儒置子思之言不問。乃別求所謂仁義道德者於禮。則視爲末務。而臨時以一理衡量。



之則所言所行不失其中者鮮矣。曲禮曰：道德仁義非禮不成。此之謂也。復禮下曰：聖人之道至平且易也。論語記孔子之言：備矣。但恆言禮未嘗一言及理也。記曰：道之不行也，我知之矣。知者過之，愚者不及也。道之不明也，我知之矣。賢者過之，不肖者不及也。彼釋氏者流，言心言性，極於幽深微渺，適成其爲賢知之過。聖人之道，不如是也。其所以節心者，禮焉。爾不遠尋夫天地之先也。其所以節性者，亦禮焉。爾不侈談乎理氣之辨也。是故冠昏飲射，有事可循也。揖讓升降，有儀可按也。豆籩鼎俎，有物可稽也。使天下之人少而習焉，長而安焉。其秀者有所憑，而人於善頑者有所檢束，而不敢爲惡。上者陶淑而底於成，下



者亦漸漬而可以勉而至聖人之道所以萬世不易者此也聖人之道所以別於異端者亦此也後儒熟聞夫釋氏之言心言性極其幽深微眇也往往怖之愧聖人之道以爲弗如於是竊取其理氣之說而小變之以鑿聖人之遺言曰吾聖人固已有此幽深微眇之一境也復從而闢之曰彼之以心爲性不如我之以理爲性也嗚呼以是爲尊聖人之道而不知適所以小聖人也以是爲闢異端而不知陰入於異端也誠如是也吾聖人之於彼教僅如彼教性相之不同而已六爲足大異乎彼教哉儒釋之互援實始於此矣詩曰鳶飛戾天魚躍于淵說者以爲喻惡人遠去民得其所卽中庸引而伸之亦不過謂聖人之德



明著於天地而已。曷嘗有化機也。子在川上曰：逝者如斯夫，不  
舍晝夜。說者以爲感歎時往不可復追。卽孟子推而極之，亦不  
過謂放乎四海有本者如是而已。曷嘗有悟境也。蓋聖人之言，  
淺求之，其義顯然；此所以無過不及爲萬世不易之經也。深求  
之，流入於幽深微眇，則爲賢知之過，以爭勝於異端而已矣。何  
也。聖人之道本乎禮而言者也。實有所見也。異端之道外乎禮  
而言者也。空無所依也。子所雅言詩書執禮。顏子問仁，子曰：克  
己復禮爲仁。請問其目，曰：非禮勿視，非禮勿聽，非禮勿言，非禮  
勿動。顏淵曰：夫子循循然，善誘人。博我以文，約我以禮。聖人舍  
禮無以爲教也。賢人舍禮無以爲學也。詩書博文也。執禮約禮



也。孔子所雅言者也。仁者行之盛也。孔子所罕言者也。顏淵大賢且體而微其問仁與孔子告之爲仁者惟禮焉耳。仁不能舍禮但求諸理也。子貢曰夫子之文章可得而聞也。夫子之言性與天道不可得而聞也。文章詩書執禮也。性與天道非不可得而聞。卽且於詩書執禮之中不能託諸空言也。夫仁根於曰而視聽言動則生於情者也。聖人不求諸禮而求諸禮蓋求諸理必至於師心求諸禮始可以復性也。顏淵見道之高堅前後幾於杳眇而不可憑迫至博文約禮然後曰如有所立卓爾卽立於禮之立也。故曰不學禮無以立。又曰不知禮無以立也。其言之明顯如此。後儒不察乃舍禮而論立縱極幽深微眇皆釋氏



之學非聖學也。顏子由學禮而後有所宜。於是馴而致之。其心三月不違仁。其所以不違者。復其性也。其所以復性者。復於禮也。故曰。一日克己復禮。天下歸仁焉。夫論語聖人之遺書也。說聖人之遺書。必欲舍其所恆言之禮。而事事附會於其所未言之理。是果聖人之意耶。後儒之學。或出釋氏。故謂其言之彌近理。而大亂真。不然。聖學禮也。不云理也。其道正相反。何近而亂真之有哉。先生此論。與張蒿菴之中庸論。皆古今絕識。大有功於聖學者也。其燕樂考原。由燕樂以通古樂。江君鄭堂謂其思通鬼神焉。先生卒於嘉慶十四年。年五十有五。







余古農先生事略

江藩

江元亮

袁廷履

鈕樹玉

先生諱蕭客字仲林別字古農吳縣布衣也。年十五通五經。家貧不能蓄書。有茗溪書賈余姓。借以左傳注疏讀。而月還之。徐訝其速。曰熟讀矣。徐試之。背誦終卷無誤。大駭。曰子奇人也。贈以十三經注疏。十七史說文解字。玉篇廣韻。於是閉戶肄經史。博覽羣書。性癖古籍。聞有異書。必徒步往借。以郭注爾雅。用舊注而掩其名。謂之攘善無恥。乃採孫炎李巡舊注爲之釋。書未成。先成注雅別鈔八卷。專攻陸佃新義。埤雅及羅願爾雅翼之誤。兼及蔡卡毛詩名物解。沈宗伯德潛見其書。折節與交。年逾冠。以注雅別鈔就正於惠氏。定字定字曰陸佃蔡卡乃安石新



學人人知其非羅願非有宋大儒均不足辨也。凡讀書撰著當務其大且遠者。先生矍然遂執贄稱弟子焉。吳縣未文游藏書最富。先生館其家得徧讀四部書。又嘗閱道藏於元妙觀。閱佛藏於南禪寺。昕夕手一編弗輟。致目力虧損。或令坐暗室中。目蒙藍布。存想北斗七宿。一年後目復明。然讀書但能讀大字本而已。方恪敏觀承延至保定。修畿輔水利志。遊京師。與朱學士鈞紀文達的。胡文恪高望。善咸謂其學在深寧亭林之間。因口疾復作。舉戴氏震自代。遂南歸。以經術教授鄉里。閉目口授時。江震滄孝廉鈞亦以目疾。授徒人並稱畜先生。同郡以經義詩古文相論難者。薛家三汪愛廬彭尺木汪竹香諸君上下其議。



論風發泉湧先生貌奇偉頂有二肉角疎眉大眼口侈多髯如  
軌革家懸鬼谷子像同社中戲呼鬼谷子云卒年四十有七所  
著述甚多爾雅釋注雅別鈔及文選音義均恤其少作不以示  
人別撰文選雜題三十卷皇侃論語義疏選音樓詩拾各若干  
卷其古經解鉤沈已採入四庫書弟子江藩字子屏甘泉人博  
聞強記心貫羣經纂國朝漢學師承記八卷使兩漢儒林家  
法之承授本朝經學之源流釐然可考又作宋學淵源記三  
卷分北學南學附記共若干人又取諸家撰述凡專經漢學者  
倣唐陸元明經典釋文傳注姓氏之例作國朝經師經義目  
錄一卷於易取胡氏渭之易圖明辨惠氏士奇之易說惠氏棟



之易周述易漢學易例及本義辨證洪氏榜之易述贊張氏惠言之虞氏義虞氏消息顧氏炎武之易音於書取閻氏若璩之古文尙書疏證胡氏渭之禹貢錙指惠氏棟之古文尙書考宋氏鑒之尙書考辨王氏鳴盛之尙書後案江氏聲之尙書集注音疏尙書經師彙表於詩取惠氏周惕之詩說戴氏震之毛鄭詩考正顧氏炎武之詩本音錢氏坫之詩音表於三禮取沈氏彤之周官祿田考惠氏棟之禘祫說江氏永之周禮疑義舉要戴氏震之考工記圖任氏大椿之弁服釋例錢氏坫之車制考張氏爾歧之儀禮鄭注句讀沈氏彤之儀禮小疏江氏永之儀禮釋宮譜增注褚氏寅亮之儀禮管見金氏曰追之儀禮正譌



張氏惠言之儀禮圖凌氏廷堪之禮經釋例黃氏宗義之深衣  
考惠氏棟之明堂大道錄江氏永之深衣考譚禮記訓義擇言  
任氏大椿之深衣釋例惠氏士奇之禮記說江氏永之禮經綱  
目金氏榜之禮箋於春秋取顧氏炎武之左傳杜解補正馬氏  
驥之左傳事緯陳氏厚耀之春秋長歷春秋世族譜惠氏棟之  
左傳補注沈氏彤之春秋左傳小疏江氏永之春秋地理考實  
惠氏士奇之說秋說於論語孟子取閻氏若璩之四書釋地江  
氏永之鄉黨圖考戴氏震之孟子字義疏證錢氏坫之論語後  
錄劉氏台拱之論語駢枝於諸經總義取顧氏炎武之九經誤  
字惠氏棟之九經古義江氏永之羣經補義臧氏琳之經義雜



記余氏蕭客之古經解。鉤沈武氏億之經讀考。異義證。劉氏台拱之經傳小記。於爾雅取邵氏晉涵之正義。戴氏震之方言疏。證江氏聲之釋名。疏證續釋名。任氏大椿之小學鉤沈。字林考逸。桂氏馥之說文解字義證。吳氏玉搢之別雅。於音韻取顧氏炎武之音學五書。江氏永之古韻標準。音學辨微。四聲切韻表。戴氏震之聲韻考。聲類表。洪氏榜之四聲均和表。示兒切語。於樂律取江氏永之律呂新論。律呂闡微。錢氏塘之律呂考。文凌氏廷堪之燕樂考原。皆專宗漢學。凡言不關乎經義小學意。不純乎漢儒古訓者。皆不著錄。亦可謂篤信謹守者矣。又汪君元亮字竹香。元和人。少與同郡。余古農薛香聞結詩社於城東。脾



睨餘子不可一世。乾隆壬午，與戴君東原同舉於鄉，相親善。乃  
究心經義及六書之學。生平論學推東原及程易疇。論詩文推  
古農。從游者多掇科第去。而君獨以著述終。又袁君廷禱、鈕君  
樹玉皆吳縣人。廷禱字壽階，家楓江，有小園饒水石之勝。又得  
先世所藏五硯，爲樓弄之。蓄書萬卷，皆宋元槧刻及金石碑版。  
法書名畫之屬，又得徐健庵、留植、洞庭山之紅蕙種，之名其室  
曰紅蕙山房。與錢竹汀、王西莊、段懋堂、王蘭泉諸公以經學相  
質證。生平無書不窺，尤精於小學。樹玉字井石，家洞庭山，隱於  
賈博極羣書，亦深小學。著說文解字校錄三十卷，說文新附考  
七卷。







江良庭先生事略

顧廣圻

徐題

褚寅亮

江先生諱聲字叔潛江蘇吳縣人少與兄筠同學不事帖括讀  
尚書怪古文與今文不類又怪孔傳庸劣支離安國不應若此  
年三十五師事惠松崖徵君得讀所著古文尚書考及閻百詩  
古文疏證知古文及孔傳皆晉時人僞作乃集漢儒說以注二  
十九篇漢注不備則旁考他書精研故訓成尚書集注音疏十  
二卷附補誼九條識僞字一條尚書經師系表一卷凡經文注  
疏皆以古篆書之疑僞古文者始於宋之吳才老朱子以後吳  
草廬郝京山梅賾皆未得其要領至本朝閻惠兩徵君乃能盡  
發其作僞之跡勦竊之原若刊正經文疏明古註則猶未之及



也。先生出而集大成焉。其辨泰誓尤精核。多閻惠二君所未及。精於小學。以許叔重說文解字爲宗。說文所無之字。必求假借之字以代之。生平不作楷書。筆札皆用古篆。俗儒非笑之。不顧也。嘗著六書說一首。自書勒石。其說轉注以五百四十部爲建類一首。以凡某之屬皆從某爲同意相受。實前人所未發。又恆星說一卷。讀者燎如指掌。喜爲北宋人小詞。亦不篆書。書之先生性耿介。不慕榮利。交遊中若王西莊。畢秋帆。王蘭泉。皆重其品藻。而先生未嘗以私干當事。益重其人。嘉慶元年。詔開孝廉方正科。江蘇巡撫費文恪公首舉先生。賜六品冠服。卒年七十有八。晚年因性不諧俗。取良背之義。自號良庭。學者稱良



庭先生子鏐字貢廷名諸生孫沅字鐵君優貢生世傳其學弟子數十人元和顧廣圻長洲後進最知名廣圻字千里號澗贊邑諸生天資過人無書不讀經史小學天文歷算輿地之學靡不貫通又能爲詩古文詞及駢體爲海內所推重題字述卿嘉慶乙丑以第二人賜進士及第官編修先生老友中來往親密者曰錢宮詹大所外推褚部郎寅亮之最

寅亮字摺升號鶴侶長洲人乾隆十六年召試舉人田內閣中書遷刑部員外郎與錢宮詹爲同年友深於經學從事禮經幾三十年嘗謂宋人說經好爲新說棄古注如土苴惟儀禮一書爲樸學空談義理者不能措辭而晦庵勉齋信齋又崇信之



故鄭氏之學未爲異義所泊至元吳興敖繼公撰集說雖公采先儒之言其實自注疏而外皆自逞私臆專攻鄭氏學者苦注疏之難讀而喜其平易乃聖人於世至說有不通每改竄經文以曲就其義蓋幾於無所思憚矣著儀禮管見四卷其說之最精者如鄉飲酒記北面者東上敖改東爲西駁之曰注明言統於門門在東則不得以西爲上也鄉射記勝者之君子洗觶升酌南面坐奠於豐上降袒執弓反位敖以袒執弓句爲衍駁之曰勝者之弟子卽射賓中年少者以是勝黨故袒執弓非衍文也燕禮勝觶於賓敖改觶爲觶駁之因凡獻以爵者酬以觶燕禮宰大主獻旣不以爵則酬亦不以解矣安可破觶爲觶乎大



射儀以耦左還上射於左敖依鄉射改爲於右馭之曰上射位  
在北下射位在南鄉射大射位所同但鄉射位在福西從福向  
西則北爲右大射次在福東從福向東則北爲左敖比而同之  
昧於東西之別矣喪服記公子爲其妻縗冠敖改縗爲練馭之  
曰練冠之紕言飾以縗故閒傳云練冠縗緣就其質言之曰練  
冠就其紕言之曰縗冠母重故言其質妻輕故言其紕非有二  
也士虞禮明齊醕酒敖以醕酒爲衍文駁之曰注明言有酒無  
醴據下文普薦醕酒亦專言酒不反醴豈得妄解明齊爲醴輒  
刪經文乎特牲饋食禮三拜眾賓眾賓答再拜敖改再爲一駁  
之曰鄉飲酒眾賓答一拜者大夫爲主人也有司徹之答一拜



者大夫爲祭主也。北土禮安得以此相例乎。先生精天文歷算之術，尤長於句股和較相求諸法。作句股廣問三卷，錢少詹著三統術衍，先生校正刊本，誤字少。詹服其精審，早年爲公羊何休之學，撰公羊釋例三十卷，謂三傳惟公羊爲漢學。孔子作春秋，本爲後王制作，訾議公羊者，實爲經旨。又因何邵公言禮有殷制，有時王之制，與周禮不同。作周禮公羊異義二卷，又著十三經筆記十卷，諸史筆記八卷，諸子筆記二卷，名家文集筆記七卷。乾隆五十年卒。



鄒叔勣先生事略

鄒先生漢勣字叔勣湖南新化人兄弟六人小秉庭訓皆以才稱而先生爲最年十五迨左氏義佐伯氏纂左氏地圖說十六七佐伯氏纂傳物隨鈔佐仲氏纂山經集譜諸書六八九纂六國春秋鄉居苦書少輒詣郡學借觀手錄口誦於天文推步方輿沿革六書九數之屬罪不研究而制舉業不循繩尺繁或干言簡不盈幅久困童子試道光十七年學使試以三江九江考異之拔補郡學生旋食廩餼亦先耳其名故也當先生孜孜爲學時人無知者惟同縣鄧顯鶴湘皋深異之惜其羈縻里開無繇出與名流結納以擴見聞招至甯鄉學舍同編蔡忠烈公遺



集旋校刊王而農先生遺書數十種先生知名自此始湘皋修  
寶慶府志先生與焉所論述爲多郡守黃君宅中量移黔中招  
先生往至則爭相延致而貴陽大定興義安順諸郡志以次蕝  
事其中刑勢說循吏傳皆洞中日後情事羅文僊繞典胡文忠  
林翼時方官黔深與契合先生居黔五載歸里而有邵陽之獄  
初族中有在死者令不爲申理諸生某爭於縣庭先生隨衆往  
觀令并執而幽之將中以法湘皋力救之事得解是歲爲咸豐  
元年先生舉鄉試明年禮部試報罷東之淮土訪同郡魏源黔  
深於高郵互出所著相參訂越歲賊陷江甯默深畀以遼史及  
尚書未定稿促其閒道歸長沙時南昌告警先生弟漢章已隨



江忠烈公援江西侍郎。皆公國藩。新募楚勇千人。令江君忠淑偕先生率以往。圍解。勞以知縣。用未幾。忠烈擢安徽巡撫。約先生相從。遂同及於難。先是省會移廬州。賊由桐舒往犯忠烈。道病。至六安。益劇。所部勇僅開化鎮。算數百人。倍道前進。先生守大西門。賊三爲燧道。攻之城。圯數丈。登陴矣。先生力擊卻之。忠烈惠疏上其功。有詔褒獎。以同知直隸州用。賞戴花翎。

時援師營城外五里。不得入。而廬州守所部勇目徐準久與賊通。臘月十六日。過半賊緣北城入。詰旦。忠烈援水自盡。先生命酒。左手執杯。右手持劍。大呼殺賊。賊至。格開。閔弊。數人賊怒。刃中項。血淋浪。項編折。兩足掖之前。走數武。死之時。年四十九。



九事聞

贈道銜

于

卹廕祀廬州及湖南昭忠祠先生生時

母氏夢虎驚而寤少溺

苦於學罔舍晝夜衣履垢敝不稍修飾

兄弟互相師友志在厲

名節敦氣誼前後館穀所人不下數千

金悉用購書周急之用

家無飢石儲弗計也所纂貴陽府志百

二十卷大定府志六十

卷興義府志二十四卷安順府志五十

卷皆刊後又學藝齋文

集三十六卷詩詞十六卷讀書偶得二

十六卷穀梁傳例十四

卷廣韻表十卷說文韻聲簿十六卷夏

小正義疏一卷易象隱

義二卷雜卦圖說一卷卦象推廣一卷

六國春秋三十四卷顓

頊憲考二卷帝繫詒一卷詩序去害釋

滯發微四卷凡四十種藏於家



國朝先正事略卷之三十七 文苑

平江李元慶次青纂

侯朝宗先生事略

明。啟。禎。聞。逆。聞。擅。枋。日。戕。賊。善。類。一。時。才。峻。雄。傑。之。士。身。不。在。位。奮。然。以。東。都。清。議。自。持。者。曰。四。公。子。四。公。子。者。桐。城。方。以。智。密。之。如。皋。冒。襄。辟。疆。宜。興。陳。貞。慧。定。生。及。商。邱。侯。方。城。朝。宗。也。而。朝。宗。先。生。尤。以。文。章。著。先。生。祖。執。蒲。官。太。常。卿。父。恂。戶。部。尚。書。季。父。恪。官。祭。酒。皆。以。東。林。忤。間。黨。先。後。除。名。先。生。幼。從。父。官。京。師。習。知。中。朝。事。而。於。君。子。小。人。門。戶。始。終。之。故。尤。熟。悉。懷。甯。阮。大。鍼。故。魏。闥。義。兒。也。屏。居。金。陵。謀。復。用。諸。名。士。共。檄。大。鍼。罪。



作夜都防亂。揭定生及貴池吳應箕。次尾王之大鉞。愧且盡然。無可如何。知先生與二人者相善也。私念因侯生以交於二人。事當已。乃屬其客來交懽。先生覺之。謝客弗與通。而大鉞家有伶一部。能歌所演劇。號燕子箋者。會諸名士以試事。集金陵先生。置酒高會。徵阮伶。大鉞心竊喜。立遣伶往。而今他奴調之。方度曲。四座稱善。奴走告大鉞。心益喜。已而抗聲論天下事。語相及。大鉞遂戟手罵。詈不絕。大鉞乃大怒而恨三人者。尤次骨。甲申南都擁立。大鉞驟枋用興。大獄將盡殺黨人。捕定生入獄。次尾亡命。先生夜出走。渡楊子。依鎮帥高傑。得免。先生豪邁不羈。多大略。少嘗與楊公廷樞。夏公允彝。醉登金山。臨江悲歌。指評



當世人物而料事尤多奇中方尙書公之督師援汴也先生進  
曰大人受詔討賊廟堂議論牽制願破文法以賜劍首誅一甲  
科令守之不應徵辦者而晉帥許定國師噪當斬以徇軍事辦  
威立疾馳渡河收中原士寨團結之衆以合左良王於襄陽約  
陝督孫公傳庭犄角並進則汴圍不救自解矣尙書叱曰此跋  
扈也小子多言趣遣歸道遇永城叛師劉超挾之先生曰君所  
坐不過殺一御史奈何遽反今畿輔有警君率所部疾走勤王  
必可轉禍爲福卽不然亦湔洗惡名失此則身死名裂超不能  
從先生旣負才不試以明經累舉於鄉輒報罷順治辛卯列副  
榜初放意聲伎已而悔之發憤爲詩古文倡韓歐學於舉世不



爲之曰嘗遊吳下將刻集集中文未脫梟者一夕補綴立就人  
益奇之順治十一年卒年三十有七方密之國變後以僧服終  
定生在南都破迷大鉞敗脫歸後與辟疆俱卒於家而次尾當  
王師下金陵謀起兵被執不屈死



魏叔子先生事略

月除瑞

弟

彭士望

林時益

甯都三魏伯曰祥字善伯改名際瑞季曰禮字和公而叔子先生禧尤著先生字冰叔號裕齋父兆鳳字天民以孝聞居喪哀毀如古禮家故饒於則好施與急人之難逾於已崇禎初薦舉徵辟皆不就學者稱之曰徵君先生負異稟年十一為諸生甲申之變愍帝死社稷先生號慟日哭臨縣庭憤咤不欲生謀從曾給事麻遜倡義兵不果乃棄諸生服隱居教授先生形幹修頤負才略善擘畫理勢事前決成敗懸策而後驗者十常八九方流賊之熾也承平久人不知亂且謂寇遠猝難及先生獨憂甚移家翠微峯峯距甯都四十里四面削起百餘丈中徑坂自



山根至頂。若介劈然。綠坂鑿磴道。梯而登。因置閘爲守望。士友稍稍依之。而彭士望躬庵林時益確齋亦至。皆與先生立談。定交。挈妻子來家。翠微世所稱易堂諸子也。其後數年。甯都被寇。翠微峯獨完。先生旣謝諸生。益肆力古文辭。喜讀史。尤好左氏傳。及蘇洵。其爲文主識議。凌厲雄傑。遇忠孝節烈事。則益感慨。摹書淋漓。年四十。乃出遊。涉江踰淮。至吳越。思益交天下奇士。於吳門交徐枋金俊明。西陵交江渢。乍浦交李天植。常熟交顧祖禹。昆陵交惲日初。楊瑞。方外交藥地。稿木皆遺民也。當是時。南豐謝文疇。講學程山。星子宋之盛。講學髻山。弟子著錄者皆數十百人。與易堂相應。和論者謂西江自歐陽鄒魏宗陽明講。



性學陳芟依復社上帖。括其聲力氣。饒皆是動。一時易堂起。獨以古文實學爲歸。風氣一振。由先生爲之領袖。云康熙戊午。詔舉博學鴻儒。先生被徵。以疾辭。有司督催就道。不得已。昇淚至南昌就醫。巡撫疑其詐。以板扉舁至門。先生絮被蒙頭臥。稱病篤。乃放歸。後二年赴揚州。故人約卒於儀徵。年五十有七。具婦謝氏絕食十三日。以身殉。彭躬菴及其未死時執贄拜牀。任奉爲女師。易堂九子自三魏及躬菴。確齋外曰李騰蛟。咸齋邱維屏。邦士彭任中叔曾燦。青藜散古友誼如骨肉。子弟無恆父。師高僧無可嘗。至山中歎曰。易堂真氣天下無兩矣。無可明檢討。方公以智也。凡戚友有難進之言。或處人骨肉間。先生批卻。



導。欲一言輒解其紛。或訝之。先生曰。吾每遇難言事。必積誠累時。與其精神相貫注。夫然後言。所著有文集。目錄左傳經世諸書。

伯子性敏。善強記。爲諸生於兵形禮制律法。皆能窮析。以委遇難事。剖決如流。客潮鎮。劉伯祿募時大兵圍潮。久不下。主兵者怒。約城下日盡屠之。伯子力言於劉。劉叩頭力請。乃免。范忠貞公撫浙。禮爲上客。凡蠲免賑飢諸善政。伯子力爲多。康熙丁巳。賊將劉大任踞贛。當事議撫之。大任揚言。非魏善伯來。吾不信也。時伯子客總兵哲爾丹所。遂遣之。友人及諸弟皆勸弗往。伯子慨然曰。鄉邦之禍烈矣。願捐此身圖之。遂往。甫入營。官兵



遽從東路急攻大任。疑賣已曰：先生來將爲賈林平抑效顰食。其也。伯子無以應。被拘留十月。大任變計走降。閩拔營曰：伯子逐遇害。子世傑字興士。邑諸生。聞變。徒跣往迎。喪抵家。拔佩力。目刻左右持之。遂日夜惟啜哭死。血結少腹下。日上。陶僂不能立。呼號二十日而死。年三十。有三人比之。何炯謝蘭云：伯子著文集十卷。雜俎五卷。興士所著曰梓室詩文集。

季子少叔。兄五歲。父命叔子授以書。管罵皆樂受。曰：叔兄愛我也。比弱冠。更刻苦自勵。學日進。兩兄儼然以畏友待之。旣棄諸生。乃益事遠遊。歷閩粵。渡海達瓊厓。北抵燕京。返轍夷門。過洛陽。南浮漢沔。入秦關。涉伊水。經鳳滁。道中足跡幾徧天下。所至



必交其賢豪尋訪窮巖遺佚之士嘗省故人於韓城往觀砥柱  
三門間高士彭荆山居華山絕嶮直上四十里手鐵絙躡飛磴  
訪之高韓昌黎痛哭處十里性慷慨好義所得金輒隨手盡居  
翠微峯頂榜曰吾廬更以自號年六十六卒有詩古文集于世  
微字昭士世儼字敬士皆有集能世其家

彭躬菴名士望一字樹廬南昌人少有雋才究心經濟學喜結  
客立義聲公卿間崇禎己卯父哲病且革閱邸鈔見漳浦黃公  
道周平臺召對語拊枕歎曰鐵漢也顧謂兒當師之躬菴治喪  
畢卽裹糧往謁時黃公已下詔獄爲傾身營救會太學生涂仲  
吉上疏訟公冤弁下獄辭連躬菴禍幾不測黃公論戍事乃解



尋參揚州軍幕。未久辭歸。在易堂中所學。尤以躬行爲本。名其文曰恥躬堂集。鄉人有死節者。其子幼被掠。傾橐贖之。爲娶婦。篤風義。至死不哀。卒年七十有四。

林時益字確齋。本明宗室。名議。霽與彭躬菴同里。國初江洪間。數被兵。兩人謀卜居躬菴。與叔子一見定交。極言金精諸山可爲嶺北耕種處。乃變姓名攜家往。先是父統鎮以崇禎丁丑進士。令江夏卒官。嘗支帑金數萬修城。黠吏匿其籍。確齋觀縷追憶條寫。而目算之。無纖毫爽。攝印者驚以爲神。然自是得嘔血疾。比遷甯都。已盡破其產。結廬冠石傭田而耕。非其力不食。子楫孫門人吳正名任安世輩。皆帶經負鋤。歌聲出金石過者如



國朝夕上三易卷三十一  
觀古畫圖焉冠石宜茶確齋以意製之香味擬陽羨所謂林芥  
者也康熙七年詔故明宗室子孫衆多有竄伏山林者悉歸  
田廬姓氏皆復舊而確齋寄籍甯都久不樂歸山居三十年卒  
工書喜爲詩晚好禪悅著冠石詩集五卷

李君騰蛟字力貞甯都人明季諸生與臨川陳際泰羅萬藻甯  
化李世熊同邑邱維屏爲文會晚入翠微於易堂中年最長諸  
子兄事之嚴敬毋敢斁後別居三嶽峯以經學教授著周易贍  
言年六十卒

邱邦士名維屏三魏姊壻也性高簡率穆讀書多元悟弱冠爲  
諸生督學侯忠節公奇賞其文值變避亂翠微峯家故居甯都



之河東多古松望之蒼靄無際邦士著書其下。稱松下先生。叔  
子嘗從之學古文。邦士之學原本六經左國史漢。旁及諸子百  
家。顧獨有得於秦西之書。心悟神解。儻無可來易堂。常與希  
算。退語人曰。此神人也。青州翟世祺守饒州。傲僻藐天下。獨心折  
邦士。七聘乃往。北面事以師禮。邦士主其署齋。爲演易數。偶乏  
紙。卽用牌票紙背書之。翟悉以錦軸裝潢。其草檄。青州馮相國  
欲邀一見。邦士卒不往。嘗絕炊。婦令借米。鄰家久不至。覘之。則  
方負手立池上。看往來行人。乃別措米炊。召之食。輒大啖。亦不  
問米所由來也。著有周易勸說及文集。康熙己未卒。年六十有  
六。先是淮安閻再彭以帛竹書求邦士爲其妻銘墓。未作也。卒。



之日命家人取帛出曰以付叔子還淮安開氏

曾君燦字青藜一字止山明給事中應遴仲子與兄晚並工詞章喜然諾方明季多故思以功業自見折節下士士翕然歸之歲乙酉陽文正公廷麟竭力保吉贛給事公以閩嶠山澤間有衆十萬俾往撫之既行而給事病卒贛亦破乃解散去尋祝髮爲僧遨遊閩浙兩廣間大母陳母溫念燦成疾乃歸甯都以大母命受室築六松草堂躬耕不出後乃入易堂少有詩名選海內名家詩二十卷號過日集僑居吳下最久著此山集西庵草堂詩客遊撫市以卒

彭君任字中叔一字遜仕甯都諸生少與同邑溫應搏友應搏



死難時兵燹蒼黃人莫敢晝行中叔獨往購其尸哭而殮之鼎  
革後結廬廬山名所居曰一草亭足不履城市自人易堂後嘗  
一訪其友謝文淳甘京於南豐之程山未嘗再他適也著禮記  
類編及草亭文集嘗論朱陸異同謂學者之病不在於辨之不  
明而在於行之不篤其持論最平卒年八十有四  
梁質人者名份南豐人彭躬菴魏叔子高弟也少從兩先生講  
經世之學嘗隻身遊數萬里西盡武威張掖南極黔滇徧歷燕  
趙秦晉齊魏之墟覽山川形勢訪古今成敗得失遐荆軻事一  
發之於文方望溪王崑繩皆重之爲人樸摯強毅退守窮約至  
老不少挫年八十有九卒著懷葛堂文集



[illegible]

This is a high-contrast, black and white image, likely a scan of a physical document. The image is dominated by a dark, heavily textured area on the right side, which appears to be a book cover or endpaper. This dark area is characterized by numerous fine, parallel lines and a mottled, grainy appearance. On the left side, there is a lighter, irregularly shaped area that contrasts sharply with the dark background. This lighter area has a more uniform, though still textured, appearance. The overall composition is vertical, and the image has a grainy, high-contrast quality typical of a photocopy or a low-quality scan.



宋荔裳先生事略

舊雲徐夜

曹貞吉謝重輝

顏光敏張篤慶

三萃

宋先生琬字玉叔號荔裳山東萊陽人順治四年進士授戶部主事監督蕪湖關稅已恤商歲額逾於舊遷吏部郎選人無滯抑之歎出爲隴西道值地震後修城垣痊屍賑粥不遺餘力隨督隴西學政清慎公明緝得土厯永平兵備及甯紹白道駸駸嚮用矣族有不逞子以夙恨飛章告密被逮對簿西曹久之事得白流寓吳越居無何

天子察其冤起四川按察使曾入覲留京師而吳逆叛成都失守妻子皆在蜀憂憤而卒性孝友虛懷下士工詩古文詞盛名滿天下有南施北宋之目施謂愚山也所著有安雅堂集同時



國朝文獻卷三十一  
山左詩家自漁洋外有田山蘊曹寶菴修來王秋史徐東癡  
謝方山張厯友

山蘊姓田氏名雯字紫綸德州人康熙三年進士授中書中書  
號丞相掾舊以貲郎充選有御史言機務重地宜用進士始開  
此例累遷工部郎中督江南學政力崇古學所取皆雄駿通偉  
之士風氣爲一振每按試從兩驢蒼頭二人隨戒有司勿供張  
自市蔬菜十把脫粟三斗遠近聞之調湖廣督糧道遷光祿卿  
巡撫江甯會秋兩積陰漕米色多變民艱輸納特疏以請得隨  
時交兌又請動帑金大濬京口運河以省歲挑之費蘇常民皆  
德之前請減湖田稅免銅課俱次第允行調撫貴州時苗狎倡



癸粵督方議會勦公移書制府謂制苗之法犯則治之不則防  
之而已無庸動眾勞民也議遂寢丁憂起補刑部右侍郎調戶  
部以疾歸康熙中王漁洋負海內重名山驢天資高邁記誦亦  
博負其縱橫排奐之氣欲以奇麗駕漁洋而上之故詩文皆組  
織繁富煅鍊刻苦成一家言著有古蘊堂集長河集實菴名貞  
吉字升六安邱人山驢同年進士官禮部郎中詩格迥鍊其黃  
山諸作極爲宋牧仲所推著有實菴詩略修來名光敏字遜甫  
曲阜人康熙六年進士官吏部郎中好讀書善鼓琴精騎射尤  
耽山水性孝友勤於睦族年四十卒生平不信浮屠星命之說  
嘗言軀體猶炭神氣猶火也火傳於炭然後能爲功炭當風則




易。燼。扇。之。則。立。燼。置。密。室。覆。以。灰。則。後。燼。然。則。謂。人。可。長。生。者。  
妄。也。謂。死。有。時。不。可。先。不。可。後。者。亦。妄。也。所。著。曰。樂。圃。集。兄。光。  
猷。光。教。皆。進。士。歷。官。中。外。有。文。名。王。秋。史。名。萃。歷。城。人。康。寧。丙。  
戌。進。士。所。居。聖。水。泉。元。子。欽。所。品。七。十。二。泉。之。第。二。十。四。也。少。  
有。狂。名。王。渙。洋。山。山。蘊。賞。其。詩。並。奇。其。人。有。王。黃。葉。之。目。所。著。  
曰。二。十。四。泉。草。堂。集。徐。東。癡。名。夜。新。城。人。年。二。十。九。棄。諸。生。堀。  
門。士。室。絕。跡。城。市。有。朱。桃。稚。杜。子。春。之。風。薦。鵬。詞。科。以。老。辭。詩。  
格。清。峭。近。章。左。司。孟。東。野。謝。方。山。名。重。輝。德。州。人。官。刑。部。郎。中。  
有。否。村。詩。漁。洋。稱。其。去。膚。存。骨。去。枝。葉。存。老。幹。真。賞。甚。稀。存。之。  
篋。中。以。待。元。次。山。杜。情。畧。其。人。定。相。賞。於。絃。指。之。外。其。傾。何。至。



矣。歷友姓張。名篤慶。涪川人。學殖淹博。下筆千言。諸老宿稱爲冠世才。不虛也。充選貢生。廷試不遇。歸隱崑崙山。不復出。杜門著書。有八代詩選。班范肪截。五代史肪截。兩漢高士贊等書。詩以盛唐爲宗。著有崑崙山房集。







熊次侯先生事略

劉子壯  
劉醅驥

金德嘉

顧景星

張仁熙

熊先生伯龍字次侯。湖北漢陽人。祖籍進賢。晚自號鐘陵。示不忘祖也。少博學工文章。順治六年。賜進士及第。第二人。由國史院編修。累官內閣學士。兼禮部侍郎。屢司文枋。皆得士。自少至老。手一編不置。在朝籍恂恂如儒生。歷官二十年。不妄交遊。不立崖岸。易簀時。惟以未得澤被生民爲憾。其制舉文與同年生劉克猷修撰齊名。雄渾雅健。開國初風氣。天下號曰熊雄。而先生古文尤工。著有穀貽堂文集。集中代言諸作。尤樸茂有東京之遺。特爲時文所掩耳。克猷名子壯。一字稚川。黃岡人。順治六年。廷對第一。官修撰。九歲失恃。每念母。輒爲孺子泣。遂



以岷思名其堂。所著曰岷思堂集。克猷生明季。早負文名。嘗夢登甲第。出朱之弼門下。偶見童子自塾歸。甚穎雋。訊之。則朱姓之弼名。訝曰。吾豈當爲弟子耶。及遭寇亂。奔竄山崖水涘間。不獲與計偕。入國朝。始大魁天下。其時分校禮部試者。果之弼也。自熊劉後。楚北文章家。推金會公檢討爲最著。

會公名德嘉。號豫齋。廣濟人。五歲而孤。事母孝。以主敬存誠爲學。康熙二十一年。會試第一。官檢討。與修明史。表章殉節諸臣。分撰一統志。於楚中郡邑考訂尤精核。丁卯。典貴州試。所拔多名。猶致仕二十年。足跡不入城市。益鍵戶著書。時同郡顧景星。張仁熙。劉醅。騶沿。王李餘習。追摹秦漢。訾震川。會公獨守韓歐。



家法著有居業齋集續纂元明名臣言行錄卒年七十有八顧  
景星字黃公蘄州人記誦淹博才氣尤橫肆不羈詩文雄贍稱  
霸才著有白茆堂集又有讀史集論九卷暉池錄一百十八卷  
南渡集來初集共七十三卷皆錄入四庫張仁熙字長人廣濟  
人諸生其論時謂時弊雖深救之者輒變而加厲公安救厯下  
失之洮竟陵救公安陷於屢時以爲允宋牧仲通守黃州於雪  
堂獎東齋延長人說詩著有藕灣集卒年八十有四醕驥字于  
里號廓菴亦廣濟人生而有文在手曰厯性方直以歲貢人都  
與魏敏果公講業極懽或勸之仕曰吾不任此也遂歸著有芝  
在堂集及學庸古本解諸書







江堯峯先生事略

褚篆

先生名琬字若文號鈍菴江蘇長洲人學者稱堯峯先生少孤讀書五行俱下順治十二年進士觀政通政司未幾假歸肆力古文辭嘗慨然念前明隆萬以後古文道喪乃由南宋以上溯韓歐卓然思起百數十年文運之衰尋補戶部主事分司大通橋歲滿改刑部員外郎遷郎中坐江南奏銷事降兵馬司指揮復爲戶部主事公退無時不以古文自娛嘗與龔端毅鼎孳李文定天馥王文簡士禎陳文貞廷敬宋尙書犖劉戶部體仁董侍御文驥等以詩文相切劘陳公侍直禁廷聖祖問今能爲古文者其誰輒舉先生以對先生因文見道務



爲經世有用之學故歷官皆有名蹟可紀其爲刑部郎也河南民張潮兒以報母仇殺其族兄三春罪坐死詔法司核議先生以潮兒母先爲三春所殺著復仇論引律文祖父母父母被殺而子孫擅殺行凶人者杖六十又罪人應死而擅殺者杖一百爲據他疑獄必引經附律務毋枉縱其降爲北城指揮也強直不渝所守某閣學欲并其鄰人居會鄰人母自經死閣學欲重其罪其門下生適以御史巡城屬先生文致先生卒白其誣閣學怒必欲置諸理先生力爭事乃解旗人與民爭縛民至司其黨數十人臥踞廳事官出岸然不動先生卒直民而紉旗人關壯繆廟祝爲人所殺無主名禱於人神告以夢鞫一瞽者得



其情卒獲犯。宣諸法道死者親爲收瘞。奸民以假命噬人豪家。奴特勢脅良善。皆重筆之任滿。且去北城民熟香。攜酒送者填溢衢巷。達官呵殿至擠塞不得行。問之曰。民送兵馬司也。兵馬司秩卑而職冗。士大夫左遷類偃蹇不屑意。前此未有得民心留去後思如先生者。其再入戶部也。王尙書宏祚夙重先生。會姚總憲文然疏請夏稅以五六月秋糧以九十月下。部察國儲果否足支一季。餉先生集同官窮日夜會計。得見銀二百四十萬兩以復於王公曰。兵餉可無虞。緩徵便。遂輯書曰。兵餉一覽。既而廷議格不行。書存篋衍。先生曰。異日有爲緩徵之政者。吾書可取視也。議輸漕五米十銀爲官收。官兌法而旗弁之橫。



息議裁吳三桂兵餉而強藩之勢阻其端皆先生發之權江甯  
西新倉上羨餘金若干無纖毫染指亡何病免歸結廬堯峯居  
九年益閉戶著書康熙十七年詔徵博學鴻儒陳文貞疏薦

先生宋尚書德宜亦別爲疏同日以薦比試

上親拔其文授編修與修明史先生以道德文章爲已任雖與  
一時賢士遊而流俗往往不悅其所爲深中者尤忌畏之在史  
館六十日選史藁百七十有五篇杜門稱疾逾年仍假歸所居  
堯峯擅山水之勝蕭然野服手一編矻矻窮年曰吾老猶冀有  
所得也嘗語學者曰學問不可無師承議論不可無根據出處  
不可無本末其文根抵六經出入廬陵震川間於易書詩春秋



三禮喪服咸有發明性不急不輕許可嘗與宋荔裳爭辯歸而  
憲曰吾奈何與彼同名然坦中無城府人有一言之善不難俛  
首至地生平淡於榮利難進易退自登仕籍前後間居二十餘  
年泊然自樂也二十三年  
聖祖南巡借在籍諸臣迎駕

上溫諭垂詢撤

御前餅餌賜之

諭巡撫湯斌曰編修汪琬

文名甚著居鄉不與聞外事朕深嘉之可特賜御書一軸  
上嘗與近臣論本朝文學砥行之儒首稱數先生其受知如  
此卒年六十有七所著堯峯文集五十卷同邑褚先生篆字蒼  
書爲諸生淬厲古學屏棄舉子業天爵自尊韓文懿公以父執



敬禮之康熙二十六年

聖祖南巡召見於行在命書箋二幅  
賜之時年九十六矣越歲卒著有海鶴堂集

御書海鶴風姿額



王子一先生事略

陳宏緒

徐世溥

歐陽斌元

王先生猷定字于一號軫石江西南昌人選拔貢生父時熙明進士官太僕卿天啓中名在東林先生工詩古文爲人倜儻自豪少時馳騁聲伎狗馬陸博神仙迂怪之事無所不好故產爲之傾晚寓浙中西湖僧舍爲文多鬱勃如殷雷未奮又如崩崖壓樹枺槎盤礴旁枝得隙突然干霄書法亦重一時自明季公安竟陵之說盛行文體日瑣碎先生與新建陳士業徐巨源歐陽憲萬輩均能獨開風氣所著曰四照堂文集

士業陳姓名宏緒號石莊父道亨明進士官兵部尙書楊忠烈

漣以劾魏闡削籍公抗疏申救不納遂投劾歸卒贈太子少保



國朝文獻卷三十一  
謚清襄。士業性警敏。家集書萬卷。晝夜講肄。以任子薦授晉州牧。時真定屬邑多被兵。閣臣劉宇亮出督師。欲移師入晉州。士業拒不納。遂被劾。緹騎逮問。士民哭闕下。頌其保城功。得釋。謫湖州經歷。署長興。孝豐二縣事。有惠政。尋免歸。入本朝。屢薦不起。移居章江。輯宋遺民錄。以見志。著有石莊集。恆山存稿。寒衣集。周易備考。詩經尙書義等書。

巨源名世溥。姓徐氏。父良彥。明進士。官宣大巡撫。忤崔魏削籍戍清浪。崇禎初起大理。卿遷工部侍郎。巨源年十六。補諸生。時東鄉艾南英以文名。與巨源約爲兄弟。江左錢謙益。姚希孟。里中萬時華。輩皆以杓斗歸之。明南贛巡撫潘曾絃得祥符王維



儉所修宋史屬巨源及晉江曾異撰重加更定巨源才雄氣盛  
一往自遂屢躋於鎖闥人本朝遂絕意進取順治初溧陽相  
枋政欲修徵辟故事直指使親式其閭又作手書遣司理持禮  
幣往山中致之拒不納所著曰榆溪集

歐陽憲萬名斌元幼奇慧讀書日十行下終身不忘爲諸生受  
知學使蔡思襄懋德侯忠節峒曾二公皆禮以國士姜公曰廣  
楊公廷麟尤相推重稱爲奇才博學王景略之亞與樂平王綱  
南昌彭士望爲兄弟交講求經濟以學業相砥礪嘗爲南左司  
馬呂公大器草疏劾馬士英二十四大罪又嘗佐督師史公可  
法幕府史公薦擢推官士英知呂疏出君手銜之擯弗用尋歸



隱順治乙丑卒年四十四有文集十一卷

夫



陶瞿山先生事略

梅庚

高詠

袁啟旭

朱書

梅先生清字潤公號瞿山安徽宣城人少讀書竟夜不寐既長  
英偉豁達以博雅稱順治十一年舉於鄉再赴會試不第卽絕  
意進取所至士爭推穀王尙書阮亭徐相國立齋九傾服焉主  
盟騷壇最久後學多藉以振起康熙三十六年卒年七十有五  
先生所爲詩凡數變年壯氣盛叱咤成篇久之芟舊作過半而  
沈至之意見於岩棲旅食者爲多長洲宋君實穎序之以謂鏗  
鏘發金石幽渺感鬼神颯颯乎調天然之律呂有天延閣前後  
集晚年編爲瞿山詩略共三十三卷尤工書仿顏魯公楊少師  
畫有奇氣嘗寫黃山圖極煙雲變幻之趣墨松蒼雄險勁阮亭



稱其山水入妙品。松入神品。更數十年後。斷紙零素。當不滅。蘇黃云。宣城梅氏。自北宋聖俞先生後。世多名人。有梅庚者。生後於先生。與齊名。

庚字藕長。生三歲而孤。家故貧。母劉撫以成立。資穎特。能奮於學。善八分書。作畫曠逸。有雅韻。尤長於詩。同邑施愚山一見稱賞。引爲忘年交。客京師。公卿咸折節倒屣。而性猥介。不妄投一刺。人益重之。康熙二十年。舉鄉試。爲朱竹垞所得士。後遊阮亭門。屢困公車。阮亭主禮闈。仍被黜。阮亭至。作詩自訟。尋知浙之泰順縣。以經術飭吏治。邑苦歲修海船。藕長莅任五年。累不及民。民德之。嘗作修船謠。人以比春陵行。馬永幾引年歸。其詩原



本雅頌。下逮漢魏三唐。盡馳騁之致。卒不敢溢於法外。時宣城  
又有高詠袁啟旭。工詩而好遊。同皆聲都下。詠字阮懷。號遺山。  
幼有神童之目。其學無所不窺。詩名與愚山埒。人號宣城體。年  
近六旬。始貢太學。與愚山同舉詞科。授檢討。未幾假歸。詩近體  
極淡遠。歌行奇肆。愚山稱其優入古人。以兼工書畫。世稱三絕。  
有遺山堂。若巖堂等集。啟旭字士旦。其詩踔厲頓挫。足抗衡古  
人。弁其集者。亦宋君實。穎謂以秦風之悲壯。兼楚騷之哀怨。前  
輩惟梅村先生可以方駕。近則其年得其豐腴。漢槎得其英概。  
其推挹如此。以國子生終。有中江紀年稿。  
又朱先生書。字字綠窗松人也。文章雅健。尤熟於有明遺事。抵



掌論述不遺名地。康熙丙寅以選貢入太學。聲譽赫然。公卿間  
癸未進士官編修。乞假歸築室其邑之西山曰杜谿。將著書以  
終老年。五十一卒。著有杜谿文彙。



丁荊園先生事略

陸圻  
孫治  
黃吳

柴紹炳  
張綱孫

毛先舒  
吳百朋

毛際可  
沈謙  
虞

丁君名澎字飛濤號荊園浙江仁和人順治十二年進士官禮部郎中少有雋才與弟景鴻濬並稱三丁吳梅村贈詩有兄弟文章入選樓之句早歲有白燕樓詩流傳吳下士女爭採摭以書衫袖婺州吳器之贈詩云恨無十五雙鬟女教唱君家白燕樓其為時傾倒若此初與同里陸圻柴紹炳毛先舒孫治張綱孫吳百朋沈謙虞黃吳陳廷曾諸君稱西冷十子通籍後與宋荔裳施愚山張譙明周釜山嚴灝亭趙錦帆酬唱日下又號燕臺七子後以事牽累謫居塞上者五年卜築東岡躬自飯牛吟



嘯自若所作詩語多忠愛無怨誹之意其所養可知矣著有扶  
荔堂集

陸圻字麗京一字講山居錢塘少與弟堦培咸以文章經世自  
任海內稱三陸又與陳君子龍等爲登樓社世號西陵體事親  
孝割股療母病久而知醫莊鑑史禍作麗京與查繼佐范驥皆  
被株連事白歎曰今幸不得死奈何不以餘生學道耶弟培進  
士官行人死甲申之難麗京親歿後棄家遠遊不知所終子寅  
往來萬里弔之數年卒不得竟以死時稱其孝麗京生平不言  
人過有語及者輒曰我與汝姑自盡毋妄議他人爲著有威鳳  
堂集西陵新語詩體二編柴紹炳字虎臣號省軒在西泠十子



中文名最著持躬尤端謹。有省軒集。毛先舒字稚黃一字馳黃。出陳臥子先生門。又嘗從劉子念臺講學。其詩音節瀏亮。有七子餘風。著聲韻叢說。韻學通指。韻白匡牀。漢書聖學真語。小匡文鈔。思古堂集。螺峯說錄。東苑文鈔。蕊雲晚唱。諸集與西河鶴舫齊名。時人謂曰浙中三毛。文中三豪。西河自有傳。鶴舫名際可。字會侯。遂安人。順治十五年進士。官彰德府推官。其學不及西河之博。亦不至如西河之悍僻。古文辨香。南豐所著曰松泉全集。

孫治字宇台。錢塘人。以著述稱於時。其文如商彝周鼎剝蝕之餘光。怪益露。生平篤友誼。陸驤武死。以孤女託爲擇。吳檢討任



臣妻之又爲立嗣以甥女嫁焉吳錦雯宰南和客死往經紀其喪著有鑑菴集張綱孫字祖望改名丹錢塘人美髯髯恬淡不樂交遊好爲詩古文詞喜山水窮幽躋險其詩悲涼沈遠有小雅之遺論詩謂少陵七律能用比興他人雖極工鍊不過賦耳所著曰秦亭集吳百朋字錦雯舉人官南和知縣少奇敏讀書五行並下爲文數子言立就居官有異政歿後百姓建祠祀之著有樸菴集沈謙字去矜少穎慧工詩古文初喜溫李後乃循漢魏以窺盛唐其意貞而不濫其聲和而不流著東江草堂集虞黃昊字景明錢塘人康熙丙午舉人官教諭十歲卽善屬文嘗游柳州乞巧更作辭巧文識者知其達到



國朝先正事略卷三十八 文苑

平江李九慶次青纂

計甫草先生事略 潘耒 徐鉉 吳兆騫

計先生東字甫草號改亭吳江人幼耽盪不羈父憂之先輩吳  
翮一見曰非常兒也尋受業張西銘之門年十五補諸生文譽  
日起以馬周陳亮自比遭世變不應科舉家居取十三經二十  
一史諸書盡讀之求義理指歸治亂得失之要下至權衡兵法  
陰陽占候之術靡不通曉弱冠著壽南五論上閣部史公公奇  
之其深明大略陳同甫莫能過也順治八年中乙榜貢太學十  
四年舉順天試名動長安三試春官不第江南奏銷案起挂名



被黜益浪遊四方。嘗自京師北走。冒雲南。歷洛漳。邢。魏。東之濟。充偏覽。名山川。所至結交。賢士大夫。故其詩文。口閱。富務極其才力。而後已。在吳中。與徐健菴。江堯峯。尤西堂諸君。狎主齊盟。然內行修謹。篤孝友。至然諾。友人吳兆騫流徙出關。先生周恤其家。以愛女字其弱子。有才子曰淮。早夭。築思子亭。以孝貞女宋氏合葬。宋氏準聘妻。年十三未婚。守志者也。先生少負奇氣。過鄴城。尋謝茂秦葬處。得之南門外二十里。盡斥橐中金爲修墓立石。誌之曰明詩人謝榛墓。固請當事禁樵牧。又過順德。憩逆旅。念歸震川昔嘗佐郡。有廳記二篇。求遺址不得。乃入署旁廢圃中。設瓣香。再拜流涕而去。道旁觀者皆大笑。以爲狂生。至



吳門稱門生於黃孝子向堅至禾中金門寺上陶朱公書自稱  
世通家索其始祖計然七策以爲致富之方其落拓自奇者此  
卒年五十有二逾歲

天子開鴻詞科而先生不及待矣所著曰改亭集次子默字希  
深以詩文遊四方名滿日下同邑有潘次耕先生者與齊名

潘次耕名耒號稼堂父凱列名復社兄樗章能文負氣節茗中  
史獄起蒙難死先生資稟絕人有聖童之目從顧亭林徐俟齋  
戴耘野三先生遊故其學貫穿淹洽無所不通旁及日曆算數  
宗乘道藏悉有神會詩古文尤精博無涯涘嘉定陸翼王平湖  
陸稼堂交口許爲淹洽康熙己未以布衣舉博學鴻詞官檢討



纂修明史充日講起居注官其時與館選者皆起家進士先生與朱竹垞嚴蓀友獨由布衣入選文又最有名凡館閣經進文字必出三布衣手同列忌之先生尤精教敢言無稍遜避爲忌者所中坐降調以母憂歸遂不復出四十二年

聖祖南巡復原官澤州陳文貞公欲薦起之先生曰止止吾分也賦老馬行以謝焉先生嘗應詔陳言謂建言古無專責歷代雖設臺諫之官其實人人得上書言事梅福以南昌尉言外戚擅僥以太常博士言程元振陳東以太學生攻六賊楊繼盛以部曹劾嚴嵩本朝舊制京官並許條陳自康熙十年憲臣奏請停止凡非言官而建言爲越職言事例當降調夫人主明



目達聰常懼有所壅蔽故宣導之使言今乃禁之使不得言豈  
盛世事臣請除越職言事之禁俾大小臣工各得獻替進言之  
途廣則罔上行私之徒不得人人而把持結納之庶有所忌而  
不敢爲於此輩甚不便於國家甚便也其在外監司守令等官  
若大利大弊果係眞知灼見者亦許條奏地方災荒督撫不肯  
趨報者州縣官徑得上聞如此則民間疾苦無所不周知矣更  
請許臺諫官得風聞言事以作敢言之氣其大奸大貪不經糾  
彈別行發覺者請將言官一併處分有能奮擊奸回不畏強禦  
者不次超擢庶紀綱振而萬事集矣湯文正公撫吳先生贈以  
文力言浮賦之害爲畫三策文正具疏瀝陳得酌減益用先生



首策也。先生初被徵以母老辭，不獲命。除官後，復牒吏部以獨子終養，請代題者三卒格於議。逮居喪，哀毀骨立，兄邁禍募金贖其姪，篤師門之誼。俟齋歿，周恤其孤孫數十年如一日。刻亭林曰：知錄並詩文集，歷遊羅浮、天台、雁宕、武夷、黃海、匡廬、嵩嶽，盡尋其勝，各紀以詩文，有遂初堂集三十九卷。又因亭林音學五書爲類音八卷，與次耕同時薦舉者爲同邑徐電發。電發召鈞出國子生，召試詞科，授檢討，曾當外轉，遽乞歸。後以原官起用不就。卒年七十三。生平好古博學，弱冠天才駭發，搥筆數千言，龔芝麓尚書奇賞之。尚書臨沒，謂梁貞定相國曰：負才如徐君，可使之不成名耶？後卒與薦舉著南州草堂集三十卷。嘗



刻菊莊樂府朝鮮貢使仇元吉見之以餅金購去且貽以詩電發既工倚聲輯詞苑叢談十二卷晚年續唐人孟榮本事詩皆取緣情綺靡之作時比諸洛陽紙貴焉

吳君兆騫字漢槎亦吳江人童時作膽賦累千餘言長繼復社主盟才名動一世順治丁酉領鄉薦以科場事中蜚語被斥流徙尚陽堡二十餘年作長白山賦有研京鍊都風力宋文恪徐健菴捐金贖之得歸著有秋笳集



（The right half of the page contains a large, faint, and mostly illegible block of text, likely bleed-through from the reverse side of the leaf. The characters are too faded to transcribe accurately.)

（The left half of the page contains a large, dark, and heavily damaged block of text. The ink is mostly obscured by a large, irregular stain or tear in the paper, making the original characters almost entirely illegible. Only faint traces of vertical columns of text are visible on the left edge of this section.)



黃忍菴先生事略

周肇  
王吳  
崔華

顧湄  
王拱  
郁植

許旭  
王休  
唐孫華

王撰  
王昭升  
吳璵

黃先生與堅字廷表江蘇太倉州人順治十六年進士康熙十  
八年召試鴻詞科授編修遷贊善著有忍菴集錢牧齋序其  
詩謂長安金陵雜感諸篇頓挫鉤鎖纏綿惻愴在韓致堯元裕  
之之間吳梅村祭酒嘗選婁東十子詩以先生為冠十子者周  
子俶顧伊人許九日王異公王虹友王惟夏王端士王懌民王  
次谷也子俶名肇著有東岡集伊人名湄著水鄉集九日名旭  
著秋水集異公名撰著三餘集虹友名攄著蘆中集惟夏名昊  
已未召試以年老授官正字歸著有碩園集端士名揆順治




乙未進士。著有芝廬集。懌民名忭。次谷名曜。升皆有集。一時風流文采稱極盛焉。而惟夏諸君又鳳洲司寇之後。太原王氏昆季多才不官。過江王謝在十子中皆錚錚有聲。又吳元朗者名璟。梅村先生子也。工詩近體清穩。尤稱雅音。康熙戊辰進士。與館選累遷給事中。著有西齋集。同時同州以詩古文鳴者又有崔不雕。郁東堂。唐實君諸子。

崔華字不雕。順治丁酉舉人。漁洋尙書極賞其詩。有句云黃葉聲多酒不辭。時目爲崔黃葉。與厯城王秋史並稱。郁東堂名植。字大本。八歲應試作五倫論。梅村祭酒見而奇之。旣長研窮古學爲漁洋所賞識。康熙己未以諸生舉鴻詞科。未應試卒。詩宗



盛唐不落元和以下唐實君名孫華與吳元朗爲同年進士官  
吏部主事有東江詩鈔年九十餘乃卒





公惟主理平泉王鎮遠表式于刻武  
國公趙公以丁惟前表式公卒



馬章民先生事略

鄒忠倚

孫承恩

王琛

錢榮

馬先生世俊字章民一字甸臣江蘇溧陽人順治十八年一甲

一名進士

賜及第授修撰遷侍讀貢士對策多隨題敷衍先

生獨侃侃直陳稱王者天下為家不宜示同異時論偉之何義

門嘗云我

朝殿撰前劉後韓公居其閒鼎足而三先生工書

畫有三石之目謂右軍右丞也初先生下第留京師落拓甚以

行卷謁龔芝麓尚書尚書奇賞之曰李嶠真才子也歲暮贈白

金八百明年乃及第性樸素釋褐之日策蹇驢一老蒼頭攜官

袍隨其後士林傳為佳話先生敏於詞翰著有匡菴集國初

吳中以大魁著望者自徐立齋彭南昉韓慕廬彭芝庭外無錫



則鄒君忠倚常熟則孫君承恩汪君繹吳縣則繆君彤長洲則陸君肯堂王君世琛寶應則王君式丹皆以文章名通志並列文苑而長洲錢君棨獨以三元起家

鄒君忠倚字于度順治己丑進士壬辰廷對第一授修撰詩古文皆春容靜細未幾卒官孫君承恩原名曙字扶桑文工六朝體詩學溫李順治戊戌賜進士第一人授秘書院修撰數被顧問從幸南海子嘗賜騎御馬未幾卒

上大嗟惜賜金歸葬繆君彤字歌起康熙丁未一甲一名進士授修撰遷侍講以艱歸淡於宦情閉門不干時事立三畏書院刊曹月川家規蔡虛齋密箴劉念臺人譜以教學者所造就



甚多著。有雙泉堂集。肯堂字遂升。才氣磊落。自喜。康熙乙丑會試殿試皆第一。由修撰遷侍讀。卒官。國朝連擢會狀者。始黃岡。劉克猷。次則韓慕廬。彭南畝。而遂升。及王樓村。彭芝庭。注潤民。繼之。皆吳產也。世推科名盛事。云。繹字玉輪。汪姓。號東山。康熙庚辰對策第一。賜及第。授修撰。年少擢高第。名籍甚。而謙退。不矜蘊藉。多風韻。臚傳曰。馬上口占有句云。浮生止辦十年官。旋予告歸。乙酉奉命校全唐詩於揚州。尋卒。時以爲詩識所著曰秋影樓集。王君式丹字方若。號樓村。康熙癸未會試殿試皆第一。授修撰。生平績學嗜古。久躋名場。近六十始登鄉薦。通籍後淡於仕進。未久移疾歸。著有樓村集。宋牧仲選刻江左。




十五子詩樓村其最也世琛字寶傳王文恪公鑒八世孫父銓  
字東發康熙庚午鄉舉官給事中散氣誼重然諾工書善繪事  
爲時名人寶傳舉康熙壬辰進士臚唱第一人授修撰歷侍講  
督山東學政崇實學斥浮僞青齊文體爲一變累遷少詹事祝  
學未竣以勞疾卒官工詩古文兼善書畫能世其家學  
錢君榮字湘舲乾隆乙亥鄉試領解額庚子會試冠其偶殿試  
以一甲一名進士賜及第授修撰臚唱日  
高宗御製詩紀事有國朝經百載春榜得三元之句丙午分校  
順天鄉試明年入直上書房已酉分校會試遷贊善甲寅充廣  
東副考官明年遷侍讀充口講起居注官嘉慶二年擢庶子尋



除侍讀學士典試雲南一命提督學政拔擢八明士論翕服四年晉內閣學士仍留學政任卒官自後繼先生爲三元者曰臨桂陳君繼昌







葉橫山先生事略 顧有孝 鈕琇 李重華 顧我錡

葉先生燮字星期號已畦江蘇吳江人籍浙之嘉善康熙九年進士知寶應縣修決堤免無名之稅出誣服殺人者直仇陌附逆而冀沒其田廬者以伉直不容於上官不二年落職欣然曰吾與廉吏同登白簡榮於遷除矣時嘉定令陸清獻公同被劾也既歸築室橫山下學者稱橫山先生著有已畦文集二十卷詩集十卷其論文謂議論不蹈襲前人卓然自吾立方爲立言論詩曰生曰新曰深凡一切庸熟陳舊浮淺語須一掃空之所作詩意必鉤元語必獨造甯不諧俗不肯隨俗於同時諸家外能拔戟自成一隊時吳中稱詩者多宗范陸究所獵者范陸之



皮毛耳。先生著原詩內外篇四卷。力排其非。吳人士始多訾謗之。既歿。乃爭從其說。汪編修琬居堯峯。說經經經與先生持論。鑿柄門下士亦互相詆謫。汪物先生曰。吾向不滿汪氏文。亦謂其名太高。意氣太盛。故麻列其失以規之。非謂其謬謏於聖人也。且汪歿。誰譏彈吾文者。乃取向所摘汪文短處。悉燔之。沈歸愚尚書少從受詩法。守之不變。王新城司寇嘗致書先生。稱其獨立起衰。後見歸愚詩。復稱賞之。曰。橫山門下。尙有詩人。其推重若此。同時同縣以詩文著稱者。自甫草稼堂諸君外。有顧茂倫。鈕王樵。李實君。顧湘南諸君。顧有孝。字茂倫。吳江諸生。居釣雪灘。以選詩爲事。唐律及國朝近體詩皆有選本。名滿大江。



南北鉏瑋字王樵官知縣博雅多聞所著觚賸能舉見聞異詞者折衷之可補正史之闕詩亦變風之遺著有臨野堂集李實君名重華雍正甲辰進士官編修天賦雋才復得張匠門指授性好遊入巴蜀客山左留覽秦關楚塞登臨憑弔詩益欽歆歷落得江山之助著有玉洲詩集其詩話二卷可與昌穀談藝錄並傳顧湘南名我綺邑廩生鄂文端任江蘇布政時以古學試士得五十三人湘南爲冠遂有南邦黎獻集之刻後開博學鴻詞科乃文端奏請若爲湘南設也及詔下而湘南歿矣有才無命文端歎息彌襟所著曰湘南詩集



國朝文獻通考卷三十八  
禮考一百一十五  
國朝文獻通考卷三十八  
禮考一百一十五

國朝文獻通考卷三十八  
禮考一百一十五  
國朝文獻通考卷三十八  
禮考一百一十五



陳元孝先生事略

屈大均

梁佩蘭

程司則

嶺南三家首陳先生元孝而屈翁山梁藥亭次之元孝名恭尹  
順德人父邦彥明季以閩部殉難事具明史時先生才十餘歲  
比長遂隱居不仕自號羅浮布衣與李元仲魏叔子季子彭躬  
菴諸君善皆遺民也工詩古文兼精書法未冠賦姑蘇懷古諸  
詩傾動一時名大起其詩清迴拔俗得唐賢三昧古體閒入選  
理一時習尚無所染著有獨漉堂集王漁洋趙秋谷二公至嶺  
南於廣州詩人尤推重先生其後杭董甫來主講席題先生遺  
像傾服尤甚洪稚存論嶺南三家有句云尙得古賢雄直氣嶺  
南猶似勝江南其推挹至矣翁山屈姓名大均番禺人著有翁




山詩集子明洪字甘泉貢生官教諭亦以能詩聞梁藥亭名佩  
蘭字芝五南海人童時日記數千言通經史百家年二十六領  
順治十四年鄉試解額詩名已播海內康熙二十七年成進士  
選庶吉士同榜均以前輩事之明年卽假歸周遊名山與海內  
諸名宿相酬唱漁洋竹垞及潘次耕皆推重之著有六堂堂集  
程先生可則字周量一字湟溱號石臞南海人也年輩在三家  
前順治九年舉會試第一官內閣中書改內秘書院康熙已酉  
以主事分校順天試累遷郎中出知桂林府著有海日堂集少  
與漁洋荔裳愚山西樵茗文及沈繹堂曹顧菴稱海內八家其  
詩俊偉騰踔聲光熊熊亞於渙洋品在劉公戡董玉虬之右稽



魯衛者惟西樵云







趙秋谷先生事略

吳安

馮廷樞

馮班

先生名執信字伸符號秋谷山東益都人。穎悟絕倫。九歲捉筆  
爲文有奇語。里中爲文社。先生初不與通。輒自攜紙筆入座。衆  
以其幼也。易之。移晷立就數藝。乃大驚。號爲聖童。同里孫文定  
公廷銓奇其才。命作海棠賦。曰大器也。以女孫字之。年十四爲  
諸生。康熙十八年成進士。選庶吉士。授編修。二十三年典試山  
西。遷右贊善。充明史纂修官。預修大清會典。會典體例多沿  
明舊理。藩院初自國朝分纂者皆遜謝。先生肄國書。取檔案  
附以文義。典制釐然同局。皆服其才。方先生通籍時。詔開鴻  
詞科。當世所稱能詩者。麇集輦下。新城王尚書久以詩古文雄



長壇站。一時鴻生俊才多出門下。先生掉臂其間。自樹一幟。古詩自漢魏六朝至初唐諸大家各成韻調。談藝者多忽不講與古法戾。新城自負妙契。先生著聲韻譜以發其秘。所著談龍錄持論顯與新城齟齬。而新城心折其才。不以爲亢也。同時如朱錫鬯、吳天章、陳元孝皆折輩行。與之交。先生天才駿厲。視儕輩無足當意。獨善德州馮大木。廷樞所師承者。常熟馮足遠。班賞曰。吾生平師友皆在馮氏矣。名曰高忌者。亦曰衆朝士某以詩集徧貽臺館先生。甫展卷立還。其使人銜次骨錢塘洪昇昉思以詩詞遊公卿間。所演長生殿傳奇初成。置酒高會。名流畢集。時尚在國恤。銜先生者因騰章入告。徧及同會先生。至考



功獨任之。在座者得薄讀。而先生罷職既歸。益放情詩酒。所居因園依山。構亭榭。清泉秀石。喬木各極天趣。歸田時年未三十。兩親俱無恙。具甘旨承色笑者二十年餘。性好遊。嘗踰嶺南。再陟高少五。過吳閶。寓維揚。金陵久所至。流連文讌。乞詩文法書者。至後進疑先生宿世人。而先生與酬接諧狎。無少忤。徜徉林壑。踰五十年。卒於乾隆九年。年八十有三。同年生萊陽張庶常罷歸。以事爲有司所窘。避地依先生及卒。殯而歸之。常孰仲生依先生十九年。卒於館。次爲論定其詩文。擇地葬之。其篤於故舊如此。著館山堂文集六卷。詩集十七卷。詩餘雜著若干卷。吳天章者。名雯。山西蒲州人也。初隱居中條山之王溪。李義山



故里也。後遊京師，未知名。渙、洋、尙書見其詩，奇賞之，待漏新房，誦其句於葉詡菴閣。學葉下直，卽命駕造訪。康熙己未，舉鴻博。馮相國溥以筌索詩。天章大書二絕句應之。其坦率如此。卒以不遇不悔也。遊燕趙、齊魯、吳越、秦楚，足跡半天下。晚年買圃鄭谷之口，有竹數百挺，黃梅數十株，橘三株。中作草堂，面雷首，背太華，悠然自忘其老。趙秋谷謂其詩才特超妙，其鄉自元遺山後一人而已。王尙書則謂漢魏以來二千年間詩家號爲仙才者，曹子建、李太白、蘇子瞻三人耳。本朝作者如林，獨以仙才許天章焉。馮大木名廷樾，康熙壬戌進士，官中書。性孤介，不入大僚之門。平生深契者，惟秋谷、朝士有得諸葛銅鼓者，兩人各



賦長歌諸名士皆閑筆渙洋欲哀兩人酬唱詩爲二妙集馮定  
遠名班號鍾吟所著定遠集其說詩力排嚴羽尤不取江西宗  
派而誰事多達物情論文能究古法秋谷於近代文章家多所  
訾警獨折服定遠一見鍾吟雜錄卽歎爲至論至其朝服下拜  
嘗展其墓以私淑門人刺卽冢前焚之



其所以爲人所共知者

[illegible]

卷之五

蘇軾東坡先生集卷之四十五

人姓張名望字君明平陽縣人



孫豹人先生事略

王又目

李念慈

張掄

屈復

王宏撰

關中人文自中孚雪木天生三李外推孫先生豹人先生名枝  
蔚三原人豹文其字也世爲大賈業鹽蕞甲申之亂年二十有  
四散家財求壯士起義不果隻身走江都折節讀書遂以詩文  
名天下年六十舉鴻詞科時有奔競執政之門者先生恥焉求  
罷不允促入試不終幅而出會特詔布衣處士有文學素著  
老不任職事者授京銜以寵其行及格者八人先生與焉部議  
正字銜

聖祖少之子中書舍人初吏部集驗於庭獨臥不往旋被敵促  
乃逡巡入主爵者見其鬢眉皓白引使前曰君老矣先生正色



曰未也。我年四十時。卽如此。且我前以老求免試。公必以爲壯。  
今我不欲以老得官。公又以我爲老。殊可怪也。當事憫謝。卒以  
老官之。先生性伉直。初以世亂。好談兵。家毀於賊。自京師歸。復  
居江都。所著白漑堂集。從遊者皆有聲海內。而王又旦最著。又  
旦邵陽人。字幼華。弱冠舉於鄉。令潛江。履畝定賦。杜豪強侵占。  
身長堤。挂漢水。決。嚙。建。傳。經。書。院。築。說。詩。臺。豹。人。時。居。江。都。迎  
之。受。詩。比。入。爲。給。事。中。詩。名。已。與。豹。人。埒。疏。陳。湖。北。堤。工。協。濟  
之。害。令。荆。郢。分。界。治。堤。以。絕。委。卸。典。試。廣。東。還。過。南。海。花。山。建  
城。於。其。地。設。縣。治。奪。盜。淵。數。皆。報。可。朱。竹。垞。稱。其。詩。能。兼。綜。唐  
宋。人。之。長。年。五。十。一。卒。於。官。有。黃。湄。詩。集。當。是。時。閩。西。之。士。恥。



效章句皆以通經博古爲尙其卓然名家者涇陽則有李念慈  
張恂念慈字岷瞻嘗爲令薦博學鴻詞不第隱居峪口山詩曰  
峪口山房集恂字穉恭一子壺山以進士爲江南推官善畫落  
筆片紙值千錢與三李豹人黃湄輩往還酬答而名稍後惟華  
陰王宏撰朝邑李楷與三李等齊名楷字叔則一字岸翁著河  
濱全集由舉人令寶應以直廢康熙二年賈撫軍漢復請董陝  
志宏撰尙爲諸生從叔則編摩叔則善古賦文樸茂錢牧齋亟  
稱之著書百卷文名冠一時人稱河濱夫子宏撰字無異一字  
山史與三李同時於叔則爲後進而叔則獨喜從山史遊山史  
讀書華山顧亭林嘗主其家共建朱子祠於雲臺觀好易精圖



象學者宗之得一言以爲重凡碑版誌銘非三李則山史而山史工書法故尤多於三李焉又有屈復者字見心號悔翁蒲城人也年十九試童子第一忽棄去走京師學詩者多從之遊先生作客約不迎送不作寒暄語其論詩於興賦比之外專以寄託爲主謂陶之飲酒郭之遊仙謝之登山左之詠史彼自有所以傷心之故而借題發之未可刻舟而求劍也張尙書廷樞欲上章薦力辭不就乾隆元年楊尙書超曾舉應鴻詞科楊未見屈屈亦不報謝所著弱水集甚富無子妻死不再娶人以比林和靖云



邵青門先生事略

董以甯

鄒祇謨

陳王璠

儲欣

青門先生名長衡字子湘江蘇武進人少稱奇童讀書目數行  
正十歲爲諸生試必高等應行省試輒不售乃棄舉子業益潛  
心六經三史及唐宋諸大家文鑽穴寢餽爬梳剔抉久之融釋  
貫串大放厥辭論者謂國朝布衣以文鳴者自商邱甯都外  
律先生可鼎足立先生內行惇篤居親喪力行古禮嘗獨力物  
始祖康節先生祠族子被略爲豪家奴捐金贖之性坦易與人  
交煦然以和意所不可卽髯張面赤不能爲姘媾朝貴有物色  
之者非先焉不往也在都門與阮亭愚山健菴鈍翁其年竹垞  
西溟藕長諸公友聞人談登州海市之奇忽跨驢走二千里之



海上登蓬萊閣望所謂三神山者然卒無所見復走京師友人  
強之入太學試吏部宋文恪德宜得其文驚曰今之震川也拔  
第一例授州同不就後客宋牧仲中丞所最久談道論文敦布  
衣昆弟之好嘗選有明何李王李四家詩矯牧齋偏駁之論而  
以程孟陽詩爲纖佻識者題之尤愛武林湖山數往遊擬結廬  
放鶴亭側又欲營一廛載筆床釣具浮家吳越間所著曰青門  
葉阮亭稱其文爲荆川後一人卒年六十有八同邑董文友鄒  
訐士陳椒峯工詩古文皆有名董名以甯字文友邑諸生少與  
鄒訐士齊名善詩文於厯象樂律方輿之指多所發明晚年悉  
棄去專事窮經尤深於周易春秋著書滿家恤交遊重然諾弟



于恆數百人所著曰正誼堂集。訐士名祇謨號程村。順治十五年進士。性穎特。書過目不忘。事母以孝聞。母教之極嚴。先生卽以讀書娛其母。上自經籍子史及天文宗乘百家之書。古今人爵里姓氏。世次年譜。無不悉記。其於詩文。乃益工。甯都魏叔子兄弟。治古文中。程村一見。歎曰。今乃有如是文乎。逢人輒稱道。海內知有三魏者。實自程村始也。著有遠志齋集。椒峯名王璠字賡明。康熙六年進士。官中書。著學文堂集。少有大志。凡經世之書。莫不講求。精熟爲詩文。于筆于言。旬日間動至盈尺。每讀書至夜分。兩眸欲合。輒用艾灼臂。其苦學如此。又儲先生欣字同人。宜與人少。孤率。兩弟苦讀博通經史。早歲



負東南文望年六十始領康熙庚午鄉薦一試禮部不遇遂杜  
門著書及門多達者選唐宋十家文風行海內乾隆中御選  
唐宋文醇蓋因其本而增益之也所著古文曰在陸草堂集從  
子在文字禮執康熙丁未進士官編修雄文字汜雲康熙辛丑  
進士皆以文名禮執尤工制舉業大文字大雅康熙辛丑舉會  
試第一官庶吉士精輿也形勢之學著存研藝文集言方輿要  
隘者居多皆同入弟子也



國朝先正事略卷之三十九 文苑

平江李元度次青纂

彭羨門先生事略

倪燦 方象瑛

汪霖

徐嘉炎

沈珩

沈筠

陳鴻績

邵遠平

李來泰

康熙十有七年

天子法古制取士

詔中外諸臣各舉博學之彥無論已仕未

仕徵諸闕月給太倉祿米明年三月朔

召試太和殿發題賦

序詩各一學士院散官紙光祿布席

賜宴體仁閣下

上親擢五十人皆入翰林而以羨門先生為首選先生名孫適

彭姓字駿孫浙江海鹽人順治己亥進士由中書分校順天試

至是以第一人授編修歷官吏部右侍郎兼掌院學士充經筵

國朝先正事略

卷三十九

文苑



講官時修明史久未成。特命爲總裁。賜專勅異數也。年七十致仕歸。御書松桂堂額。賜之。遂以名其集。先生少工詩。與漁洋尚書齊名。時號爲彭王。南昌重建滕王閣落成。名流競賦詩。推先生作爲冠。嘗步遊蕭寺。僧方製長明燈。請爲賦。先生誥之。僧退。煮茗以餉。茗未熟而賦成。其敏捷如此。尤工詩。餘渙洋號爲近今詞人第一。時兩浙耆宿與先生同舉詞科者。自竹垞西河雅坪外。有倪君燦。字闇公。上元籍。錢塘人。康熙丁巳舉人。召試授檢討。汪君霖。字朝采。號東川。平湖籍。錢塘人。康熙丙辰進士官行人。召試授編修。官至戶部侍郎。徐君嘉炎。字勝力。號華隱。秀水人。由監生授檢討。在史館中著作多不與人



同辛酉王師收滇黔羣臣獻頌甚夥勝力獨敝饒歌鼓吹曲  
自聖人出至文德舞止凡二十四章每章因事立名與繆襲章  
昭何承天輩相上下乙丑元夕

止於南海子大放燈火使臣民縱觀羣臣皆有詩獨勝力作紅  
門花火記皆稱旨官內閣學士有抱經齋集二十卷沈君珩  
字昭子海甯人康熙甲辰會試第一由中書召試授編修假  
歸寓秀水之鴛湖時嘉興同知孫日恕督修海船訪昭子於僧  
寺昭子引唐代轉運船場之利病見於眉山之論者以爲說孫  
大稱善後水師平海寇如掃落葉賴日恕所部檣櫓之助居多  
用昭子言也所著有耿巖文選沈君筠字開平仁和人康熙己



未進士以庶吉士 石試授編修閱三年卒學博行修未究其用方君象瑛字渭仁遂安人康熙丁未進士候選中行評博


召試授編修癸亥典四川鄉試乞假歸自號金門大隱著健松齋集三十四卷陳君鵠績字子遜鄞人順治十四年舉人毛君芳升字允大號乳雪遂安拔貢生 召試皆授檢討乳雪著古獲齋集邵君遠平字戒三仁和人康熙甲辰進士選庶吉士官光祿少卿 召試授侍讀官少詹事兼侍講學士著有戒菴詩集

同時李君來泰字石臺江西臨川人順治壬辰進士乙未督學江南所拔皆知名士尋任蘇松常道歷官清慎能持大體以疾



歸集熙亡未 召試詞科授侍講古文奧博不肯一語猶人  
獨以平正通達稱著有石臺集祀江南名宦







尤西堂先生事畧勛功

范必英

錢中諧

曹禾

長洲尤先生侗字同人更字展成別字悔菴晚自號良齋以鄉  
言除永平推官坐撻旗丁降調少嘗爲游戲之文順治戊戌王  
學士熙侍經筵

上偶談及學士以先生對

上立索覽學士以鈔本進復索刻本

上覽竟親加批點歎爲直才子者再因問出身履歷爲太息久

之他日又摘集中討蚤檄示學士曰此奇文也問有副本否對

曰無遂

命內府購之坊間不得已亥先生入都使者跡至旅

邸攜一冊去裝潢進呈



上大喜亡何有以所著讀離騷樂府獻者  
上亦讀而善之令梨園子弟播之管絃以比清平調云徐公元  
友及第

上知爲先生門人從幸南海子

上忽駐焉問爾師尤侗年幾何以何事降調當補何官垂詢再  
三復語木陳禪師曰士多有高才不遇者如徐元文之師尤侗  
最工文僅以鄉貢入仕旋罷官豈非命耶木陳因言君相能造  
命

上曰朕意亦然蓋有意召用之矣

世祖升遐先生自傷數奇康熙戊午召試博學鴻儒



聖祖親擢五十人悉入翰林纂修明史先生授檢討年最長入院以齒序四十九人皆坐其下雷史局三年分撰志傳三百篇嘗偕諸儒臣進平蜀詩文上見其名曰此老名士先生刻二語於堂楹曰真才子章皇天語老名士

今上王音觀者榮之子珍壬戌成進士選庶常先生乃告歸家居以詩文繚素詩者戶外屢恒滿時同縣汪編修居堯峯以古文自矜見俗子議文章者恒面斥之以是人多畏憚而樂先生之和易也已卯

天子南巡先生獻

萬壽詩平朔頌

御書鶴栖堂三大字以



賜時年八十有二矣癸未車駕復幸吳賜御書一幅卽家  
晉侍請明年六月卒年八十有七是歲朱檢討彛尊偕徐侍讀  
倬謁見皇太子於行殿令旨賜坐謂曰老成易謝茲來又失  
一尤展成矣字而不名其見重如此所著西堂雜俎艮齋雜記  
鶴栖堂文集百餘卷與先生同縣且同舉詞科者有馮勛范必  
英等勛字勉曾父六皆遭耿逆之亂客死閩中勉曾以布衣  
召試授檢討纂修明史即請假歸入閩尋父觀時亂甫平白骨  
縱橫失其處勉曾伏地慟哭忽有老父告曰牆西有半寸釘者  
是也諦視題識宛然遂扶以歸必英字秋濤號伏菴順治甲午  
拔貢丁酉舉於鄉召試授檢討分纂明史畢卽謝病歸自號





杜圻山人居鄉廉靜足不履公府築萬卷樓藏書二十四櫝皆  
手自校訂工詩古文詞好汲引後進弟子著錄者數百人又錢  
君巾諧字宮声吳縣人順治戊戌進士召試授編修以詩古  
文鳴曹君禾字頌嘉江陰人康熙甲辰進士選鴻詞科官至祭  
酒與田綸霞宋牧仲汪季用顏修來王幼華謝于仞曹升六丁  
澹汝葉井叔楠詩中十子



國朝文獻卷三十九

三十九

一





朱竹垞先生事略

嚴繩孫

康熙己未。詔開博學鴻詞科。其時以布衣除檢討者凡四人。富平李因馬。天生無錫。嚴繩孫。蔭友吳。江潘。未久耕。而其一則秀水朱彝尊。竹垞也。未幾李君告養歸。三布衣均預纂修明史。越二年。

上命添設日講官。知起居注。則三布衣悉與焉。而竹垞先生爲之魁。先生爲明太傅文恪公國祥曾孫。本生父茂曙。學者稱安度先生。先生有奇稟。數歲時。嘗見諸神物。異怪狀。不類人世。及他人視之。輒無有。書過眼。不遺一字。年十七。棄舉子業。肆力於古學。凡天下有字之書。無弗披覽。以飢驅走四方。南踰嶺北。



出雲朔東泛滄海登之罘經甌越所至叢祠荒塚金石斷缺之  
文莫不掉剔考證與史傳參互同異其爲文章益奇旣入詞館  
日與諸名宿掉鞅文壇時王漁洋工詩而疏於文汪茗文工文  
而疏於詩聞百詩毛西河工考證而詩文皆次乘獨先生兼有  
諸公之勝所爲文雅潔淵懿根柢盤深其題跋諸作實踰劉敞  
黃伯思樓鑰之上詩牢籠萬有與漁洋并峙爲南北二大宗論  
者謂王才高而學足以副之朱學博而才足以運之皆篤論也  
在史局屢奏記總裁官言體例悉從其議預修一統志多所釐  
訂典試江南爲文矢於神杜請託入直南書房爲忌者所中缺  
一級罷尋復原官引疾歸



聖祖南巡

御書研經博物四大字以賜家居十有九年藏書

八萬卷著述不倦四十八年十月卒年八十有一先生少貧值  
歲凶日午無炊煙而書聲琅琅出戶外比鄰王氏有老僕訝之  
叩門餉以豆粥先生以奉父而忍飢讀自若嘗集里中高材生  
周質繆泳王翊沈進李繩遠良年符等爲詩課家餘一布袍每  
會則付質庫其婦以繆紡出之後會復然客遊南北必橐載十  
三經世一史自隨孫侍前承澤過先生寓見槲架書語人曰吾  
見客長家者爭馳承聲利其不廢著述者秀水朱十一人而已  
比召試相國馮公溥得其文歎曰奇才奇才先生嘗謂孔門  
弟子中堂薛邦不當以舜似妄爲廢斥鄭康成功在箋疏不當



以程敏政一言罷從祀王文成道德功業文章具三不在不得指爲異學皆有功名教之言所著日下舊聞四十二卷經義考三百卷乾隆中詔儒臣增輯

高宗賜詩題卷端又曝書亭文集八十卷明詩綜百卷灝洲道古錄五代史註不錄各若干卷子昆田孫稻孫皆有集稻孫字稼翁舉乾隆丙辰鴻博能世其家而其二布衣者次耕坐浮躁降調孫友鼎遷中允以疾歸孫友常召試日成省耕一詩賦序皆置不作文未盈卷爲

天子所特拔尤異數云

孫友名繩孫明刑部侍郎一鵬孫也六歲能作徑尺大字以詩



古文擅名。早棄諸生舉制科。力辭不獲。既入史館。分纂隱微傳。容與蘊藉。蓋多自道。其志行云。歸出後。自號藕蕩漁人。工書善繪事。尤精畫鳳。晚歲以詩文圖畫請者。槩不應。暇輒掃地焚香而已。卒年八十。著秋水集二十卷。子泓曾亦工詩畫。



四  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百



陳其年先生事略

吳綺

章藻功

先生姓陳氏諱維松字其年號迦陵江蘇宜興人祖于庭明進士官侍郎忤魏忠賢削籍後起左都御史加太子少保以言事忤周延儒再削籍常從顧端文講學東林直声動天下東林推服之思者因指爲黨魁父貞慧字定生少用文學著聞最善金壇周礼部鑣貴池吳秀才應箕相與掀髯抵掌上下其義論其於国家治乱中朝士大夫賢不肖無不根極始末纚纚數千言可聽諸名士慕其氣節皆師事少保公而與定生相親愛延儒本其邑人適家居欲釋故憾交歡少保父子且爲定生致通顯定生固拒之隙益深會忠賢義兒阮大鍼久病謀起用諸名士



數其罪爲文檄之大鉞恨次骨南都建號大鉞驟起用事將盡  
殺東林黨時少保前卒周礼部首被逮定坐營救方端乃併捕  
定生及應箕應箕亡定生出詣獄下鎮撫司禍且不測而劉僑  
著愍皇帝時舊錦衣也以片紙付馮鎮撫謂此東林後人勿撈  
掠以是得稍稍解未幾江南亡大鉞走死死定生得脫歸而礼部  
已先被殺定生既歸廬少保公墓左凡十二年不入城尋卒有  
子五先生其長也少奇穎過目成誦十歲代少保作楊忠烈像  
贊少保奇賞之諸名士皆折輩行與交時吳門雲間常潤大興  
文會先生入座索筆賦詩數十韻立就或時用六朝俳體作記  
序頃刻千言鉅麗無與比咸驚嘆以爲神先生少清臞冠而于



思賢浸淫及觀準士大夫號陳髯由是陳髯之名滿天下年三十始出雅遊龔芝麓尙書受重髯尤甚唱酬無虛日性調蕩視錢帛如土每出遊餽遺隨手盡垂橐而歸歸無資急命質衣物供用至無可質輒復遊率以爲常先生以詩古文詞爲海內推重吳梅村有江左三鳳凰之目謂先生及吳江吳漢槎雲間彭古晉也常自中州入都偕朱竹垞合刻所著曰朱陳村詞流傳人禁中蒙

聖祖賜問客如皋主官辟疆水繪園最久辟疆愛其才進聲伎適其意嘗有日者謂之曰君年過五十當入翰林康熙己未召試鴻詞科由諸生授檢討纂修明史時年五十有四矣越四



年卒於官。易簀時吟斷句曰：山鳥山花是故人。振手作推敲勢而逝。相傳爲善卷。山中聽經猿。再世云。所著湖海樓詩文詞集共五十卷。國初以駢體名者推先生及吳園次。其次則章豈績。然園次才稍弱。豈績欲以新巧勝二家。又遁爲別調。譬諸明代之詩。先生導源庾信。才力富健。如李崕峒之學杜。園次追步李義山。如何大復之近中唐。豈績純用宋格。則公安竟陵之流亞也。先生嘗曰：吾胸中尙有駢體文千篇。特未暇寫出耳。汪堯曰：唐以前不敢知自開寶後七百年無此等作矣。堯峯固少同者也。園次名綺。號聽翁。江都人。貢生。篤授中書舍人。奉詔譜椒山樂府。遷武選司員外郎。蓋卽以邦山原官官之。寵異



至矣。自下湖州多惠政。廉得大猾所在。單舸擒而殲之。歡聲動地。凌忠節公未葬。爲捐俸卜地葬焉。湖人稱爲三風太守。謂多風力。尙風節。饒風雅也。以失上官意。罷歸。貧。無田宅。購廢園以居。凡索詩文者。多以花木竹石爲潤筆資。不數月。成林。因名種字林。性好客。與諸名宿結春江花月社。詩才富。數。辨。香。在。王。溪。樊。川。間。詩。餘。亦。工。所。著。曰。林。蕙。堂。集。又。有。宋。金。元。詩。選。及。嶺。南。風。物。記。豈。績。名。藻。功。浙。江。錢。塘。人。康。熙。癸。未。進。士。官。庶。吉。士。有。

思綺堂集



（The main body of the page contains several columns of extremely faint, illegible text, likely bleed-through from the reverse side of the leaf. The text is too light to transcribe accurately.)



李天生先生事略

先生名因篤字子德號天生陝西富平人明季爲諸生見天下大亂走塞上訪求奇傑士與殺賊報國無應者歸而鍵戶讀經史貫穿注疏負重名與蓋屋李中孚友善崑山顧亭林至關中常主其家用甲申乙酉閒與亭林冒鋒刃閒關至燕京兩謁莊烈帝攢宮康熙己未薦博學鴻詞以母老辭秉鈞者聞其名必欲致之大吏承風旨縣官敦促先生將固拒母勸之行始涕泣就道試授檢討甫就職以母老且病具疏乞終養格於通政司先生自齋疏跪午門外三日遂得俞旨許歸養疏曰竊惟幼學而壯行者人臣之盛節辭榮而乞養者人子之苦心故求賢雖



有國之經而教孝實人倫之本。伏蒙

皇上勅諭內外諸臣保舉學行兼優之人。內閣學士項景襄李  
天馥大理寺少卿張雲翼等。旁采虛聲。先後以臣因篤姓名聯  
塵薦牘。獲奉 諭旨。吏部遵行。陝西督撫促臣應 詔赴京。臣

母年逾七旬。屬歲多病。又緣避寇墜馬。左股撞傷。晝夜呻吟。久  
成廢疾。困頓床褥。帳轉需人。臣祇一弟。因材從幼出繼。臣叔分  
奉小宗之祀。臣年四十有九。兒女並無母子乳。乳相依爲命。躬  
親扶持。跬步難離。隨經具辭。次第移咨吏部。吏部謂咨內三人  
其中稱親援病。恐有推諉。一概駁回。竊思已病。或可僞言親老。  
豈容假借。臣雖至愚不肖。詎忍藉口所生。指爲推諉之端。痛思



臣母遲暮之年。不幸身膺殘疾。臣若貪承恩詔。背母遠行。必至倚門倚閭。夙病增劇。况衰齡七十久。困扶床輦路三千難。通。喘指一旦禱北辰而已。遠迴西景。以無期萬一有人子所不忍言者。則毛義之捧檄。不逮其親。溫嶠之絕裾。自忘其母。風木之怨。何及。餅壘之恥。奚償。卽臣永爲名教罪人。虧子職而負朝。廷。非臣愚之所敢出也。

皇上方敬事

兩宮聿降孝治。細如草木。咸被矜容。自能宏錫類之仁。推之士庶。甯忍孑然母子。飲泣向隅。奪其烏烏私情。置之仕途。蓋閤臣去臣最遠。故以虛譽採臣。而不知臣之有老母也。臣雲翼與臣



皆秦人雖所居里閭非遠知臣有老母而不知其既病且衰委頓支離至於此極也。卽部臣推諉之語。慨指臣等三人而言。非謂臣必舍其親而不之顧也。且臣雖謫陋而同時薦臣者皆朝廷大臣。其於君親出處之義聞之熟矣。如臣獵名違母則其始進已乖。不惟瀆斁天倫無顏以對。

皇上而循陔負疚。躁進貽譏。則於薦臣諸臣亦爲有靦面目去。歲臺司郡邑絡繹遣人催臣長行。急若風火。臣趨朝之暇。雖迫於戴星而問寢之私。倍懸於愛日。然呼天莫應。號泣就途。志緒荒迷如墜雲霧。低頭轉瞬輒見臣母在前。寢食俱忘。肝腸並裂。其不可瀆官常而干祿位也明矣。況



皇上至聖至仁以堯舜之道治天下敦倫厚俗遠邁前朝而臣  
甘遠離老親致傷風化有臣如此安所用之乃臣自抵都以來  
屢次具呈具疏九重嚴邃情壅上聞隨於三月初一日扶  
病考試蒙

皇上拔之前列奉

旨授臣翰林院檢討與臣同官纂修明史

聞命悚惶忝竊非分臣衡茅下土受

皇上特達之知

天恩深重何忍言歸但臣於去秋入京奄更

十月數接家信云臣母自臣遠離膝下哀痛彌侵晝夜思臣流  
涕無已雙目昏眊垂至失明在仰圖報君俯思諗母欲留不可  
欲去未能瞻望闕廷進退維谷乃於五月二十一日具呈吏



部未蒙代題臣孺切下情惟有哀祈 君父查見行事例凡在京官員 無次丁聽其終養臣身爲獨子與例正符伏願

皇上特沛恩慈許臣遄歸養母叨沐 聖澤以終天年臣母殘

病餘生統由再造臣母子銜環鏤骨永矢畢生而報國方長策

名有日益圖力酬知遇務展涓埃矣諭者謂 本朝兩大文章

葉忠節公映榴絕命疏及先生陳情表皆令讀者油然而生忠孝

之心焉先生予告後奉母家居晨夕不離後遂不復出著有壽

祺堂集其學以朱子爲宗時李中孚提唱良知晚年移家富平

與先生過從最密然各尊所聞不爲同異之說性樸直博學能

疆記初入都南人多易之一日宴集論杜詩先生應口誦或曰



偶然耳。詰其他輒舉全部無所遺時。阮亭堯峯主盟壇坫。先生與抗禮。蕭山毛大可亦李閣學所薦也。北面稱弟子。先生獨序齒。稱之曰兄。與大可論古韻不合。大可強辯。先生氣憤填膺。不能答。遂拔劍斫之。大可駭走。時傳以爲快。顧亭林是先生而非大可。亭林著音學五書。先生與討論。所著詩說。亭林稱之曰毛鄭有嗣音矣。其春秋說。堯峯亦心折焉。亭林在山左被誣陷。先生走三千里入都。泣訴當事。脫其難。







汪舟次先生事略

汪懋麟

汪先生輯字舟次江蘇江都人歲貢生署贛榆訓導康熙己未  
開詞科召試中第授檢討與修明史言於總裁官先仿李壽  
長編凡詔諭奏議邸報彙輯之由是史材皆備二十二年充冊  
封琉球正使賜一品服臨發條奏七事其一謂本朝文教  
誕敷方頒御書於封疆大吏宜併及海外屬國  
聖祖允其請齋宸翰以往比至宣上威德國王及臣民咸  
人悅服瀕行例有餽遺概卻不受國人建卻金亭志之歸撰使  
琉球錄詳載禮儀暨山川景物又因諭祭故王入其廟默識  
所立主兼得琉球世續圖參以明代事實爲中山沿革志二卷



又奏言琉球子弟願入國學


上允之。久之，出知河南府，治績爲中州最。嘗置學，由於嵩陽書院。聘少詹事耿介主講席，士風丕變。擢福建按察使，遷布政使。居五年，民戴其惠。丙召入京，途次得疾卒。性伉直，意氣偉然。能力學，所作以古爲宗，以清冷峭舊爲致。見者比之斬新花藥。尤工書，得楊少師米海嶽之神。著有悔齋詩文集、觀海集。時江都汪君懋麟詩名亦著，與先生同舉鴻詞科。值居優，不與試。懋麟字季用，號蛟門。康熙六年進士，授內閣中書。楚人朱方旦恃邪法，傾動公卿。蛟門著辨道論，力誦其妄，後再論薦以刑部主事入史館，充纂修官。一日禁中出宮箋百番，命羣臣書擇其



尤得二十四幅供御屏用。蛟門與焉。所撰述最多。吏才尤通。敏城南武某以車一馬一販米於南花園。宿董之貴家之貴利。其貴殺之以車載尸。鞭馬曳之。他去武父得尸於道。得車馬於劉氏之門。訟諸官。謂劉殺其子。蛟門曰。殺人而置其車馬於門。非理也。乃微行。縱其馬至之貴門。跳躍悲鳴。衝戶入。卽令收之。貴一訊而伏。時驚以爲神。無何坐事罷歸。鍵關謝賓客。晝治經。夜讀史。日有程課。銳意成一家言。歸三年。遽卒。彌留時。命洗硯磨墨。烹佳茗。以進。自言香沁心骨。口占二絕。大笑呼奇絕而逝。性孝友。敦內行。文品峭刻。摹介甫詩法。韓蘇時出新意。在都門與德州田山薑。商邱宋牧仲等相唱和。號十子。受業王阮亭門。



而才氣縱橫視阮亭爲別格有百天梧桐閣集二十卷。





李漁村先生事略

龐塏  
袁佑

米漢雯  
崔如岳

李先生澄中字渭清別字漁村山東諸城人生時父夢李攀龍入室少與劉子羽稱石交子羽見薛臣七子圖謂貌似于鱗先生亦嘗夢人授文一卷曰此汝作也醒憶之乃于鱗華山記也幼與羣兒戲輒坐忘其胸中時時見太古深山二境移時乃如故既長工詩與青州楊笠雲吳江洪去蕪相唱和康熙己未以拔貢召試既至京擁書臥僧舍不謁朝貴授檢討與修明史嘗召赴瀛臺泛舟賦白蓮詩稱旨賜予稠疊相國真定梁公奇其才屬爲文操紙千言立就梁公歎曰真青蓮也庚午典雲南試或以多金遮馬首先生叱去之曰敢以此汚我耶有李



約山者自滇南學使幕歸與朱竹垞論滇中人材列所取知名士二十有二人署壁閒占先生取舍既試錄至其不與者裁三入耳竹垞臨風酌酒南向爲君得人壽累遷侍讀請告歸足跡不入公門遇事關民瘼乃侃侃直陳一以興利除害爲念卹其孀嫂孤姪爲外曾祖邱簡肅公立後置祭田坐是家益困茅屋數椽僅蔽風雨恬如也在史館十三年與龐公塏交最篤詩文格往往互似所著臥象山房集顧不類滄溟

塏字霽公號雲崖直隸任邱人康熙乙卯舉人七歲時父中蜚語被逮母每夕禱天隨泣拜不輟己未試鴻博授檢討時有明都御史某裔孫夜懷金求勿入魏黨傳力拒之未幾改內閣中



書遷工部主事。再晉郎中出守建甯府。會浦城令以嚴荷激變。邑人乘夜焚冊局。殺冊書罷市。君聞之曰。緩則變成矣。遂兼程赴浦。立召紳士集明倫堂。數浦令罪。諭士民無得生亂。查倉庫及未焚餘冊。變遂定。時制府惡民俗刁悍。欲借浦城示威。而浦令仇邑紳。以結黨爲辭。相傾陷。君曰。彼令實甚。吾可殺人媚人耶。坐重辟。一流二人。浦人立書院祀之。九仙山後告歸。兩親猶健。在閉戶讀書。其爲詩主於平正。沖澹不求文飾。有叢碧山房集。

又米君漢雲。字紫來。宛平人。明太僕少卿萬鍾孫。順治辛丑進士。歷知長葛建昌二縣。康熙己未。召試授編修。典試雲南。遷



中允好學工詩兼善小令書畫承其家法時呼爲小米家蓄古  
硯太僕物也嘗渡江沈於水遣沒人求之弗得將解纜忽紅霞  
起水面光燭天舟人索之硯隨手出焉

袁佑字杜少號霽軒東明人少警敏下筆數千言以拔貢授中  
書舉詞科擢編修乞養歸闢小園奉母母疾革籲天乞減算益  
母壽竟愈年九十二乃終居喪盡禮服除終不食肉後遷中允  
典試浙江稱得士著有詩文集及詩禮疑義左史後議老子別  
注離騷荀揚文中子補注莊子注論杜詩注駁數十卷  
崔如岳字岱齋一字青峙獲鹿人康熙己卯舉人已未召試  
授檢討詩古體蒼堅英拔絕句神似龍標嘉州著有坐嘯軒集



喬石林先生事略

邱象隨  
吳嘉紀

李鎧

張鴻烈

鄧漢儀

喬先生萊字子靜號石林江蘇寶應人康熙六年進士授中書  
分校順天試乞養歸十七年召試詞科授編修與修明史典  
廣西鄉試

上再試詞臣賞其文曰喬萊學問優長文章古雅遂遷左中允  
晉侍講轉侍讀充日講官知起居注國朝漕運沿明制自淮  
人河以達會通河既失故道從安東入海清口日淤淮酒泛濫  
由洪澤以南諸河下注而治河使者又開減水壩洩之淮揚七  
州縣蕩析離居

天子覽臺臣奏濬海口以瀉積水遣使者相度還報可乃出帑



金命按察使于成龍董其役。而河督靳輔上言。海口高於雲梯關五尺。疏海口則引潮內侵。大不便。因請築堤束水。使高置二閘於邵伯鎮南。高郵州城外。泄洪澤盱眙天長之水。俾入堤。自車邏鎮築橫堤一道。抵高郵。自州城東築大堤二。歷興化白駒場至海口。束所洩之水入海。計需銀二百七十八萬有奇。請先給帑而徐取償於田畝。子粒緡鹽。又請設官二百七十餘員。擇才能者任之。疏入。詔下廷臣議。多是河臣言。適先生入直。閣臣奏事畢。

上顧問先生以濬海口事宜。先生直前奏。河臣言是非。士悅曰。此爾一人意見。耶對曰。淮揚人所見。皆與臣同。翼日與



給事中劉國黻等十人合疏言河臣議有四不可行海口原有故道第令塞者通之淺者濬之俾積水得趨海斯已耳河臣議開大河築長堤堤在內地者高丈六尺河寬百五十丈近海者堤高一丈河寬百八十丈勢必毀村落壞廬舍掘塚墓慘有不忍言者不可行一河臣之議先築圍埂用桔槔汲去埂內之水取土築堤不知臣鄉地卑原無乾土況積潦已久一旦取土積水中投諸深淵工安得成雖成且易壞不可行二河臣欲以丈六之堤束水一丈是堤高於民間廬舍多矣伏秋風雨驟至勢必潰潰而南則邵伯以南皆爲魚鼈潰而北則高郵以北靡有孑遺卽當未潰之時瀦水於屋廬之上豈能安枕而臥乎不可



行三至七州縣之田向沒於水今東河使高田中之水豈能倒  
流入河不能入河卽不能歸海淹沒之田何由復出不可行四  
議上

聖世是其言議遂寢大學士梁公清標方長戶部歎曰江淮閒  
可謂有人矣然河臣議實執政主之先生以是叢忌嫉未幾坐  
喜事罷歸歸治廢圃曰縱棹園壘石疏池刺小船往來讀易其  
中著易侯二十卷縣志二十卷詩文集十六卷先生家居孝弟  
謹事師友疏於財好周人急後進有一善誦之不去口其初建  
議也于公頗德之及出領河務恆以地方利弊相諮詢先生直  
言無隱終不干以私卒年五十有三同時江淮間與先生同舉




詞科者曰邱君象隨。李君鎧。張君鴻烈。皆山陽人。鎧傳別見。象隨字季貞。號西軒。順治乙未進士。與兄象升齊名。號二邱。以拔貢生召試。授檢討。遷洗馬。性孝友。以積俸建宗祠。置義田。有西山紀年集。象升字曙戒。順治十二年進士。官大理寺丞。有白雲草堂諸集。鴻烈字毅文。由廩生試授檢討。康熙二十三年。黃河漲發。淮水倒灌。淮南七州縣受害。御史李時謙奏請疏浚。淮揚下河。以救七邑之民。適

聖祖南巡。發帑遣官督治。毅文上疏言淮揚水患。關係運道。民生。淮安以南。則山陽鹽城高郵寶應興化泰州江都七屬受害。淮安以北。則清河桃源宿遷邳州睢甯沐陽安東海州八屬受



害臺臣止知淮南七屬之害而不知淮北八屬之害其苦一也。止知七屬之民苦昔受決之水今受淤壩之水而不知八屬之民田在黃河岸以內者其苦尤甚也。臣世籍淮南何忍不爲八屬生靈再請命於聖主之前乎。得旨命河臣確勘議覆。毅文工詩詞短章秀卓其絕句從樂府得來風韻尤絕。同時有鄧漢儀者字孝威泰州人也。己未召試以年老授官正字歸。孝威與國初諸老游洽聞廣見所選詩觀凡四集投贈稱盛其度梅嶺詩爲渙洋尙書所激賞。又吳君嘉紀字寶賢號野人亦泰州布衣居安豐場瀕於海苦吟無知者周櫟園侍郎盛稱之。由是陋軒之名與諸家埒。渙洋亦絕重之所著曰陋軒集。




















國朝先正事略卷之四十 文苑

平江李元度次青纂

陸雅坪先生事略

兄子全勲

陸先生榮字次友號雅坪浙江平湖人原名世枋幼時值大  
兵南下收平湖父被執先生奔赴求代將軍馬某指扇上詩示  
之曰兒能誦此卽救爾父先生朗誦曰收兵四解降王縛教子  
三登上將臺此宋人贈曹武惠王詩也將軍不殺人卽今之武  
惠矣將軍喜立釋其父挾與俱北欲子之將爲議婚以先問名  
於楊辭尋歸遂補諸生入國學試授中書康熙六年成進士官  
內秘書院典籍十八年舉鴻詞科中選授編修分纂明史遷贊



善二十九年典福建試得士稱盛尋直南書房嘗召至乾清宮暖閣出五臺山金蓮花限韻賦詩立就蒙優獎三十三年試翰詹諸臣於豐澤園

上親拔第一諭曰迎次詩文無出汝右者一歲七遷厯講讀庶子至內閣學士總管諸書局嘗在閣一日批紅本七十有奇長至奏句決本請出矜疑二十餘人未幾告歸性簡易尤篤孝友伯兄南雄守世楷先卒撫孤姪如子族黨有寄金者沒遠徼其子歸還之封識如故年七十卒所著雅坪文集十卷詩集四十卷詞譜三卷兄子奎勲字聚侯號星坡世楷子也康熙六十年進士選庶吉士授檢討修明史撰擬制詔多稱旨以疾



乞休主廣西秀峯書院勅立學規仿朱子白鹿洞遺法成就甚  
衆平生淡榮利不爲嶄岸峻絕之行而秉持不貳薄田未足供  
飢粥無戚戚容惟一意說經嘗言六經汗我而後可以我注六  
經且合六經以注一經著有陸堂易學十卷得力在序卦一篇  
足該全易而以坤以藏之章爲歸藏象帝出乎震章爲連山象  
又言商之歸藏本於神農夏之連山本於黃帝人知畫卦重卦  
智由伏羲不知黃帝始立著數及乾坤八卦之名至屯蒙諸卦  
名則堯舜始增序卦之錯綜則文王始定也詩學十二卷不取  
正變之說不特楚茨十註闕爲成康盛世之音凡斯干無羊考  
室考牧均歸正雅淇澳楚邱緇衣蟋蟀均歸正風譏鄭氏詩譜



時代舛錯不倫歐公強爲釐正猶多牽合周召二南以地不以人王風乃時爲之非有意於貶其持論與明何楷詩世本古義相近且以爲不宗孔孟之傳第守毛鄭之學極詩之用不過三百而止是以有魯詩補亡之作今文尙書說三卷參蔡傳之疑闕所解惟伏生二十八篇而古文則置之不用元吳澄書纂言例也戴禮緒言四卷能糾正漢人穿鑿附會之失春秋義存錄十二卷凡經傳子緯所載孔子之言盡援爲義力辨春秋非以一字寢貶能掃公穀拘例之失與宋儒深刻之論其疑胡傳而信左氏亦足破以經解經之空談詩文自弱冠撰述已富後乃以餘事爲之有文集二十卷詩二十四卷



杜紫綸先生事略

潘高黃之簡

許廷鑠

李果

盛錦

翁照

杜先生詔字紫綸江蘇無錫人康熙二十一年進士官庶吉士著有雲川閣集先生以詩受知於

聖祖會試下第特賜進士入詞館士林榮之逾年告養歸遂不復出晚與高僧結九龍三逸社有廬山東林之風嘗選唐詩叩彈集行世皆中晚名作故生不得力亦在大厯以下也當是時吳中詩人最著者曰潘南村許子遜李客山盛青嘯翁朗夫南村名高字孟升金壇人其詩古淡生新絕去雕飾而自然合度陳其年嘗寫其詩寄漁洋尚書盛稱之遂名於時金陵詩社賦秦淮曉度詩諸名流咸集南村曰我年老才盡止絕句二十



字眾皆斂手甚有袖詩不出者所著曰南村集許子遜名廷傑  
長洲人康熙庚子舉人官武平知縣少英敏精刀槊徧遊四方  
交海內知名士在官有善政去後人益歌思之詩嚴於唐宋之  
界五言律七言絕句尤工高文良公每對客誦子遜佳句文良  
有作與子遜商榷必盡言無隱藝林兩賢之著有竹素園集李  
客山名果長洲布衣著有石閭集陳恪勤公之羈管京口也客  
山投詩造謁公遂與定交後大理李君欲任以鹽筴力卻之李  
君被罪諸任事者皆羅罟客山超然人服其有識詩格蒼老有  
一二字未安屢改不倦晚年文譽鬻鬱過吳門者爭識其面幾  
以魯靈光目之盛青樓名錦字廷堅吳縣諸生著青樓詩鈔詩



從大厯以下入手風格漸高至入蜀集沈雄頓挫直摩瀟洋之  
壘以上窺少陵容京師王公以下多折節下之不耐冗雜歸沈  
歸愚歸田後時引爲同調翁朗夫名照江陰人國子生著有賜  
書堂詩文集明夫有謙癖雖僕隸下人不衣冠不見事上接下  
必以誠樸文恭高文定兩相國先後以鴻博經學薦皆不遇晚  
與歸愚相約耦耕結廬有日矣未幾卒友生爲位哭多失聲者  
詩識力俱高有虞伯生老吏斷獄之目

同時黃先生之雋字石牧華亭人康熙辛丑進士官編修著有  
唐堂集雲間詩自陳黃門振興後俱能不入歧趨自盧方子後  
又日就衰頽鮮所宗法矣唐堂學殖富而才力又足驅使之故



能自開生面仍不失正軌時推爲詩學中興

國朝詩學之興自明末始其時詩人漸趨於古  
而古之所謂古者非漢魏六朝之古也乃宋元  
之古也其時詩人雖多而未有能自開生面者  
故其詩雖古而終不免有宋元之氣



湯西涯先生事略

嚴流用濟

徐倬方榮如

李郭嗣

汪文柏

沈

湯先生右曾字西涯浙江仁和人康熙二十七年進士性伉直以文學重於時與方望溪李穆堂諸公善由編修累官吏部侍郎兼掌院學士先生在諫垣所條議甚衆而豫莊政釐邊儲緩燬鑄糾督撫監司養姦蠹民其語尤著薦紳間丙子典試貴州丙戌分校禮部試皆廉公號得人視學中州杜苞苴請託絲毫<sub>不</sub>取之官中及貳吏部侃侃持正議忌者齟之<sub>上</sub>最重其文學嘗索近詩以所作文光果七言律進御製詩賜之曰爲詩公聞者驚羨著有懷清堂集浙中詩派前推竹垞後推西涯竹垞學博故能變化西涯才大故能恢張後有作者



莫能越兩家之外也。兩浙詩人其年輩科日前於先生者有嚴子餐、徐方虎、李杲堂。後於先生者有汪季青、沈万舟。皆越中魁宿。云子餐名沆，餘姚人。順治乙未進士官至戶部侍郎。生平傲抑，冲退雖踐九列，不殊寒素。有譏彈其詩者，應時改定。遠近稱為德人。方虎名倬，德清人。康熙癸丑進士官侍讀，後家居。特旨加禮部侍郎。異數也。著有贅村集。杲堂姓李氏，名鄴，鄞人。明諸生入國朝，棄巾服，日以著書爲務。所著續世說、中寓筆、削弓奪、鄞人多師事之。甬東詩社延杲堂定甲乙，稱名易書一聯之賞。遠近喧傳，榮於九錫。詩品刊落，凡庸不肯一語。猶人蓋浙人中獨開生西者。汪季青名文柏，桐鄉人。官指揮使，著有柯



亭餘習朱竹垞序其詩謂非僅開宋元之奧竅直造唐人之室而嘖其馘其推挹至此沈方舟名用濟錢唐人國子生母柴氏名靜儀著有凝香室詩鈔得性情風雅之正方舟秉母訓少以詩鳴足跡半天下至廣南與屈翁山梁藥亭定交所詣益進歷遊閑塞客右北平最久詩皆燕趙聲入京師見重安世子紅蘭主人名大著輦下一時名流幾莫與抗行然以語質同人有一字一句未安輒從改削所繇完善無罅漏也著有方舟集又方先生葵如字文翰浙東瑞安人也遂於經學工古文於制舉藝尤獨闢畦町康熙乙未進士官知縣被議歸雍正八年議開博學鴻詞科方侍郎苞疏薦先生及南昌龔孝水縵歙縣奈



西麓華瑞嘉善柯南咳煜衆以爲宜有謂先生挂吏議例不得  
與其三人皆就。蓋徵之必不能至。至亦不能入試者。付卽曰。雖  
然。使士知實至而名附。無求而志自通於風教。亦小補焉。及檄  
下南咳已疾。亟孝水病不能行。至者惟西麓。既報罷執政。欲用  
爲太學六館師。兼纂一統志。西麓以老辭。而先生卒格於部議。  
不入試。所著曰集虛齋集。



姜西溟先生事略 嚴虞序

姜先生宸英字西溟一字湛園浙江慈谿人少工詩古文辭精書法爲諸生名徹九重

聖祖嘗謂侍臣曰聞江南有三布衣尙未仕耶三布衣者秀水木彝尊無錫嚴繩孫及先生也又嘗呼先生之字曰姜西溟古文當今作者曾徵博學鴻儒掌院字上葉公方藹韓公莢約聯名薦適二公以宜召入禁中挾月旣出無及矣於是兩布衣皆入翰林先生不豫尋以薦纂修明史食七品俸仍許與試主試者爭欲得先生顧先生性疎縱醉後違科場式累被斥又嘗於謝表中用黠二堯典舜典語受卷官疑所出先生曰義山詩未



六耶受卷官怒竟擯之翁尙書叔元故人也惟重先生嘗曰吾  
名不見于集卜是吾恨也及尙書官祭酒時余國柱方排睢川  
湯文正公尙書受指使劾睢州僞學遂擢少詹以睢州故兼詹  
一也先生發憤爲文謂古者以教太子有太傅少傅之官太傅  
審父子君臣之道以示之少傅奉太子以觀太傅之德行而審  
諭之今詹事有正貳卽古太吉少傅之遺也翁君貳詹事其正  
實睢州湯公公治身當官立朝斬然有法度吾知翁君必能審  
諭湯公之德行以導太子矣尙書見之撫然曰某知罪矣然願  
子勿出也越日先二刊布之徧傳輦下尙書恨次骨始睢州典  
試浙中歎息語同事暗中摸索勿誤失姜君竟弗得自後每榜



發無不以去先生爲恨者相國明珠長子性德甚才從先上學  
頗欲援以登朝相有幸僕曰安三勢傾京外先生不少假借性  
德乘間言曰家二遇先生厚然平不得大有所助某以父子之  
親亦不能爲力者蓋有人馬願先生少服顏色則立偕先生大  
怒擲杯起絕弗與通於是時相子曰計一罪先生始終執禮而  
安三知之恨甚時相遂與尙書比而尼先生徐尙書乾學能進  
退天下士平生故人並退就弟子列獨先生與爲兄弟稱健菴  
罷官歸猶領一統志先生豫志事相從南歸於是構健菴者亦  
惡先生以故連蹇不得志康熙丁丑年七十矣試禮部卷復違  
格主者慕其名爲更正之成進士及廷對



上問進呈十卷中有浙人姜宸人一韓公葵審公書蹟奏曰第八卷當是十年

上曰宸英績學能文至老不倦可置一甲爲天下讀書人勸遂以第三人賜及第授編修己卯副修撰李蟠典順天鄉試比揭榜爲御史鹿佑所糾蟠遣戍先生以日昏不能視卜同官所欺牽連下吏舉朝知其無罪未置對遽病卒王尙書士禎曰工在西曹使湛園以非罪死獄中愧死矣先生論文以謂周秦之際莫衰於左傳莫盛於國策間者頗賦之先生年長方萬溪以倍見望溪文歎曰吾輩當讓此人出一頭地遂不介而過望溪屬討論其文且曰吾自度尙有不正於是者以困於科舉業不能



盡其才又嘗言吾老矣後會不可期吾自少嘗恐爲文苑傳中  
人而蹉跎至今子他日志吾墓可錄者獨數事耳卽論常熟及  
拒時相子語也先生文雅建有北宋人意甯都魏叔子謂朝宗  
肆而不醅堯峯醅而不肆先生在醅肆之間時騷其論詩宗堯  
花而參之王局以盡其變書法鍾王入神品著有江防總論海  
防總論各一卷葦閒詩集十卷湛園未定稿八卷札記二卷丁  
丑榜一甲第二人爲嚴君虞惇亦以文學著稱

虞惇字寶成號興菴江蘇常熟人九經三史幼卽成誦旣及第  
授編修館閣應奉文字多出其手已卯科場獄興寶成子姪皆  
中選而西溟及蟠皆其同年友用是里吏議鐫秩歸尋起大理



寺副通倉漕米案有以私怨入人罪者。寶成持不可。乃已。俄有  
內務府殺人移獄事。寶成先上書本寺。卿厯指疑狀。復出不意。  
執其人訊之。吐實。讞始定。累遷太僕少卿。典試楚蜀。皆稱得人。  
卒於位。著讀書質疑三十一卷。附錄十五卷。爲文陶鑄羣言。與  
歐曾爲近。江南人士刻其集以繼震川。蓋本同郡。而震川官止  
大僕。名位又相將云。



查初白先生事略 查昇 查嗣琛

先生初名嗣璉字夏重後更名慎行字悔餘晚號初白浙江海甯人性穎異五歲能詩十歲作武侯論同里范驥稱爲曠世才既長游梨洲先生門所學益進深於經術邃於易於書無所不窺而平生癖好尤在詩及山水朋友其於進取榮利之途泊如也少受詩法於錢田閒爲諸生從黔撫楊公雍正出入牂牁夜郎及齊魯燕趙梁宋閒又嘗渡彭蠡過洞庭登匡廬五老峯探武夷九曲尋無諸尉佗遺蹟其詩益富而奇康熙癸酉舉順天鄉試以相國張公玉書李公光地先後奏薦壬午特召直南書房癸未成進士尋授編修北歲西巡賡歌載筆凡幽阻之



區。甌。脫。之。境。爲。從。古。詩。人。所。未。愿。者。盪。胸。賦。目。悉。於。五。七。言。發。之。每。奏。一。篇。

聖祖輒動容稱善。

駕幸南海子捕魚。

命羣臣賦詩。先生詩


有云。笠簷簑袂平生夢。臣本烟波一釣徒。詞意稱旨。忽內侍宣召。煙波釣徒查翰林。蓋同時有聲山學士。故以詩別之。與唐韓翃春城無處不飛花。可同作玉堂佳話也。顧常懷引退志。洪奉七年。卽告歸。家居二十餘年。嘯歌自適。弟嗣庭官侍郎。坐訕謗。代法盡室赴詔獄。

世廟知先生端謹無他。尋放歸。著敬業堂集五十卷。梨洲先生嘗以比陸放翁。卒年七十有八。所著別有周易玩辭集解十二



卷及經史正謗江南通志皆行世聲山學士名昇字仲章康熙  
戊辰進士官少詹事書法得董文敏之神入直南書房  
聖祖屢稱賞之時中貴人有氣餒者听夕銜命至君接之無  
加禮人服其品著有澹遠堂集嗣璫字德尹亦初白弟也康熙  
庚辰進士官侍講著有查浦詩鈔







汪武曹先生事略

吳廷禎  
王步青

張大受  
俞長城

顧嗣立  
黃城

汪先生份字武曹江蘇長洲人年十四隨大父希汲任沂州牧  
大父以官逋繫獄先生侍側讀書連日夜不輟獄吏奇之爲文  
辭氣雄邁康熙四十二年癸未成進士選庶吉士以繼母憂歸  
築室城東隅家居近十年癸巳授編修甲午典廣東鄉試辛丑  
冬命督雲南學政未之官卒年六十有七當面卯戌辰閒吳  
中以文學知名者先生與常熟陶子師同邑何屺瞻稱最皆與  
桐城方望溪遊時崑山徐司寇常熟翁司成方收召後進其所  
善名稱立起舉甲乙科若操券然三君皆吳人素遊其門而自  
矜重不求親昵子師成進士名冠其曹不與館選先生及屺瞻



屢躋於舉場天下士益以此重之其後毗瞻交絕於兩家子師  
與翁亦忤惟先生無違言先生氣和而性伉直遊太學時嘗與  
益都趙秋谷會廣坐中趙年少負才名傲睨一世坐人或爲所  
陵不能堪君忽憤發面數其失趙雖交訐而氣爲之奪望溪初  
至京師見時輩言古文多稱錢牧齋嘗私語先生牧齋文穢惡  
藏於骨髓一如其人有或效之終不可滌濯子師毗瞻皆不謂  
然先生一誨之旣老乃曰今而知望溪非過言也所訂四書大  
全唐宋八家文明以來時文皆行世著有遯喜齋集晚歲辨春  
秋書爵非褒書人非貶爲書三卷義多先儒所未發弟鈞字石  
衡壬午舉人士鑑字文昇工詩古文兼書法丁丑會試第一官



至右中允從弟倓字安公弱冠文名藉甚辛未進士官編修同縣負文名者曰吳山掄張日容顧俠君而上元黃際飛尤與先生善

吳山掄名廷楨夙慧工文宋牧仲選其詩入江左十五子中康熙丙子舉順天鄉試以寄籍黜己卯

聖祖南巡獻迎鑾詩

上稱善命登御舟賦詩賜復舉人有旨召入南薰殿

癸未成進士累官左諭德戊子典試江西李穆堂實領解額尋纂修佩文韻府月令輯要教習庶吉士以勞卒官著有南材集張日容名大受父慶孫順治甲午舉人治精舍匠門溪上聚徒



說經學者稱履素先生。曰容弱冠卽能文。韓慕廬極稱之。康熙庚午鄉薦。闡牘海內。傳誦喜及引。後進四方。造門請業者無虛日。有負之者弗與較。且若弗知也。己丑成進士官檢校督學貴州。卒於官。著有匠門集。

俠君名嗣立。姓顧氏。康熙壬辰進士。選庶吉士。改中書。以疾歸。博學有才名。尤工詩。闢秀野草堂。集四方知名士。觴詠其中。輕財好施。與家日貧。而風流文雅。照映一時。家有古酒器三大者。又十三斤餘。遞殺秀野署門。曰凡酒客過門。請與三雅。詰朝相見。決雌雄。蓋終其身無與抗者。時目爲酒帝。嘗箋註溫飛卿韓昌黎詩。又有元詩選。網羅浩博。一一採自本書。可謂一朝巨觀。



矣。所自著曰秀野集閣邱集。

際飛黃姓名。越未入庠序。卽爲學使者所知名。稱壓其長。孝康  
熙己丑成進士。官編修。居京師。與方望溪汪武曹友。以古誼相  
切劘。逾年告歸。閉特室。潛心宋五子書。而以餘力評選制舉文。  
盛行於時。自國初排纂四書義疏。紬繹先儒之緒論。爲世所  
宗者。稼書此瞻武曹外際飛其一也。繼之者金壇王罕皆而已。  
罕皆名步青。一字巳山。雍正癸卯進士。官編修。  
又俞君長城。字桐川。浙江桐鄉人。康熙壬辰進士官編修。工古  
文。論古尤有識。四書文獨闢畦町。嘗選制藝百二十家。始王荆  
公迄國初諸老。每家各爲小序。允爲大觀。



平陽府志  
 卷之五  
 風俗  
 一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

The image shows a dark, heavily textured surface, likely the cover or endpaper of an old book. The texture is grainy and uneven, with dark streaks and lighter patches. There are numerous scratches and signs of wear across the surface. The overall appearance is aged and worn.



周青士先生事略

王翊  
李麟友

范路

李良年

朱一是

沈進

周先生質字青士一字當谷居嘉興梅會里少孤喪祭盡禮以  
孝稱遭亂棄舉子業受廩賣米有括故家遺書鬻於市者買得  
一船積樓下每日中交易箕筭斗斛權衡堆滿肆撥亂書讀之  
糠粃中有郡丞行署與先生鄰先生吟誦達旦丞不能寐恚其  
遺吏句攝將扶之有士夫解而免其爲詩超儁拔俗不襲前人  
一語時同里王翊范路路弟子繆泳交賞君詩會朱竹垞移居  
市南而海甯朱一是亦至里諸生沈進布衣李麟友皆與先生  
相唱和先生奉母孝膳必具酒肉人有匱乏傾囊給之戴某鬻  
女於巨室及笄將以配僚僕君亟贖以金擇壻嫁之采石估載



米八百斛。得直千金。貯君笥。估獨往硤石。中道溺死。君具棺殮。手書呼其子至。還之。歲潦。率私錢散米以食餓者。性好施。生計日漸窘。遂浪遊。不復問家人產。嘗歲除泊舟亭皋山。訪僧靈章。遂入西湖。又嘗元日攜子。旼至武康銅井山。轉入徑山。時已昏暮。踏雪走二十里。與旼相失。遙見林莽中燈修修。就之。則僧墨浪所居也。僧曰。山多虎。居士遠來。得不心動乎。君曰。吾待不失道心。一動則飽虎口矣。僧方煨芋。勉因啗。君圍爐話清靜理。尋陟山巔。徧歷七十二精舍。還又嘗獨行魏塘。附船入三泖。就九峯訪故人。比及泖。則已暝。船人促之登岸。投僧廬。拒之。先生周步琉璃燈下。覩壁間所錄詩。賤有已作。指示。寺僧曰。吾詩人非。



賊也。乃炊飯止。君宿詰旦自泐達九峯抵華亭訪高士吳騏王  
光承之。居兼旬乃返客京師。未嘗投貴人。一刺朝士願納交者  
非先焉。不往。徐健菴尚書好延攬海內士。徐秀才善主其家。先  
生嘗就善同臥起。尚書欲見之。終不可得其歸也。某給事削三  
緘贈行。曰挾此可得百金。笑卻之。歸舟抵宿遷晨起。洮頰水一  
笑而逝。年六十五。著采山堂集二十四卷。詞緯三十卷。今詞綜  
十卷。析津日記三卷。

王翊字介人家故業染一手挾書一手數錢與布商菜傭相應  
答久之學益進遂以布衣稱詩天崇時詩律盛行人沿竟陵派  
介人毅然獨尚唐音見賞於陳臥子先生一見擊節曰此今之



高三十五也。因爲之序。所著曰秋槐堂集。

范路字遵甫。自蘭谿遷長水。經亂賣藥於市。有靈蘭館集。



朱一是字近修。崇禎壬午舉人。兵後披緇衣。授徒主文社。著爲可堂集。

沈進字山子。嘉興縣學生。早年詩尙清麗。與青山同調。鄉人目曰周沈。晚編所作爲藍村集。歸於沖澹。性狷介。喜寂靜。故沈思刻意下筆。有幽致。又輯文言會粹。行國錄。袁溪文槁等書。



李麟友字振公。揚州學官。自明次子也。史公可法兵敗。自明口縊。學宮振公求父骨不得。遂棄舉子業。其詩恣肆激昂。不落凡近。著有醒齋吟草。



李良年。字武曾。秀水人。少與兄繩遠弟符齊名。號三李。武曾又與朱竹垞齊名。人稱朱李。以國子生召試鴻博。未遇。徐健菴尙書開志局於洞庭西山。聘主分修。著有秋錦山房集。









藍鹿洲先生事略

朱仕琇  
黃任

藍先生鼎元字玉霖號鹿洲福建章適八少負不羈才工詩古文通達治體語經濟必曰諸葛武侯言文章必曰韓吏部受知張清恪公講洛閩之學篤於內行扶十貴反臺灣從兄廷珍以提督進討先生參軍事爲之謀主凡七曰而平著書曰平臺紀略言善後策九詳以選拔貢成均朱文端蔡文勤兩公奇其才方修歷代名臣傳屬先生具草以薦得召見例赴吏部試同列皆蹶躅循故事先生奮筆上五千言陳五事  
世宗下其議多施行特旨授普臨知縣諭樞臣曰以彼其才任道府綽有餘矣在宦有惠政聽斷如神暇則與邑士之秀



者講明正學。俗不變。未三年。以忤監司。削籍。或勸其委蛇以紓禍。先生曰。吾嘗涉大海。歷澎臺。出沒驚濤間。冒矢石。采人窮。菁觸惡瘴。毒霧不稍懼。今爲命吏。肯頻首媚監司哉。遂生官。連于七。百金。士民斂金代納。留三年。潮州守延修府志。制府禮爲上客。事多諮訪而行。代刻其古文二十四卷。又輯所自治官書爲唐劉公案。輯講學語爲棉陽學案。閩中古文家自鹿洲後推朱梅崖。詩家推黃莘田。稱最梅崖。名仕琇。建甯人。乾隆庚午鄉試。領解額。明年成進士。選庶吉士。與同年生朱文正公珪及茹興林。穆菴。明倫。以古文相鏃礪。名重京師。梅崖落落自如。散館。改知縣。其落落如故。尋改教授。以歸。與兄明經任玠相唱和爲樂。



其論文謂始當力抗周秦兩漢與荀屈揚馬諸子博必伏而監其腦然後導而匯之韓柳歐陽王曾姚虞以下若首段而尾逆也及晚而反覆遵巖震川諸家心愈降而客氣盡於是奇辭與旨不合道者尠矣所著文曰梅崖居士集莘田姓黃氏名任永福人康熙壬午舉人官四會知縣以詩名天下享大年著有香草齋集芬芳悱惻能移人情乾隆壬午重賦鹿鳴筵宴閩人士推魯靈光焉







王九溪先生事略

郭煥唐鑒

羅典

余廷濤

唐仲昆

王先生文清字廷鑑號九溪湖南甯鄉人少工文學舉雍正二年進士官岳州府教授母憂歸喪毀踰禮乾隆元年召試博學鴻詞未人選以薦爲三禮律呂各節纂修官補內閣中書遷宗人府主事考授御史告義歸旋丁父憂年六十餘矣猶哭踊如孺子慕三嶽麓書院十餘年多所成就撰儀禮分節句讀以句讀爲主略爲箋註不欲其繁又周禮會要六卷亦約括注疏諸說疏通字義以便學者又著考古源流二百卷卒年九十有二祀鄉賢并祀祀嶽麓屈原祠郭先生煥字昆甫善化人少負文名貢成均胡宗緒襲參爲祭酒奇其文七試皆冠其偶襲參



與方望溪善。說士於望溪。欲令往見先生。曰。某士也。若趨謁公卿之門。非噉名。卽附勢。何取焉。卒不往。望溪轉益重之。乾隆九年。舉鄉試第一。著有羅汴詩文集。及制藝行於世。羅先生典字微五。號慎齋。湘潭人。乾隆十六年。進士。由編修官鴻臚少卿。督四川學政。盡革陋規。以經學造士。文體爲一變。諸生某爲縣令。誣陷真之獄。同學生爲公辯。令遂以聚眾聞。先生至之。爲昭雪。任滿告養歸。主講嶽麓。二十有七年。造就人才甚眾。性剛而介。任工科時。值大工作。總役希冒銷賂。以三千金拒。勿納。仍痛懲之。按款核銷。無少假。嘉慶丁卯。重赴鹿鳴筵宴。明年卒。年九十。著有凝園五經說及詩文集。余先生廷燦字卿雲。號存吾。長沙



人乾隆二十六年進士官檢討充三通館纂修以母老告養歸家徒四壁立取與不苛母卒啜粥寢苦值暴雨入倚廬地沮洳家人藉以片板磨去之先生學有本原於天文律歷句股六書之學俱能鉤元提要成一家言與戴東原紀曉嵐相切琢所著詩古文尤醕茂有存台文集卒年七十唐先生仲冕字六枳號陶山善化人乾隆五十八年進士任荆溪知縣調吳縣擢知海州調通州權松江及蘇州府所至勤求民瘼振興土氣興大利除大弊措理裕如又以及暇修治古蹟接禮賢峻意趣超然軒冕外嘉慶五年由候補道擢按察使晉陝西布政使三權陝西巡撫以疾歸僑居金陵卒年七十有五性孝友自以其父官平



陰貧甚母歿不能歸葬葬肥城之陶山因以陶山自號嘗結廬墓側孜孜著述撰岱覽三十二卷擬輯湖南詩徵未就著有陶山文集吳門滄浪亭有五百名賢像石刻首吳泰伯終唐陶山其爲時推重如此



國朝先正事略卷之四十一 文苑

平江李元度次青纂

鄒小山先生事略黃勤敏纂

先生名一桂字元袞號小山江蘇無錫人。雍正五年進士選庶吉士授編修十年典試廣西尋改御史十三年督貴州學政疏陳科場之弊乾隆七年轉給事中。

上命許容巡撫湖北疏言許容誣奏謝濟世奉旨奪職總督藩臬以下承審官皆罷斥不特湖南得見天日天下臣民罔弗額手稱慶此彰瘝之公吏治所由知戒也昨有旨仍命巡撫湖北中外聞之莫不驚駭乞降旨宣示臣民俾曉然於黜陟



國朝文正公集卷四十一  
之所以然疏入

上遂寢其事十一年秋

賜宴瀛臺

特命與焉遷大理少卿

多所平反脫死罪二人再遷本寺卿疏言律載獄具全圖均有定式今司獄者多用非刑夫囚有應得之刑國家有常用之法不當罪不可以爲法矧令其死非法之刑哉詔下所司察治十四年詔舉經學以同邑顧棟高薦咸以爲得人遷內閣學士十七年充會試副考官明年以老告歸御製詩寵行後三年詣闕恭祝

皇太后聖壽

賜杖

命與香山九老會又十年以祝

聖母八十壽加尙書銜俸再與九老會歸次東昌薨年八十有



七先生。應官數十年。挺挺直節。家居屏跡。不入官府。時策杖尋佳山水。飲酒賦詩。工繪事。得文待詔遺法。官御史時。朝貴有索畫者。先生曰。吾不能受人役。不應。然先生畫流傳頗多。亦未嘗故自矜重也。所著曰小山文集。自先生後。以書畫繼稱者。推董文恭及黃勤敏二公。

黃先生鉞。字左君。一字左田。當塗人。幼孤。寄居外家。補諸生。爲朱文正公所激賞。挈游京師。自是奔走衣食。無虛歲。乾隆五十四年。成進士。觀政戶部。尋告歸。主書院十年。容廟聞其名。有旨特召。由主事起。擢贊善。入直南書房。十年。中官至禮部尚書。屢典鄉試。督學政者。再。晚年乞病歸。人比之。



董華亭云先生工書善畫所進畫幅久邀

睿賞與富陽相國稱董黃二家內府名蹟均經其鑒定晚歲召  
益重廣作雜出有購得者轉求其自定真偽  
子告後年九十  
餘日失明白號盲左猶能作書既薨

帝悼惜

賜祭塋

子諡勤敏著有西齋集



張南華先生事略曹仁虎

張先生鵬翀字天屏號南華江蘊嘉定人雍正五年進士授檢討十三年充雲南副考官遷侍講乾隆六年典河南鄉試遷庶子充日講起居注官九年晉詹事先生有宿慧詩才敏捷嘗應乾清宮御試日未亭午諸臣方構思先生即納卷高廟天縱多能筆不停綴詞臣罕能賡和者至是心賞之尋進萬壽聖德詩百章經史法戒詩五十章又陳十愼箴皆稱旨兼工畫捷如其詩嘗繪春林淡靄圖題六絕句以進士依韻賜和先生即於宮門前疊韻謝恩繼進日長山靜畫扇賜詩八章繼命和望雲思雪意詩宣上御舟特



賜坐復

命隨輦入朝賦紀

恩詩四章復

命和澄海樓望

海禁體詩後屢

勅

御舟作畫

賜

御畫枇杷折枝及松

竹雙清圖最後

賜御書雙清閣額皆有詩恭紀其他進詩與

諸臣同和者不下數百篇前後

賜賚不勝紀十年乞假省墓

賜白金百兩

御製詩一章以寵其行舟抵臨清卒年五十有

八

帝深惜焉先生性孝友敦門內行尤好山水事事灑落人呼漆

園散仙有南華山房集三十卷同縣曹習菴學士名仁虎字殷

來後先生三十年成乾隆辛巳進士少與王述菴吳企晉趙璞

函諸君唱和所刻詩流傳海舶日本國使臣以餅金購之入詞



館後每遇大典禮應奉文字皆出其手官至侍讀學士性至孝  
督學廣東聞母訃以毀卒著有宛委山房集







諸襄七先生事略

楊慶汪  
副長發

沈廷芳

夏之蓉

徐士不

諸先生錦字襄七號草廬浙江秀水人。雍正甲辰進士。由庶吉士改知縣。就金華府教授。乾隆丙辰。召試鴻詞科。列高等。授編修。遷贊善。少貧。無買書貲。聞吳下書賈甚愛客。謂之留數日。主人敬其好學。謂曰。觀君舉止。欲此架上線裝書耶。先生笑而頷之。後益博聞強識。出李穆堂門下。詩法山谷。後山而志節皦然。甘守寂寞。足不履權貴門。著有毛詩說。饗禮補亡。夏小正注。及絳跼閣集。其詩說以小序為主。序文惟用首句。用蘇轍例。不釋全經。惟識所心得。用劉敞七經小傳例也。同時召試入詞館者。自革甫。句山。次風。外日。楊勛。齊。沈椒園。夏禮谷。徐泉亭。



周蘭波

助齋楊姓。名度。汪無錫人。由拔貢。召試。授庶吉士。改德興知縣。少從其世父綱章先生游。及入詞垣。益砥志於學。著有雲逗樓詩集。椒園名廷芳一字晚叔。仁和監生。召試。除庶吉士。授編修。改御史。以言事被黜。乙丑起視漕山左。擢登萊道。遷河南按察使。乞養。老先生爲查聲山宮詹外孫。受詩學於初白。受古文法於望溪。尤究心經術。嘗以鑒本十三經注疏多訛脫。著十三經正字八十一卷。校勘極精核。又著隱拙齋詩文集。夏醴谷名之蓉。字芙裳。高郵人。聖正癸丑進士。丙辰。召試。授檢討。嘗典試福建。督學廣東及湖南。於治經外。以古文之學校士錄其



九爲汲古編。解組後主鍾山麗正書院。憐才訓士。汲汲如不及。  
著有半舫齋詩鈔。卒年八十有八。泉亭姓徐氏。名士璠。仁和諸  
生。召試授庶吉士。改部曹。出知瑞州府。周蘭坡名長發。號石  
帆。會稱人。雍正甲辰進士。由庶吉士改廣昌知縣。丙辰。召試  
授檢討。遷侍講學士。在廣昌詩久。兩山水暴漲。城垂沒。先生以  
黃紙書銜。鈴以印。朝服登城。稱首哀籲。願以一令保闔城婦子。  
雨霽冰消。得亡恙。詩才敏捷。不亞張南華。嘗應制賦覺生寺  
大鍾歌。稱旨。著有賜書堂集。



國朝文獻通考

卷四十一

一

國朝文獻通考卷四十一  
禮考一  
吉禮一  
皇帝親耕  
皇帝親蠶  
皇帝親郊  
皇帝親廟  
皇帝親壇  
皇帝親社  
皇帝親農  
皇帝親蠶  
皇帝親郊  
皇帝親廟  
皇帝親壇  
皇帝親社  
皇帝親農

國朝文獻通考卷四十一  
禮考一  
吉禮一  
皇帝親耕  
皇帝親蠶  
皇帝親郊  
皇帝親廟  
皇帝親壇  
皇帝親社  
皇帝親農  
皇帝親蠶  
皇帝親郊  
皇帝親廟  
皇帝親壇  
皇帝親社  
皇帝親農



杭堇甫先生事略厲鶚

符曾 汪沆

先生名世駿。字大宗。堇甫其別字也。仁和人。少負異才。於學無所不貫。所藏書。撻楊積。凡不下數萬卷。枕籍其中。目睇手纂。幾忘晷夕。與同里厲鶚。陳兆崙。汪大坤。梁啟心。張燾。龔鑑。嚴璲。諸名輩。結讀書社。舉雍正甲辰鄉試。受聘爲福建同考官。乾隆元年。召試鴻詞。授編修。校勘武英殿十三經二十四史纂修三禮義疏。先生博聞強記。口如懸河。時方望溪負重名。先生獨侃侃與辨。望溪亦遜避之。有先達以經說相質。一覽曰。某說見某書。某集拾唾。何爲。學子有請益者。問其所業。以一經對。則以經詰之。復以一史對。則以史詰之。皆窮。乃曰。某於西晉末十六國。



事差能詳耳。先生曰：汝知是時有慕容垂乎？垂長若干尺，得年幾何？其人慙沮去，以此頗叢忌嫉。改御史條上四事，下吏議尋放還然。

高廟仍納其言。數十年來，天下督撫漢人參半，是四事已行其一也。其論直省藩庫宜有餘款存留，以備不虞，亦篤論然。先生已削橐其語，多不傳。罷歸後，杜門奉母，自號秦亭老民。偕里中耆舊及方外友結南屏詩社。後迎駕湖上，賜復原官。性通脫，不事修飾。主粵秀安定兩書院最久，好獎借後進。自言吾經學不如吳東壁，史學不如全謝山，詩學不如厲樊榭，而齊次風侍郎特嗜先生作。嘗集蘋詩，其先生詩爲一卷，題曰蘋菰集句。



著有禮例續禮記集說。石經攷異續方言。史記攷異。漢書疏證。補晉書傳贊。北齊書疏證。經史質疑。詞科掌錄。榕城詩話。桂堂詩話。兩浙經籍志。續經籍攷。道古堂詩文集。晚年補金史特構。補史亭成書百餘卷。嘗賦方鏡詩二十四首。傳誦輦下和者。自王公卿相至方外閭秀幾及數千家。

厲樊榭名鶚字大鵬。錢塘人。少孤貧。僦居東園。讀書不輟。爲詩精深峭潔。截斷衆流。於新城長水外自樹一幟。湯少宰西崖最所激賞。性耽閒靜。愛山水。康熙庚子舉於鄉。需次縣令。將入都。道經天津。查蓮坡畱之水西莊。同撰周密絕妙好詞箋。遂不謁。選乾隆初舉鴻博。報罷南歸。與鄉閭諸老酬唱。客揚州有馬氏。




藏書最富。延主其家。盡探其秘牒。大江南北。主盟擅壻。凡數十  
年。尤工詩餘。擅南宋諸家之勝。著有東城雜記。湖船錄。秋林琴  
雅。及樊榭山房集。若干卷。又仿計敏夫例。爲宋詩紀事百卷。撰  
遼史拾遺。採摭羣書。至三百餘種。最稱博洽。先生無子。歿後四  
十餘年。其栗主委榛莽中。何春渚淇取歸。送黃山谷祠。灑掃一  
室。供之王蘭泉侍郎屬同人。於忌日薦酒脯焉。符先生曾字幼  
魯。樊榭同縣人。由國子生試鴻博。不遇。後官郎中。著有春鳧集。  
其詩超妙絕俗。如冰雪在口。沁人齒牙。汪先生沆字西澗。號槐  
塘。亦錢塘人。少從樊榭受詩法。博極羣書。與幼魯同試詞科。報  
罷。客天津查氏水西莊。南北稱詩者。奉爲圭臬。著淇華軒雜錄。



請書曰。札新安紀程全閩采風錄。蒙古氏族略識小錄。泉亭瑣事。汪氏文獻錄諸書。







齊次風先生事略陳兆崙

齊先生召南字次風號瓊臺晚號息園浙江天台人幼稱神童  
十二歲登巾子山作詩識者卽以公輔器目之新城何端簡公  
世璠嘗稱於眾曰此我朝奇士當以王姚江一輩相待也雍正  
七年副貢乾隆元年舉鴻詞科授庶吉士修一統志及明鑑綱  
目授檢討充校勘經史官晉中允侍讀憂歸命在籍編纂陸  
續經進服除補原官修會典及續通考晉侍讀學士戊辰分校  
會試入直上書房大考翰詹名第一擢禮部侍郎  
高宗於甯古塔得古鏡先生具析原委并及款識  
上謂左右曰是不愧博學鴻詞矣西苑侍班御射十九矢皆



中的

上顧蔣尙書溥及先生曰不可無詩乃立進四章

上卽俯和其韻尋充續通考副總裁兼修通禮十四年夏自圓明園歸陸馬觸巨石破腦

上遣中官就視賜藥令蒙古醫治之病少定

天語屢垂問尋請歸養母優旨慰留再三請乃報可抵家太

夫人適患痰疾聞其至勿藥而愈主敷文書院十一年成就人才甚衆

高宗兩次南巡俱迎駕又入都祝嘏賜賚有加族子周華以黨呂留良遺戍及歸刻其書呈巡撫能學鵬誣列公十罪



詔陳周華并逮先王入京部議籍產

上僅落其職先生未遇時于忠肅公嘗示夢云景泰帝易儲吾  
其疏力諫不從後人不知妄議今皇更成中吾疏尚在子他日  
當出之以雪吾冤又曰子終身宜戒食牛牧子命者牛也後修  
明史綱目親至史成徧覽忠肅疏不可得而墜馬時蒙古醫以  
牛腦易髓則其語有徵先生卒後朝廷輯四庫書邵學工習  
誦習聞先生言復至皇中成求疏亦不得得明通政使進本檔  
冊載景帝某年月日于某一本爲太子事此卽忠肅疏諫之明  
證也先生觀書目十行下一覽終日不忘應徵比上過某邑宰  
架上有異書八冊以借觀請許之詰旦將行以書進先生曰吾




已聞訖矣。主人未之信。覆詢之。則皆探喉。出不一字。差乃大驚。服然自腦裂後。亦不其省記矣。最精輿地之學。謂鵬注水經。明於西北。而闇於東南。且域外諸水。皆未詳。因撰水道提綱三十卷。又有史漢功臣侯第考一卷。歷代帝王表十三卷。後漢公卿表一卷。宋史目錄及賜覲堂詩文集若干卷。目力勝人。腫極小而能遠視。每登山。見江船。能辨舟中人物服色。及壺觴杯棊之屬。皆不爽。夏棲萬松山中。望雲能尋其根。云彷彿如絲。繫於山跡。而挖之。得雲根石。多花草鳥篆形。後漸多。因以作譜。尤異者一石。具先生名字。卒年六十。有六。同時應詞科起家者。有陳星齋。太僕與先生齊名。



星齊名兆崙字句山錢塘人雍正八年進士觀政海疆非其好也益發爲詩歌以自灑濯及召試入詞林洊登卿寺官至通政使入直上書房兼尹順天而意致蕭散有山澤閒儀京師士大夫奉爲文章宗匠嘗自言吾書法第一文次之所著曰紫竹山房集







劉海峯先生事略方世舉 方貞觀

劉先生大槐字耕南號海峯安徽桐城人。生而好學工詩古文。當康熙末方侍郎苞名大重於京師見先生文大奇之語人曰。如苞何足言同里劉大槐乃今世韓歐才也。自是天下皆聞劉海峯。然試輒不遇雨中順天副榜乾隆丙辰召試鴻博庚午舉經學皆報罷京朝官提督學政者率聘之校文因歷天下佳山水爲歌詩自發其意晚官黟縣教諭又數年歸樅陽不復出。卒年八十有三先生古文喜學莊子尤力追昌黎詩格亦高爲文名所掩著有海峯詩文集姚姬傳實從其游世遂有桐城派之目同縣方先生世舉字扶南一字息翁博學篤行於書無所



不窺性疏曠。不求仕進好爲詩。鎔鑄古今自開生面。晚年注韓詩。酷嗜其體。薦舉鴻博。固辭不就。方恪敏撫浙。以舊好招之。亦不赴。年八十餘。精彩不少減。著有春及堂集。與從弟南堂齊名。南堂名世泰。字貞觀。以字行。邑諸生。孫文定薦舉鴻詞。科不就。少以南山集牽累。隸旗籍。後放歸。讀書數行。並下詩格清醇。深得唐賢微旨。著有南堂詩鈔。



胡稚威先生事略

周大樞

萬光泰

金農

陳撰

丁

胡先生天游字稚威號雲持榜姓方後始復姓山陰人少有異才書無所不窺雍正癸卯副貢生乾隆丙辰任尚書蘭枝薦舉博學鴻詞科才名冠一時時四方文士雲集每稠人廣座援筆輒數千言文成奧博見者嗟服以持服不與試丁巳補考鼻衄納卷出先生於文工四六得唐燕許二公之遺詩雄健有奇氣未嘗挾一刺于公卿一統志成當進御鄂張兩相國屬表於齊檢討召南檢討推先生鄂文端驚歎其文欲招之檢討曰稚威奇士豈可招耶卒不至後文端延爲三禮館纂修居京師十餘年四方求文者輦金幣踵門隨手輒盡諸公卿爭欲令出門



下每試入棘間策文至二千言論或數十字與常式格格不合復置順天乙榜乾隆十六年再舉經明行修梅總憲穀成齒之上御別殿問今年經學中有胡天游何如衆未對大學士史公貽直奏天游夙學有名

上曰得毋奔競否史公以臣所聞太剛太自愛

上默然自後薦舉遂無敢及之者而先生亦既老矣與田侍郎懋有舊田家山西招之往修志太原卒年六十有三著石筍山房集嘗言古今人皆死惟能文章者不死雖有聖賢豪傑瑰意琦行離文章則其人皆死誠快論也先生有妹石蘭次景素次卧雲俱有雋才工詩時比之劉家三妹袁蔭齋同應召試獨



心折先生。嘗曰。吾於稚威。則師之矣。於元木。循初。則友之矣。其  
他某某。則事我者也。元木者。周君大樞。一字元牧。稚威。同縣人。  
應鴻科。科不遇王申。舉於鄉。官教諭。著有居易堂稟。幼工詩。與  
稚威在江東詩社中。最稱傑出。尤與秀水蔣光泰。善以詩文相  
切劇。果毅阿公。延爲上客。每公暇。命講通鑑數。則其雅度可想。  
見云。光泰字循初。號石坡。乾隆丙辰舉人。穿穴六藝。排比百家。  
而尤精於周髀之學。上自注疏。旁及諸史。以至明之三歷。呵龐  
喝利布算。了了時稱絕才。梁蘄林少師。續修通考。延循初董其  
事。詞科報罷。客津門。查氏著轉注緒言。漢音存正。遂初堂類音。  
辨諸書其詩。反曰柘坡居士集。同時以布衣舉鴻博。未赴者有。



金先生農陳先生撰丁先生敬農字壽門一字冬心錢塘人嗜  
奇好古收金石文千卷足跡半天下詩格高簡有奇氣工畫梅  
閒寫佛像分隸獨絕一時著有冬心集撰字楞山號玉几鄞人  
砥行讀書璆然古處詩冲逸高妙工書畫精嘗鑑所居玉凡山  
房摺藏最富著有繡鈇集敬字敬身號龍泓山人錢塘人隱市  
廛喜酒好金石文字寄崖絕壑手自摹搨證以志傳著武林金  
石錄工分隸精篆刻印章然非性命之士不能得一字也著有  
龍泓山館詩鈔



沈東甫先生事略

乾隆丙辰之舉詞科也。先後應召至者二百餘人而著謹之多莫如歸安。沈東甫先生篤志古學，窮年著書，其最精者有新舊唐書合鈔二百六十卷，折衷二史之異同而審定之，而莫善於宰相世系表之正謬，方鎮表之補列，拜罷承襲諸節目。全謝山謂可援王氏漢書藝文志之例，孤行於世者也。又撰九經辨字瀆蒙十二卷，以正九經文字。其一卷爲經典重文，二卷爲經無重文，三卷爲經典傳譌，四五卷爲經典傳異，六卷爲經典通借，七八九傳爲先儒異讀，十卷爲異音通義，十一卷爲異音異義，十二卷則注解傳述人也。又有讀史四譜、反唐詩、金粉等書，皆



博而能精其自爲之書曰增默齋集先生與李弟幼牧並應召  
試人謂庶幾厚齋盤洲伯仲之風臨川李侍郎見其所著書驚  
喜曰不意近世尚有此人亟欲推挽之會左遷不竟其志先生  
兄弟亦放還未一年先生卒又六年嘉善錢侍郎陳羣以唐書  
奏進於朝有詔付書局時方令史館校勘唐書諸公得之  
大喜盡采之卷中論者謂先生生不得附劉向荀勗之徒齊正  
七略中經之籍身後猶得邀採掇之餘以肩隨於應邵如蔣薛  
瓚之後著錄四部俯視竇苹董衡一輩亦可瞑目於九原矣先  
生名炳震字寅馭號東南居歸安之竹墩卒年五十有九幼牧  
名炳謙



馬秋玉先生事略 馬日璐 趙昱 趙信

馬先生曰瑄字秋玉一字嶰谷祁門人江都籍候選知州嗜學  
好結客與弟半槎同以詩名家有叢書樓藏書甲大江南北四  
庫館開先生進書七百七十六種 優詔褒嘉 賞古今圖書  
集成一部其圖亭曰小玲瓏山館曰街南老屋四方名士過邦  
上者觴詠無虛日時盧雅雨都轉提唱風雅全謝山符幼魯陳  
楞山厲樊榭金壽門陶篁村陳授衣諸君來遊皆主馬氏結邦  
江吟社與昔之圭塘玉山埒  
高宗南巡 幸其園賜 御製詩海內榮之所著曰沙河逸老  
集半槎名曰璐字佩兮國子生詩筆清削著有南齋集馬氏兄



弟同薦博學鴻詞科皆不就名重一時同時兄弟並應召試者有浙中趙各林意林昆仲

谷林名昱字功干原名殿易仁和貢生性耽風雅築春草園有池館之勝異本書數萬卷同時蔣繡谷吳尺鳧亦好藏書每得秘牒必互相校識有小山堂酬唱集與揚州馬氏相應和其好客亦如之弟信字辰垣國子生意林其號也意林從兄鐵巖與臨川李穆堂同官侍郎意林投以南宋雜事詩穆堂奇其才欲以鴻博薦意林讓其兄谷林而亦爲趙通政之垣所舉明罷南戶與谷林溫經研賦摯訪秘編時有二林之目卒後所藏書畫悉歸馬氏焉谷林著愛日堂集意林有秀硯齋吟藁



國朝先正事略卷之四十二 文苑

平江李元度次青纂

趙然乙先生事略汪越

趙先生青藜字然乙安徽涇人。生而穎異。九歲能文。乾隆元年舉會試第一。選庶吉士。授編修。尋改御史。在臺五年。有直聲。能持大體。不爲激切之語。時沈侍郎德潛舉諫垣。著望者爲五君子。詠先生與焉。章凡數十上。如請清屯田。以歸運丁。請弛米禁。以濟民食。請仍耗羨歸公。請興西北水利。皆有關係民利病。又劾總督高誠。侍郎周學健。奏開捐納。謂此風一行。將見言利之徒接踵起爲害甚大。



上嘉其有見。其含糾彭協揆維新奪情。議尤侃侃。十二年奉

命察賑山東。還朝以耳疾乞休。後

高宗南巡。伏迓道左。蒙存問者再。年八十餘卒。先生兩典浙

江。一典湖南。試所得多。知名士。生平以不欺爲本。接人外和而

內嚴。不可以私干。訓迪後學甚衆。爲古文受義法於方侍郎苞。

風格似之。侍郎稱及門有所祈嚮而可信。其操行之終不迷。惟

先生爲最。詩自漢魏及宋元靡不畢貫。獨宗工部。晚乃歸於昌

黎。性喜遊。往來黃山白嶽。匡廬間蕭然自適。著有漱芳居文集


十六卷。詩集三十二卷。其學尤長於史。所作史論有特識。著讀

左管窺二卷。於二百四十二年事實穿穴甚深。先是先生同郡



以史學稱者。推南陵汪越。越字季超。康熙四十四年舉人。所著詩古文詞。冲淡典博。後進咸則之。有綠影草堂集。毛詩集略諸書。其讀史記十表。病史家諸表。可資考證。而不可以誦讀。學者往往不觀。因排比舊文。鉤稽微義。使讀史者了然於心。目父性嚴毅。能曲得以歡心。伯兄早世。撫遺孤備至。行社倉法於里中。官給印籍。而自謹其出入。可爲後人法式焉。







黃靜山先生事略

陳

道

曾九皋

陳用米  
吳嘉賓

黃先生永年字靜山號崧甫江西廣昌人少好學以文章自名  
雍正六年舉孝廉方正不就乾隆元年進士授刑部主事屹屹  
治案牘於疑獄多所平反有廣東客謁私第閤者入刺弗識也  
及見伏地叩謝問其故曰某頃以某事陷冤獄非公已入於鬼  
錄矣徐出珠一盒獻之曰謝公大德先生變色曰我爲刑官據  
法出無辜職也何比於泣而乃汚我爲客大慙遂巡去既公卿  
交章以御史薦宣城知縣段雲翮以迂謹失上官意會有築城  
之役委他官代治之雲翮故勤民民愛戴之訛傳雲翮被劾且  
受代相率罷市閔於府巡撫以變聞坐雲翮指使罪



上少卿史言命先生往謁之。但請以雲翮改教官。諸因並減死。十年授平涼知府。以親老辭。改知鎮江。歲餘改常州。其爲政寬而有體。尤盡心溝渠之利。在常州濬德勝。濬港。溉田二十餘萬畝。行部所至。必咨訪高才。尊禮有德。事上官未嘗屈節。黃制軍廷桂初至江南。知府以下迎者俱道旁跪。先生長揖而已。後黃以閩戎至常州。供具頗約。省黃弗善也。以他事奏罷其官。待讞於犴。刈日閉門課文史。焚香默坐。泊如也。十六年夏。遭疾卒。年五十有三。巡撫雅公知其貧。令屬官致賻。子光里曰。此豈先人志也。辭之。喪歸。費皆出門人。陳道去。初。先主在京師。與方望溪。雷翠庭諸先生討論文學。以志節自勵。大學士鄂文端嘗與翠



庭論當世人才。翠庭稱先生之爲人文端。以是識先生爲曹官。時得稍行其志者。文端力也。文端薨。先生竟以黜死。所著詩古文曰南莊類稿。道字紹洙。號凝齋。新城人。乾隆戊辰進士。不調選後。詔舉經學。亦固辭。嘗以宋儒之學。啟迪後進。置義倉。義田。以贍鄉族。聚書教子孫。多奮於科第者。同時魯絜非先生亦新城人也。以文名。

絜非名九皋。原名仕驥。爲人敦行。誼謹於規矩。嘗喻嶺至建甯。謁朱先生梅崖。受古文之法。又嘗度江至懷甯。問業於姚姬傳先生。其文冲夷。和易。持論尤中正。里居授其學於子弟。及鄉之雋才。又授於其甥陳用光。且使用光及姬傳門用光。凝齋先生。



孫也。新城數十年中古文之學頗盛，其源實自絜。非始乾隆辛卯成進士歸養，十餘年畢力於學，尤孜孜爲善於一鄉。旣終養，乃出就官。知山西之夏縣，縣當孔道，值後藏用，共使驛往來日不絕。舊分二十餘里，以次出錢供役，曰里差。吏因爲利民重困，乃減其得已者，而重禁浸蠹。民大便之，其見民煦煦然，告以義理所當從，違不作長官威厲狀。民亦欣然聽其教。居二年，以憤勞致疾，卒。年六十三。時五十九年三月也。所著文曰山木居士集。用光字碩士。凝齋次子。陳州太守守詒之子。嘉慶六年進士。由編修累官禮部左侍郎，分校會試。二校順天鄉試。一典河南江南鄉試。督福建浙江學政。各一督漸學。時以宋臣孫觀擢忠。



助邪奏罷其專祀訓諸生必本古儒先警戒之道篤於師友誼  
以千金五百金爲魯絜非姚姬傳兩師置祭田同年生孤女幼  
撫嫁之以學行重一時著有衲被錄太乙舟文集凡若干卷  
同罷吳君嘉賓字子序南豐人少博覽能詞章道光壬午副貢  
入京師以文名戊戌進士選庶吉士授編修坐事牽連落職戍  
軍臺旣歸益肆力於古咸豐乙卯丙辰閒治鄉兵殺賊賞內  
閣中書加五品銜以餉無所出功弗竟從兄嘉言猶子昌籌均  
戰死同治甲子金陵竄賊擾江西君以鄉兵禦之寡眾不敵或  
勸之去堅不可遂死之全家及於難得 旨優卹君邃於經爲  
古文宗姬傳梅崖尤得震川法著有五經說四書說行世昌籌



字伯俞。未冠補諸生。亦工古文詞。



袁簡齋先生事略王文治

先生諱枚字子才號簡齋錢塘袁氏世稱隨園先生年二十一  
省叔父於廣西巡撫幕中巡撫金公鉉一見奇之試以銅鼓賦  
立就甚瑰麗曾開鴻詞科卽舉先生應詔時海內徵士二百  
餘人惟先生最少及試報罷舉乾隆三年順天鄉試次年成進  
士選庶吉士散館以未嫻清字改發江南爲知縣初試溧水調  
江浦沅陽再調江甯先生嘗言爲守令者當嚴束家奴吏役使  
官民無壅隔則百弊自除其爲政終日坐堂上任吏民白事有  
小訟獄立判遣無稽留者多設耳目方略集鄉保詢盜賊及諸  
惡少姓名出所簿記相質證使不能隱則榜其姓名許三年無



犯○瀚○雪○之○奸○民○皆○斂○迹○方○山○溪○洞○外○兩○氓○爭○地○無○契○券○訟○久○莫○  
能○斷○先○生○視○案○牘○山○積○笑○曰○此○左○氏○所○云○晉○鄭○之○間○有○隙○地○王○  
暢○頓○邱○是○也○訟○久○則○破○家○吾○當○爲○若○了○之○乃○盡○去○舊○牘○別○給○符○  
驗○使○各○開○墾○升○科○聞○者○皆○歎○賞○有○賈○人○販○布○江○行○舟○觸○戰○船○溺○  
兵○死○眾○兵○縛○控○舟○子○兼○及○客○先○生○心○知○過○失○殺○無○罪○而○累○客○  
必○傾○貲○乃○令○乘○風○張○帆○作○觸○舟○狀○縱○之○去○以○埋○壘○錢○發○兵○完○案○  
其○侍○郎○會○一○督○學○試○江○甯○有○兩○騎○衝○其○前○麾○且○嫚○罵○稱○某○親○王○  
家○奴○他○縣○尹○不○敢○問○先○生○立○擒○治○則○爲○大○將○軍○投○書○制○府○者○也○  
按○其○篋○得○關○節○書○十○餘○封○悉○焚○之○重○杖○遣○去○江○甯○將○軍○遣○廝○役○  
來○縣○狂○倨○無○狀○先○生○立○杖○之○十○三○年○江○南○災○銅○片○民○運○米○至○吳○



門○以○被○劫○告○先○生○以○荒○政○當○弛○削○召○其○魁○詢○之○乃○士○人○過○羅○非○  
劫○也○諭○以○情○法○追○米○還○之○其○敏○而○能○斷○類○此○當○是○時○尹○文○端○爲○  
總○督○最○知○先○生○才○遇○事○得○盡○其○能○既○而○引○疾○家○居○再○起○發○陝○西○  
與○黃○制○軍○廷○桂○臭味○差○池○上○書○萬○餘○言○不○省○尋○乞○病○歸○先○生○本○  
以○文○章○入○翰○林○有○聲○而○忽○擯○外○及○爲○縣○著○才○矣○而○仕○卒○不○進○自○  
陝○歸○年○甫○四○十○遂○絕○意○仕○宦○闢○隨○園○江○甯○城○西○足○跡○造○東○南○山○  
水○佳○處○皆○徧○其○瑰○奇○幽○邈○一○發○於○文○章○以○自○喜○其○意○四○方○士○至○  
江○南○必○造○隨○園○投○詩○文○無○虛○日○其○園○館○水○石○幽○深○靚○麗○至○櫺○檻○  
器○具○皆○精○好○所○以○待○賓○客○者○甚○盛○見○人○善○稱○之○不○吝○曰○後○進○詩○  
文○一○言○之○美○輒○能○舉○其○詞○爲○人○誦○焉○先○生○古○文○四○六○體○皆○能○自○



發其思。於爲詩。尤縱才力。所至。世人心所欲出。不能達者。悉爲達之。故隨園詩文集上。自公卿下至市井負販。皆重之。海外琉球。有來購其書者。仕雖不顯。而世謂百餘年來。極山林之樂。享文章之名。蓋未有及先生者也。先生長身鶴立。性通脫。時有近於蕩佚處。後進或藉口效尤。然其生平。於倫常骨肉之際。天性最篤。事母孝。友于姊弟。母年九十四。乃終。迎養寡姊。年至九十。妻亦白髮齊眉。有三妹。皆能詩。一家之中。怡怡如也。嘗爲亡友沈凡民鳳司祭埽。三十年如一日。程編修晉。方死。負五千金。往弟焚其券。且翼其孤。其初泣。漂水也。迎養其父。父疑子年少。無吏才。試匿名訪諸野。皆曰。吾邑有少年袁知縣。乃大好官也。父



喜乃入官舍。在江甯嘗朝治事。夜召士飲。酒賦詩。市人以所判事作歌曲。刻行四方。而先生以爲絕不足道。卒於嘉慶二年十一月。年八十有二。文集中所述名臣狀誌傳聞時有譌列。然其逸事多足以裨益見聞。酬贈諸詩尤能以才通情。使筆如舌。蓋先生長技也。襄勤伯鄂容安公死事。先生挽詩有云。男兒欲報君恩重。死到沙場是善終。傳文忠見而賞之。語人曰。我不識袁某何人。乃能作此語。

同時王先生文治字禹卿號夢樓。江蘇丹徒人。自少以文章書法稱天下。全侍講魁周編修煌嘗奉使琉球。邀與俱往。琉球人傳寶其翰墨。歸舉乾隆三十五年進士。以一甲第三人授編修。





壬午分校順天試。癸未分校會試。其年御試翰詹第一。擢侍讀。充日講官。旋出爲臨安知府。數年以屬吏事鐫級去任。其後當復職矣。而先生厭吏事。遂不復就官。時袁簡齋壯年引退。以詩名江浙間。先生應之聲華與相上下。

高宗南巡。幸錢塘僧寺。見先生所書碑。大賞愛之。內庭人有告之。先生招使出者。亦不應。自滇歸。買僮教之。度曲行無遠近。必以歌伶一部自隨。其辨論音律窮極。要眇。客至張樂共聽。窮朝暮不倦。海內求書者。歲有餽遺。率費於聲伎。人或諫之不聽。其自喜顧彌甚也。然至客去。樂散默然禪定。夜坐脅未嘗至。席持佛戒。日食蔬果而已。如是數十年。其用意不易測。如此爲文尚



瑰麗至老一歸平淡其詩與書尤能盡古今之變而自成體嘗  
自言吾詩與字皆禪理也嘉慶七年四月跌坐室中逝妻女子  
孫來訣不爲動容問身後事不答所著曰夢樓詩集







竇東臬先生事略

竇公光鼐字元調號東臬山東諸城人幼有神童之目家貧貸書於人覽輒成誦年十二讀文選卽操筆爲瑯琊臺賦尋補弟子員乾隆七年進士選庶吉士授編修十三年御試翰詹閱卷者列先生四等故事大考置劣等降黜有差先生奉特旨選有中允生平被

上知自此始累遷侍讀學士御試一等晉內閣學士督學河南憂歸起補副都御史督浙江學政還朝以爭秋謫事吏議鐫級詔畱任命祭告南海所至卻餽遺尋授順天尹屏絕苞苴鉏猾吏齒權貴劾州縣之尤不職者時京縣爲蘭公第錫李



公湖皆經公薦擢後官督撫有名居四年坐事免起通政司副  
使遷宗人府丞復視學浙江擢吏部右侍郎會詔遣童臣清  
輦浙屬倉庫並有旨問先生先生以實告且劾正陽令黃梅  
科歛病民狀爲梅所反噬大吏右之誣陷先生幾不測復侃侃  
論列


上卒直先生還其官梅按治如律調禮部侍郎又出爲浙江尊  
政晉左都御史命充上書房總師傳凡御製詩文輒命

先生閱因事納忠無僿言六十年典會試以所錄首卷多語疵  
被勘議降四品銜予休先生立廟五十餘年揭揭然柴立無所  
跼惟以誠惻結主知嘗言學貴有用如昌黎折王庭湊陽明



平宸濠乃真學問。故於書無所不窺。而風節尤挺勁。曩司文枋。所取皆知名士。每試牘。闡藝出。學者奉之如泰山北斗。詩宗少陵。古文法退之。制藝如古傳註。深得立言之旨。工擘窠書。望而知爲端人正士。論詩謂淵源三百篇。近人有賦而無比興。此詩之所以衰也。所著有省吾齋詩文集。卒年七十有六。同時趙鹿泉先生名佑。字啟人。仁和人。役東臬。先生十年成進士。亦山編修。歷官左都御史。屢典文衡。工品藻。文望與東臬埒。同以制舉業名天下。著有清獻堂集。







邵荀慈先生事略

王太岳

劉星屏

吳錫齡

曾燠

乾隆中葉海內能爲東京六朝初唐之文者稱邵先生荀慈荀慈與其同歲生定興王芥子善芥子初亦好爲駢體文見荀慈作歎爲天授遂輟不作而規史漢及韓柳二君同年齒同官翰林同以文學相引重而又同放歸未幾芥子起川而荀慈則竟死矣荀慈名齊肅號叔亨江蕪照文人生之夕父夢明祭酒馮夢禎以名刺來謁寤而生先生幼異敏乾隆七年第進士其闡中文騰播輦下人皆目傳以熟後有效者輒一獲時目爲邵體君聞之不爲忤也旣入詞館纂修書局者再分校順天試者再嘗獻東巡頌時種爲班楊之亞羣公爭欲致之門下先生落



落寡。今年三十六。卽罷歸。乙酉。南巡。詔徵在籍詞臣。試闕下。以母老辭。卒年五十有二。先生意度夷曠。章草入晉人室。嚴冬喜脫屣。擁爐坐客至。倉卒覓屨不得。隨取躡之。屨互異。旁觀匿笑。君覺之。亦自笑也。性愛才主。昆陵書院好獎借。後學有玉芝堂文集。兄齊烈。弟齊然。乙丑同榜進士。皆與館選。季弟齊熊。舉人。授中書。

王芥子。名太岳。字基平。與荀慈同舉進士。弱冠入翰林。世共推其文學。而獨有志於經世之務。由編修累官雲南布政使。左遷司業。在西安。畱心水利。著涇渠志。在雲南。閔銅政之弊。於是勞。梭博訊。補救釐剔。厥功甚偉。滇人祀之。七賢祠。詩古文卓然名。



家氣格高簡。著有清虛山房集。同時與荀慈同爲駢儷之文者。  
有武進劉圃。三錢塘吳穀人。南城曾賓谷。吳山尊。嘗選四六合  
隨園雅存。淵如。驛軒爲八家與荀慈並列焉。

圃三名星煒。字映稃。乾隆十三年進士。官兵部侍郎。著有詩補  
堂集。

穀人名錫麟。字聖徵。乾隆四十年進士。由編修官至祭酒。浙中  
詩派。白竹垞。初白。後大宗。太鴻起而振之。及兩公殂。謝嗣音者。  
甚先生。詩境超妙。爲朱查杭庸之後勁。既工駢體。兼善倚聲。試  
律體。尤能獨開生面。館閣風氣爲一變。名重中外。所著有正味  
集。集高麗使臣出餅金。爭購。厥建爲之一空。



賓谷名燠。字庶蕃。乾隆四十六年進士。選庶吉士。改主事。出員外郎。超授兩淮運使。遷湖南按察使。進廣東布政使。巡撫貴州。乞養歸。道光二年。授兩淮鹽政。以五品京卿內召。卒年七十有二。著賞雨茅屋集。撰江西詩徵九十四卷。賓谷在都轉時。闢題襟館於邗土公暇。與賓從賦詩。爲樂。敦盤稱。敏其詩。清轉華妙。文擅六朝。初唐之勝。晚年尤多健作。山尊所選。證未盡其美云。山尊名堯。字及之。號抑菴。安徽全椒人。嘉慶四年進士。官侍講學士。少爲朱文正公所激賞。謂合邱遲在昉爲一手駢體文。沈博絕麗。詩以孟韓皮陸爲宗。五言長古。尤足推倒一世。歸田後主講揚州書院。最久。著有夕葵書屋集。



翁覃溪先生事略

先生名方綱，字正三，號覃溪。順天大興人。年十二，補府學生。十五，登鄉薦。二十，成進士，選庶吉士。是爲乾隆十七年。壬申，尋授編修。典江西鄉試。二十七年，典湖南鄉試。越二年，督廣東學政。凡三任。前後八年。四十四年，典江南鄉試，擢司業，遷洗馬。四十八年，充順天鄉試副考官。五十一年，督江西學政。五十五年，扈蹕山東，擢內閣學士。明年，命督山東學政。嘉慶元年正月，賜千叟宴。先生與焉。賜上方珍物十三種。四年，左遷鴻臚卿。十二年，重預鹿鳴筵宴，得旨賜三品銜。十九年，重預瓊林宴。賜二品卿銜。時年八十二矣。又四年卒。先生精心汲古，宏覽多。




聞於金石譜錄書畫詞章之學皆能抉摘精審所著兩漢金石記剖析毫芒參以說文正義幾欲駕洪文惠而上之詩中韓杜蘇黃多至六千餘篇其論詩謂漁洋拈神韻二字固爲超妙但其弊恐流爲空調故特拈肌理二字蓋欲以實救虛也所爲詩自諸經注疏以及史傳之考訂金石文字之爬梳皆貫徹洋溢於其中雖瓣香在少陵東坡初不以一家執也蓋真能以學爲詩者歟書初法平原繼學率更隸仿史晨韓勅諸碑嘗鉤摹舊帖數十本海內求書碑版者畢歸之嘗得宋槧蘇詩施顧注本因以實蘇名其室自爲補注好宏獎後進一篇之美稱道不去口晚歲罷官家居歸然爲海內魯靈光著有精義考補復初齋



全集等書。本朝者。舊重賦鹿鳴者多矣。若重晏瓊林則惟乾隆辛未黃侍郎叔琳。庚辰史文靖公貽直。庚戌稱文恭公璜繼之者。先生自先生以後。惟咸豐士子潘文恭公世恩而已。





Vertical columns of faint, illegible text on the left side of the page, likely bleed-through from the reverse side.



蔣心餘先生事略

子知廉 樂鈞

知讓

楊奎

汪朝

吳嵩

蔣先生士銓字心餘一字茗生號清容其先爲錢氏自浙江長興遷江西之鉛山始姓蔣父堅字適園有奇節類東漢獨行之士先生生四歲母鍾授以四子書及唐人詩斷竹箴爲波磔點畫攢簇成字教之鍾號甘茶老人著有柴車倦游集先生十一歲父縛之馬背遊太行讀鳳臺王氏藏書冠而歸補縣學生學使金公德瑛以孤鳳凰稱之先生天稟英絕有覽輒記握筆如夫馬怒馳超塵絕跡乾隆丁卯舉於鄉甲戌考授中書丁丑進士選庶吉士授編修在官八年乞假養母歷主蕺山崇文安定三書院灑然有終焉之志初入京師時才名藉甚表文達以先



生與彭文勤並薦及文勤召見

高宗屢問蔣某何在文勤以母老對

上賜文勤詩兼及先生有江右兩名士之目先生感主知母

服除入都以御史用旋患風痺還南昌先生秀眉長身風神散

朗如魏晉間人而激揚風義甄拔寒畯有古烈上風遇忠孝節

烈事輒長歌記之淒愴激楚使人雪涕遇不可於意雖權貴幾

微不少假借其胸中非一刻忘世者趨人急若鷺鳥之發恩鰥

寡者艾無所靳在戡山時力言於大府借帑修治三江聞曰事

雖非山長責然食越人粟則視越人如一家焉有駱生負負鹽

課客死先生連夜作十三札飛遞嶺南伸其孀孤扶六櫬得歸



詩古文詞負海內盛名而最擅長。莫如詩。古詩勝近體。七言尤勝。蒼蒼莽莽。不主故常。高麗使臣嘗餉墨四笏。求其樂府以歸。卒年六十一。是夕無雲而雷者。三相傳其生時亦然。著忠雅堂文集十六卷。銅絃詞二卷。詩集三十卷。填詞九種。子知廉字修隅。由拔貢署臨清州同。遇秋潦爲災。有詔賑濟。知廉親履勘。乘小舫霜行草宿者三旬。得水腫疾。吟五言絕句四章而卒。年四十。蓋以死勤其事也。有弗如。唐詩集次子知讓字師退。召試舉人。官唐縣令。有妙吉祥詩集。皆得先生家法。同時與先生至交。以詩唱和者。曰楊垕。汪軻。後先生而起者。曰吳嵩梁。樂均。屋宇子載。本天全六番招討宣慰使孫雍正初改土歸流安置。




江西遂爲南昌人九歲以詩名與汪君軻相伯仲時稱兩才子  
軻字魚亭武甯人優貢生少從邑明經盛謨雲巢遊雲巢治古  
文有聲魚亭獨好爲詩古體追漢魏近體師太白襄陽皆尚高  
格凌廉訪璫彭方伯求屏皆才之金學史德瑛拔冠其曹省試  
屢不售新城陳進士道招與諸子共學從入都輒自放於酒酒  
酣罵座目張炬與人爭辨抵案碎壺不肯屈已而痛哭呼死友  
趙南山不置客不能堪皆避去陳氏資之入貲爲吉水訓導卒  
於任著魚亭詩鈔凡二百餘首心餘先生弱冠時因子載以交  
魚亭三人相親如昆弟出入必偕患苦相與卹子載常舉於鄉  
應禮部試訖不第心餘尤推服其詩早卒未竟其用



吳蒿梁字蘭雪東鄉人以諸生應乾隆里辰召試不遇逾年  
舉於鄉以貲爲國子監博士改內閣中書詩才與黃仲則埒弱  
冠入都王述菴翁輩溪法梧門諸公盛稱之目是徧交海內名  
流調唱無虛日袁簡齋最自負亦心折其詩所著香蘇山館集  
傳播外夷朝鮮吏曹判書今魯敬以梅花一龕供奉之稱爲詩  
佛日本賈人斥四金購其詩扇其名重若此樂鈞初名宮譜字  
元叔號蓮裳臨川人嘉慶六年舉人著青芝山館詩集與吳蘭  
雪同爲翁輩弟子同以才名遨遊王侯公卿閒晚歲吳名盛  
於樂然吳詩應酬投贈外心較多不若青芝多內心也







陸耳先生事略 嚴長明

吳泰來

趙文哲

程晉芳

乾隆中 詔開四庫全書館。校永樂大典。又廣求天下遺書存書至萬餘種。其時總其事者一爲記。先生曉嵐。一陸先生耳山也。陸先生名錫熊。字健男。江蘊上海人。生有萬夫之稟。彊試博聞。乾隆二十六年進士。明年車駕南巡。獻賦人在。召試列一等。賜內閣中書。領軍機處。初奉命編通鑑輯覽。繼爲四庫全書總纂官。遷宗人府主事。累遷刑部郎中。三十八年。以所撰提要稱旨。特擢侍讀。遷庶子。晉侍讀學士。充日講起居注官。直文淵閣。四十二年。

孝聖憲皇后崩。凡太祭殷奠上。尊諡典禮嚴重。應奉文字。閣



臣屬先生撰進均被旨嘉賞。歷除先祿太常卿。終副都御史。典浙江山西廣東鄉試。各一分校會試。二提督福建學政。一生以文學受特達之知。自四庫全書通鑑輯覽外。若契丹國志。勝朝殉節諸臣錄。唐桂二王本末。河源紀略。歷代職官表。考奉勅編輯者。又二百餘卷。每書成降旨褒敘。或賜文綺筆硯之屬。奏進表文多出其手。上覽而益善之。特召預重華宮小宴。聯句。並賜書畫及如意等物。五十年。年春。因盛京所藏四庫書多脫誤。奏請自往覆校。比至而病卒。上悼惜之。先生自以家恩遇逾常格。不當以詞臣自畫。晚年



益。羣。凡。經。濟。學。嘗。取。杜。氏。通。典。焦。氏。通。考。合。以。本。朝。會。典。凡。食。貨。農。田。鹽。漕。兵。刑。諸。大。政。皆。審。其。因。革。利。弊。口。講。手。繕。之。未。就。而。卒。其。後。有。欽。定。皇。朝。通。典。通。考。諸。書。由。先。生。發。其。端。也。其。同。歲。召。試。得。官。者。曰。嚴。冬。友。吳。企。晉。趙。損。之。程。魚。門。皆。彬。彬。著。作。之。選。有。盛。名。

冬。友。嚴。姓。諱。長。明。一。字。道。甫。江。甯。人。幼。有。奇。慧。年。十。一。李。穆。堂。典。試。江。南。見。之。隨。舉。子。夏。命。對。卽。應。聲。白。亥。唐。李。大。奇。之。謂。方。望。溪。曰。國。器。也。可。善。視。之。遂。受。業。望。溪。門。尋。假。館。揚。州。馬。氏。盡。讀。其。藏。書。乾。隆。二。十。七。年。車。駕。南。巡。以。諸。生。獻。賦。召。試。賜。舉。人。授。內。閣。中。書。直。軍。機。處。君。在。軍。機。凡。七。年。通。古。今。工。於。



奏贍劉文正公最奇其才戶部奏天下雜項錢糧名目繁多請去其名併入地丁徵收君曰雜項既經折色卽爲正俱若併去其名目他日吏忘之謂其物官所需必且再徵是民重困也文正曰善乃奏寢之大金州逆命太學士溫福公往督師招君從行固辭退有咎君者君曰是將敗沒若之何從之人頗甚君言軍卒潰隨往者皆盡辛卯會試文正爲考官值軍械事有當關白君撾鼓入闈得見既出同考官朱學士筠曰甚哉冬友不自就試而屑屑治吏事爲文正曰士亦視有益於世否耳卽試成進士何足貴當是時車械有數大案賴君在直任其勞獲成議而雲南糧道羅源浩以公償屬吏獻銀不完將論死去限期才



十日君袖疏藁入請文正奏寬之羅得出獄然君固不識羅也。擢內閣侍讀嘗扈蹕木蘭大雪中失藁駝并所裝物越日有宰駝至且謝罪者則故軍機吏坐事遣戍者也問何以知爲吾物曰軍機吏披羊裘止公一人問既竊何復還曰恐公寒耳勞而遣之君治事衆中獨勤辨然以是頗見疾憂歸遂乞病築室三楹曰歸求草堂藏書二萬卷金石文字三千卷曰哦其中閒遊秦中大梁居畢中丞所爲司奏牘撰西安漢中二府志遊太華終南詩文益奇縱還主廬陽書院乾隆五十一年卒年五十有七君於書無不讀或舉問無能對厯充通鑑輯覽一統志熱河志平定準噶爾方略纂修官其自爲之書曰歸求草堂詩文



集西清備對。毛詩地理疏證。五經算除補正。三經答問。三史答  
問。淮南天文太陰解。文選課讀。文選聲類。尊聞錄。獻徵餘錄。知  
白齋金石類籤。金石文字跋尾。石經考異。漢金石例。五岳貞珉  
考。五陵金石志。平原石蹟表。吳興石蹟表。素靈發伏。墨緣小錄。  
南宋鑑。奇觚類聚。八表停雲錄。養生家言。懷袖集。吳諧志。凡二  
十種。子觀音皆以讀書世其家。

吳君企晉名泰來。號竹嶼。長洲人也。少由副榜選校官。襟期蕭  
曠。愛松滋山水。句畱竟歲。尋病免歸。大父吉安太守銓歸築。遂  
初園於木瀆。饒水日之勝。父用儀購書數萬卷藏其中。君寢饋  
其間。凡十餘年。乾隆庚辰成進士。召試。賜內閣中書。而君



自少無官情。壯益甚。遂不赴補。同年生畢中丞。沅招主關中書院。攜家往。後又偕至開封。年六十餘卒。著有淨名軒集。損之姓趙氏。諱文哲。號璣函。上海人。乾隆壬午。

上幸江南進詩。

召試。

賜舉人。授中書直軍機處。劉文正公。

統勲文定公。論皆嗟異其才。坐與紀學士的。王比部咏。泄漏兩淮鹽運使。廬見曾事。奪官。會尚書何桂公。以副將軍總都雲貴。請以君及王君掌書院。詔許之。尋從果毅公阿里衮進征緬甸。降之。方撤兵。而大小金川不靖。詔尚書溫福代阿公帥師入蜀進勦。君在溫公幕。以功復原官。晉主事。癸巳六月。師潰於木果木溫。公死之。君與其難。贈光祿少卿。賜祭葬。入祀昭。



宗祠著有妍雅堂。如隅等集。君於文無所不工。尤以詩詞名天下。在軍中所見殊方絕徼。可驚可愕狀一發之於詩。尤瑰瑋絕特性機警善析人情物態。代作奏記文字。各愜所欲言。以是見重諸公。閒其死事也。天下惜之。

魚門程姓。晉芳其名。載園其自號也。歙人。業槎於淮。乾隆初。兩淮殷富。程氏尤豪侈。君獨好儒術。罄其貲購書五萬卷。窮日夜討論之。


天子南巡。君獻賦。行在。召試第一。賜舉人。授中書。年四

十餘矣。尋舉進士。授吏部三事。四庫館開。以薦爲纂修官。書成。擢編修。分校會試。稱得士。君性嗜學。見長凡闕案輒心開展卷。



其上百事不理。又好周戚里。求者應不求。或勉施之。監務日折。  
閱付會計於家奴。被侵蝕了不勘詰。以故連負山積。勢不支乞。  
假赴陝將謀諸畢中丞。爲歸老計。抵關中一月。卒年六十有七。  
君秀眉方頤。髯飄飄左右拂。與人言惟恐傷之。遇文學人。懔然。  
意下延譽。不容口。京師爲之語曰。自竹君先生死。士無談處。魚。  
門先生死。士無走處。其聲華之盛如此。著周易知旨。尚書令文。  
釋義。左傳翼疏。禮記集釋。如干卷。勉行齋文十卷。載園詩三十。  
卷。







國朝先正事略卷之四十三 文苑

趙甌北先生事略鄭燮

平江李元度次青纂

趙先生翼字耘松號甌北江蘓陽湖人生三歲日能識字數十  
十二歲學爲文一日成七藝人皆奇之乾隆十五年舉順天鄉  
試才名動輦下劉文止延至家纂修宮史以明通榜授內閣中  
書入直軍機處傳文忠汪文端咸倚重焉每扈從行在或伏地  
草奏下筆千言應奉文非先生莫辦三十六年成進士進呈一  
甲第一而韓城王文端杰居第三  
純皇帝謂自國朝以來陝西夫有以第一人舉者遂與文端互



易而先生之才固已心識之矣先是庚辰科大魁爲畢君沅次諸君重光皆軍機中書也忌者因爲蜚語上聞比先生應廷試劉文進文定兩公又以軍機大臣充讀卷宮先生慮其以嫌擯也乃變易書法任歐陽率更體既首選文定微疑之以語文正文正笑曰趙君書吾能辨之此必非也既揭曉乃歎曰能者固不可測耶遂以編修任撰文修通鑑輯覽壬午分校順天試癸未丙戌分校會試皆得士尋授鎮安知府地居廣西極邊民醇訟簡而倉谷出入吏緣爲奸先生痛革其弊鎮民悅服每出巡村民輒舁入其村謂我公至矣進酒食如家人父子所至皆如之初鎮民與安南民入雲南土富州爲好事發捕獲百餘



人而其魁農付奉顧逸去前守坐罷官已而付奉死安南獲其子并其尸驗之信總督李侍堯疑其爲前守地也斥之先生申辯李怒而劾之適官軍進勦緬甸詔先生赴滇贊畫軍事乃追劾疏還明年返鎮會李調兩廣乃示意監司欲先生稍折節而移之守廣州自助先生不可遂以他屬而適奉特旨調廣州監司乃服先生之有守也在廣州獲海盜百有八人按律皆當死先生詳讞辟三十八人餘遺戍辛卯擢貴西道坐地獄降扶用遂乞養歸丁未臺澎林爽文作亂李公赴閩治軍事道過常州邀先生偕往時兵將雲集謂不日且蕩平先生請李公密調粵兵爲備旣而總兵郝壯猷敗遁游擊鄭嵩戰死賊勢大振



而粵兵四千適至人心始安已乃籌海運增雇直給衣裝奏輒  
報可李公夙以綜核爲政先生濟以寬大事平先生力居多始  
先生贊畫滇軍傳文忠爲經略擬大軍由戛鳩江進征緬甸而  
命提督五福由普洱進先生曰戛鳩普洱按圖相距不過三寸  
貫則四千里而遙兩軍聲息不相聞進退維谷此危道也去歲  
明將軍不返由不得猛密路消息耳文忠瞿然問計安出先生  
曰大兵欲渡戛鳩江則偏師宜由蠻暮老官屯夾江下造舟通  
往來庶兩軍可以互相從之其後渡戛鳩之兵遭瘴多病而阿  
文成所統江東岸一軍獨完遂具舟迎文忠於孟養渡江而歸  
又敗賊於蠻暮老官屯得蕝事焉臺灣之役鎮臣柴大紀守城



半年以易子析骸入告而督臣尚未渡臺。

上得鎮臣奏憐臺民死守而大兵下時至飛諭鎮臣以兵護遺民內渡。命督臣折閱仍封發李公以示先生。先生曰某目昏願於帳外就明視之。遂失所在。問二時始至。李公怒先生曰明公尚欲封發耶。柴總兵久欲內渡畏國法故不敢一棄城則鹿耳門爲賊所有。全臺休矣。且以快艇追敗兵澎湖其可守乎。大兵至無路可入則東南從此不可問。宜封還此旨。某已代繕。擢矣。李公悟從之。翼午接追還前旨之諭及批摺回。李公膺殊賞而大將軍福康安續王遂得由鹿耳門進兵破賊皆先生策也。臺灣既定李公欲奏起先生時年六十一矣。固辭因遊武




夷徧歷浙東山水一發之於詩先生固善餘自少遊館閣與諸名流相酬唱歸田後主安定書院日與朋遊故舊賦詩爲笑樂於詩與袁簡齋蔣心餘齊名江督費公涇漕督蔣公兆奎皆門下士也每過存先生咨詢風土言不及私兩公益欽重之嘉慶庚午重赴鹿鳴筵宴得旨賞三品服又四年卒年八十有八先生家居數十年手不釋卷著廿一史劄記三十六卷皇朝武功紀盛四卷陔餘叢老四十三卷歐北詩集五十三卷簞曝雜記六卷十家詩話十二卷同時鄭先生燮字克柔興化人板橋其號也爲人疏岩灑脫而天性極厚乾隆元年進士官知縣有惠政以歲饑爲民請賑惟



大吏罷歸。工畫蘭竹。書法以隸楷行三體相參。古秀獨絕。詩近香山。放翁有鄭虔三絕之目。詞猶勝於詩。弔古攄懷。激昂慷慨。與集中家書數篇。皆不可磨滅文字。所著曰板橋詩鈔。







姚姬傳先生事略

吳定亮

姚瑩

劉開

吳得旋

梅曾

先生名鼐字姬傳一字夢穀世爲桐城姚氏端恪公文然元孫也少家貧體羸多病而嗜學世父範學者稱薑塢先生與同里方芋川葉花南劉海峯諸子中獨愛先生令受業芋川尤喜親海峯客退輒付其衣也談笑爲戲薑塢嘗問其志曰義理考證文章闕一不可遂以經學授先生而別受古文法於海峯乾隆二十八年進士選庶吉士改禮部主事三十三年充山東副考官擢員外郎逾年充湖南副考官明年分校會試改擢刑部郎中四庫館開劉文正公朱竹君學士咸薦先生遂爲纂修官時非翰林與纂修者八人先生及程魚門任幼植爲尤著于文



襄雅重先生。欲令出門下。謝不往。三十九年書成。當議遷官。文正以御史薦記名矣。會文正薨。先生乃乞養歸。梁階平相國屬所親語先生曰。若出吾當特薦先生。婉謝之。當是時學者多尙新奇。厭薄宋元以來。儒者詆爲空疏。掊擊不遺餘力。先生獨反覆辨論。嘗言讀書者求有益於吾身心也。程子以記史書爲玩物喪志。若今之爲漢學者。以掇殘舉碎。人所罕見者爲功。其玩物不尤甚耶。瀕行。翁覃溪學士來乞言。先生曰。諸君皆欲讀人閒未見書。某則願讀人所常見書耳。先生嘗見國家有文之治。遠軼前代。而洛閩義理之學尤有關於世道人心。不可誣也。顧學不博。不足以述古言無文。不足以行遠。孤生俗儒。守其陋。



說屏傳註不觀固可厭薄而驕之者乃專以考訂名物象數爲實學於身心性命之說則詆爲空疏無據其文章之士又喜逞才氣放蔑理法以講學爲迂是皆不免於偏蔽思所以正之則必破門戶敦實踐倡明道義維維持雅正乃著九經說以通義考訂之郵撰古今辭類纂以盡古今文體之變選五七言詩以明振雅祛俗之指集中贈錢獻之序與魯賓之論文諸書皆其宗旨所在也歸里後主梅花鍾山紫陽敬敷諸講席凡四十年所至士以得及門爲幸與人言終日不忤而不可以鄙私干有來問必竭意告之汲引才儁如不及雖學術與先生異趣者見之皆親服錢塘袁簡齋負詞章好非毀宋儒先生遺之書曰儒



者生程朱之後。得程朱而明孔孟之旨。程朱猶吾父師也。然程朱言或有失。吾豈必曲從之哉。程朱亦豈不欲後人爲論而正之哉。正之可也。正之而詆毀之。訕笑之。是詆訕文師也。且其人生平不能行程朱之行。而其意乃欲與程朱爭名。安得不爲天之所惡乎。紀文達撰四庫書目錄。頗詆宋儒先生。直斥其妄貌清臞神采秀越。澹榮利有超世之志。王蘭泉稱其藹然孝弟。有儒者氣象。而文名尤重天下。禮恭親王薨。遺教必得姚某爲家傳。新城魯絜非以文名江右。始受學建甯朱梅崖。梅崖於當世之文。少許可。獨心折先生。絜非乃渡江造訪。使諸甥陳用光等問業焉。自望溪方氏以文章稱海內。上接震川。推文家正軌。劉



海峯繼之先生親問法於海峯然自以所得爲文不盡用海峯法也論者謂望溪之文質恒以理勝海峯以才勝學或不及先生則理與文兼至三君皆籍桐城故世或稱桐城派云嘉慶十五年先生與陽湖趙公翼重赴鹿鳴筵宴詔加四品銜二十年九月卒於鍾山年八十有五著九經說十九卷三傳補注三卷老子章義一卷莊子章義十卷惜抱軒文集十六卷文後集十二卷詩集十卷書錄四卷法帖題跋一卷筆記十卷古文辭類纂四十八卷今體詩鈔十六卷先生主試及分校得士皆稱盛錢御史澧孔檢討廣森其最也在楊州與歙吳殿麟居最久有所作以示殿麟殿麟所不可輒竄易至數四必得當乃已殿



麟名定海峯弟子也。嘗語陳君用光曰：先生虛懷善取於爲文，尚如是其爲學可知矣。從孫塋，字石甫，薑塢先生曾孫也。嘉慶戊寅進士官福建知縣，洊擢臺灣道。道光二十二年，坐夷務被誣陷，逮下詔獄，凡十有二日而事白。以同知發四川，由蓬州牧累遷湖南按察使，卒於官。工詩古文，畱心經世學，遇事激昂奮發，銳欲有所爲著。東槎紀略五卷，康輜紀行十六卷，寸陰叢錄四卷，識小錄八卷，東溟文集二十六卷，詩集二十卷。同邑劉君開，字明東，號孟塗，諸生。切孤年十四，以書謁姬傳光先生，生大奇之，曰：此子必以古文名世。望溪海峯之墜緒，其復振乎？遂從姬傳遊，爲人脫略不羈，與人言無不盡。家貧，客公卿。



閒。藉修脯以爲養。試輒不和。客死亳州。年四十一。妻倪氏以身殉。姚石甫爲合刻其遺詩三十二卷。文十卷。駢體文二卷。當嘉道閒。傳惜抱先生古文法者。有吳仲倫。梅伯言。管異之。諸君而邑子戴存莊其一也。仲倫名德旋宜與人。諸生以古文鳴。與惲子居。呂月滄以文相砥鏃。詩亦高澹絕俗。有初月樓集。伯言名曾亮。上元人。道光壬午進士。官戶部郎中。古文紹姬傳之緒。詩天機清妙。皆爲同人推服。已酉秋告歸。主揚州書院。金陵亂後。依楊至堂河師。河師爲刻其柏硯山房集異之一同。梅先生同縣人。道光乙酉舉人。著有異之詩文鈔。存莊名鈞衡。號蓉洲。道光已酉舉人。自謂生望溪海峯姬傳之鄉。不敢不以古文自任。



與同邑蘇厚子惇元重訂望溪文集增集外文十之四爲功於  
方氏甚鉅咸豐癸丑避寇北行卒於臨淮年未四十所著曰蓉  
洲集



張紫峴先生事略  
張九鍵  
張九鑑  
張九鐔

張先生九鉞字度西號紫峴湖南湘潭人父垣河曲知縣無子  
禱南嶺而生先生生有異稟七歲能詩文十二補弟子員初由  
選拔中副榜乾隆二十七年舉順天鄉試先生得名最早年十  
三登采石磯賦長歌人呼太白後身其再入都也值西師奏捷  
朝廷行郊勞禮方恪敏公觀承總督嚴輔築郊勞臺先生爲賦  
樂歌大書其上復爲良鄉居民賈戶作凱旋榜帖千餘紙一夕  
立就才名動一時二十九年以知縣發江西初攝南豐補峽江  
調南昌母難服闋知廣東之始興保昌海陽三縣坐盜案鐫級  
歸在官講求農田水利荒政不少懈攝南豐時歲歉請平糶部



例大縣存七糶。三先生驟半之上官。嚴檄切責。幕僚以爲病。先生曰。積貯民命也。吾能墨守舊制。坐視民餓死耶。倉米絀。則勸邑紳捐助。煤買鄰境米麴。至全活者多。南昌西北濱彭蠡。秋潦爲災。先生力請賑。親履勘。散給晝夜。駐墟上。凡六閱月。動帑十二萬有奇。邑人建生祠。視之。豫章諸水循城下。勢甚急。潦則衝齧爲患。城內有湖。恆汜濫。唐觀察使韋丹築捍江堤。疏爲斗門。以洩內外水。曰十門九津。宋時開長溝。甃以甃石。曰豫章溝。明甯藩奪民地爲苑囿。溝盡塞。後爲豪猾所踞。水患益鉅。先生屢請疏濬。新城陳君守訓。願捐私財修復。先生喜曰。此百世利也。而豪滑輩。百日阻撓。當事幾搖動。先生以十二利九使議抗爭。



於臺使者卒賴其力成鉅工。在保昌時有。大吏愜爲民蠹者。先生捨治之。同官惴惴。先生不爲動。旣罷職。徧遊嵩洛。偃輦閒。舉生平磊落抑塞之氣。一洩之於詩。先生詩文宏博浩瀚。縱其。力之所至。而一軌於正。畢制軍沅重其名。迎至節署。集名流爲。東坡生日修祀酒。再巡。先生援筆爲長歌。四座歎服。著陶園文集八卷。詩集二十二卷。詩餘二卷。歷代詩話四卷。峽江志。偃師志。鞏縣志。永甯志。晉南隨筆若干卷。歷代行先生七歲遊南嶽。毘盧洞寺。寺僧以其貌類先師。出句曰。心連白藕。先生應聲曰。舌湧青蓮。僧大駭。言其師示寂時。畱此句。云有對者。卽其後身。因鳴鍾集眾膜拜。馬卒年八十有三。易簀時口占有前身南嶽。



一枯癯之句。蓋胎合云。同堂弟九鍵。字石園。乾隆辛酉舉人。官  
隆平知縣。亦工詩。著漱石園詩文集。鑑字橘洲。丁巳進士。官至  
川東道。性抗直。嘗發夔州守某侵蝕關稅狀。尋引疾歸。築園曰  
退谷。著有退谷詩鈔。詩在諸張中能拔戟自成。一隊九鐔。字竹  
南。號蓉湖。乾隆己酉進士。官編修。著有笙雅堂集。其詩春容名  
貴。尤邃於經學。於羣經多所辨證。



鐵治亭先生事略 李鐔 朱孝純

國家文治軼前古

列朝襲製如日月之經天朱邸親藩類皆揚風訖雅至八旗士大夫能詩者尤衆特未有薈萃一編以導揚夫盛者嘉中鐵治亭先生手輯八旗詩上溯崇德至乾隆六十年止得詩數百

家表上之詔錫嘉名曰熙朝雅頌集

睿廟親爲製序洵足彰右文之盛治矣先生名鐵保字治亭

號梅菴滿洲正白旗人乾隆三十七年進士由編修官至兩江總督少與百菊溪制軍法時帆學士並稱三才子館選後偕其弟閱峯並以詩名菊溪稱其詩如王子晉向月吹笙聲在雲外




至其氣韻宏深如河流之發源天上其推挹至此所著曰梅菴集尤工書法北人論書者以劉石菴相國翁覃溪閣學與先生鼎足而三生平敬賢禮士推人倫冰鑒爲鄂文端後一人長白詩家年輩在先生前者有夢文子侍郎李多青山人朱子穎都轉

夢麟字文子蒙古人乾隆十年進士官至工部侍郎工詩樂府宗漢人五言古宗三謝七言古詩宗杜韓皆能具體二時臺閣中無出其右者惜早世未竟其才李鐸字鐵君號多青山人隸漢軍本勳臣後當得官不就其婦翁爲太傅索額圖當索氏初用時聲勢隆赫山人遠避之畫以先世產業屬二昆偕其配隱



於盤山買田。豸峯下構草舍。雜山毗以耕。其尤貧者授之田。而無所取。蔬村果實。與衆共。賢聲遠聞。嗜茗飲。遇山谷幽邃處。輒埽葉煮泉。竟日忘返。見者曰。此李山人茶煙也。嘗舉鴻詞科。未遇既老。歲一至京師。然一二日即歸。人罕見其面。詩古奧峭削。自闕門徑高者。胎源杜陵。次亦近孟東野。著有含中集及尚史彙。朱孝純字子穎。漢軍旗人。父倫瀚。官副都統。工詩。子穎由進士官知縣。累擢泰安知府。再遷兩淮鹽運使。其詩才力雄放。姚姬傳王夢樓盛推服之。著有寶扇樓詩集。







秦小峴先生事略管世銘 路德

秦先生瀛字凌滄一字小峴號邃菴江蘇無錫人高祖松齡康熙中舉鴻詞科官諭德先生負異稟讀書能兼人爲詩古文干言立就乾隆丙申

高宗巡幸山東以舉人獻賦行在列一等 賜內閣中書直軍機處擢侍讀遷郎中癸丑授溫處道擢浙江按察使調湖南壬戌引疾歸嘉慶九年補廣東按察使擢浙江布政使人覲乞內用補光祿少卿遷太常卿尹順天府擢刑部侍郎左遷光祿卿擢左副都御史戶部右侍郎總督倉湯尋 命爲副都御史遷內閣學士晉兵部右侍郎調刑部以自疾乞歸卒年七十有



九先生少以文名而勇於任事且勤其職直樞垣雖不爲和坤所喜仍以簡缺道府薦其特異以繁劇者

純皇帝知公深矣在溫處時除永嘉數十年以生監充莊長之弊民既免役而賦亦無逋提刑浙江甯紹台大水歲饑甚有司匿不請賑公力言於巡撫乃得請及調湖南先一年衡州歉收有司匿不報至是陝西奏撥兵米其派及湖南者衡州與焉公言災傷如是柰何不議賑而議餉力請於撫軍得截畱他縣兵米而減價平糶民乃定提刑廣東擒治亂民梁修平而以功讓總督治吳鰲喜之結黨於順德者撫黎民之爲亂於瓊州者懲賭博之號稱白鴿標者在浙江平反定海難民蔡長興十二人



之非盜。兩上書巡撫得釋。又海盜江文五誣其族與某通實。則某嘗首文五於縣。有縣牘可證。巡撫既以入告。而卒聽公言以釋某人。尤以爲難。又嘗促水師提督援定海普陀之盜。警巡撫難之。而總督卒用公策以戢盜。其貳司寇屢有平反而糧船運丁盜米事發。有謂用藥置米中米立溢者。公試之不驗。以入告。則

仁宗已手試其藥。不驗。知其枉。因益器。公蓋知公之仁恕。耿直能任事也。生平於詩文皆力追古作者。而能有所自得。少爲齊次風。杭莖甫所知。既得舉。見重於竇東皋。居京師與姚姬傳王惕甫魯山木陳碩士以文字相質證。著小硯山人集三十六卷。





己未詞科錄十卷。無錫金匱縣志四十卷。淮海公年譜六卷。

同州管君世銘。字緘若。號韞山。武進人。乾隆戊戌進士。由戶部主事充軍機章京。累遷郎中。授御史。君會試出于公敏中門。于好士所援引。或數年陟卿貳。君未嘗獨求見于公。卒和坤寢用事。君憂憤形詞色。和坤微聞之。而阿文成方倚公如右臂。莫能中傷。既擢御史。構疏稟未成。得旨畱軍機。君自言愧負此官。文成慰之曰。報稱有日。何必急以言自見耶。蓋期君大用。不欲君以擊奸獲譴也。嘉慶己未。朝廷行大賞罰。君已先一年卒矣。君工制舉文。居京師從游之士。凡數百多。發名成業。以去尤精詩古文。深於經術。特爲時文所掩耳。著有韞山堂詩文集行。



世自韞山後以制舉業課士稱極盛者推關中路先生德宇。偶  
生罄屋人少工詩古文。嘉慶二十四年進士。選庶吉士。改戶部  
主事。入直軍機處。遷郎中。以目眚歸。王關中各書院數年後目  
忽明。弟子著錄二三千人。每挾摘疵類排俗體。必極言其所以  
然。風氣一變。其評薦改竄皆閉目口受。侍書者腕欲脫而汨汨  
不能休。秦士掇甲乙科者皆其及門。或私淑弟子也。著有樵花  
館集及仁在堂十數種。







法時帆先生事略王芭孫 何道生

先生名法式善字開文號時帆原名運昌奉 旨改今名蒙古  
正黃旗人乾隆四十五年進上官侍讀自登仕版即以明求文  
獻宏獎風流爲已任在詞館著清秘述聞槐廳筆記在成均著  
備遺錄其未刻者尙多皆有資於掌故所居在厚載門北明西  
涯李文正公畏吾村舊址也背城面市一畝之宮有詩龕及梧  
門書屋藏書數萬卷閒以法書名畫薛竹 數百本寒聲疏影脩  
然如在巖壑閒生平以詩文爲性命士有一藝之長莫不被其  
容接主壇坫幾三十年人以爲四江後身不愧也其爲詩質而  
不臞清而能綺論詩用漁洋三昧之說主王孟韋柳尤工五言



與王鐵夫。文最善。嘗自刻詠物詩一種。鐵夫偶忽之。善遂止。不行。其莫逆如此。所著白存素堂彙

鐵王。王姓名芭孫。字念豐。一字惕甫。嘗欲買田築室於楞伽山。又號楞伽山人。江蘇長洲人也。乾隆五十三年。召試舉人官

華亭教諭。客京師。館董文恭家。六年。客睿邸。又六年。中閒往來

梁文定王。文端劉。文清彭。文勤諸家。爲諸公代制草居淀園。每歲出關。居熱河。雖未挂朝籍。而朝廷有大典禮。文章之事。未

嘗不操筆。與其閒。性簡傲。不肯從諛。一介不苟。取遇公卿若平

交。或病及狂。實狷也。其詩癯然以瘦。夏然以清。與法時帆張般

山何蘭士諸君相唱和。爲南北時望所推。尤工書。婦曹氏。字里



琴能詩以翰墨聞有十三行臨本行世鐵大論古文謂必極其  
才而後可以裁於法必無所不有而後可以爲大家自非馳騁  
於東京六朝沈博絕麗之塗則無以極其才而所謂法者徒法  
而已以徒注而語於文犬羊之鞞耳宋以後歐曾虞范數公之  
文非不古也以視韓柳則其氣質之厚薄材境之廣狹區以別  
矣蓋韓柳皆嘗從事於東京不朝韓有大朝之學一掃而空之  
融其液而遺其滓遂以負絕千古柳有其學而不能空然亦與  
韓爲輔望溪方氏宗法昌黎心獨不愜於柳亦由方氏所涉於  
東京六朝者淺故不足以知之今雖謂歐曾數公之文勝於柳  
可也使歐曾數公執筆爲柳氏之文吾知諸公謝不能也所著



日淵雅堂集墨琴之宣韻軒集附焉

何蘭士名道生字立之山西靈石人乾隆二十五年進士與兄元瓊同時爲部曹相代爲御史蘭士官至九江府知府有方雪齋集其詩疎爽雄健出入昌黎劍南間尤善鐵夫有所譏彈輒應時改定山右自澤州相國以來若違洋居士清妙則有餘排暮則不及也元琅字硯農進士以詩文鳴著有硯農集



惲子居先生事略

李兆洛

湯貽汾

先生姓惲氏諱敬字子居號簡堂江蘇武進人幼負異才持論  
好出獨見長老皆驚異焉舉乾隆四十八年鄉試充官學教習  
居京師與同州張惠言皋文友商榷經義治古文五十九年授  
富陽知縣銳欲以能自効矯然不肯隨羣輩俯仰大吏憚其風  
節欲裁抑之令督解黔餉先生曰王事也怡然就道返役調江  
山縣父憂去官嘉慶五年補江西新喻縣新喻吏素橫黠先生  
痛懲之人疑其治過猛也已乃進其士之秀異者與講論文藝  
士民懷德懷威俗大變十年調瑞金縣諸生楊儀招倚富逼姦  
佃戶女事發願進重金求脫罪峻拒之至以萬金相時先生曰



吾自作令以來苞苴未嘗及門。今若此，吾豈有遺行耶？卒論如律。舉車異十七年，守南昌府吳城同知。逾年，以奸民誣告家奴得贓，失察罷。先生爲人負氣矜尚，名節所至，輒與上官忤。上官以其才高，每優容之。而忌者益衆。既免官，士大夫之賢者咸惋惜先生，一不以綴意。益務爲文，自壯張皋文之功。京師也先生聞之，慨然曰：「古文自元明以來漸失其傳，吾向不多作者，以有皋文在也。今皋文死，吾當併力爲之。」先是，皋文與湯文端金釗講宋儒之學，時先生方究心於黃黎洲之明儒學案，有所見輒筆記之。未及與皋文辨論往復也。及是，始致書湯公，其略曰：「源流關閩之說至明而變，至本朝康熙間而復其變也。多岐其



復也多。仍多歧之說。足以眩天下之耳目。姚江諸儒是也。多仍之說。足以束縛天下之耳目。平湖諸儒是也。二者如揭竿於市。以奔走天下之人。故自乾隆以來。多愒置之。愒置者。非也。揭竿於市者。亦非也。且如彼此之相詈。前後之相搏。亦非也。夫所謂濂洛關閩者。其是耶。其揆之聖人。猶有非是者耶。其變之仍之者。是非其就多耶。蓋先生嘗自言。其學非漢非宋。不主故常。於陰陽名法。儒墨道德之書。既無所不讀。又兼通禪理。皋文嘗稱其亦狂亦狷。亦隘亦不恭。其治古文。得力於韓非李斯。與蘇明允相士。下近法家言。叙事似班孟堅。陳承祚而先生自謂吾文。指自司馬子長。出子長以下。無北面者。卒於嘉慶二十二年。



六十有一著大雲山房文集八卷書事二卷其治獄別有子居  
決事四卷同縣李君兆洛字申耆嘉慶乙丑進士選庶吉士改  
官鳳臺知縣工詩古文精考證著書甚富尤精輿地之學寵之  
後主講暨陽諸書院成就人才甚眾著有養一齋文集又湯居  
貽汾字兩生亦武進人祖若父殉節臺灣襲雲騎尉官至樂清  
副將工詩善書視曹景宗李思訓有其過之居金陵葺精舍焚  
香鼓琴翛然出塵外海內名宿皆從其遊著有畫梅樓詩集咸  
豐三年粵逆陷江甯作絕命詞死之事聞 賜祭葬諡貞愍



舒鐵雲先生事略王曇 孫源湘

舒先生位字立人號鐵雲直隸大興人祖大成康熙壬辰進士  
官檢討先生幼承家學工詩古文丰神散朗如魏晉閒人逾冠  
舉乾隆五十三年鄉試屢試禮部不第客黔西王觀察朝梧所  
會紳苗反威勤侯勒保檄觀察從征先生爲治文書侯大賞異  
之數召至軍中與計事侯移督四川邀先生同行以母老辭旣  
歸貧無以養仍幕遊近地歲歸省母母壽至八十八而終先生  
年已五十以毀卒距母喪兩月餘耳生之夕母沈夢一僧執桂  
花自峨嵋來故小字犀禪當乾嘉之際海內詩人相望歸愚  
守宗法隨園主性靈先生以奇博閎恣之才橫絕一世法時帆



祭酒。嘗以先生及王。曇。仲。瞿。孫。源。相。子。瀟。並。稱。爲。三。君。作。三。君。誄。云。龍。么。妹。者。貴。州。土。司。龍。躍。妹。也。勒。候。征。狎。苗。檄。調。土。兵。適。蹕。病。命。么。妹。帥。兵。馳。抵。軍。門。妹。年。十。八。長。身。白。皙。結。束。上。馬。出。入。矢。石。間。所。戰。必。捷。秦。良。玉。不。是。過。也。事。平。侯。爲。么。妹。執。柯。將。以。歸。先。生。先。生。婉。辭。之。復。爲。詩。紀。其。事。時。傳。爲。佳。話。先。生。所。著。曰。瓶。水。齋。詩。集。身。後。揚。州。巴。光。詒。爲。梓。以。行。世。曇。字。仲。瞿。一。名。良。士。浙。江。秀。水。人。乾。隆。五。十。九。年。舉。人。好。遊。俠。通。兵。家。言。善。弓。矢。士。馬。如。飛。慷。慨。悲。歌。不。可。一。世。著。有。煙。霞。萬。古。樓。集。寶。東。臯。評。所。撰。西。楚。霸。王。廟。碑。曰。二。千。年。來。無。此。手。筆。矣。吳。待。郎。省。欽。仲。瞿。座。師。也。館。何。珣。家。時。和。方。恪。勢。仲。瞿。三。上。書。於。侍。郎。請。刻。




和珅書具存集中。張南山嘗曰：漢有建安七子，唐初有四家，余欲選王仲則詩，王仲瞿文合刻之，題曰乾隆二仲孫子瀟名源。湘江蘇昭文人，嘉慶十年進士官編修，有天真閣集，年十五隨父任出山海關，登醫巫閭，援筆賦詩，已有驚人句。丙辰會試，下第歸，途與舒鐵雲、王仲瞿兩孝廉同行，三人者才相若，唱和無閒，詩名若鼎足焉。子瀟詩沈鬱不及船山，卻無其叫囂敏瞻，不及隨園，卻無其遊戲婦席氏名佩蘭，亦工詩，著有長真閣稿。
























國朝先正事略卷之四十四 文苑

平江李元度次青纂

張船山先生事略 彭端淑 李調元

船山先生張姓。問陶。名字仲治。四川遂寧人。相國文端公鵬翮曾孫也。生於山東之館陶。幼有異稟。工詩。有青蓮再世之目。其存詩自十五歲始。乾隆五十五年庚戌。成進士。尋授檢討。詔選翰詹三十人。各書扇五柄。又選十二人分書養心殿屏幅。先生皆與焉。庚申秋。分校順天鄉試。明年。教習庶吉士。乙丑。改御史。巡視南城。已巳。分校會試。未幾。改吏部郎中。明年七月。授萊州知府。與上官齟齬。鬱鬱不自得。逾年。病免。時年四十九。罷。



官後僑寓吳門顏所居由樂天天隨鄰屋時往來大江南北未  
幾卒於客舍先生狀似猿自號蜀山老猿亦稱老舩其詩生氣  
湧出沉鬱空靈於從前諸名家外又闢一境其室雜題壁十八  
首指陳軍事得老杜諸將之遺傳誦殆徧書法險勁畫近徐青  
藤不經意處皆有天趣其婦亦能詩有句云修到人間才子婦  
不辭清瘦似梅花先生和之有夜窗同夢筆生花句佳話也著  
有舩山詩草國朝二百年來蜀中詩人以舩山爲最有彭樂  
齋者以詩古文名蜀中年輩在舩山前名相埒樂齋詩近體不  
及舩山五古蒼健沈鬱有杜意論者謂在舩山之右云樂齋彭  
姓名端淑丹棱人雍正十一年進士官吏部澹無好也獨肆力



爲爲又詞自文選司即中出爲肇。道未幾歸主錦江書院。有  
白鬼堂詩文集。其詩質實厚重。不爲輦輓之習。文亦如之。又李  
君號先字兩村。號墨莊。縣州人。乾隆二十八年進士。官潼商道。  
著有重山集。集兩村詩話。藏書數萬卷。受財若渴。嘗輯函海一  
書。各主二百餘種。表彰楊升菴著作爲多。又選刻朝鮮四家詩。  
四家者李書九洛瑞。柳得恭。惠風。樸齊家。次修李德懋。懋官也。  
而樸齊家之名尤著。



一

二

三

四



黃仲則先生事略 楊芳燦

楊拱

黃君景仁字漢鏞一字仲則江蘇武進人生四歲而孤八歲試  
爲文援筆立就爲諸生冠其儕君風儀玉立慕與交者爭趨就  
君君或上視不顧人多以爲狂未冠遇洪稚存逆旅中始共學  
爲詩同遊邵編修齊惠門下旋客湖南提刑王君太岳所是時  
君以攬九華陟匡廬泛彭蠡沂洞庭每獨遊名山經口不出值  
大風雨或暝坐大樹下牧豎見者皆以爲異人自湖南歸詩亦  
奇肆後稍變其體爲王李高岑又出入北宋諸家卒其所詣與  
青蓮爲近大宋朱竹君督學安徽延君及稚存入幕三月上巳  
會於采石之太白樓授簡賦詩者十數人君年最少著白袷立



日影中頃刻數百言。徧眎坐客。客爲之閣筆。居半歲與同事者議不合。徑出使院。質衣買輕舟。訪秀水鄭編修虎文於徽州。追之已不及矣。嘗自憾其詩無幽并豪士氣。遂遊京師。翁學士方綱紀學士的王廉訪昶。馮吉士敏昌皆奇君。與定交。他貴人招之不往也。乙未。

高廟東巡。召試入二等。在武英殿書簽例得主簿。入貲爲縣丞。先是陝撫畢公沅奇君才厚資之。至是爲債家所迫。復抱病跡太行。出雁門。將復遊陝。次解州。卒於河東。運使阮君業富官。署年三十有五。畢公厚賻之。稚存奔其喪。所著曰兩當山房集。同時楊君蓉裳名方燦。無錫人。母顧夢五色雀集庭樹而生君。



詩文少卽華贍。學使彭文勤大異之。字以兄女。由拔貢應庭試。得知縣。補甘肅之伏羌。回氏田五爲亂。起石峰堡。縣民馬稱驥應之。未發。君先期募鄉勇設防。會馬映龍以賊謀告君。立捕殺。稱驥賊遁。至與映龍等登陴守。五日圍解。映龍稱驥甥也。君治縣溫溫。若不任事者。坐堂皇。詆事罷。卽手一編就。凡讀人笑之。而其應變敏決。乃若是。初蘇四十三之亂。獄詞連伏羌人。大恐。君力請於提刑。得未減。及石峰堡事平。賊首張文慶子泰憾映龍洩其謀曰。映龍故與吾父通。其助守城。欲於五日後獻城也。阿文成逮映龍至。靜甯君曰。映龍果欲獻城。曷爲以謀告。且伏羌無兵。勇皆烏合。眾亦無俟五日後力始竭。文成悟。立出之獄。




君以功擢知靈州。嘗單騎諭散奪米飢民。請借曰糧。設粥廠以安眾。大府才之。君顧不樂外吏。入貲爲員外郎。居戶部。與修會典。公餘撻書縱讀。益務記覽。爲詞章詩。出入義山昌谷閒而自成其體。又工儷體。文驚才絕艷。世謂盈川復生。嘗曰。色不欲其耀。氣不欲其縱。沈博奧衍。斯儷體之能事也。守伏羌時。王蘭泉廉使。統師長武。嘉其偉節。賦詩飛達圍城。君立和之。井上伏羌紀事百韻。其整暇如此。丁母憂。貧甚。鬻書以歸。主衢杭及閩中書院數年。入蜀修四川通志。主錦江書院。弟揆知安縣。往省之。卒於其署。年六十有三。著有吟翠軒初藁。揆字荔裳。乾隆庚子召試舉人。少擅風雅。與其兄蓉裳齊名。由中書從嘉勇福公征。



衛藏所歷熊耳山星宿海諸勝異境天開詩格與之俱進累官  
四川布政使著有藤華吟館集







張錦芳  
胡亦常

溫汝适

趙帝璜

黃用書

呂聖



言書得音人意書其造元四家堂奧著有五百四峰草堂詩鈔  
藥湮閣詞鈔芙蓉亭樂府法莊筭書

張君錦芳字燦夫號藥房順德人乾隆五十四年進士官編修  
初以優貢入都錢竹汀紀曉風見之目爲奇士性孝友淹貫羣  
籍通說文分隸得漢人法兼工繪事而於詩所諸尤深與欽州  
馮敏昌同縣胡亦常稱嶺南三子又與黎簡黃丹書呂堅號嶺  
南四家著有逃虛閣詩鈔南雪軒文鈔馮君敏昌字伯求號魚  
山欽州人乾隆戊戌進士由庶吉吉改戶部主事生平徧遊五  
嶽凡名山巨川烟雲變滅波濤起伏之狀盤薄胸次一發之於  
詩其詩由昌黎山谷以上追李杜又字字諸家自門面目所著



羅浮草堂集歸然爲嶺南一大宗溫君汝适號質坡順德人乾隆四十九年進士由編修直上書房累官兵部右侍郎歷典廣西四川山東鄉試督陝學政政其詩詞氣和平肖其人品著攜雪齋詩文鈔及曲江年譜恐聞錄韻學紀聞日下紀游等書趙君希璜字渭川長甯人乾隆己亥舉人官安陽知縣著有四百三十二峰草堂詩少讀書羅浮山嘔吸雲烟灑淪肌骨詩絕無塵俗氣又嘗爲黃仲則刻全集風義尤篤胡君亦常字同謙一字象甫順德人年二十五卽以詩鳴舉乾隆辛卯鄉試早逝著賜書樓集黃君舟書字虛舟順德人天姿秀穎書過目不忘學使李調元拔之充優貢廷試歸築聽雨樓隱居養親乾隆乙卯



舉於鄉下第朝貴尊延之不就。嘗曰：貧與富交，則損名；賤與貴交，則損節。朱文正公撫粵時，尤加器重。工詩，善書，與其詩並稱三絕。詩出入唐宋，於蘓尤近。呂君堅字介卿，號石帆，番禺人。歲貢生，有遲州集入嶺南四家詩鈔。



宋芷巒先生事略 張維屏

宋先生相字煥襄號芷巒廣東嘉應人九歲見師伯叔爲文會  
卽取片紙學爲文下筆有奇氣乾隆壬子舉鄉試第一嘉慶己  
未進士選庶吉士授編修丁卯典四川試皮長典貴州試癸酉  
授曲靖府知府所屬馬龍州地瘠民貧先生捐俸購木棉教婦  
女績績尋署廣南府城內地高飲水艱爲度地鑿東西二塘權  
迤西道所屬大饑爲捐俸賑恤署永昌府練鄉兵除暴郡有書  
院久廢先生興復之捐廉千七百兩有奇灣甸者所屬土州也  
土知州某死無嗣有景在東者遠族也乘間奪其印專殺自恣  
不附己者死如是五六年當事怯不敢發賊謀襲土職招匪黨



千餘將攻寶山縣先生慮爲前明二莽續誓除之商之營不濟請諸鎮帥又不濟賊偵知益猖獗民夷皆赴愬先生曰爾等能爲我殺賊乎衆曰能先生曰果爾芻糧我任之患難我同之遂世重黨練鄉兵殺賊民夷踴躍於是江有防隘有備又以計散丈黨羽賊懼宵道擣其巢大索七日獲在東斬之自捐軍需銀八工兩不費公衆斗粟邊陲以靖郡人建生祠祀之道光五年遷湖北糧道明年卒年七十有一先生襟抱豪邁下筆具倜儻雄奇之槩詩磊磊落落定真性情坐涌而出自成一家言著有不易居齋集豐湖漫草燕臺漁跡諸集性伉爽見人一藝之正稱譽不容口與番禺張子樹稱莫逆嘗索觀已刻詩良久掀髯



笑曰。一唱三嘆。入人心脾。我不如子。哀樂無端。飛行絕跡。子不如我。

子樹姓張氏名維屏。一字南山。父炳文。嘉慶辛酉舉人。官四會訓導。事節母以孝聞。南山舉道光二年進士。官黃梅知縣。遇大水。小舟勘災。急溜衝去。得樹免於溺。輿歌有官要救民。神救官之句。調廣濟漕務。非折色規費。無所出。先生曰。理不直則氣不壯。吾甯舍官以伸氣。引疾去。汪文端語人曰。縣官不願取漕。世所罕見也。外艱歸。授例改同知。權南康知府。公暇至白鹿洞。與諸生講藝。建蘓李二公祠於廬山。祀太白東坡。未幾罷任歸。少負才名。以風雅飾更治。爲菊礪堂翁。覃溪馮魚山吳山尊及芷



濟先生所激賞與楊春譚康侯香山黃子實稱粵東三子性愛  
松自號松心子既歸寓居花埭閉戶著書自號珠海老漁有聽  
松廬文鈔詩話及松心日錄松軒隨筆老漁閒話諸書行世而  
所輯國朝詩人徵略尤有功於文獻云



鮑覺生先生事略程恩澤

鮑先生桂星字雙五一字覺生安徽歙人八歲能詩文十五補諸生嘉慶己未進士選庶吉士授編修御賜高等遷中允每撰進奉文字輒拜文綺之賜甲子典試河南遂督河南學政擢洗馬習侍讀戊辰典試山西庚午擢侍講學士督湖北學政遷少詹事癸未習詹事除內閣學士既受代聞林清之變疏陳十事馳入京仁宗亟稱之旦日已次第施行矣丙戌擢工部右侍郎充武英殿總裁條奏武英殿事劾提調及副管不職狀提調撫先生平日語中之遂落職令閉門思過越五年復官編修



宣宗卽位以編修召對諭之曰汝所劾者朕今視其職矣

既由侍講擢通政司副使

上召見復諭曰欲爾習練諸事也甲申擢詹事召對詢年

齒甚悉明年卒於位先生邃於文學質厚性直有明斷才敢任

事少從吳澹泉定學詩古文因以溯劉海峰後師姚姬傳於爲

詩力守師說姬傳稱之曰是能合唐宋之體而自成一家者也

者進奉文鈔二卷詩八卷詠史懷人詩十卷又嘗用司空表聖

說輯唐詩品八十五卷同縣程春海侍郎稍晚出與齊名

程先生恩澤字雲芬春海其號也父昌期乾隆庚子進士官侍

讀學士春海幼穎異毀齒經傳皆成誦尤好讀古書剖析疑義



同縣曹文敏公金輔之。殿撰。皆語學士曰。此子非凡才也。嘉慶辛未。成進士。選庶吉士。授編修。道光元年。命直南書房。諭曰。汝父蘭麴先生。朕昔年最敬。其品學。汝之聲名。朕亦知之。宜更勵素行。同列皆榮之。旋奉勅校刻養正書屋集。是年。典四川鄉試。遷中允。校刻御製詩文初集。三年。督貴州學政。擢侍講。再遷侍講學士。六年。調湖南學政。回京。遷祭酒。母憂。服闋。仍直南書房。十二年。典試廣東。時以候補祭酒。未與開列。異數也。是年冬。命在上書房行走。課惠親王讀。王敬禮師傳。詩古文書法。皆日有進。甚相益。

上與王論先生爲人有和而不同之日。十三年。擢內閣學士。明



年授工部右侍郎調戶部十七年充經筵講官卒於位遺疏入上嗟悼久之詔優卹賞其子德威爲舉人先生學識超時俗六藝九流皆深思而得其意工篆法熟精許氏學督學貴州時勸士民書蠶其利大行於民又重刻岳珂珥經以訓士及奉詔纂修春秋左氏傳推本賈服不守守杜氏一家言所著述惟國策地名考二十卷已定本餘多未成書不自料其年不永也詩文雄深博雅於金石書畫考訂尤精將嘗謂近人治算法由九章以通四元可謂發明絕學而儀器罕有傳者乃與鄭君復光約修復古儀器所撰國策地名考謂孟津在河北非今孟津縣非亦古河陽縣蒲坂非舜都乃衛蒲邑以嘗人秦仍歸故謂



之蒲坂諸條皆確不可易阮文達校毛詩有椒其馨謂椒當作  
馥其訛久在六朝已然先生曰詩苾芬孝祀韓詩作馥苾芬孝祀  
馥字毛詩兩見形聲不謬於六書尤確證也卒年五十有二




國朝先王事略

卷四

四

三





許周生先生事略

許君宗彥字積卿父字周生浙江德清人父祖京乾隆戊子省  
元巳丑進士官廣東布政使先生生有異質九歲能詩文劉文  
正公謂他日必爲名儒費文恪公譚古愚中丞皆異其才王侍  
郎昶作積卿士說贈之嘉慶巳未成進士授兵部主事是科得  
人最盛幾與康熙巳未乾隆丙辰兩詞科相埒朱文正曰經學  
則有張惠言等小學則有王引之等詞章則有吳爾等兼之者  
其許生宗彥乎先生性孝友不忍離其親觀政兩月卽假歸體  
素羸雨執親喪哀毀過情氣彌弱遂絕意進取顏其齋曰鑑止  
水以見志杜門著書垂二十年先是君以葬親故隆冬周歷宮




山感寒疾戊寅冬益劇至臘月不能穀食日飲水食瓜果神明  
不亂力疾爲汪家禧楊鳳苞嚴元照作三文學合傳已爲絕筆  
詩坐而逝年五十有一生平寡嗜好惟嘉購異書不惜重值於  
書無所不窺旁及道藏釋典名物象數必躋其奧而後已獨不  
取考訂以爲無裨實學尤精天文得西洋推步秘法自製渾金  
球別具神解所著鑑止水齋文集十二卷詩八卷集多說經之  
文其學說能持漢宋儒者之平其周廟祀考世室考能發韋元  
成劉歆鄭康成王肅所未能明其他如日行諸解能辨王寅旭  
戴震之誤禮論治論諸篇皆獨具神識未經前人道及院文達  
目爲通儒而陳恭甫謂足躡梨洲而誇董浦蓋非阿好云配梁



氏字楚生相國文莊公孫女少司空政書女工詩著有古春軒  
詩鈔







鄧湘皋先生事略

歐陽輅

魏源

湯鵬

鄧先生顯鶴字子立一字湘皋湖南新化人八歲能詩舉嘉慶  
甲子鄉試屢試禮部不第遂絕意進取博究羣書足跡半天下  
凡海內縉紳大夫才俊士多慕與爲友晚授甯鄉訓導尋乞病  
歸時因事至長沙治旁舍舍客造請詩文者日相踵悉能副其  
所求歸然稱楚南文獻者垂三十年先生嗜善其天性自刃時  
聞長老稱述鄉邦巨人長德輒欣然聽之比其長也搜討楚故  
尤不遺餘力楚南直鼎革之際其毅然殉白刃蹈溝壑者不可  
勝數迨殊世久遠尺牋寸楮多隨水火劫奪以佚若威若沒委  
同草莽國朝風教日盛士尤爭以文術志節相高往往抱幽



守獨至老死且害其書牘下不求名於時先生網羅散朱每得殘縑斷簡如獲異珍驚起狂拜不自已所纂沅湘耆舊集下七百人詩萬五千六百八十首各爲小傳以詩存人復搜刻蔡忠烈遺集王船山遺書增輯周聖楷楚寶重修寶慶府志編校歐陽文公圭齋集重訂周子全書至議建會城前後五忠祠及邵州前後五忠祠尤欲舉貞臣烈士爲邦人勸俾各動其忠義之心用意尤深且遠焉先生內行醞篤事其兄顯鵬極友爱嘗作聽雨圖及南村耕圖以見志撫兄子勤於己子耦尤篤風義喜振拔孤寒所爲古文詳贍演迤壹意表章先哲凡予奪失實者必力爲昭雪時以比全謝山之鮒埼亭集其爲詩也覃精竭慮



與同里歐陽礪東切劓辨析不少。假咸豐元年八月卒。年七十有五。郡人祀之。邵州十先生祠著南村草堂詩鈔二十四卷。文鈔二十卷。資江耆耆集六十四卷。沅湘耆耆集二百卷。楚寶瑣輯考異四十五卷。武岡州志三十四卷。寶慶府志百五十七卷。朱子五忠祠傳略考正一卷。五忠祠續傳一卷。明季湖南殉節諸人傳略二卷。易述八卷。次子琮字小皋。以拔貢舉於鄉。詩文皆有家法。纂沅湘耆耆集前編極精。審後先生一月以毀布。歐陽礪東初名紹洛。易名輅。字念祖。博學多通。書過目不忘。少孤貧。非其力不食。有梁伯鸞徐孺子風。乾隆甲寅舉人。屢試春官不遇。南走粵北。爲薊代之遊。與法時帆、錢裴山、曾賓谷諸人



唱。和。其。湮。鬱。剛。介。嚴。凝。之。氣。一。寓。於。詩。其。詩。初。從。義。山。窺。少。陵。  
夏。而。爲。昌。黎。混。而。爲。東。坡。晚。乃。跌宕。昭。彰。自。出。一。隊。然。不。多。作。  
嘗。言。作。詩。當。自。寫。胸。中。一。天。不。期。而。與。古。人。合。陶。文。毅。嘗。刻。其。  
詩。集。於。吳。中。湘。皋。之。輯。者。舊。集。也。本。朝。二。百。年。間。其。詩。老。

者。惟。張。陶。園。及。礪。東。二。先。生。云。

同。郡。魏。先。生。源。字。默。深。邵。陽。人。嘉。慶。癸。酉。拔。貢。己。卯。及。道。光。辛。  
兩。中。副。榜。壬。午。舉。順。天。鄉。試。冠。南。籍。試。卷。進。呈。

宣。廟。手。批。嘉。賞。名。籍。甚。人。皆。爲。內。閣。中。書。改。知。州。甲。辰。第。進。士。  
發。江。蘓。以。知。州。用。權。東。臺。興。化。縣。事。己。酉。大。水。河。師。將。啟。閩。先。  
生。力。爭。不。能。得。則。躬。赴。制。府。擊。鼓。陸。制。軍。建。瀛。聞。報。立。往。勘。始。



得免啟七州縣士民皆得之未幾補高郵州坐驛遞遲誤免尋  
以緝獲梟匪功經袁副憲甲三奏復其官咸豐六年卒先生文  
筆奧衍熟於掌故尤悉心時務精輿地之學其論河務謂宜改  
復北行故道咸豐五年銅瓦咀之決河復北流由大清河入海  
適與所論相合蓋猶及見之云所著有曾子章句二卷 聖武  
記十四卷海國圖志六十卷詩古微十卷書古微十卷公羊微  
十卷春秋繁露注十二卷清夜齋文集二十卷選 皇朝經世  
文編及論學文選如千卷方先生之舉京兆也文譽騰起興會  
試者爭欲羅致之得一卷文筆絕類先生揭曉則同年生益陽  
湯海秋也海秋名鵬豪於文道癸未進士光所爲制舉藝列市



肆中士提取科第者和踵而君於是時已專力爲詩歌古文詩凡三千餘首初由禮部主事直軍機處遷戶部員外郎晉御史意氣踴厲所慕惟李文饒張太兵一流於是勇言事未逾月章三上以刻宗室尚書某被議罷御史仍回戶部循資遷郎中屢校禮部試英夷擾海疆求通市君已黜不得建言猶條上夷務三十事乞尚書轉奏皆報聞其後米利堅求改關市約有奏中不可許者數事人以是服其精非空言無實者比也君旣負才不試則益務著書以自暴曰於天下所作淳邱子立一意爲幹幹分爲支支之中又有支焉則支復爲幹支幹相演以遞於無窮大氏言軍國利病吏治要最人事情僞凡九十餘篇最四




十餘萬言。每遇人輒曰。能過我。閣浮印子乎。而其友魏默深則曰。是書可傳也。甲辰年七月卒。年四十有四。



國朝先正事略

卷四十四

一





陳章侯先生事略崔子忠 羅主

陳先生洪綬字章侯浙江諸暨人年四十歲就塾婦翁家翁方  
室以紛璽璧先生累案登其上畫漢前將軍關侯像長十尺飭  
拱而立翁見之大驚下拜遂以室奉侯既長師事劉念臺先生  
講性命之學已而縱酒挾妓自放頭面或經月不沐客有求畫  
者雖罄折足恭勿與至酒間召妓輒自索筆墨小夫雅子無弗  
應也嘗客杭州友人招飲西湖先先赴之遇他舟徑登其席坐  
上座飲主人徐察之知爲章侯也亟稱其畫先生大駭曰子與  
我不相識也拂袖去崇禎壬午充國子監生明年還里旣遭亂  
混跡浮屠間自稱老遲亦稱悔遲亦稱老蓮縱酒挾妓如故語



及身世亂離。輒慟突不已。後數年以疾卒。先生能詩。爲畫名所掩。著有寶論堂集。時有崔青蚓者。與齊名。京師號南陳北崔。崔先生名子忠。字開子。一名丹。別字青蚓。明末補順天府學生。負才名。尤善畫。董尚書其昌異之。謂非近代有所也。益自重。凡以金帛請者。概不應。有友人官吏部屬。選人以千金爲壽。先生投之地曰。乃以選人金汚我也。史宗正公家居。過其舍。見先生方絕食。乃畱所騎馬。徒步歸。先生售馬得十數金。呼其友與痛飲曰。此酒自史道鄰來。非盜泉也。一日而金盡。絕食如故。好讀書。通大戴禮。發爲詩。古文奧博奇崛。非近世所有。流賊陷京師。先生出奔。鬱鬱不自得。會人有觸其意者。走入土室中。匿不出。



遂○餓○而○死○先○生○二○女○皆○善○畫○而○章○侯○妾○胡○淨○髮○亦○能○畫○花○并○云○  
羅○君○聘○字○遜○夫○號○兩○峰○歙○縣○布○衣○寓○江○都○爲○金○冬○心○弟○子○書○入○  
高○格○尤○喜○畫○鬼○有○鬼○趣○圖○爲○時○所○重○詩○亦○超○然○物○外○重○甯○寺○爲○  
純○廟○祝○釐○地○畫○壁○至○今○存○蓋○離○商○持○數○百○金○債○兩○降○所○作○也○王○  
述○庵○謂○其○畫○大○阿○羅○漢○及○摩○訶○薩○像○足○與○陳○章○侯○崔○青○引○相○上○  
下○洵○不○誣○云○



國朝先正事類卷四十四



王石谷先生事略黃鼎

國初畫家有三王之稱三王者太常卿時敏字煙客廉州大守  
鑑字元照而其一爲石谷先生其後又稱二王謂先生與麓臺  
侍郎原祁也先生名翬字石谷別號耕煙宋忠臣堅之後世爲  
常熟人童時無嗜好常引荻畫壁作山水卽生動會廉州過虞  
山於壁間見小幅驚喜甚問誰作知爲王氏子年甫冠也歸語  
太常具舟迎之館於西田盡出唐以後名畫俾坐臥游泳其中  
盡得古人秘奧而一以靈心運之垂二十年遂成大家先是館  
西田時倣古入神品廉州推服曰此非吾弟子也三百年罕覩  
此人矣而一時耆宿荐錢牧齋吳梅村周櫟園王阮亭宋漫堂



諸公爭作詩古文。張之推爲大家。無異辭有。詔徵召以布衣供奉。內庭嘗繪南巡圖。天下能手駢集。咸逡巡莫敢下筆。先生至。口講指畫。咫尺十里。令眾分繪而已。總其成圖。成上覽之。稱善。欲授官。以不能任職辭。出都日。公卿祖餞。多賦詩贈行。先生性孝友。慎交遊。尤敦風義。太常廉州殉歲。必省其墓。乞畫者必擇人。而與否則巧。取豪奪不能得。晚歲煙雲供養外。吟風弄月。終其身。康熙丁酉卒。年八十有六。武進惲壽平少寫山水。見先生畫。歎曰。吾讓子爲一人矣。遂專工花卉。稱絕藝。同縣有黃尊古先生者。稍晚。出名與先生齊。尊古名鼎。號曠亭。世居常熟之唐墅。鎮生平好遊覽。嘗之齊魯。



登岱。歷燕趙韓魏。入秦。登太行。終南。太華諸山。又出塞垣數千里。經于闐。近身毒國。乃還。後居黃山。游匡廬羅浮九疑。陟嵩衡。升峩峩巒嶺。攀眠山。窮長江之源。已乃入天台。雁蕩。武夷諸勝。凡詭奇怪偉之狀。一寄之於畫。論者謂石谷看盡古今名畫。下筆具有淵源。尊古看盡九州山水。下筆具有生氣。並稱大家焉。尊古客京師時。有故相延之。與均禮。然見其傾軋多恐。將其及難。堅辭去。及故相罹禍時。尊古在粵中。走六千餘里入都。相與哭別。晚歲有制府係舊識。其書幣招往秦中。既至。聞其縱恣無度。遂策馬遽竟不往。見途中惟寫終南雲氣武功太白諸圖以壯行色。聞者高之。性孝友。獨力塋大父母。父母兄子貧。無歸分產。



給之養姊妹之寡者四方餽遺隨手盡不爲後日毫髮計少從  
邱高士嶼雪學畫後師麓臺然每與人言必曰我邱先生弟子  
也卒於雍正八年年七十有一



鄧完白先生事略

先生姓鄧氏字石如其名以恭避

仁宗廣諸故遂以字行而更字頑伯安徽淮甯人居皖公山下又號完白山人少讀書好刻石仿漢人印篆甚工弱冠孤露卽以刻石遊性廉介無所合客壽州道梁大令嶽主壽春書院以工李邕書名天下先生爲其門下生刻印又以小篆書諸生簞梁見之歎曰此子未諳古法耳其筆勢渾灑余所不能充其才力可獨步一時矣因爲治裝而致之江寧梅孝廉鏐孝廉爲文穆公季子梅氏自北宋以來爲江左甲族弄藏甚富文修又受聖祖殊遇得內府珍秘尤多秦漢以來金石善本備在焉先生



既得縱觀。推索其意。窮雅俗之分。好石古文。李斯嶧山碑。大山刻石。漢開母石闕。燉煌太守碑。蘇建國山碑。及皇象天發神讖碑。李陽冰城隍廟碑。三墳記。臨摹各百本。又苦篆體不備。手寫說文解字二十本。復旁摭三代鐘鼎及秦漢瓦當碑額。以縱其勢。博其趣。窮日夜。忘寒暑。五年。篆書成。乃學漢分。臨史晨前後碑。華山碑。白石神君張遷等碑。各五十本。三年。分書成。嘗自謂吾篆未及陽冰。而分不減梁鵠。蓋篤論也。先生客梅氏八年。學既成。徧遊名山水。仍以書刻自給。遊黃山至歙。鬻篆於賈肆。武進張編修惠言。方授經金修撰榜家。編修故深究秦篆。見先生書語。修撰曰。今日得見上蔡真跡。修撰驚問。語以故。遂昌雨偕。



諸先生於古寺修撰延爲上客金氏家廟甚壯麗其櫺皆貞石而刻聯及懸額修撰精心寫作蓋百易而後定。謂莫能加也。及見先生書卽鳩工斲其額而石櫺旣豎不便磨治乃架屋而臥楹屬先生書之刻成乃重建其傾服至此編修從先生受篆法一年修撰稱之於曹文敏公文埴文敏屬先生作四體干文橫卷一日而成文敏歎絕具白金五百爲壽。未幾文敏人都強之同往先生獨戴草笠靱芒屨策驢後文敏三日行文敏次山東相值於開山時巡撫以下命吏郊迎文敏先生策蹇過轅門門者阿止之文敏遙見先生趨延入讓上坐徧贊於諸公曰此江南高士鄧先生也。其四體書皆爲國朝第一諸公乃大驚爲




具車從先生卒辭不肯同行時都中工書者推劉文清而鑒別則推陸副憲錫熊見先生書皆大驚踵門求識面且曰千數百年無此作矣先生遂留都門未幾文清左遷副憲暴卒而翁閣學方剛夙擅篆分以先生不至其門乃力詆之耳食者和其說先生尋出都文敏爲治裝致之於畢制軍沅時吳中知名士多集節署裘馬都麗先生獨在衣徒步居三年辭歸留之不可乃爲置田宅爲終老計後文敏病篤語其子曰吾卽逝鄧山人必有挽聯至卽以勒吾墓華表及專祠前楹足矣涇人包世臣慎伯推先生篆書爲神品嘉定錢坫獻之自負其篆爲直接少溫與慎伯同遊焦山見筆閣篆書曰此非少溫不能作而楮墨似



百年物世間。豈有此人耶。此人而在吾不復搦管矣。既知爲先生。二十年前作。乃撫其不合六書處以相詆。陽湖錢伯坳魯斯。故服先生象分。推爲絕業。復見其行草。歎曰。楊少師神境也。遂因慎伯見先生。及與論運腕法。不合。助獻之詆。先生甚力。而陽湖李兆洛。申耆獨以慎伯所推爲當。先生卒於嘉慶十年。年六十。有三子。傳甯能承其學。申耆藏先生各體書。爲勒石以傳之。







國朝先正事略卷之四十五 遺逸

平江李元度次青纂

徐俟齋先生事略

戴易

巢鳴盛

沈磨生

先生姓徐氏名枋字昭法江蘇長洲人俟齋其別字也父忠節公汧崇禎戊辰進士官諭德南都立遷少詹事屢疏詆馬阮爲所齟乞病歸乙酉六月蘇州破正衣冠投虎邱新塘橋下死之事具明史先生弱冠舉崇禎壬午鄉試忠節公將徇國先生號泣欲從死忠節曰吾不可以不死若長爲農夫以沒世可也自是隱居終其身足不入城市初避地汾湖已遷蘆區遷金墅往來靈巖支硎閒終於澗上草堂地當天平山麓後人就草堂立



祠祀焉。先生與宣城沈壽民嘉興巢鳴盛稱海內三遺民。性峻  
潔。鍵戶不與人接。書法孫過庭。畫宗巨然。間法倪黃。自署秦餘  
山人。海內得其遺墨。爭寶之。蔡制軍毓榮慕其名。具書幣屬其  
友人通意。卻之。湯文正撫吳。屏騶從。徒步造門者。再卒不見。嘆  
息而返。所往來惟壽民及萊陽姜實節。崑山朱用純。同里楊无  
咎。山陰戴易。甯都魏禧。門弟子吳江潘耒。暨南嶽僧洪儲。數人  
而已。黃岡杜濬於並世人。獨重先生及壽民。自愧不如先生。耐  
寒飢。不納人一絲一粟。惟洪儲時急而周之。曰。此世外清淨食  
也。嘗絕糧數日。黃九煙造之。出畫筆。俾鬻於市。無售者。則曰。此  
黃九煙詩畫也。乃得銀數錢歸。而先生及九煙皆怒。以爲洩九



煙名趣返其值先生豢一驢甚馴通人意日用間有所需則以所作書畫卷置麓於驢背驅之驢獨行及城闕而止不闌出一步見者爭趣之曰高士驢至矣亟取卷以日用所需物如其指備而納諸麓以爲常康熙三十三年卒年七十有三遺命不受弔商邱宋犖時撫吳以不得一致賻襚於先生爲憾所著居易堂集二十卷文辭健拔意在扶植世教無一諛墓酬應之作文有二十一史文彙通鑑記事類聚讀史稗語讀史雜鈔建元同文錄管見等書子文止文行有父風早卒戴易字南枝山陰人少從劉念臺先生學游吳門年七十餘矣與先生一見相得稱老友先生歿僅一孫饘粥不繼謀塋諸祖塋不獲南枝曰吾爲




侯齋任此事相度經年得地於鄧尉之西真如塢謂潘耒曰地在梅花深處與高士宜第索直三十金耒先以十金成券會有黃山之游南枝募於人無應者迺願賣字以給之南枝故善入分書非其人不可得至是榜於門每幅銀一錢貲遂集又相旁地并買之南枝貧無隔宿炊冬月常衣絺其質字也銖積寸縈不妄費一錢一蒼頭飢不能忍輒逃去已則寄食僧舍中語及徐先生必流涕云巢鳴盛字端明號崆峒幼孤事母至孝崇禎丙子舉於鄉甲申明亡母亦歿卽築室於墓顏其草堂曰永思閣曰止閣而自號止園三十七年跬步不離墓次康熙十九年卒年七十侯齋爲定私謚曰貞孝先生洪儲字退翁興化李



氏子出家。住靈巖最久。南都覆吳越興義旅。退公實左右之辛。卯被逮。諸義士爭救之。久而免。好事如故。或戒之曰。憂患得其宜。湯火亦樂國也。侯齋先生曰。每歲三月十九日。退翁必素服。焚香北嚮。揮涕拜。蓋二十八年如一日耳。退公嗣法弟子滿天下。其最曰正志。故大學士嘉魚熊公開元也。初入山。執爨事。退公一見。輒知爲非常人。其次曰宣城沈磨生。故監司壽嶽子。壽嶽死。國事磨生抱玉哀之痛。遂祝髮事退公。後居姚江。名大瓠。







沈耕巖先生事略

耕巖姓沈氏諱壽民字眉生世爲宣城人性孤峭不妄言笑爲文好深湛之思江右艾千子至宛陵盛稱之一時聲華之盛江上二沈遂與吳中二張埒二張謂天如受先二沈謂崑銅及先生不以名位爲甲乙也明崇禎丙子詔行保舉法巡撫張國維以先生應詔時流寇躡中原特起楊嗣昌於苦塊倚以辨賊而嗣昌以熊文燦之招撫爲嘗試逍遙司馬堂先生伏闕上疏謂綱常正而後可以正世風金革奪情乃陋儒之曲說卽嗣昌迫於君命亦應躬歷戎行枕戈衽革而乃支吾旦夕安坐京師軍旅之寄一付諸文燦以招撫爲上策天下有不殺人而能生人



者乎有受柄於賊而可懾賊者乎將來釀禍誤國嗣昌之肉其  
不足食矣疏爲通政所格再上留中不報黃忠端公道周歎曰  
此何等事朝臣不言而草野言之乎吾輩媿死矣於是臺臣何  
楷錢增林蘭友詞臣劉同升趙士春相繼劾嗣昌最後忠端有  
廷辨之事皆先生發其端也先生上書報罷遂棄經生業與周  
鹿溪鏞掩關求佐王之學從游者數百人無何而黨禍作阮大  
鍼者魏閹義兒也以新聲高會招來天下士冀復起先生於劾  
嗣昌疏中及之於是顧杲吳應箕等推先生之意作留都防亂  
揭以攻之大鍼恨甚及得志按揭中姓名將盡戮之而以先生  
爲首先生變姓名入金華山中南都亡遂匿跡深山採藜藿以



自食有知而餉之者皆峻卻曰。士不窮無以見義。不奇窮無以明操。郡守朱元錫致十金辭不獲。皮置壁巾。三年未嘗一發視也。溧陽陳名夏雅善先生。旣入相。將特疏薦之。遣使寓書。先生不發函對。使焚之。溧陽意猶未已。先生遺書曰。襲勝謝枋得。智非不若皋羽。所南也。而卒殞軀者。由多此物色耳。今之薦僕者。直欲死僕也。溧陽歎息止。自是避人愈堅。足不履城市者三十年。當事或邀之。及半道。望望然去。康熙乙卯五月卒。年六十九。疾革。命門人劉堯枝施潤章載筆曰。以此心還天地。此身還父母。此學還孔孟。語畢而瞑。生平重然諾。友人周梅友死海外。子幼。先生渡海。葬之。鹿溪之沒也。藐孤爲逋負所逼。先生鬻田以



儻始有宗邛與黃黎洲交最篤別四十餘年矣臨歿爲書永訣  
去易簣十有三日耳遺集若干卷閑道錄若干卷

文忠公

文忠公



汪魏美先生事略

汪先生諱颯字魏美。浙汪錢塘人。少孤。貧力學。與人落落寡諧。人號曰汪冷。舉崇禎己卯鄉試。與同縣陸公培齊名。太守錢君以女妻之。初盛飾人門。先生誠之。乃屏侍婢。以疏布躬操作。明亡。遂棄科舉。姻黨欲強之。試禮部。出千金。賂其妻。俾勸駕。妻曰。吾夫子不可勸。吾亦不屑此金也。嗣因兵亂。奉母入天台海上。師起。羣盜滿山谷。始反錢塘。僑寓北郭外。室如懸磬。處之晏如。當是時。湖上有三高士之目。先生其一也。當事皆重之。監司盧高允下士。一日遇先生於僧舍。問汪孝廉何在。先生應曰。適在此。今已去矣。盧悵然不知應者。卽先生也。盧嘗遣人通殷勤於



三高士。約置酒湖船。以世外禮相見。其二。人幅巾抗禮。盧相得甚歡。惟先生不至。爲恨。事已知其在孤山。放船就之。終排牆遁去。先生不入城市。有司或以俸金爲壽。不得。卻埋之。里貴人請墓銘。饋百金。拒弗納。始居孤山。遷大慈菴。又遷賢名院。匡牀布被外。殘書數卷。鍵戶出。或返。或不返。莫可蹤跡。遇好友。飲酒一斗。不醉。氣象瀟灑。塵事了。不關懷。然夜觀乾象。晝習玉遁。知其耿耿者。猶未下也。康熙丁酉。黃先生梨洲遇之於孤山。頗講龍溪調息法。各賦詩三章。明年同坐葛仙祠。又明年笑魯菴中坐。且至三更。是夜寒甚。菴中止布被。一先生與梨洲兩背相摩。得少煖。氣明日。梨洲入雲居。訪仁菴先生。天不入城。至清波門別。



去魏叔子自江西來訪先生謝弗見叔子畱書曰魏美足下友  
甯都魏禧也欲與子握手一痛哭耳足下以尋常游客拒之則  
可謂失人先生省書大驚一見若平生歡臨別執手涕下先生  
嘗從愚菴和尚究出世法叔子曰君事愚菴謹豈有意爲其弟  
子耶先生曰吾甚敬愚菴然今之志士多爲釋氏牽去此吾所  
以不肯也乙巳七月三十日終於寶石僧舍年四十有八臨歿  
與書卷焚之詩文無一存者起視日影曰可矣書五言詩一章  
投筆就寢而逝詩曰大化無停晷道術久殊轍住世守完形問  
途猶未徹至人本神運可曾不可說冰判水還清雲開月方潔  
一旦破樊籠逍遙從此別







郭此菴先生事略 陶汝鼎 郭企臺

此菴先生姓郭氏名都賢字天門湖南益陽人父讓以鄉貢知開縣夙有志於道學從吉州鄒先生守益游最久先生幼穎異天啟二年進士授行人嘗冊封閩藩七年分核順天鄉試得史可法等六人歷官員外郎出爲四川參議督江西學政分守嶺北道崇禎十五年巡撫江西黜貪墨獎循吏汲汲如不及時張獻忠已逼境賊騎充斥先生晝夜繕守禦兵餉無措乃大會屬僚凡官司一應供給皆指以助餉左良玉屯兵九江驕蹇觀望先生惡其淫掠檄歸之而自募士兵爲戍語見明史良王傳禽有尼之者遂乞病棄官入廬山逾年北京陷悲憤不食南都建



號史公開闢揚州薦授南京操江辭不赴桂王立肇慶以兵部  
尙書召而先生已祝髮爲僧矣先是洪承疇坐事落職先生奏  
請起用至是承疇人本朝經略西南以故舊謁先生於山中  
餽以金不受奏攜其子監軍亦堅辭先生見承疇時故作目眯  
狀承疇驚問何時得目疾先生曰始吾識公時目故有疾洪默  
然甯都魏禧先生撫江西時所得士也禧嘗上書曰先生抱道  
履德二十年間所著述之文與所交游造就之士必有偉論奇  
人足以振天下之聾瞶開後但之太平者其推重如此論者謂  
先生門下史忠正之節義經濟魏叔子之文章得一已足不朽  
可想見師友淵源之盛矣先生篤至性哀樂過人嚴而介風骨



嶄然博學強識。工詩文。書法瘦硬。兼善繪事。寫竹尤人妙。人得其片紙隻字。爭珍弄之。祝髮後。號頑石。又號些菴。茹苦無定居。初依熊魚山。開元尹。洞庭民興於嘉魚。什梅熟。菴已流寓汚陽。築補山堂。前後十九年。歸結草廬。桃花江。復以詩累客死江甯。承天寺有女名純貞。許字黔國公沐氏。國變後。音問梗絕。遂終於家。純貞能詩。自署曰郭貞女。先生所著有衡嶽集。止菴集。秋聲吟。西山片石集。破草鞵集。補山堂集。些菴雜著等書。時有陶密菴者。與齊名。

陶先生汝鼐。字仲謁。一字燮友。甯鄉人也。少奇慧。甫戲應童子試。督學徐亮生驚喜。得其才。拔冠湖南數郡。崇禎九年。元拔貢。





生會上幸太學羣臣請復高皇積分法祭酒顧九疇奏薦先生才莊烈帝特賜第一詔題名勒石太學除五品官不拜乞畱鑑肄業癸酉舉於鄉兩中會試副榜南渡後由翰林待詔改職方郎任監軍復授檢討南都覆先生薙髮瀕山號忍頭陀生平內行篤父歿哀慕終身事母曲盡孝養處族黨多厚德嘗爲人雪奇冤冒險難活千餘人然不白言也詩古文有奇氣書法險勁名動海內有楚陶三絕之目所與遊皆天下名士而與些菴先生尤篤著有廣西涯樂府噓古集寄雲樓集褐玉堂集嘉樹堂集若干卷些菴爲序之有生同里長同學出處患難同時同志之語楚南遺獻以此菴密菴兩先生爲最著云



同時郭金臺。字幼隗。湘潭人。本姓陳氏。恪勤公之祖也。年十二。遭家難。匿中表郭氏得脫。郭初無子。遂子之。生而狀貌奇偉。見者目爲異人。弱冠有聲譽。序居家孝友淵默。至慷慨談天下事。議論風生。諸監司郡縣。旌幣踵至。吉藩延至邸館。置醴賦詩。常爲倒屣崇禎己卯壬午兩中副榜。會舉行積分法。屢薦不起。例授官亦不就。隆武南渡。登鄉舉。督師何公騰蛟巡撫堵公允錫先後論薦。授職方郎中。再起監司僉事。皆以母老辭。時獻賊既陷湖湘。闖賊潰卒復相繼蹂躪。縣百里無人烟。乃請於督師。命偏裨練鄉兵爲守禦。全活以萬計。晚歸隱衡山。著書授徒。口不談世事。唯論列當時。殉難諸人輒歔歔流涕。及卒自題其阡曰。



遺氏郭金臺之墓





何仲淵先生事略

先生名宏仁字仲淵浙江山陰人陶文簡公望齡甥也幼習外  
家教復從念臺劉忠正公游明崇禎丁丑進士官建平令有異  
政歲久旱大江以南飛蝗食禾殆盡獨不入建平界未幾以憂  
去蝗遽入北鄉民益神之可任高要縣興水利清關權方銳欲  
有所設施復以父艱歸隨遭甲申之亂浙東事起強以御史召  
不得已就職建白數萬言或行或不行而事勢已不可支矣丙  
戌五月江上師潰公棄官至剡之白峯自恨不及從亡作詩投  
崖而絕久之復甦土人守之得不死隨披糶從方外遊入陶介  
山事山主雲藏禪師隨眾樵汲晝夜作苦同事者爲先生難之



先生曰。吾視出沒風濤間。瞬息生死者。何如而敢言勞苦哉。然先生猶謂去人境不遠。復瓢笠往來縉雲義鳴諸山。與樵翁衲子侶行歌獨哭。從此遊益遠。入山益深。崎嶇崖壑。鹽鹽並絕。所過皆留詩紀歲月。遇高僧郭蓮峯徵君李秘霞。結塵外之交。館畱崇聖寺。黎牀風雨。三人者相對嘿語。終日人不知其所以居數月。而病作。先是己丑四月。先生謂李徵君曰。居此久。幸稍安。顧此中常有戚戚者。行別子。飛錫白雲之鄉耳。今畱一函與家人訣。遲其來。則示之。至是病困。令出所藏書讀之。曰。吾如茶齋志泰。厥所生毀傷莫贖。於國爲不忠。於家爲不孝。死後勿棺殮。我當暴野三日。以彰不忠之罪。三日後火化入塔。勿拊墓先隴。



以彰不孝之罪。讀竟而絕。推先生之心。蓋無日不以爲可悲。而得死之足樂也。然其家仍返塋。會稽王几之祖。阡以先生本非出世者。從初志也。癸未進士。余公增遠者。字若水。志節士。亂後躬耕山中。自匿跡。不與人接。先生之塋。王几山也。公子拜求其題。主余公卽許諾。至期。以舟迎之。來不赴。頃之。自棹一小艇。徑詣墓側。取舊衣冠。拜墓上。事訖。下山。賓主不交。一辭主人使客。延之。懇留飲。則舟中已庋粥一盂。羹菜一豆。取啜畢。卽解維去。會葬者百餘人。皆目送歎息。謂非先生高節。余公且不易致云。



...



李蜃園先生事略

鄭嬰垣

劉永錫

陸元泓

李因仲諱天植學者稱蜃園先生浙江平湖人先世多隱德崇禎癸酉舉於鄉性蕭散自得視世事泊如也嘗曰無欲則心清心清則識朗識朗則力堅時時以誨學者癸未子諸生觀卒先生自以有隱慝痛自刻責遂絕意仕進政名確字潛夫國變後家具蕩然遂與妻別隱陳山絕跡不入城市訓山中童子自給自署曰邨學究老頭陀居山十年有僧開堂以避喧始返其蜃園賣文自食不足則與其妻爲機鞵竹筥以佐之好事者約月供薪米力辭不受有司慕其高往訪之輒踰垣避所著詩文皆平甲申以來殉節者蜃園者乍浦勝地可望見海市者也又十



年家益困不復能有其園寄身僧舍戚友贖屋園歸之始復與妻居時年七十矣子震亦棄諸生非義一介不取二老相對時絕食則歎曰吾生本贅耳待盡而已有餽食者非其人終不受或問以身後曰楊王孫之葬何必棺也又十年屋園僅存一楹兩耳聾又苦下墜終日仰臥客至以粉板書相問禽魏叔子來自江西造其廬先生視姓字則強起張目視之泣叔子亦泣時方絕糧叔子探囊得銀半兩贈之五反不受固以請曰此非盜跖物也始納之買米爲炊共食而別叔子屬周布衣質曹侍郎溶糾同志爲之繼粟且謀其身後事吳門徐昭法聞之曰李先

生不食人食聽其以餓死可也已而先生果堅拒未幾卒叔子



聞之曰吾淺之乎爲丈夫已。乍浦有鄭嬰垣者孤介絕俗與先生稱金石交。先二年凍死雪中。至是先生以餓死臨歿曰吾無愧於老友矣。時康熙十一年也。年八十有二。葬牛橋。所著蜚園集佚。惟續修乍浦九山志世有傳本。又有劉賸菴者名永錫字欽爾。魏縣人。亦先生友也。崇禎丙子舉人。授長洲教諭。署崇明縣事。庭無畱獄。未幾遭鼎革。隱居相城。有大吏造其廬欲強之出。賸菴袒裼疾視曰我中州男子。年二十渡漳河登大伾躍馬鳴鞘。兩河豪傑誰不知我。乃以此相逼。將謂我畏死耶。取壁上劍將自刎。門人抱持之得解。尋移居陽城湖之濱。率妻女績席以食。累日不舉火。有遺之粟者非其人不受。老奴從魏縣來勸。




之歸曰室廬故在也。賸菴曰：吾非不欲歸奉君命來此，君亡義不可歸耳。乃命其子偕老奴歸。時歲荒，得食愈艱，襍糠粃作食。妻病不能下咽，竟餓死。一女許字同邑某氏子，某氏宦於粵，音問阻絕十餘年。至是請於父曰：兒不辰，遭家國之變，翁家存亡不可知，畱此身以累大人，無爲也。遂自經死。而其子之歸中途亦死於盜。是日凶問適至，賸菴旣無家，乃買破船一往來江湖。閒時從諸遺老遊，嘗泛舟巾流，鼓枻而歌曰：日墮兮野荒荒，道是靡兮相半半。羊壯上何心兮歸故鄉，風水蕩激歌聲伊鬱。聞者哀之，錢牧齋念其窮，招之往。賸菴曰：彼爲黨魁，受主眷，收卜時天子以伊傳期待，今豈忘之邪？卒不往。後數年以窮餓死。



友人陸元泓葬諸虎邱之山塘。元泓字秋玉，常熟人，以志節自勵，無家圖已像於水墨尺幅中，自號水墨中人。







邵得魯先生事略 張廷賓

邵先生名以貫字得魯。餘姚人。姓狷潔明季。百梁陶文覺公之學盛行姚中。沈求如史子虛。其高弟也。顧頗參以禪悟。先生亦從之遊。獨講求有用之學。歲饑。糾同志爲義倉。桑梓德之。已而國難作。先生欲死之。以母老不果。遂祝髮爲頭陀。狂走人雪竇山中。妙高臺僧道巖者。故鄞廣文張廷賓亦姚產。而沈史講會中人也。先生依之。苦身持力。不與人接。鄞故都御史高公斗樞物色得之。曰。異人也。遺其二弟從之遊。周公蘧雲亦以僧服居白坑。時時過從。尋以省母返居潭上園。黃忠端公仲子澤望志節夙與先生近。至是來居園中。夜共讀謝皋羽遊錄。而慕之。曰。



方。今。豺。虎。滿。天。下。五。嶽。之。志。不。可。期。矣。四。明。二。百。八。十。峯。近。在。臥。榻。峯。峯。有。吾。兩。人。展。齒。於。是。始。徧。走。山。中。然。山。寨。方。不。靖。所。在。多。邏。卒。而。二。公。冠。服。奇。古。頻。遭。詰。難。顧。不。以。爲。苦。亡。何。入。絕。谷。不。知。所。向。方。茫。然。求。故。道。不。可。得。俄。而。峰。回。路。轉。松。竹。梧。桐。甚。盛。有。雞。犬。聲。趣。就。之。茅。舍。一。椽。中。有。幅。巾。者。出。問。客。何。來。則。語。之。以。里。宅。笑。曰。吾。亦。姚。人。過。世。居。此。不。虞。君。之。涉。吾。地。也。乃。止。宿。則。告。曰。是。爲。石。屋。山。僕。故。公。孫。碩。膚。監。軍。陳。從。之。也。孫。公。死。海。上。吾。無。所。依。來。此。山。中。遂。與。人。世。絕。因。相。顧。歎。曰。是。真。桃源。矣。澤。望。嘗。曰。得。魯。自。甲。申。後。輔。類。間。無。日。不。有。淚。痕。其。稍。開口。笑。者。則。遊。中。耳。未。幾。澤。望。卒。先。生。無。所。向。自。是。益。十。急。棄。家。



投四明山之楊菴。時尙有一妄先生。去亦爲尼菴。中每日晨昏。各上堂禮佛。此外雖茗粥不通。久之皆卒於菴。先生詩文甚富。散佚無存者。







余若水先生事略 周齊曾

余先生諱增遠字謙貞一字若水會稽人明崇禎癸未進士除  
寶應知縣劉澤清開府淮南凌轢郡縣吏先生投牒棄官歸書  
江之役補禮部主事遷郎中事去逃之山中郡縣逼之出見乃  
輿疾城南以死拒久之事得解草屋三間不蔽風雨以簷甲承  
漏聚村童五六月人授以三字經卧榻之下牛宮雞堞無下足處  
晨則乘耒出與老農雜居未嘗因其貴人而讓畔也同年生王  
天錫爲海防道欲與話舊先生以疾辭天錫披帷直入先生擁  
衾不起曰不幸有狗馬疾不得與故人爲禮天錫執手勞苦出  
門未數武則已與一婢子擔糞灌園矣天錫遙望見之歎息去



冬夏二卓帽雖至晚者不見其科頭先生慨世路偪仄遂疑荀卿性惡之說爲確至欲著論以非孟康熙己酉十月卒年六十有五蓋二十有四年不出城南一步也疾革黃先生黎洲造其榻前欲爲切脈先生笑曰某祈死二十年以前反祈生二十年之後乎黎洲泣然而別同時有周唯一先生者名齊會字思沂鄞人先生同年進士也知廣東順德縣事變社倉爲義田而以社倉之法行之又倣西北弓箭社法修僕區沈命之術盜一發無脫者國變後棄官歸遯入剡源盡去其髮爲髮塚架險立瓢榜曰囊雲自稱無髮居士剡源饒水石與山僧樵子出沒瀑聲虹影間王天錫求見拒之曰咫尺清輝舉目有山河之異不願



見也爲詩文機鋒電激汪洋自恣寓言十九然清苦自立胸中  
兀然有所不可與若水先生無二也黎洲嘗傲葉水心誌陳同  
甫王道甫之例爲兩先生合誌其墓云







國朝先正事略卷之四十六 遺逸

平江李元度次青纂

惲遜菴先生事略 子壽平

先生諱日初字仲升號遜菴武進人也舉崇禎六年鄉試副榜  
久留京師十六年應詔上備邊五策不報知時事不可爲乃歸  
攜書三千卷隱天台山中三年而兩京亡唐王立福州魯王亦  
監國紹興吏部侍郎姜垓薦先生知兵魯王遣使聘之先生意  
以監國爲不然固辭不起大清兵下浙避走福州福州破走  
廣州廣州復破乃祝髮爲浮圖曰明曇已復至建陽是時大  
兵席卷浙閩粵三行省唐王被執死魯王亦敗走海外湖廣何



騰蛟。江西楊廷麟等皆前後破滅而明遺臣民尙擁殘旅遙奉永明王。金壇人王祈聚眾入建甯屬縣多響應。是於建陽土民數百人噪於先生之門。固請不得至。建甯見王祈非初志也。先生曰。建甯入閩門戶。能守則諸郡安。然不扼仙霞關。建甯終不守也。欲取仙霞宜先取浦城。乃遣長子楨隨副將謝南雲先趨浦城。失利皆死。而御史徐雲兵連入數州縣。銳甚。先生說令夜襲浦城。自督兵繼進。會大雷雨。人馬衝泥淖。行不能速。將至城下。已黎明。軍遂潰。太清總督陳錦李率泰統重兵來圍建甯。永明王使兵部尙書揭重熙赴援。先生上書揭公。請逕取浦城。斷仙霞嶺餉道。徐與圍中諸將夾擊之。揭公至邵武不能進。建



甯遂破。王所力戰死。先生收散卒。走廣信。尋人封禁山中。數月糧盡。喟然曰。天下事懷散已數十年。不可救正。然莊烈帝殉社稷。薄海茹痛。小臣愚妄。謂卽此可延天命。今迺至此。徒毒百姓。何益。遂散衆。獨行歸常州。久之。張煌言與鄭成功軍薄江甯。敗走訛傳。張公弟鳳翼。乃先生門人。從師匿縣官。將收捕先生。色如常。曰。吾當死久矣。旣而事解。卒年七十有八。康熙十七年戊午也。先生少與楊廷樞、錢禧交。爲文章。縱麗於百氏。無所不窺。尤喜宋儒書。及從劉念臺先生遊。學益進。嘗上書申救念臺。義聲震天下。丙戌以後。累至山陰。哭祭爲之行狀。近十萬言。晚歲不得已歸常州。仍服浮圖服。而言學者多宗之。無錫高世泰忠。



憲公從子也。重葺東林書院。先生與同志習禮其間。知常州府。駱鍾泰屢求見不納。去官後與一見。言中庸要領喜而去。曰不圖今日得聆大儒緒論也。次子栢在建甯被掠而不知所終。三子格。暉。格字壽平。後以字行。改字正叔。自號東園草衣生。又曰白雲外史。既老。稱南田老人。陳錦破建甯時。年才十三。破掠錦無子。其妻愛其聰穎。于之後。從錦從杭之靈隱寺。遇遜菴於塗。遜菴因與寺主諦暉謀。俟錦妻入寺。紿言此子宜出家。不然且死。錦妻故侯佛。畱之寺中。泣而去。自是始得歸。以父兄終於門。不應舉。惟攻古文詞。其於畫天性也。山水學王蒙。既與常熟王翬交。曰君獨步矣。吾不爲第二手。遂兼用徐熙黃荃法。畫花鳥。



百爲題識書之。世稱南田三絕。宋尙書肇曰。南田畫。吾暗中摸。索能辨之。王太常時敏遣使招至。以方出遊不時至。至則太常以病革。喜甚。榻前一握手而逝。家甚貧。風雨常閉門餓。然非其人不與畫。視百金猶土芥也。所居甌香館。倡酬皆一時名宿。卒年五十四。著有南田集。



國朝文正集卷四十六



祁奕喜先生事略

魏耕

先生諱班，字奕喜，小字季郎，山陰人。祁忠敏公次子也。忠敏諱彪，佳明蘇松巡撫。少從劉忠正公游，南都破，死節。明史列傳。有子二：長理孫，以大功；兄弟次，其行稱祁五公子。而呼先生爲六公子。初，忠敏夫人商氏嘗夢老衲入室，生公子，美姿容，白如瓊，而雙足重趼，頗惡劣。日能行數百里。又時時喜跌踣，娶朱氏，故少師忠定公燮元女孫也。忠敏靖節之月，東江兵起，恩卹諸忠而忠敏贈兵部尙書。祁氏羣從之長曰鴻孫，故嘗與忠敏同爨。葉叢山至，是將兵江上，思以申忠敏之志，而先生兄弟罄家餉之事去。先生之婦翁戒曰：「勿更從事於雋原矣。」不聽。祁氏自



夷度先生以來藏書甲江南其諸子尤豪雋結客講求食經四方簪履廬集及先生兄弟以故國喬木自任屠沽負販之流兼收並蓄家居山陰之梅墅其園亭在禹山柳車踵至登其堂複壁大隧莫能訖也慈谿布衣魏耕者狂走四方思得一當爲毫社計桑梅先生兄弟則與之誓天稱莫逆耕之談兵也有奇癖非酒不甘非妓不飲禮法之士莫之許先生獨以忠義故曲奉之時其至則盛陳越酒呼茗耶溪娃以侑觴又發淡生堂玉遁側術諸書供採擇又徧約同里諸遺民如朱士堆張宗道輩以疏附之或告變於浙之幕府刊章四道捕耕有首者曰茗上乃其婦家山陰之梅墅乃其死友所囑聚人帥急發兵果得之縛



先生兄弟去。既讞。兄弟爭承。祁氏客謀曰。二人併命。不更慘乎。乃納賂而宥其兄。先生遣戍遼左。其後理孫竟以痛弟鬱鬱死。而祁氏家爲之破。然君子則曰。是不愧忠敏子也。當是時。禁網尙疏。甯古塔將軍得賂。則弛約束。康熙丁巳。先生歸。身遁歸里。社中漸物色之。乃祝髮於吳之堯峯。尋主毘陵馬鞍山寺。所稱呪林明大師者也。好議論古今。不談佛法。每及先祖。則掩面哭。然終莫有知之者。癸丑十一月十一日。忽沐浴曳杖繞堂曰。我將西歸。入暮。端坐逝。發其篋。有東行風俗記。紫芝軒集。且得其遺教。欲歸。利乃知爲山陰祁六公子。自關外來者。遂得返葬。先生性好奇。其東歸也。留一妾焉。披緇時。亦累東游。東人或與談。



禪受其法稱弟子嘗曰甯古塔磨菇天下第一吾妾所居籬下  
出者又爲甯古塔第一令人思之不置東人至今謂其風流婦  
朱最工詩其來歸也與君姑商夫人姒張氏小姑湘君時相唱  
和商夫人字家婦曰楚縵字介婦曰趙璧以志閨門之盛先生  
被難朱尙盛年孤燈緇帳數十年未嘗一出廳屏自先生兄弟  
歿淡生堂書星散論者謂江東文獻大厄運也



沈斯菴先生事略

張士櫛

烏。庠。滄。桑。改。革。之。際。貞。臣。遺。老。有。託。而。逃。者。眾。矣。而。蹤。跡。莫。奇。於。四。明。沈。先。生。先。生。名。光。文。字。文。開。一。字。斯。菴。鄞。人。也。少。以。明。經。貢。太。學。乙。酉。豫。於。畫。江。之。師。授。太。常。博。士。丙。戌。浮。海。至。長。垣。再。豫。琅。江。諸。軍。務。晉。工。部。郎。戊。子。閩。師。潰。而。北。扈。從。不。及。聞。粵。中。方。建。號。乃。走。肇。慶。累。遷。太。僕。卿。辛。卯。由。潮。陽。航。海。至。金。門。閩。督。李。率。泰。方。招。徠。故。國。遺。臣。密。遣。使。以。書。幣。招。之。先。生。焚。其。書。返。其。幣。時。粵。事。不。可。支。先。生。遂。留。閩。思。卜。居。於。泉。州。之。海。口。浮。家。泛。宅。忽。颶。風。大。作。舟。人。失。維。飄。泊。至。臺。灣。時。鄭。成。功。尙。未。至。而。臺。灣。爲。荷。蘭。所。據。先。生。從。之。受。一。屋。以。居。極。旅。人。之。困。弗。恤。



也。遂與中士苦耗絕。海上亦無知先生生死者。辛丑成功克臺。滿知先生在大喜。以客禮見。時海上諸遺老多依成功入臺。亦以得見先生爲喜。握手相勞苦。成功令麾下致餼。且以田宅贍之。亡何成功卒。子錦嗣。頗改父之臣與政。軍亦日削。先生作賦有所諷。或譏之。幾至不測。乃變服爲浮屠。逃入臺之北鄙。結茅羅漢門山中。以居。或以好言解之於錦。得名山。旁有仰潭。灣者番社也。先生於其間教授生徒。不足則濟以醫。歎曰。吾并載飄零絕島。棄墳墓不顧者。不過欲完髮以見先皇帝於地下耳。而卒不克命矣。夫已而錦卒。諸鄭復禮先生如故。癸丑王師下臺灣。諸遺臣皆物故。先生亦老矣。閩督姚啟聖招之。先生辭。姚



公貽書問訊曰。管甯無恙。因許遣人送先生歸鄞。會姚公卒。不  
果。而諸羅令李麟光賢者也。爲粟肉之繼。旬日一候門下。時耆  
宿已盡。而寓公漸集。乃與宛陵韓文琦。關中趙行可。無錫華衣  
鄭廷桂。榕城林奕丹。山陽宗城。螺陽王際慧等。結詩社。所稱福  
臺新詠者也。尋卒於諸羅。葬焉。後人遂居臺。蕃衍成族。先生居  
臺三十餘年。目見鄭氏三世盛衰。前此諸公述作。多佚於兵燹。  
惟先生得保天年。於承平後。海東文獻。推爲初祖。所著花木雜  
記。臺灣賦。東海賦。檣賦。桐花賦。古今體詩志。臺灣者。皆取資焉。  
邑子全謝山。嘗令遊臺者。訪先生文集。竟得之以歸。凡十卷。錄  
入甬上耆舊詩。烏虜先生佑。依故國。與蔡子英之在漠北。同然。



以子喚之才。豈無述作。卒委棄於絕域。識者惜焉。先生靈光。歸然行。以其集重見於世。爲臺人破荒。亦少慰虞淵之恨矣。同時有張先生士柳者。惠安人。崇禎癸酉副榜。明亡。邊跡臺灣。居東安坊。杜門不出。日以書史自娛。辟穀三年。惟食茶葉。壽至九十。九乃終。



陸周明先生事略

先生姓陸氏名字燭字周明浙之鄞人也父世科明大理鄉先生少與錢忠介公肅樂共學忱慨有大志忠介江上之師先生實左右之祥興航海風帆楫得棲遲金鰲牡蠣閒皆一時遺臣烈士出死力奉之以終騰水殘山之局雖側踵焦原糜軀湛族不計也方事之殷餘姚黃先生黎洲昆弟亦嘗戮力其事先先嘗偕其客十數人過黎洲與共計畫客皆四方知名士黎洲亦間至其城西田舍復壁柳車雜賓死友每食咄嗟立辨仰視天俛畫地耿耿者未嘗一日忘其後黎洲知事不濟自屏於窮山先生亦不相聞問然喜事乃益甚江湖間多傳其姓名以爲



異人康熙癸卯先生爲降卒所誣捕入獄獄其先生竟得脫歸未至寓而卒先生旣以好事罄其家產室中所有惟草薦敗絮及故書數百卷計聞家人好掃除室得布囊於亂書之百發之則人頭也其弟春明識其面目捧之而泣曰此故少司馬篤菴王公頭也初司馬兵敗懸首於甬之城關先生思收瘞之每徘徊其下一日見暗中有頭首而去者跡之走入破屋先生曰子何人對曰吾漁人也先生曰子必有異無吾隱其人曰余毛明山曾以卒伍事司馬今不勝故主之感耳先生相與流涕共詣江子雲計所以收其頭者江子雲故嘗與先生共學文錢忠介部將也失勢家居會端陽競渡遊人雜沓子雲紅笠握刀



從十餘人登城遊覽至泉頭所問守卒曰誰戴此頭也者卒以  
可馬對子雲佯怒曰嘻吾怨家也亦有今日耶拔刀擊之繩絕  
墮地先生及明山曰豫立城下方是時龍舟噪甚人無可向易  
視者先生以身蔽明山抬頭雜稠人而去先生得頭祀之書室  
蓋十有二年矣而家人無知者至是春明始瘞之昔李固死汝  
南郭亮左提章鉞右秉鈇鑕詣闕上書乞收其屍南陽董班亦  
往哭固殉屍不肯去纔布奏事彭越頭下祠而哭之彼皆門生  
故吏故冒死不復顧先生於司馬非有是也徒感其忠義遂不  
惜捍當世之文網豈不尤賢乎哉始先生讀書時有弟子訟其  
師師不直先生詣文廟伐鼓慟哭卒直其師而後止歸震川嘗



敘唐欽寔爭同舍生之獄。以謂苟生兩漢時。卽此可以顯名當世。在先生視之。尋常瑣節耳。先生卒後。梨洲先生誌墓石。其文固不後震川也。先生有子二女。適同邑萬斯大。



周德林先生事略

周先生諱元懋字桂礎別字德林鄞縣人尙書文穆公應賓猶子也以文穆任累官南京屯部郎中權陽關奉使蜀中歸出知賁州恩南府母憂未赴任而國難作先生跌宕自喜初欲以文章發名成業及受門資之寵非其好也都御史廖大亨曰門資豈足屈人在人自主耳李衛公非起家任子者乎唐中葉宰相無其四矣先生乃大喜魯王建國東江先生服未闕錢忠介公招之固辭不出而破家輸餉無少吝丙戌六月家人自江上告失守先生慟哭自沈於水以救得甦乃祝髮人灌頂山中先生故善飲至是益縱酒又不喜獨酌呼山僧不問其能飲與否強




酌之夜以達旦。山僧爲所苦。皆逃匿。則呼樵者與飲。樵者以日暮長跪乞去。固持之。尋亦逃。先生無與共。則斟其侍者已而侍者醉臥。乃呼月。酌之。月落呼雲。酌之。灌頂去。先生家且百里。酒不時至。又穹山難覓酒。徒乃返其城西枝隱軒。每晨起輒呼子弟飲。子弟去則呼他人。或其人他去則呼酒。極之於所往。斟之不遇則執途之人斟之。於是環所居浮石十里間。望見先生者相率引避。不得已乃獨酌。先生旣積飲且病。勸止酒者無算。輒張目不荅。或叱去之。惟江湖俠客以事投止者。雖酣醉時輒蹙然起接之。無失詞聲。所有輸之。惟恐後也。以是盡毀其家。庚寅嘔血不可止。竟卒。年四十。妻俞亦以毀卒。前太常博士王公玉。



書哭之曰。德林兀然狂放於麴蘖間。箕踞叫號。俾書作夜。幾不知身在何世。身外有何天地。舍此且不知吾身置於何所。昔人詩云。酒無通夜力。事滿五更心。德林闌然長醉。蓋期於無復醒時。以自全也。先生不死於水而死於酒。其宋皇甫東生之流歟。浮石周氏國變後。披細者三人。通城佯狂以死。所謂顛和尙者。也。順德苦身持力。羈生不入城市。所謂苦和尙者也。而先生獨以醉和尙稱。







傳青主先生事略

陽曲傅先生山字青竹改字青主別署公之它亦曰朱衣道人  
又字齋廬六歲啖黃精不樂穀食強之乃復飯少與孫公傅庭  
共學讀書過目成誦明季天下將亂諸號爲搢紳先生者多腐  
惡不足道憤之乃堅苦持氣節不少姪娶提學袁公繼咸爲巡  
按張孫振所誣孫振閹黨也先生約同學亶良直等詣通政使  
三上書訟之不得達乃伏闕陳情時巡撫吳公銓亦直袁竟得  
雪先生以此名聞天下馬文忠世持爲作傳以調裴瑜魏邵復  
出既曹公任兵科先生貽書曰諫官當言天下第一等事以不  
負故人之期曹公慙然卽疏劾首輔周延儒錦衣衛駱養性直



聲震一時。先生家世以學行師表。晉中得其山川雄深之氣。思見諸實用。時蔡忠襄懋德撫晉。寇已亟。講學三立書院。亦及軍政軍器之屬。先生往聽之。曰。迂哉公言。非可起而行者也。甲申國變。夢天帝錫之黃冠。乃衣朱衣。居士穴養母。明年袁公目九江。羈燕邸。以難中。詩遺先生。曰。不敢愧友生也。先生省書慟哭。曰。嗚呼。吾亦安敢負公哉。甲午以寧連被逮。抗詞不屈。絕粒九日。幾死。門人有以奇計救之者。得免。然先生深自咤恨。謂不若速死爲安。而其仰視天俯畫地者。未嘗一日止。如是者二十年。天下大定。始以黃冠自放。稍稍出土穴。與客接。有問學者。則告之曰。老夫學莊列者也。仁義禮樂。卽強言之。亦不工。又雅不喜。



歐公以後之文曰。是所謂江南之文也。平定張濟者。亦遺民以  
不謹得疾死。先生撫其尸哭之曰。今世之酹酒婦人。以求必死  
者。有幾人哉。嗚呼。張生是與沙場之痛等也。又自歎曰。彎彊躍  
駿之骨。而以估畢朽之。是則埋吾血千年而碧不可滅者矣。或  
強以宋諸儒之學。則曰。必不得已。吾取同甫先生工篆隸書畫。  
弱冠學晉唐人。不能肖得松雪墨蹟。稍習之。遂亂真矣。已乃愧  
之曰。是如學正人君子。輒苦其難。近降與匪人遊。不覺日親於  
是。復學顏太師。謂書甯拙毋巧。甯醜毋媚。甯支離毋輕滑。甯真  
率毋安排。君子謂先生非止言書也。趙秋谷推先生書爲本  
朝第一。顧深自愛惜。不輕爲人寫。母喪。貴官致賻。作數行謝之。



貴者喜曰此一字千金也。吾求之三年矣。先生既絕世事而家傳故有禁方。乃資以自活。予曰眉字壽髦。能養志。每日樵山中。置書擔上。休擔則取書讀之。中州有吏部郎者。故名士訪先生。問郎君安在。先生曰少需之。且至矣。俄有負薪歸者。先生呼曰孺子。來前。肅客。吏部頗驚。抵暮。先生令伴客寢。則與敘中州文獻。滔滔不置。吏部或不能盡答也。詰朝謝先生曰。吾甚慚於郎。君先生喜苦酒。自稱老蘗禪。眉乃自稱小蘗禪。或時出遊。眉與予共挽車。暮宿逆旅。仍篝燈讀讀經史。驪選諸書。詰旦必成誦。乃行。否則予杖故先生家學。大河以北。莫有窺其籀者。嘗批集古錄曰。吾今乃知此老真不讀書也。康熙戊午。詔舉博學鴻



儒給事中李宗孔以先生薦時年七十有四矣眉已前卒固辭不可乃稱疾有司令役夫舁其牀以行二孫侍將至京師三十里以死拒不入城於是馮相國溥首過之公卿畢至先生卧牀不其迎送禮魏公象樞乃以其老病上聞詔免試放還山先生與杜徵君越尤篤老命各加中書舍人以寵之馮公乃諧先生曰恩命逾常格其強入一謝先生不可馮公令賓客百輩說之遂稱疾篤乃使人舁以入望見午門淚溶溶下馮公強掖之使謝則仆於地魏公進曰止止是卽謝矣翼日歸相國以下皆出城送之先生歎曰今而後其脫然無累哉旣而曰使後世或妄以劉因輩賢我且死不瞑目矣聞者咋舌自京師歸大



吏咸造廬請謁先生自稱曰民冬夏暑一布衣帽以羶或曰君  
非舍人乎不應也及卒以朱衣黃冠殮所著霜紅龕集十二卷  
眉詩附焉先生嘗走平定山中爲人視疾失足墮崩巖僕大驚  
哭曰死矣先生旁皇四顧見有風峪甚深中通天光百二十六  
石桂林立則高齊所書佛經也摩娑終日出欣然忘食其嗜奇  
如此顧甯人嘗曰蕭然物外自得天機吾不如傳青主



張白雲先生事略

張先生怡字瑤星初名鹿徵上元人父司大明季總兵登萊死  
國難先生以諸生授錦衣衛千戶甲申流賊陷京師遇賊將不  
屈械繫將肆掠其黨或義而逸之久之始歸故里其妻已前死  
獨身寄攝山僧舍足不入城市鄉人稱白雲先生當是時三楚  
吳越耆舊多立名義以文行相高惟吳中徐昭法宣城沈眉生  
躬耕窮鄉雖賢士大夫不得一見其面然尙有楮墨流傳人間  
先生則躬樵汲口不言詩書學士詞人無所求取四方冠蓋往  
來日至茲山而不知山中有是人也方處士仲舒余處士公佩  
歲時問起居人其室架上書數十百卷皆所著經說及論述史



事請貳之弗許曰吾以盡吾年耳已市二甕下棺則併藏焉卒年八十有八平生親故夙市良材爲具棺槨疾革聞而歎曰昔先將軍致命危城無親屬視含殮雖改葬親身之槨未能易也吾忍乎顧從孫某趣易棺定附身衾衣乃卒乾隆初詔修三禮求遺書從孫某以書詣郡太守命學宮集諸生寫之久之未就書遂無傳者



李向若先生事略

先生名灌字向若陝西郃陽人幼警敏讀書日盡數千言明崇禎癸酉舉人甲申之難痛哭北上與呂孝廉得璜約同死王事渡河如晉其父以書止之乃不果棄家東渡至角北寺遂薙髮爲僧放浪太華黃河間入山采藥或累歲不知所向或黃冠緇衣行哭都市識者曰此必李子向若也跡之果然已翩然遁矣國初徵書累下皆引疾不起行蹤奇誕多寄跡僧房梵宇與田夫牧豎伍又自結茅菴於河澗終歲屢空晏如也性至孝負經濟才博極秘緯詩文清雄奇宕自成一派與人言闕衍浩渺一歸本於忠孝長吏求一見不可得晚歲於乳羅山鑿石室以居



得田數十畝。名小桃源。居數月。遁去。嘗遊華山。至落雁峰。方移目。有異人飛空而至。與語久之。且曰。要知未來。但觀已往。語似有道者。先生卒。雲中郭君匡廬爲題碣曰。逸民李向若先生之墓。路徵君振飛書也。同時甯柏岩者。名滋。字季騰。自號甯鳩山人。與先生同邑。少補諸生。性古執。木強。言動不苟。邑賢令范公器之。招入西河書院。日與講學論文。雅好古工。考證發明。因禮於喪。祭尤篤。國變後。盡室入山。家卧虎岡之北谷。爲土室。終歲戶居其中。間或登梁山。臨清泉。鳴琴寤歌。非其人卽避去。足跡不入城市者垂五十年。



國朝先正事略卷之四十七 逸逸

平江李元度次青纂

夏叔直先生事略 郭履驤

夏先生汝弼字叔直號蓮峯一號蓮冠道人湖南衡陽人也生有異稟明季爲諸生剛介負氣鼎革後佯狂高蹈無定擬歲丁亥衡湘兵亂忽有稱蓮冠道人者攜一童子囊琴至湘鄉之車架山僦僧樓而止焉日就古木鳴泉間藉危石彈琴舒啸已登白石峯銅梁山觀瀑布輒數日不返問其姓字不對人亦莫能測也邑士蕭常厯見而識之延至家或歌或哭與語及時事卽閉目不答居月餘辭去莫知所往後聞其挈家入九嶷山絕粒





死先生與王船山交最摯有遺詩曰車架山同夕堂作夕堂船  
山自號也船山集中與先生唱和詩尤多車架山在湘鄉西南  
九十里其對峙者曰白石峰先生嘗與船山同遊峯巔爲之記  
其畧曰夫以是峯之特立出於羣山之表而其上蒼蒼無窮者  
且如彼是果有所謂天耶抑無所復名之而姑謂之天耶天者  
果有所憐與則亦宜有所不憐者存何居乎其必憐之荒遠而  
始以爲大乎則吾未知其定有天焉者否也於是兩人者選石  
而坐不能去不能留歌無聲言無謂相視久之不得名其故日  
已晚矣乃遵所登之路而返讀者謂不減楚騷天問云同縣有  
郭季林先生者名履驪崇禎壬午舉人國變後隱居石獅嶺下



足不人城市竹塢藥欄日吟嘯其中自樂所著涉園草王船山  
南牕漫記中盛稱之今不傳







唐汲菴先生事略

瞿龍蹤

唐先生訪字周之號汲菴湖南武陵人以桂林籍中崇禎壬午鄉試第一瞿忠宣公式昶貝所對五策訖爲異人永明時特疏奏授庶吉士掌制誥傳顧問上六代中興法戒書奉勅入楚南聯絡勳鎮既知事不可爲乃痛哭祝髮築食苦菴以終號食苦和南自爲之記其略云利尙早遭荼苦十歲遭父冤中遭剛已伸復蹶今蹶已甚和尙所遭尙未有艾也和尙三遊燕四人碓一過秦再歷吳越晉趙閩粵乃反楚賦帝京記華山訪侯嬴豫讓墓弔姑蘇之臺問五湖之棹漁舟不返屈宋同歸每入名山喜獨遊夜遊雨遊雷遊雪遊石喜蠢僧喜瘦喜然炬夜坐大石



上。喜臥佛閣。反鎖鬼叩門。飢鼠竄瓦。喜與古人遇。牽其裾。平反其獄。不受古人欺。和尚喜築庵。凡遇山水佳處。誅茅葺竹。負土洗石。扶石起對。立如人。與揖與語。與默坐。然後置庵。庵成。居十餘日。卽厭棄。別徙如前。庵前高竹數本。短竹百數十本。庵側水高二尺。來自二溪。至庵合。去復分野。草無算。白鴨一足。跛。庵後峻嶺。無人跡。有木客。有大猿。時似老翁咳。窮奇獼獼。戩戩。殺獼。獼。獼。獼。元兔。白麕之屬。無算。和尚每早起。白飯二盂。苦茶十二椀。酒無算。詩或一二首。或數十首。喜怒笑罵。發狂。無聊。往來唱和。益無算。和尚以有明萬歷四十五年丁巳十月朔二日。生行年三十又一歲。又八十八日。爲戊子元旦。築食苦庵。成。乃



告母兄及妻妾暨友人。自今以往呼我食苦和尚。以戊子元旦始。元旦後六十九日寒食前一日。記又瞿天門元生者名龍躍。汲庵同縣人也。崇禎時拔貢。性嗜遊。兀傲自喜。鼎革後常出亡。不歸所。至有題詠自鐫絕壁上。納橐瓢中。自號一杓行腳道人。詩有奇氣多棘塞之音。與汲庵相近。



同前  
方工  
事  
星  
國  
分  
四  
十  
三  
三

四





張命士先生事略

申涵光

殷岳

張先生蓋字覆輿一字命士直隸永年人少散氣節以能詩聞  
工草書甲申之變謝去學官弟子悲吟侘傺遂成狂疾嘗邀齊  
晉楚豫間歸自閉土室中飲酒獨酌醉輒痛哭雖妻子不得見  
惟同里申涵光雞澤殷岳至則延入土室談甚洽其爲詩哀憤  
過情恒自毀其稿或作狂草累百過至不可辨識乃已久之狂  
益甚竟死涵光輯其遺稿僅得百篇其五言詩尤高簡力詣古  
人涵光字和孟一字鳧盟父節愍公隹允死國難事詳明史鳧  
盟少以詩名河朔間與殷岳張蓋稱畿南三才子以理學訓其  
兩弟皆能立身揚名明亡後絕意進取晚年名益高著有聰山



集荆園小語諸書岳字宗山雞澤舉人父太白明末官陝西副使忤楊嗣昌坐法死獄中宗山上疏爲父乞骸骨比歸而京師陷遂入西山與其弟淵謀舉義事洩淵被害宗山匿鳧盟家得免順治初吏部按舊籍除知睢甯縣甫之任鳧盟勸之歸慨然曰吾豈肯以一官易吾友哉遂投劾歸與鳧盟晨夕唱和相樂也其能詩自魏晉以下屏不觀尤不喜律詩所作惟古體莽莽然肖其爲人



李元仲先生事略

先生姓李勝國諸生也。福建甯化人。名世熊。字元仲。自號寒支。子少豪宕。不羈。自經史子集及秦漢唐宋近代百家無所不覽。獨好韓非屈原韓愈之書。故其爲文沈深峭刻。奧博離奇。如悲如憤。如哭如笑。雖非盛世和平之音。蓋自稱其所遇也。當天啟崇禎間。金甌未缺。若預知有甲申以後事者。每論古今與亡。儒生出處及江南北利害。備兵屯田水利諸大政。輒慷慨歛歔。倦倦有所屬望。爲諸生時。九試冠同列。典閩試者。爭欲物色李生。爲重竟不可得。我朝定鼎。閩中尙擁唐王未歸命。故大學士黃公道周何公楷並薦先生。徵拜翰林博士。辭不赴。嘗上書劉



念臺先生悲憤時事及念臺靖節走福州請褒卹時問其孤齎  
丁亥王師入閩序應歲貢辭自是杜門居絕迹塵市有齟齬  
於郡帥者帥遣某生移書逼入郡先生復之曰天下人無官者  
十九豈盡高尙來書謂不出山慮有不測禍夫死生有命豈遂  
懸於要津且某年四十八矣諸葛瘁躬之日僅少一年文山盡  
節之辰已多一歲何能抑情違性重取羞辱哉時蜚語勝沸先  
生矢死不爲動疑謗亦釋先生旣以文章氣節著一時名大震  
辛卯壬辰間建昌潰賊黃希孕剽掠過甯化有卒摘先生園中  
二橘希孕立鞭之駐馬園側視卒盡過乃行粵寇至燔民屋火  
及先生園其魁劉大勝遣卒撲救曰奈何壞李公居當是時雖



盜賊亦知有寒友先生矣。先生積壘塊胸中，每放浪山水以寤其牢騷不平之概。嘗詣西江交魏叔子、彭躬菴諸君，相與泛彭蠡，登廬山絕頂，追維闖賊橫行時事，太息流涕，不自知其所以然也。乙卯耿精忠反，遣僞使散粵先生，嚴拒之。自春徂冬，堅臥不起，乃得免。先生自國變後，山居四十餘年，鄉人宗之，有爲不善者，曰：「無使李公知也。」晚自號愧菴，顏其齋曰「但月」。所著寒友集、甯化縣志、錢神志、史感物感本行錄、經正錄，各若干卷，年八十有五卒於家。







董月函先生事略

董先生名說字兩若號侯庵又字月函浙江烏程人前明尚書份曾孫也負異才年十七爲諸生撰夕陽篇以自厲嘗受三易之學於石齋黃子國變後祝髮爲僧號南潛從繼起大師受佛戒盡焚其少作繼起者興化理宏儲退翁也本李氏父嘉兆恥與賊自成同姓命之曰吾祖梟陶爲大理氏所由出也其復氏理退翁遭國變出家浙東起事諸亡命者多主之爲畫策連染幾及禍於是徒眾皆走而先生獨從不去先生所與其事繼起者爲巢庵大瓢巢庵者明大學士嘉魚熊公開元大瓢者宣城沈公麟生其父壽嶽以故監司死節者也先生雖遁於僧顧薛




嗜文字老益篤相與賞析者若江夏黃周星九烟吳徐枋昭法  
金陵民孝章顧苓云美吳江顧有孝茂倫徐崧松之烏程韓曾  
駒人穀嘉興巢鳴盛瑞明桐鄉張履祥考夫皆遺老遁世死間  
而皆與先生善先生所著書有易發八卷河圖挂版詩律表各  
一卷周禮緯律呂考歲差考分野發六書發甲申野語補船長  
語夢史殘雪錄掃葉錄西荒詩拂烟集豐草庵寶雲諸集凡三  
十餘種合題曰補樵書補樵亦先生自號也先生往來潯溪堯  
峰間不常住持述退翁之言欲其無所繫而道行教立也其詩  
清淡荒遠草書尤奇逸其首陽詠曰草笠古鬢眉首陽一樵子  
擔柴入都城閒話青峯裏云有兩男兒飢死西山趾白髮齊太



公淚滴青蘋水還顧名公言采薇人已矣讀者可以知其寄託焉。







芮巖尹先生事略

湯泰亨

戴笠

徐白

芮先生城字巖尹江蘇溧陽人少負異才博極羣書文行爲一時冠陳名夏馬世俊皆師事之及明亡棄諸生躬耕窮山中高隱杜門足不履城市者四十年名夏以大學士歸鄉求一見卒不可得貽書候問亦不發視曰山澤之臞一與貴人接便喪所守矣時人目爲真隱順治十七年海寇犯江甯重先生名禮聘之先生峻謝不往所著有易象傳解四詩正言禮記通識綱目分注拾遺滄浪吟等書與同縣湯泰亨善析疑問義無虛日泰亨亦高士隱白盤山歲遇君親子卯日輒屏食堅臥不起年入十五自知死期別親友手題墓志沐浴而逝又有戴先生笠徐



先生自皆吳江人。同以高逸著。笠字耘野。明諸生。國變後。入秀峰山爲僧。旋反。初服。隱居朱家港。教授生徒。土屋三間。炊煙有時。絕而編纂不輟。潘檢討耒。實出其門。白字介白。亦棄諸生。隱靈巖山之上。沙種蔬蕒果。捃撫以自給。詩畫蕭疏無俗韻。故舊至。掃葉烹泉而已。三十年未嘗出山一步也。



李筠叟先生事略

李先生魁春字元英晚號筠叟長洲人故明諸生與潛忠先生  
許玉重以舅甥爲莫逆交當是時流寇披猖中原板蕩先生與  
潛忠論古今節義事背裂髮豎恨不能以諸生效死曩塲間甲  
申之變莊烈帝凶問至北向號哭家人知其有死志日久環守  
不得死後聞潛忠死嘆曰玉重死我何顏獨生旣生而無以妥  
玉重魄我益滋戾乃收其骨葬白公堤畔撫卹其家福王南渡  
與同學白當路贈翰林典籍私謚曰潛忠不負同志也先生死  
志未遂故身雖存而心實等於死方袍角巾屣跡郊野時直指  
李某按吳重先生名微服過訪相見道姓名知前進士赫然爲




達官者也。直指視勸駕意。先生曰。昔堯稱則天。不屈潁陽之高。武稱盡美。能全孤竹之潔。揚子雲曰。鴻飛冥冥。弋人何慕焉。今鴻已冥矣。弋人猶不忘慕。耶。願全薛方逢萌之節。拜賜實多。否則有死而已。且君子愛人以德。既已自誤。文復誤人。知公不爲也。直指慙謝去。繼以高隱鴻儒額相贈。先生笑而裂之。遂甯李石如先生實令長洲棄官後。僑寓吳門。往來無閒時。沈君欽圻亦棄諸生。與劉剝庵學博及先生善。三人者。或終日相對默坐。或慷慨歌泣。外人莫能測也。先生愛佳山水。一瓢一杖。逍遙林壑間。喜種竹。方曲屏障。悉畫竹名其齋曰竹隱。蓋別有寄託。非山濤王戎意也。生平纂述甚富。鼎革後。委諸爐。今存春秋三傳。



訂疑行於世卒於康熙丁巳年八十








陳狂巖先生事略 弟觀

陳先生名南箕字狂農江西安福人舉崇禎丙子副榜甲申之  
變欲以身殉國不果遂棄妻子入歐公山山界江楚間懸崖峭  
壁人跡所不到先生與弟觀偕隱其中二十餘年幾與人世隔  
性奇癖厭俗嘗不語有所欲則弟視其顧盼指畫輒喻意閒有  
來訪者與之言不應拱揖而已或貽以書不發視即焚之偶有  
題詠亦未嘗存稿衣垢敝不澣濯糜粥不充心如也觀字二止  
丙子舉人偕兄隱兄物慟甚仍獨處萬山中手一編不輟人罕  
見其面邑食張召南心慕之凌晨獨步往訪以一役自隨入門  
闌無人問奚僮以深入窮巖對召南喟然曰固知爾不我見



國朝文正公集卷四十一  
也。但得一登棠。足矣。先生弱冠時。卽與弟同營墓域。爲左右穴。中通以櫺。冀死後得時相見。暇則填書挈壺讀。且飲於穴中。其曠達如此。



















國朝先正事略卷之四十八 遺逸

平江李元度次青纂

鄧起西先生事略

先生名大臨字起西一號丹邱營熟人曾祖黻明嘉靖中舉於鄉以母老不上春官及母服除仍不上曰吾向以母在不往今往是利母之歿也時稱為真孝廉先生幼孤稍長能力學受業江陰黃介子繁祺之門順治乙酉江陰城堅字不不介子與其門人起兵竹塘應之先生募兵崇明事敗介子亡命淮南以官印印所往來書為人告變捕人金陵獄先生職納橐餖獄急介子以其所著小遊仙詩園中草授先生坐化而逝當事戮其尸




先生號泣守喪贖其首並棺殮送歸當時稱介子之門有徐趨  
鄧大臨趨則抗節而死者也先生自師死後徧走江湖欲得奇  
才劍客而友之卒無所遇歲辛丑餘姚黃太冲先生讀書雙瀑  
院先生忽造訪雙瀑在萬山中人跡殆絕太冲問子何以知之  
笑不答問其所自曰雨東視其行勝作道士裝曰吾已竄身爲  
黃冠矣唱和旬日與偕至武林先生上玉皇山去甲辰太冲至  
虞山先生以精舍館之道侶數人曰張雪崖顧石賓皆遺民也  
隨訪熊先生魚山於烏目李先生膚公於赤岸皆先生導之比  
太冲返棹先生送至城西楊忠烈祠下揮涕別後遂獨遊名山  
卒佳僚而死論者謂桑海之交逃於禪者多矣黃冠中絕少先



生在元門苦身持力心耿耿者未嘗一已下可謂愧師門矣  
見山顯景范嘗爲作傳太冲志其墓而銘之以比西漢楊匡云







張蒼巒先生事略 弟若仲

張先生若化字雨玉號蒼巒福建漳浦之丹山人弱冠師事黃忠端公得聞明誠之學崇禎丙子舉於鄉兩上公車不第而弟若仲以庚辰捷南宮因畱京師時忠端公以言事下北寺獄先生微服雜廝役中時時進獄問起居左右之燕都陷唐王入閩徵拜御史數月乞歸事父母以志養食貧茹苦嘗搗柏葉代園蔬諸孫嘗之喀喀不下咽先生茹而甘之山居四十年足不及城市手嘗以姓名通有司勵志獨行不標講學名疾惡守義慄不可犯雖骨肉至親不少假而惻隱所周悉力於人者不少竈時值兵荒盜賊蜂起羣相戒曰慎勿犯張公廬終其身盜不入




同治六年五月  
名四  
境鄉人多依以避難。丹山在羣山中，蟻巖阻絕，日夕雲霧往來。茅茨數椽，上漏下溼。豺虎交橫，時曳杖登陟，徜徉泉石間，嘯歌自得。年六十六，正襟危坐，無疾而終。子士楷能繼父志，隱居不仕，潛心性命之學，稱儒宗焉。

若仲字聲玉，號次巒，其學以不欺爲本。一嘔笑不苟，作止語默持以敬。若性成焉，崇禎丙子與兄蒼巒同舉於鄉。庚辰成進士，例選州牧。性廉靜，不願任煩劇，改授益府長史。居官清儉，簡貴益藩，敬禮之。以母病乞休歸。母歿廬墓三年。鼎革後，山居五十年，清修獨善，藝圃一區，菓蔬薯預，度給賓祭餘，悉種梅竹栽蒔，灌溉身自爲之。時簞箸牽犢飯隴畝，與野耒雜處，晚歲益務爲。



散篤飲人以和。遇鄉里有爭訟。勸之以誠。久而化焉。邑濱海。有  
蜚起。羣飛蔽天。觸禾稼。草木葉噉立盡。民多聚泣。或泥首禳之。  
獨先生所居數里外。無蝗患。里賴以安。時康熙二十九年也。丁  
卯秋夜。風雨大作。所居屋盡拔。先生獨聵地上。黎明。人視之。毛  
髮爲悚。年四十四。以壽終。鄉人稱其兄弟爲丹山二先生。同祀  
鄉賢祠。







夏元真先生事略

李孔昭

張翼早

杜越

夏先生道一字元真直隸大名入明崇禎中舉人性高潔兩上  
春官不第輒隱居自放甲申後絕意仕進率子躬耕削迹不人  
城市食不給每操斤斧作紡車自鬻或攜婦績線易薪米市人  
利其精細爭購之口不言值得錢入懷袖輒短衣行歌旁若無  
人家居自爲詩文寫赫蹠紙寸許有窺之者卽投之水火諸子  
皆不令讀書鞭牛負薪而已同時畿輔間以高逸著者曰李潛  
天孔昭張三明翼星杜紫峰越孔昭字潛夫薊州人性孤峭前  
崇禎癸未進士見時事日非不赴廷對以所給脾坊銀百二十  
座畱助軍需去隱盤山甲申都城陷白衣冠哭田間者三載人




本朝貞隱不出會。詔求遺賢。巡撫列名以薦。得旨。名用謝。不赴事。母至孝。嘗割股愈母疾。妻王氏於薊州城陷時殉節。義不再娶。平居教授生徒。所成就者衆。及卒。門人私謚安節先生。翼星姓張氏。字三明。左衛人。崇禎末舉人。精理學。尤長於易。家貧。不佳。隱於卜肆。日獲百錢。以自給。衣履常不完。盛夏猶絺冠。氈笠。晏如也。從弟元錫。官總制。屢迎不一往。有所遺。擇其小且劣者受之。其孤介類此。杜越字君異。號紫峰。容城人。邑諸生。爲同郡鹿忠節公高弟。與孫夏峰徵君反。互相砥礪。學成不求聞達。毅然以繼往開來爲任。家貧布衣蔬食。授徒自給。一時才俊士無近遠咸師事之。康熙十七年。詔舉博學宏詞科。有薦先



生者徵至都以老疾乞歸







杜茶村先生事略 弟芥

杜先生溶字于皇號茶村湖北黃岡人明季爲諸生避亂居金陵少倜儻嘗欲赫然著奇節旣不得有所試遂刻意爲詩以此聞天下然不欲以詩人自名也於並世人獨重宣城沈眉生吳中徐昭法自媿不如其在金陵與方君仲舒善旦晚過從非甚雨疾風無閒仲舒望溪先生父也金陵爲冠蓋輻輳之衝諸公貴人求詩名者踵至先生多謝絕錢牧齋嘗造訪至閉門不與通惟故舊或守土吏徒步到門則偶接焉門內爲竹關先生午睡或治事則外鍵之關外設坐約客至視鍵閉則坐而待不得叩關雖大府至亦然及功令有排門之役有司注籍優免先生




曰是吾所服也。躬雜廝輿夜巡綽。眾莫能止。嗜茗飲。嘗言吾有絕糧無絕茶。既有花家。因拾殘茗聚封之。謂之茶。卽年七十有七卒於揚州。喪歸。故人謀卜兆。予世濟曰。吾有親而以葬。事辱二三君子。是謂我非人也。亡何世濟亦卒。又數年。陳公滄洲來守金陵。始塋諸蔣山北梅花村。先生詩最富。世所傳不及十一。手定者四十七冊。吳梅村嘗云。吾五言律得茶村。焦山詩而始進閣。百詩於時賢多所訾。警獨許先生五律。稱爲詩聖。已刻者曰變雅堂集。

弟芥字蒼略。號些山。明季諸生。與兄茶村避亂同居金陵。二先生行身略同。而趣各異。茶村峻廉隅。孤特自遂。遇名貴人必以



氣折之於眾人未嘗接語言用此叢忌嫉然名在天下詩每出  
遠近爭傳誦之先生則退然自同於眾人所著詩歌古文雖子  
弟弗示也方壯喪偶遂不復娶所居室漏且穿木榻敝帷數十  
年未嘗易室中終歲不掃除每日中不得食兒女啼號客至無  
酒漿意色閒無幾微不自適者行於途嘗避人不中道與人言  
雖見童厮輿惟恐或傷之也後茶村七年卒年亦七十有七有  
些山集







王倫表先生事略

王先生大經字倫表江蘇東臺人好學勵名節明季嘗應童子試鼎革後投徒養親不復出康熙閒巡鹽御史魏雙鳳見先生文曰當世軼才也薦諸

朝辭不起會

詔舉博學鴻詞科太

僕卿郝君治將薦先生力辭乃得克嘗爲巢父許由論曰天下何爲而亂也王子曰亂生於求求生於欲多所欲則多所求强者求之以兵戈弱者求之以色笑人求之以智力詮僞物求之以爪牙角毒於是有敗倫壞紀寡廉鮮耻傷類圯族剝膚橫噬伏屍流血之事而天下乃馴至於大亂堯舜治亂之聖人也其爲道孜孜至皇已飢已溺誠恐天下後世有急功利驚聲華者



必藉日珥舜以陰濟其欲而明騁其求天於是生許由巢父使  
與堯舜始世而處有堯舜而養人之欲給人之求使天下安然  
各得其所欲各遂其所求而天下之亂以治有許由巢父而一  
無所欲一無所求使天下之貪者廉躁者靜競者讓澹焉各懷  
一無欲無求之意以去泰去甚而天下之亂又以治然則堯舜  
巢許者皆治亂之聖人也孔子之贊堯舜也曰巍巍不與曰蕩  
蕩無名被堯舜者絕不以天下介其中而不翦不斲監門臣虜  
堯舜之心曠然一巢許之心也其所異特用耳雖然堯舜以有  
用爲用而許由巢父以無用爲用終不可謂堯舜有巢許之心  
巢許遂無堯舜之用也是故堯舜巢許者皆治亂之聖人也嗟



汴大庭栗陸之世其民泐泐穆穆老死不相往來人人皆許曰  
巢父也。自世道漸降大樸漸漓而嗜欲日開營求日甚膺時邁  
會者乘使邀利而無真事功授徒講學者希營稽古而無真學  
術砥飭高行者世味實深而無真名節則皆巢許之罪人也不  
觀南陽之臥龍乎澹泊明志甯靜致遠方其躬耕龍吟苦將終  
身及應聘而出卒能輔昭烈定漢室稱王佐才繼而記孔好今  
鞠躬盡瘁推古今臣節第一嗚呼孔明天下奇才吾不難其才  
而難其用才之心然則孔明者有巢許之心而出爲堯舜之用  
者也使無其心縱有才亦不可用國家尙何賴有才臣哉故吾  
謂學堯舜者必先自學巢許始先生所著有周易釋箋毛詩備



攷三禮折衷四書逢源錄史論字書正謗醫學集要諸書皆佚  
惟文集八卷存又嘗輯泰州中十揚志十卷重修靖江縣志十  
八卷卒年七十二



吳野翁先生事略

先生姓吳氏名光字與巖武進人十齡喪母哀毀如成人幾滅性比就傳日誦數千言有文名久之厭帖括先心經濟務爲有用之學所論著自成一家言甲申之變動哭求死不得取所擬時務策並雜著火之曰是絕意人事結廬於滬東僻壤日閉門讀易倦則徐步隴畝與田夫畚耒較量晴雨話桑麻嗒焉自放於山水間大吏物色之堅謝弗出作野翁傳以見志其畧曰野翁無姓氏問其年亦不記甲子性不喜城市雖居城市胸中自謂有邱壑也故自號曰野翁翁爲人少可而多怪落落然寡詩然實平易近情雖樵夫牧豎未嘗有所在少讀書得古人大意



晚年一切束高閣。編茅種籬廬於中。田桑柘間。將終身焉。不復問人閒世。亦不復知有人間世。或訝其作苦。翁笑曰。吾自樂此。不疲也。暇則把壺白傾。不覺歌呼烏烏。而翁更未嘗以詩酒問世所最適意者。荆扉晝掩。抱膝靜坐。曰。吾今日猶能置身義皇以上也。標技野鹿。庶未遠乎。旣白號野翁。人亦稱之曰野翁。野翁云。先生所著有弄丸吟一卷。大學格致辨一卷。論孟合參一卷。中庸說一卷。讀書錄鈔二卷。五願齋文集耕娛集。遂初集。野翁記共若干卷。而易柏十箋。兼窮象數義理。所得尤深。與尤屋李二曲先生善。二曲爲作傳。以比吳康齋所述之龍璋老人焉。



陳逸子先生事略 朱之宜 李嵩之

陳先生名五簋字逸子湖南攸縣人父來學兄弟罵賊死甚烈  
逸子終身痛之性兀傲意所不可雖貴人必回折其非少補弟  
子員國變後痛君親之難遂祝髮號南雲行脚一號衲拾殘錢  
受之宗伯吳梅村宮詹與先生結方外交相唱和工詩廣致書  
畫古玩嘗遊吳越行笈一肩舢舨外皆經史書籍意氣忼慨有  
古俠士風其胸中浩浩落落嬉笑怒罵皆別有故人莫能測也  
年五十五卒於西泠湘潭王山長爲之傳同時有朱子昭者與  
齊名

子昭名之宜湘陰人少有學行負氣節舉後隱於樵自號砍



柴行者戊子義師之役。楚人多與其謀。事後因之成大獄。湖湘遺老株連繫累者三百餘人。子昭與焉。獄數年始解。集中有釋繫奉別陶密庵年丈詩。指其事也。

李先生嘗之字百艱。湖南平江人家。天岳山之麓。明季爲諸生入本朝。棄巾服。射耕讀書。生負異才有智畧。兼精王遁術。綏遠將軍蔡毓榮耳其名。敢聘入幕府。削平黔滇。先生謀居多功。成擬奏授官力辭歸。見親知貧一者立解裝周之。隨手盡遂徧遊衡岳九嶷武當天台武夷諸名山。居武夷最久。與高僧遺老結方外交。工詩古文書。得晉人神韻人爭寶之。著有百艱詩文集及布帆集破草人等集。



# 八大山人事略

八大山人者逸其名故明宗室也爲諸生世居南昌弱冠遭國變棄家遁奉新山中視髮爲僧住山二十年從學者常百餘人臨川令胡君亦堂聞其名延之官舍年餘意忽忽不自得遂發狂疾忽大笑心痛哭竟日一夕裂其浮屠服焚之還走會城獨身徻狂市肆間嘗戴布帽曳長領袍履穿踵注拂袖踟躕行市中見隨觀譁笑人莫識也其姪某畱止其家久之疾良已山人工書法行楷學大令魯公狂草頗怪偉亦喜畫水墨芭蕉怪石花竹及蘆雁汀鳥條然無俗韻人爭寶之飲酒不能盡二月然喜飲貧士或市人屠沽邀之飲輒往往飲輒醉醉後墨瀦淋漓



不甚自愛惜。數住城外僧舍。雛僧爭勸之。索畫至牽袂捉衿。不拒也。士友餽遺之。亦不辭。然貴顯人欲以數金易一石。不可得。或持綾絹至。直受之。舉懷素語。謂將以爲轡。以故貴顯人求山人書畫。乃反從貧士山僧屠沽兒。購之一日。忽大書啞字。署其門。自是對人不交一言。然善笑而喜飲。益甚。或招之飲。則縮項撫掌笑聲啞啞。然又喜爲藏鉤拇陣之戲。賭酒勝則笑啞啞。數負則拳勝者背笑。愈啞啞。不可止。醉則往往泣下。邵青門客南昌。見山人於北蘭寺。握手熟視大笑。夜宿寺中。剪燭談索筆書。几上相酬答。山人有詩數卷。藏篋中。秘不令人見。題跋尤古雅。閒雜以幽澀語。不盡可解。嘗與北蘭寺僧澹公數札。不減晉人。




語也。山人面微頰豐，下而少髭，初爲僧，號雪箇。後更號曰人屋。  
田驢漢最後號八大山人。云：山人負重名世，多知之。然竟無知  
山人者。山人胸次，汨淖鬱結，別有不能自解之故。如巨壑、寧泉、  
溼絮之邊，火無可如何，乃忽狂忽虐，隱約玩世。假令山人遇方  
鳳、謝翱、吳思齊輩，其搢搢痛哭當何如也。而世乃目之曰狂士，  
曰高人，淺之乎知山人矣。悲夫。



卷之六

五





一壺先生書畧

壺先生者不知其姓名亦不知何許人蓋前明遺老若雪庵和尙補鍋匠之流亞也衣破衣戴角巾佯狂自放常往來登萊閒愛勞山之勝居數載去久之復來莫可得而跡也好飲酒每行以酒一壺自隨人稱之曰一壺先生知之者飲以酒卽留宿其家閒一讀書輒歛歔流涕而罷不能竟讀也與卽墨黃生萊陽李生善兩生知其非常人皆敬事之或就先生宿或延先生主其家然先生對兩生每睥目無語輒日行酒來余爲生痛飲兩生度其胸中有不平之思而外目放於酒嘗從容叩之不答一日李生策蹇山行望見桃花數十株盛開臨深溪一人獨坐



樹下。心周之曰。其一字先生子。比至果。先生也。方提壺下馬。與先生共飲。醉別去。先生蹤跡既無定。或留久之。乃去。去不知所之。已而又來。康熙二十一年去。卽墨久矣。忽又來。居一僧舍。視其容貌。蕉萃神氣。恬恍異前。時問其所自來。不答。每夜半卽放聲哭。哭竟夜間。放日日。經交時。年垂七十。



國朝先正事略卷之四十九 循良

平江李元度次青纂

駱挺生太守事略 崔宗泰

駱君鍾麟字挺生號蓮浦浙江臨安人順治四年中進士副榜。官吉州學正遷陝西盤屋知縣爲政先教化臨事裁決如流察微洞隱若家至戶覲人畏之如神渭水決壞城郭廬舍君齋沐臨禱請以身當其衝河卒他徙每春秋大會明倫堂進諸生迪以仁義忠信之道增刪藍田呂氏士約頒諸學舍朔望詣里社講。聖諭十六條訪耆年有德孝弟著聞者召使見與均禮歲時勞以粟肉立社學擇民間子弟授以小學孝經飭保伍修社



倉百廢具舉。民有爭訟。後悔。願寢事者。令兩造得自言。慰遣之。  
所案治。卽豪右。居閒莫能奪。俗多銅婢女。至老不嫁。君下令禁。  
止。里婦有拒姦自裁者。爲具棺殮葬。卒僚屬爲文祭之。李中孚  
先生。縣人也。君數造其廬。事以師禮。攝興平鄆兩縣。俱就理。興  
平豪右。分四門。爲部黨。健鬪訟。持吏短長。前令不能制。君按治。  
主者黨皆散。擢兵馬司指揮。歷西安同知。遷常州知府。常州徭  
賦重。科條繁多。吏緣爲姦。前官屢以積逋去。君立法鉤校。清積  
逋。吏受成事而已。漕運官常歲餽金三千。君曰。利若金。如吾民  
何。卻之。諸漕卒皆斂手奉法。擢荆陵書院。迎李先生於藍屋。講  
學其中。率諸僚屬及薦紳學士。北面聽講。間爲治之要。李先生



曰天下之治亂在人心。人心之邪正在學術。不能大明此學。人心正。風俗移。治道畢矣。君書其言。名曰匡時要務。終身誦之。已而靖江江陰無錫諸有司。爭迎李先生。會講明倫堂。李先生爲發明性善之旨。格物致知之說。遠近士烝然向風。吏治亦不變。康熙九年大水。發倉廩勸富人出粟賑。民無流亡。明年夏復旱。君蔬食葛衣草屨。步禱二旬不雨。則詣獄長跪責躬。籲天就獄。中引見屬吏耆老。言太守不德累吾民。涕淚并下。雨大至。尋丁母憂去官。數千人號哭乞留。不可。至罷市。旣歸。連遭父喪。勞毀卒。年五十有三。士民咸爲位尸祝之。繼君而起者。有崔太守宗泰。遼東人。由松江郡丞遷守常州。性明察嚴毅。有幹略。始至會



征閩大軍十餘萬駐郡。牧馬數旬。人情恒擾。君先期儲待。供張立辦。嘗令獄囚丸泥數斛。左右莫解。忽將軍馳騎郊外。索彈丸。君立取以應。其纖悉豫備皆此類也。有游騎十人入村落逐婦女。二人溺河死。君聞之夜叩營門白將軍戮一人。貫七人耳。鞭隊伍長十餘人。一軍肅然。又時單騎按行城外。遇小有剽斂。遣隸傳呼曰。崔太守來。則皆引避去。然有求輒應。將卒亦以是德君。令甲郡漕以推官監兌。時推官懦而衛弁橫甚。君以法繩之。卒聚而譁。會兵備道缺。臺檄君攝理。并令監兌弁惶恐謝。君貫其罪。命急兌漕。無病民竟事。無譁者。未幾左遷去。民奔號罷市。願詣闕。詣留者萬人。不得後再過毘陵。父老爭餽蔬米。隻雞。君



慰謝之爲受一二皆泣明頭去論者以駱君治行類黃霸而君  
比之趙廣漢張敞云







白林九刺史事略

白君登明字林九遼東蓋平人隸漢軍廂白旂順治二年以貢生受柘城令禽諸盜渠按以法設條教勸民耕讀攷最遷知江南太倉州釐賦稅除耗羨雪諸冤獄時海壩民居因亂蕩析君召民開墾復成聚落十年海寇犯劉河堡闌入內地君備禦甚力寇遁十六年夏海寇破鎮江犯江甯敗走急攻崇明火礮聲三晝夜不絕巡撫蔣國柱治兵策應欲先遣一人往以師期告莫敢前君乃駕一般夜半渡經城入眾知援兵將至守益力寇遂循州有劉河久塞君按劉河北支有朱涇者宋范文正新塘遺迹在焉請於院司開鑿五十里巡按李森先知其能令大開




劉河六十里。復故道。於是震澤東北諸水並得入海。居民賴之。崇明民田舊有加征。蘆課銀萬三千餘兩。力請於院司以免。有大吏按州索賄弗予。先是寇棘時。需餉無出。以雲南協餉應之。卒爲大吏所糾。落職。州人列治狀上院司。乞爲申請。弗得。遂立祠生祀之。坐廢二十餘年。會臺灣用兵。許入貲贖。註誤福建總督姚公啟聖。巡撫吳公興祚素知君代。爲入貲。復任高郵州。脩湖決策。清水隄。君設法授食。禁吏胥剋減役人踴躍隄成。命曰永安。歲荒請蠲賑。勸富民分食。明年復大水。再請蠲賑。溺者拯之。病者拊之。以勞疾卒。官高郵人醵金以殮。哭聲震野。太倉人聞之。亦巷哭。設祭於生祠。康熙二十六年入祀名宦祠。其鄉鎮



諸民各肖像立於祠。凡四處。

國朝先王事略卷之八  
卷之八  
九  
循  
浪







宋其在刺史事略

宋君必達字其在。湖北黃州人。順治八年進士。知甯都。時經寇亂。民多遷徙。地不治。乃語蠲逋以來之。貸以牛穀。甫二歲。田盡闢。縣瀕河。夏雨水暴漲。城且沒。君禱於神。水落。乃按故道濬之。自是無水患。康熙十三年。耿精忠反。自福建出攻江西。羣盜多響應。甯都故有二城。南民北兵。君曰。古有團練。保甲義勇。弓弩社民。皆可兵也。王文成破宸濠。嘗用之矣。遂以其法訓練。得義勇八千。及盜前鋒薄城下。營將劉某邀君計。事曰。人衆食乏。奔何君曰。人臣之義。有死無二。賊木鳥合。掩其始至。可一鼓破也。劉遂率所部進。少卻。君以義勇橫擊之。盜奔。已復率衆來攻。君



嬰城守。會援軍至。圍解。或謂巡撫縣岩堡多從賊。請擊之。巡撫已發兵。君刺血上書爭之。乃止。事定。尋以註誤去。道出豫章。爲盜所得。脅之降。大罵不屈。繫旬餘。夜半有甯都民數十人持兵逾垣入。擁以去。得脫。既歸里。時江督董衛國已移鎮湖廣。見之歎曰。是死守孤城者邪。吾爲若咨部還故職。且以軍功敘。君逸謝再三。旣而語人曰。故吏如葉婦。忽自媒乎褐衣蔬食。終其身甯都民歲時祀之。



趙天羽給諫事略

趙君吉士字天羽安徽休甯人寄籍杭州補諸生順治八年舉鄉試康熙七年選山四交成知縣縣北有交山者巖谷阻遠與靜樂永甯所隸諸山相屬袤延八百里自明季爲盜窟順治二年巡撫馬國柱招降諸賊渠盜稍戢五年禁民開養馬交山故產馬千總路時運奉檄巡山素有馬者金不訾士人憤之殺時運以作亂於是靜樂永甯諸盜並起巡撫祝世昌遣兵三千討之殲其渠且盡而大同總兵姜瓖反撤兵去餘盜復熾六年春交山盜與瓖黨姜建雄令兵破交城交水汾州清源徐溝太谷數州縣官兵敗之復諸州縣瓖誅建雄走餘盜匿山中招納亡



命與尋樂永甯諸盜相糾結潛出劫掠日茲蔓官兵不能制若  
性忼慨喜立事又沈深善謀其將之官也或問苦何靖盜君曰  
百年逋寇猝難盡除其必先撫後勦乎不先撫無以攜其黨不  
終勦無以絕其根到官日輿從甚盛及旬山民投撫者數十人  
人給一示令招徠其黨大閱於南門外分鄉營兵列左右土民  
願與校者聽得技優者百人賞錢萬退而喜曰民可用也其年  
饑錄山中貧民七十八人完廨舍使家人與雜處日狎詢羣盜陰  
事悉白遂由警備集鄉大夫於明倫堂論以城守不嚴俾家出  
一丁與民均役分夕巡每夕得百二十人設城總督之怠者罰  
城中肅然遂行保甲團練法十家爲一設牌遞輪輪者爲甲長



十甲爲保保有練總百家以上聯爲鄉鄉有督有犯法者申長  
告練總練總告鄉督達於縣匿者連坐不入甲者以姦民論法  
既行鄰盜相戒毋入交境交賦額二萬二千山賦居大半率抗  
官不償有河北都賦倍諸都是年旱雨雹傷麥豆君從數十騎  
入河北都道險始易輿而騎已而步行山中聞官至出餽酒爲  
供君爲陳朝廷威德當力耕保妻子慎勿爲盜取於成聞者  
竦息日暮宿士窰中有告計者平其曲直時左右給侍多賦黨  
君苦弗知明日復深入陰祭地勢險易與民情順逆至木欒窰  
把總蘇成民率兵迎之乃偕出就輿歸是歲山中民無逋賦者  
交山饒材木異時居民歲采伐設厰山口通商販康熙初爲文



水民所訟禁不得立厰商人多趨文水山民重困益去爲盜君  
白大吏復聽民立厰交易如故不一月流民復業者數百家是  
年八月充鄉試同考官而蘇家崖礦盜起衆至二千君遺縣或  
請急發兵捕之君曰此饑民逐利非有劫殺人罪也君當計散  
之但發票數紙令廣買糧草賊謂官兵且大舉尋散去搗得數  
人置之法未幾交曰賊楊芳林芳清等劫汾陽劉氏傷數人火  
其居官兵至乃卻九年正月君入山勸農有惠崇德者故從姜  
壤反壤敗亡命至是跪馬前自首願效死君好語撫之爲易名  
重生明日至惠家莊宿重生家諭二楊所在得每員又明太太饗  
山中民命二卒立舍二楊至杖二十繫之而還遣數卒從閒道



械二楊入城時山民數百皆賊黨。憐視不知所爲。徐命酒福飲。山中民度二楊行既遠。乃整伍出山去。及暮行八十里。賊渠任國鉉、鍾斗等糾衆尾君聲言欲奪二楊。君整伍反賊懼。還走人山。頃之有陝西叛弁黃某部衆二百餘入葫蘆川。與任國鉉、鍾斗合。葫蘆川者。有東西兩川。四山環之。最險隘。賊分踞其中。黃弁至。共劫汾陽朱氏。率萬頭曰。殺羊饗衆。圖起事。君欲以計閒之。遣山民持書一函。時其會飲。付斗國鉉。黃弁得書先發視。則大驚遽起。立大罵斗國鉉。率衆馳馬西出山去。先是君請於太原副將朱龍調守備祖光顯。率兵三百屯交城東關。至是將入山。搽盜城。中父老請緩師先往說之。時國鉉已失黃弁。則恐率



屬千餘詣縣自訴無反狀願就撫乃罷兵還太原諍樂李宗盛者踞周洪山爲盜主畜兵馬糧草甚盛九年春遣其黨趙應龍等劫清源溫氏遇教官李開秀殺之君聞令練總率鄉兵要其歸困之馬鞍山已而逸去復劫汾陽劉氏爲官兵所敗於是君購賊詣廬川獲三人訊之得應龍劫汾陽狀乃遣惠重生入山說國鉉等謂官兵且勦葫蘆川若能得趙應龍以獻者可脫罪國鉉信之致書李宗盛給應龍至縛之付重生詣縣獄應龍恨爲它盜所賣乃盡發諸盜陰謀謂欲靖盜非先除宗盛不可且爲君畫計君乃械應龍赴太原而自往勦宗盛期甯武協兵三百自北入而太原協兵聲言自東入令把總蘇成甫率兵自南



入駐兵惠家莊。君繼之別造重生社。說國鉉等俾毋動。羣盜見官兵勢盛。皆兇懼。又聞所購止宗盛。率自保。莫爲用。宗盛窮蹙。挾數十騎西南走。成甫追及之。縛以獻。宗盛旣禽。賊黨益浼。雨葫蘆賊曰。夜爲備。且謀劫縣城。君乃從容治文書。行鄉飲酒禮。與諸僚友登山燕飲。泛舟城南湖。爲歡樂。賊備少弛。以城中民多爲賊耳目。禁不得入山。雨葫蘆去縣治百六十里。近葫蘆口三千里。有廢堡曰靖安。崇禎間築以屯兵者也。順治初。廢。君言於大吏。復之。十年秋。鳩工興築。會總督奉廷旨。以交山盜屬發。宜酌調官兵。勦殺淨盡。君至太原。言於上官曰。交山有名劇盜。不過十餘人。其它率烏合。一聞勦殺淨盡之語。竊恐山中向



化之民畏罪自疑反甘爲賊用。今靖安堡初復，但請協兵三百，統以守備，以駐防爲名，刻期入山賊可一戰禽也。從之。冬十月，君自太原偕守備姚順率兵至縣。期十三日進屯，初八日太閤明日大享賓，夜半席未散，君起上馬出南門，則姚順、蘇成甫已統兵集門外矣。既會，師令疾驅之。未五鼓行四十里至水泉湯，飲搞畢，始詔順等曰：「此行也奉詔討交山賊，非爲駐防來少遲。」日得罪，遂令百總王國振率騎兵五十，步兵百由西治川進襲東葫蘆。蘇成甫統兵二百襲西葫蘆。君偕順率兵四百進駐東波底。語順等曰：「賊謂吾由堡進兵，近堡以東必設備，今由閒道得至此，此地爲兩葫蘆要道，據此則東西之援絕矣。」國鉉等



勅聞姚順克期進堡各戒嚴計分其黨僞就撫以餌順及期遣賊至堡迎順既至寂然賊大驚疾走還大呼官兵入山矣兩葫蘆賊聞兵至皆走上三座崖三座崖者居兩葫蘆中間勢陡削賊傳語山中民官兵至且屠山急上崖可免從之者千餘人君帥兵進前鋒報曰滿山皆盜君令安營止宿明日令人至崖下語崖上人曰官謂汝等皆良民毋爲賊脅官且按戶稽丁不在者卽以賊論至日中衆稍稍去及暮在者約二百餘人君曰此真賊矣然賊踞險吾兵仰攻必多傷賊之食且走禽之易矣乃分兵爲四要賊去路君收軍駐橫嶺已而崖上賊果走伏兵起禽獲頗衆君復益兵進獨石河入爛團山而永甯盜馮養成知




葫蘆賊勢不敵糾眾來援官兵大敗之餘賊多逃入鄰境君馳報太原府發諸縣兵夾勦而已收兵駐獨石縱諸降賊質其妻孥俾捕它盜以自贖已而它盜先後俱就獲生得者二十二人其餘或降或自剄入山旬有六日交山盜悉平乃召山中民始終不作賊者三十七家賚以羊酒立爲約正其素不與徭役者千四百三十家編其籍入都圖自後交山無賊患初君患山中路深阻命山中民都且一圖圖列山溝徑遂鱗比爲大圖日召山中父老詢其曲折注圖間以次及永甯靜樂所隸諸山較若指掌每得賊善遇之詰以諸賊去來蹤跡益悉以故所向輒得賊其在上官前預設方略無不酬而太原知府周合樹策君必



能辦賊上官深倚之未嘗拘以文法卒能成功居官廉軍中賞  
賚悉出私財班師日鄉大夫斂金五百爲犒卻之治交城五年  
百廢具舉論平賊功徵入爲戶部主事以母憂歸服除補故官  
復以父喪歸再起爲戶部主事二十五年擢戶科給事市有忌  
者劾君父子異籍下吏議被黜旋補國子監丞四十五年卒官  
年八十交城祀之名宦祠著有文集及寄園寄所寄諸書



國朝先正事略卷四十九





李伯苦明府事略

李君名簡字伯若湖北孝感人順治九年以貢生知將樂縣如  
至拜龜山先生於書院新其祠刻先生遺書召諸生肄業院中  
嘗曰禮讓不興國何由理每朔望率僚佐詣觀化亭爲縣人講  
鄉約春秋行鄉飲酒禮時至邨落問民所疾苦牧豎婦女皆  
環集導之以善脆然如家人期月縣人悉向化境內無賊盜訟  
庭稀鞭朴聲初至官與家人約曰在官俸金外皆贓也不可以  
絲毫累我官廨有桂二株方花開君指之曰此亦官物也擅折  
者必治之自是家人不敢簪桂花嘗出郭省歛從僕摘道傍一  
橘顧見之責曰豈可壞法自汝始立下馬杖之命償其直居三



年上宮有索餽者無以應遂去官歸縣中人數萬焚香擁馬首行至境上皆號哭返家繪像以祀之君性和易未嘗厲聲色與僮僕語款款惟恐傷其意家居時策蹇驢過戚友家飲酒微醉嬉笑而返宅前有柳數株時坐其下與田父角博蒲爲樂及卒貧不能具棺戚友醵金以殮子孫累日不舉火至采藜藿以食云



之寺承事略

任君辰旦字千之浙江蕭山人順治十三年進士康熙初授上海知縣清苦自勵敏於聽斷凡必書所行事告城隍神有疑獄禱於神神輒以夢告以意推驗悉得實民家失火方大風君至拜伏泥中祝曰天欲吾長是方耶請滅火不然吾不謝去耳頃之風愈甚而火遽熄異時縣徵漕追逮纍纍敲扑無虛日君削木爲版有應逮者書其姓名使都亭長召之卽應期至於是爭先輸納嘗詣倉隸人曳筆者徒手至呼杖則寄筆中途酒家知其不常用也吳淞江黃龍浦爲入海要道去浦日三里先建閘資蓄泄尋圯巡撫慕天顏檄縣修治故事修閘必築壩竭水費



不訾君募浙匠倣浙地爲梁法度基廣狹約丈天伐石識石甲  
乙下之水使善泅者厝之悉中程卽故址疊石爲門廣左右護  
隄束水就閘十月而工成民不病役上海沒水田六千餘畝賦  
額未除輸者率破家前官屢勘虛實貿亂至是以募公請得上  
旨覆勘君喜曰是吾志也日往來泥沙中蓬首垢足按魚鱗舊  
冊履畝丈量釐其荒者閏二月悉白費皆自辦俸不足銀釧棉  
布償之籍上得減除額征有差康熙十八年舉瑞學鴻儒放還  
故官復以良吏薦入爲工科給事中論事切直陞大理寺丞母  
憂歸以前廷推事註誤落職老於家



楊匡齋太守事略

楊朝正字匡齋漢軍鑲白旗人由侍衛出知東昌府既至訪民間利病銳意興革臨清舊有額外銀米銳君白巡撫聞於朝減歸正賦東昌濬河向有額夫率憚役求免至是改爲均役有訟者輒自剖決未嘗委屬吏民憚其嚴明獄事日損月朔望宣講

上諭春秋徧歷郊野課農桑歲暮訪高年者賚之其賢者尤尊異焉東河教諭王璜事繼母孝歲荒救飢民數百監生崔允璧建橋通濟間設兩渡船君請於布政司並旌其門民有蠲金治道者置酒勞之由是人爭向義府治西南地窪下遇大雨泛溢



五六十里。溺者眾。君自蠲金八百兩。剏大石橋三。治道六十丈。益增隄禦。水患息。康熙二十四年旱。君宿齋戒。除壇與妻磨麥爲麪。作供具。然香籲天曰。若知府有罪。願身受譴。無累百姓。伏壇前。自子亥。大雨徧四境。明年復旱。發倉平糶。復蠲金煮粥以食餓人。王璜、崔允璧等各蠲米數百石爲助。民得不害。卒祀名宦祠。子宗仁仕至湖廣總督。宗義至河南巡撫。語在名臣傳。



陸蔚文明府事略

陸君在新字蔚文江南長洲人爲人磊落尙氣節刻苦自厲順治初爲諸生躬耕彭山之下雞鳴起然薪爲燭屬文畢仰天而嘯向晨荷鋤出暮歸讀書康熙五年詔以策論取士君故以經濟自豪遂得舉尋除松江教授教諸生以質行爲先其以金費者却之用不足知府魯君時分俸助之湯文正公爲巡撫察其廉勤以卓異薦是歲江南七府一州諸長吏被薦者獨君一人人以此服湯公知人也詔賜蟒服遷廬陵知縣戰更就道始至誓於城隍神不以一錢自污晨起設香案令贊禮生誦戒石銘四句已跪而聽之四拜起然後治事以爲常錢穀耗羨革



除殆盡。傍水設五倉，便民輸納。建問苦亭於衙西，朔望坐亭中，訪求民隱，約裹糧攜供具，歷山谷，閱勞苦百姓，軫其災患而導之於善。修學校，進諸生，考論德藝，如爲教官時。設四門義學，刻孝經小學頒行之。二十六年，江水泛溢，民多溺者。君急出錢募民，船往救，身爲倡率，出入洪濤中，全活無算。君之始受事也，前官虧帑盈萬，大吏謂曰：「第受之，我等行相助。」君以爲信，受之已而奏銷，無所抵憂。甚遂得咯血疾，臨終北向謝恩，手書教條示民，反寢而卒。初，君將赴官，子孔奭在京師，蹙然曰：「吾父此行必殉是官矣。」亟從之。君數諭使還，涕泣請留，乃止。卒之日，惟孔奭在，鬻書數篋以殮。廬陵人爲龍市三日，會哭者萬餘人。孔奭




猶以前事被羈。閱五年始以喪歸。而生產盡沒爲官物矣。廬陵  
合辭請於官祀吉州名宦祠。長洲人亦以鄉賢祀之。



巨野之山石圖

卷之九

一





國朝先正事略卷之五十 循良

張牖如通守事略

平江李元度次青纂

張君名堦字牖如江蘇長洲人以官學教習需次縣令選河南登封縣爲人耐清苦練世故愷悌積中見義勃發登封自明季遭寇亂入本朝比歲不登民多失業君至誓於嶽神革除私斂招流亡督之耕種相土宜分種木棉及諸果實莅官甫五月大修學宮會諸生明倫堂深言萬物一體之義以爲在天曰元在人曰仁天人混合生化絪縕誠能廓推蔽障蕩乎無垠覺性周流恫瘝乃身達天之要於是焉存矣故其爲政一以敬恕爲



基期於使民各得其所。復嵩陽書院。延耿先生介爲之師導諸生。以程朱之學。自縣治達郊鄙。立學舍二十一所。課諸童子。以時巡閱。正句讀。導以揖讓進退之禮。月再集民。讀法。置善惡簿。爲勸懲。閑策。寒驢。厯民舍間。所苦恤其荒。獨有小爭訟。輒從阡陌間決之。進父老子弟。教以孝弟。忠信。廉恥。禮義之節。聞者莫不灑然易慮也。縣西境有呂店者。俗奸訟難治。君察里長張文約者。善士也。舉爲鄉約。禮遇之。俾行化導。俗爲一變。及文約將終。語其子曰。張公厚我。謂我好人。又能勸人作好人也。爾其勉之。甲長申爾瑞負稅。且受杖。路拾遺金二兩。視其封。則輸稅金也。疾走徇前侯。失金者反之。君聞。詰爾瑞曰。爾既拾遺。盡充稅。



可○免○責○而○乃○反○人○爲○對○曰○小○人○安○命○甯○受○責○終○不○敢○利○人○之○財○  
君○曰○義○哉○此○奇○男○子○也○舉○爲○鄉○約○旌○其○門○其○後○有○王○進○寶○魏○光○  
大○秦○瓚○者○皆○拾○遺○金○而○反○失○者○焉○高○鵬○舉○死○妻○孟○氏○年○少○舅○欲○  
疆○嫁○之○孟○氏○哭○夫○墓○將○自○縊○君○微○行○遇○之○問○其○故○勸○還○家○給○之○  
銀○布○免○其○徭○歲○時○存○問○救○其○舅○養○之○終○身○縣○故○多○衙○胥○時○獄○訟○  
日○尠○姦○僞○無○所○容○諸○胥○稍○稍○自○引○去○其○在○者○更○番○執○事○退○則○操○  
耒○耜○爲○農○氓○以○在○官○無○所○得○錢○也○開○萼○嶺○二○百○里○復○古○轅○轅○路○  
建○古○賢○令○祠○修○鄢○公○墓○繚○以○垣○歲○三○月○率○民○致○祭○鄢○公○名○廷○誨○  
崇○禎○末○爲○登○封○令○守○城○抗○賊○死○者○也○歲○飢○煮○粥○以○賑○復○移○粟○四○  
鄉○分○給○老○弱○仍○輸○麥○數○百○石○俾○及○時○種○焉○康○熙○二○十○一○年○自○春○



徂下。不雨。君囚服繫頸。暴日中。拜表引罪。步登少室東峽。冒夜行。達旦。汲泉水反嶽廟叩頭呼籲。慘切俄而雨。大注。山有虎鄉長郭九合者。將赴縣輸稅。夜夢父告曰。爾有虎厄。明當避之時。方緩征。且過限。九合念不往。是負張公也。路出金星廟。果一虎當道。九合叱曰。畜生。我不懼死。獨慮違張公限耳。虎俯首避道。俄大吼向山南。逝自此境內。無虎患。在官五年。民知向方。生聚日盛。家設位旦夕尸祝。大書官清民樂於門。耿先生稱之曰。年來嵩穎間。別一世界矣。其程張二子晉城雲巖之匹亞乎。二十二年。以卓異薦遷廣西南甯通判。去之日。民遮道痛哭。旣去。立四祠於四鄉。竹像以祀。榜曰。天下清官第一。至南甯。未幾乞歸。



旋歸母喪服除赴京師卒旅館年五十有六

劉明先王事畧

卷五

潘良

三







董任庵都憲事略

董君宏毅字士超號任庵奉天人隸漢軍正紅旗康熙甲寅由  
監督授奉新知縣時耿逆倡亂閩中新昌甯州所在盜蜂起十  
月新昌賊大至君集兵并約曰吾雖文吏今賊臨城下當冒矢  
石與諸君共生死乃戎服率臧獲二十餘人各挽強督登敵樓  
把總胡來朝率營兵武舉王顯先領鄉勇防禦甚固時賊眾新  
集利速戰君堅守圍數日不得下民情洶洶君意城內必有應  
賊者夜半下偵之老僕楊天爵執火從至儒學門有飛刀來研  
者君大驚辟易走天爵揮刃斷賊左臂賊怒隻手鬪天爵益奮  
君繞學宮踰後垣出刺賊背天爵斬之賊失內應有退心十二



月朔君出民兵與賊前鋒戰發一矢弊僞左將軍某賊潰追奔數里斬賊亡算擒賊將六人還初賊之至也僕盧大成私計曰城破主人必殉奈何斬忠臣嗣乃陰襲服爲道士負君幼子國瑛遁塗遇賊欲殺之卒以黃冠免同時安義靖安皆陷賊惟奉新勦殺聲最著無何賊復合靖安甯州諸盜掠及縣境君捍禦益力乙卯冬賊衆萬餘來犯君與分巡道李世昌領兵大破賊於寒瀟嶺招降僞參將劉應連等七十九人賊兵六百六十九人安集流亡男婦萬四百餘人一城安堵如故時兵荒後民苦輸餉君力請蠲豁民困始蘇越五年以循良擢莊浪同知去之日民間號泣走送聲震數十里繪畫公殺賊圖以獻既歷官四




十餘年仕至左都御史卒年八十有二祀奉新名宦祠



國朝先正事錄

卷五十一

五





劉衍泗明府事略

劉君繼聖字衍泗山東濰人以歲貢生授廣崇訓導遷蘄縣教諭正已率人士習丕變遷知湖廣慈利縣初滇賊反慈利被兵尤劇賊既平人民彫敝君以寬爲政不輕用刑與民語常呼爲兒有罪人被杖而呼君盛然曰兒再忍一板慈利人皆相傳戒毋犯法戚我爺也尋病癰將告上官求去民間擁使者數輩皆不許往乃使其子僞他適者竟得告慈利民數萬詣上官乞留上官遣人視之實病乃謝罷民進謁君流涕爲吮癰曰信也柰何時流亡新集方編審戶曰民請君畢是役乃行慮代者之擾也及行費不給慈利民人出一錢以饋之凡數萬康熙四十三年







衛慎之大守事略

衛君立鼎字慎之山西陽城人康熙中官盧龍知縣地當兩京孔道驛使旁午君悉自營辦一不以擾民先是縣中徵糧勺杪以下皆角升合量徵草以銀代仍買草民間而低昂其直君令輪戶合奇零統歸斗斛及額不止納草者不用代民甚便之會聖祖命魏敏果公偕吏部侍郎科爾坤巡察畿內至盧龍已治具不食但啜茶一甌曰令飲盧龍一杯水吾亦飲令一杯水諸大獄悉以咨之君引經準律敏果大稱善格文清公爲直隸巡撫以事至其縣謂之曰令人苦無異秀才時然做秀才自苦耳今自苦而百姓樂非苦中之樂乎疏薦盧龍治行第一靈壽令



陸君隴其次之內遷戶部郎中枋滿選福建知府以年老致仕  
歸




遲簡堂明府事略

遲君維坤字簡堂漢軍正白旗人康熙中任山東聊城知縣。月以三八日召諸生課文。禮具賢者能者。問政事得失。歲以三七月巡行畎畝。視田之荒易。加賞罰焉。額征冊有逋稅八百兩。以問吏。故無田主。歲雜取他戶代之。君言於大吏。以新墾荒地補稅額。代者悉免。故事。縣有役。按戶徵。夫吏因緣爲姦。君令履畝出錢二。改爲僱役。上官下其法於他州縣。御史嚴有犯。必痛治之。縣常多賊。陰倚捕役爲主。君杖殺其桀黠者一人。賊皆遠竄。設櫃徵銀。令納者自投其中。耗羨無所取。官府興作。必如直給工匠錢。又人與之食。買器物。一從市價。商民頌之。卒祀名宦祠。



通鑑綱目卷之五十一





張拘齋大守事畧

張君克嶷字偉公白號拘齋山西聞喜人敦質行遠於經學康熙十八年進士選庶吉士改刑部主事累遷郎中有嶽連執政族人諸司莫敢任君請獨任之內務府以其人出使爲辭君鉤提益急牒問奉使何地歸何期至再三不答力請於長官謂宜入告事雖格聞者肅然尋出守廣西平樂府猺獞雜居盜不可詰君至浹月以信義服苗酋獲巨盜二人斃其一宥其一責令偵緝終君任盜不敢窺改知潮州府屬縣賊蜂起或稱明裔聚眾千餘人君聞卽日馳至其地命吏士速據曰葉祖山設疑兵嚴守而張軍聲賊不敢偏會夜半大風起間健卒二百斫其營



呼曰大兵至矣。城中鼓譟出兵以助之。賊奔祁山要擊之。斬巨魁三人。衆敗散。乞降。巡撫將上其功。君曰。此盜耳。而稱明裔。與大獄株連多轉。恐生變。乃以盜案結。潮有大豪。戕親迎者於路。而奪其妻。拒捕經年。君微行迹而得之。獄成。當大辟。監司銜大府。命爲之請。且曰。稍遼緩之。當以黃金四百鎰潛至君家。君曰。吾官可罷。獄不可鬻也。卒寘諸法。或假親王命以開礦。大府不敢詰。君縛執之。其人出龍牌。衆色然駭。君命繫之獄。以牌申大府。情既得。立杖殺之。下父憂。遂不出。或勸之曰。吾性拘。幸而得歸。畏途可復。卽乎年七十有六。卒於家。子在堪。有學行。能立名。義從方望溪先生遊。



王愼夫廉訪事略

王君諱縉字愼夫河南睢州人少警敏年十六補弟子員康熙丙寅起家東明知縣未一年母憂歸庚午補獲鹿縣尋入爲戶部員外郎遷郎中己卯授江南糧儲道辛巳晉江蘇按察使以疾告歸其在東明也縣錢糧多欺隱居民流亡君至易申長法大戶用其族長催之於是兼併不行流亡者復業縣分四十里養馬一匹以備官民苦其累君勒石禁之賈五雲梁進皆盜魁也君至諭之曰君知若名素矣五雲汝爲練總進汝爲保長邑有盜汝緝不用命卽斃汝盜自是絕跡有馮化者句逃人誣其鄰某君密令鄰匿他所別令一人踞堂下召逃者謂曰汝



識某可執以出逃實不識也。見一人踞堂下執之眾皆譁。逃技窮乃曰：馮化給我眾中有欲遁者。君白必化也。追之果然。重杖遣之。安某客於外。繼妻高氏與前妻之女在室。高通於劉某。忌女圖并亂之女不從。其戕女以滅口。君曰：高母道已絕。應照故殺妻前夫之子律論斬。庶足戒爲繼母而淫卑者。巡撫韙其議具題。報可。著爲例。東明距睢州百八十里。君奉諱歸縣。人赴雎弔奠白衣冠數千人。城巷填塞。觀者嘆異。獲鹿爲山。陝衝衢。君治驛有法。民不知有供億苦時。有陝西寡婦兵還京。頗驛騷。并陘令異。悞巡撫檄君併料理。兵戢不譁。歲歉出穀以活飢人。值編審戶日鱗次面訊里長。不得上下爲姦利。在戶部時吏弊不



得行尙書陳公廷敬倚任之特薦其才其爲糧道也所屬舊有倉規銀鉅萬並虐取之民監司利其入百姓疾苦弗問歲遣一役馳一檄塞巡漕故事而已君至皆謝絕轉漕時扁舟巡察懲其濫收者宜興僻處萬山中一夕忽至百姓訝曰吾民不見糧道四十年矣今乃飛至耶因號曰飛糧道道庫歲收銀八十五萬兩爲修船及弁丁運費前運丁預支行糧例扣月息丁益困君悉除之丁立碑頌德仲雍墓在虞山久不修城隍廟瀆祀者衆葺劇享神歲糜金錢數萬君曰教化監司責也乃演墓而封閉廟門其遷按察使也十五衛四十九幫官丁咸請留不遂去之曰泣且拜以送與其鄉先正湯文正公撫蘇內召時略同胥



門外有坊曰民不能忘爲湯公建也。民鑄公姓氏於其次。蓋公少學於湯公。公深契之。其政事有本末。非偶然者。爲按察時。宿州某生攜妻子授徒某氏家。其妻臨產。妻兄之女來。既數日。妻子皆中毒死。館大曰。若與妻兄有隙乎。曰有之。曰是矣。必令其女致毒也。生挫於州女不勝刑。遂誣服獄。具君疑之。問館中來往者何人。女曰。止一十二歲某徒耳。召而曲誘之。曰。師扶我急。因致砒麪。中生之妻兄乃得釋。無錫民某與攻皮之匠毆已而匠死。有僧故與某仇。證爲傷重致死。令據僧言擬抵。君察鬪毆月日。任保辜限外。因詰曰。傷久何得不醫。具言醫矣。檢所用方則匠死傷寒耳。僧乃伏罪。所平反多類此矣。未



聖祖南巡君力疾迎覲

上顧巡撫宋公粹云朕聞王端督糧儲時甚好隨遣太醫臨視

賜藥一器次日

賜御詩一幅

溫旨再下教以訓攝甚備君

叩謝感泣謂臣受

國恩今疾無以圖報塞

上國書世恩堂額

賜之尋告歸家居十有八年集州士爲文

課廷處士田先生蘭芳主之士風日盛又設祭田百五十畝以

羨餘助昏葬及饗艱者卒年六十有八子澄思舉人澄慧癸未

進士官郎中



王忠文公集

卷三十一

王忠文公集

卷三十一

王忠文公集

卷三十一

王忠文公集

王忠文公集



劉弢子方伯事略 陳王璧

劉君諱榮字弢子山東諸城大父必顯官戶部員外郎乞歸遂  
不出君年十一補諸生康熙二十四年登進士三十四年出知  
長沙縣居官廉惠見義奮發尤善應變時城中誤傳將裁兵撫  
標千餘人皆震恐環轅門而噪君謁巡撫出爲好語解之卽介  
齊赴縣倉預給三月糧示必無裁意衆乃帖然居三年遷知甯  
羗州是歲關中大饑君至餓莩滿野而州倉無見糧卽入府謁  
監司丁珩請假廳倉粟以活州民許之府州相距三百里募州  
民能運斗粟者予之三升不十日而王千粟盡入州倉悉以賑  
明年春復詣府監司謂曰吾欲依君法以賑一府而洋縣地廣



人衆。今年老思以累君。君口方春。民困已急。必欲見委者。請假以重權。乃可。監司卽授以檄。役數十人從君。卽持檄發粟。從水運。令役持檄分調數縣。丞簿而已。單騎至洋。先徧歷郊野。驗戶口多寡。已入城。語洋令曰。吾發官粟至此。必春貸秋還。倘秋不熟。我兩人可代任之。縱以此破家。所獲多矣。令曰。諾。遂分遣丞簿按戶發粟。數日而畢。將去。闔縣老穉持香擁馬首。塞路。越三日。乃得行。及秋。洋民曰。劉爺活我。我忍負劉命乎。爭赴廳倉納粟。贏故額百石。甯羌民貧多。通稅遂聽民便。蜜粟筭。蕨悉充稅。而自賣家中田。代之輸下車之日。居民僅七家。期年而輻輳矣。一日出郭。見山多柵樹。宜蠶。乃募里中善蠶者。載繭種數萬至。



教民蠶繭成復教之織州人利之名。劉公綢其後桂林陳文恭爲陝撫請下其法於他州縣由是陝人之蠶者益衆立義學購買人載書賣之親爲正句讀釋其大義甯羌士始有得弟者四十年遷甯夏中路同知未行寸母憂負債不能歸致書其弟令亟賣所遺田弟曰兄田已去大半所餘瘠土直幾何吾不忍袖手視乃益以己田擇其腴者易金致兄所甯羌人聞之爭輸金爲助君示以家書曰吾田已去矣無及也乃止居三年服闋召見授平陽知府四十八年九卿奉詔舉才守具定者知府具舉君及陳公鵬年以對卽擢君天津道副使累遷四川布政使每治事暇喜讀宋儒書曰吾晚讀此等書轉益有味五十七




年有疾。語諸子曰。吾夜誦屯之三爻。易象告我矣。爲我具。秦乞休。勿誤國事。居數日。移榻中堂。就寢而逝。年六十二。子統勲。孫塙。官皆至大學士。語在名臣傳。

又陳君玉。瑩山東歷城人。進士。乾隆三年。任遵義知府。郡故多柵樹。以不中屋材。第供薪爨。君出巡。見之曰。吾得以利吾民矣。乃遣人歸歷城。取山蠶繭。種且以蠶師來行。抵沅湘。蛹出不克就。六年。復遣人往。取期歲前到。蛹得不出。明年治繭於郡。治側西小邱。大獲。乃遣蠶師分教四鄉。授以種。且給工作費。民爭趨。若取異寶。至八年秋。民間所獲繭。至入百萬。自是郡善養蠶。而遵細之名。遂與吳綾蜀錦爭價。乾隆十三年。正安州吏目徐君



隋平亦自浙江購繭種來教民蠶至今皆食其利云。







陶子師刺史事略

陶君元淳字子師江南常熟人爲諸生能文章有經世志性慨喜立事以名節自厲康熙二十三年舉順天試二十七年會試主者定第一策陳會推之弊語侵執政稍抑之及殿試論西兆賦輕而役重東南役均而賦重願減浮額之糧罷無益之費閱者怪其言懸置二甲部選瓊州昌化令三十三年到官定賦役均糧以勸均役以糧罷徭差革雜征自坊里供帳始度隙地剏立墟市大招流亡勸開墾子以牛穀不起征縣故與黎爲界舊設土舍制其出入官吏因緣爲姦以規物產至是撤去揭榜出尚有冤者得詣縣陳訴一權量定法度黎民樂業時步行村



落閒問民疾苦。照姬如家人。縣故有田四百餘頃。沒水且百年。君具陳始末。請免賦。上官難之。君因撰昌化浮糧考。上之後。布政使魯君詳爲上請。而君遽卒。不果行。莅昌化之明年。攝知崖州。游擊余虎縱屬爲暴。守備黃鎮中用非刑殺人。索黎人獻納。無厭。君至。得訢詞百。遂列六款。上余虎以百金餽。卻之。因造蜚語。聞於總督。下瓊州總兵平之。君申牘曰。私揭不應發。審鎮臣不應侵官。卒不往。方鞫鎮中獄。鎮中令甲上百人帶刀突入。在右。駭遽欲走。君怒叱曰。守備反耶。吾奉命治事。而敢令甲士劫持。是無上官也。無上官是無天子也。非反而何。鎮中氣懾。疾揮去。獄成。鎮中得罪。崖人爲語曰。雖有余虎不敵陶公。一怒而



總督滋不悅。坐君檢驗失實。援赦免。尋以大計當黜。會巡撫蕭公永藻新受事。惜其去。爲言於總督。留之。每以事至府。總兵輒戒其下曰。陶昌化至矣。無生事在官。日市韭一束。饗殮常不繼。喜接諸生講論。率至三鼓。尋以禱雨病寒泄。寢劇。三十七年九月卒。年五十三。喪歸。度海遇瓊士。赴省試者百人。護柩行。莫敢先過。陽春有悍卒。爭渡諸生。並譁曰。此吾師也。誰敢先者。卒懼而竄。



國朝先正事略

卷五十一

七





國朝先正事略卷之五十一 循良

平江李元度次青纂

莊復齋副使事略

復齋莊君爲安溪李文貞公門下士舉康熙二十七年進士授山東濰縣令母就養卒於塗歸而廬墓三年自是不忍一日離其父父旣卒隱居教授若將終焉乾隆元年楊文定公以大宗伯掌成均薦授國子助教相國西林鄂公海甯陳公嘗問士於方望溪望溪首言君次某某非禮先焉不可得而見也海甯徧往拜西林使人達意至再三君曰吾往見是慕勢也相國苟取焉將命者以告西林瞿然曰吾非安坐而相招也顧吾非公事



未嘗出內城。恐時人以爲疑。吾平生惡市交。荏君以老諸生視我。則不妨顧我矣。君始入見。志相得。然卒未嘗再往。君自助教遷吏部主事。每執橐與長官爭是非。或齟齬。侃侃直陳。無懼色。其舉進士出余府丞。旬謝御史濟世門。二君夙以抗直著。聲君能繼其武。權貴多陰憚之。六年有薦君學行宜居言路者。引見上。意甚相屬。越日命赴湖廣。以同知用。補德安同知。逾月擢知徐州府。蘇松道汪某以危法中沛令某。督撫具白簡矣。命君補牒公牒。稱市令不侮鰥寡。不畏疆禦。汪聞悛而止。果毅公訥親巡江南。勢烜赫。監司皆鞞袴跪迎。君獨長揖。訥責問曰。非敢情此。滕於公柰會典所無。何訥默然。徐仍歲水災。君至相川澤。



詔者民請廣開上游水道以洩異漲。且告石林可危狀。未及措  
注而石林決。沛縣城將隕。民逃竄。君立起駕輕舸行告父老。太  
守來與爾民同難。爾民將安往。親率眾堵築。七日夜滅完。在徐  
三年。兩遇大荒。勤賑事。寢食皆廢。九年遷淮海道副使。嘗巡所  
屬邑。僕隸數人從。皆自飲其馬。邑令犒之。則跪辭曰。公視奴輩  
如兒子。不告而受。不安告。必命辭。是仍虛君惠也。強之皆指心  
誓。先是大府巡屬。矜嚴若神。及去。庫爲之虧。公至。平易近人。無  
角尖耗。淮海承屢葭。後凋敝。不異於徐。公嘗曰。吾聞古循吏精  
誠能反風滅火。每對遺民中心愧畏。夢寐中猶標辟呼嗟也。海  
州有鹽河。蓄水通商運。雖異漲。非徧告大府。監司不敢開洩。及



得請則田禾已不可救矣。君陳於制府，定議遇水漲，守土吏先開洩，而後報聞。十年冬，巡視災賑，臘盡始回。徐十一年正月卒，年六十有一。君諱亨陽，字復齋，福建靖南人。學行爲賢大夫所重。泰安趙公國麟撫閩，請主鰲峰書院，以持父喪辭。家居來學者，歲以百計。在太學六堂之士，多宗之。九年京察，詔大僚各舉一人自代。李閣學清植舉君公倫大服其率也。士民罔不痛惜。著有秋水堂集、河防算法書。妻戴氏，事舅姑以孝聞。



陳羣學少卿事略

陳君汝咸字華學浙江鄞人父錫礪以通經有名於時官編修君幼從父學康熙三十年會試第一成進士選庶吉士散館改知漳浦縣縣中賦役故責戶長爲主辦點者緣爲姦利君定三百畝爲一戶令民計產爲清供自立徵戶糧多者爲戶長以次輪催由是吏無追呼民無連稅均保甲以三百家爲一保第其口多寡籍以供役五年一編丁而役法平民有被訟者肖紙爲隸立期限令訟者自召之一訊卽決閩俗信鬼而賤醫病者古藥服之往往致死君爲分別病證示以經驗方調諸藥以興病者全活甚衆月以初三十八日羣諸生於明倫堂講五經性理




綱目諸書試以古今文詩賦擇其賢者才者爲義學師以教於鄉里屏天主及無爲諸異教改其堂爲育嬰堂凡城東濠祀鞭其像而毀之漳浦瀕海多盜君設方略禽獲甚衆上二以南靖盜未靖移君治之縣民列狀請留不得數百人者環而守乃夜以兩騎疾走出門縣民覺追送十里許號泣而歸歸則構祠城北門名曰月湖書院歲時祀之治南靖一年擢刑部主事晉御史論海防事宜多見采納五十一年海賊陳尙義遣黨赴兵部請就撫君素知尙義爲賊魁請身入海撫之死議御史近臣不宜輕入海乃令郎中雅奇率君所薦阮生蔡生同往遂降尙義及其黨百餘入海患以平以左都御史趙綦劾薦擢通政司參



議累遷鴻臚少卿奉詔賑饑甘肅路見餓孺遂不御酒肉散私錢數十千給飢民疾馳至平涼發倉以賑積勞卒年五十有七







佟信侯刺史事略

佟君國瓏字信侯遼東人以祖從龍入關隸漢軍爲世族康熙三十年君由筆帖式授山東文登知縣交俗故愚悍或勸君尙嚴峻君曰爲政在誠心愛民興利除害化導之而已嚴峻非邑之福也副將某暱一妓日遣營兵爲役又剋蝕軍餉合營衷甲大譟夜半斬關出屯東朝君聞變披衣出家人止之不聽吏役皆股栗莫敢從君乃單騎陟山巔厲聲曰吾與軍民同疾苦有冤當訴我何妄動至此衆猶洶洶君畜礮立曰吾不忽見爾曹族誅請先試若礮衆色動曰公廉哭軍何敢犯然事已至此奈何君力任保全再三覈其故得實狀疾遣吏縛妓至扶於旗鼓



之閒。眾泣拜而散。副將尋被劾去。輿論快之。癸未。大饑。奸民所  
在。騷動。將不測。公率數十人。徧詣村墟。曉諭捕斃凶渠。旋給賑。  
民賴以安。事竣。得首列薦章云。邑豪宋某兄弟。三鄰婦貸其錢。  
不能償息。豪殺之。君廉得其實。而吏役得豪金。皆巧爲拚。覆尋。  
債人持千金。賂君。君大怒。笞其人。立覆驗。得重傷。然無確證。忽。  
有小婢倚門。君鞠之。得實狀。遂寘三人於法。一邑肅然。邑故濱。  
海。閩商泊舟島嶼。副將林某縛數十人。指爲寇。君訊之。皆釋。  
乃更捕。俱盜四十餘人。殺之。海疆收謐。而商舶繼至者。皆德君。

丁亥

聖祖南巡。君二次扈從。叟。

優眷。辛卯。擢澤州知州。屬歲。大。



發常平倉穀借民秋成剋期輸還無爽者。又爲減耗羨革陋規。省徭役平物價。民情大悅。時太原守挾威勢能傾軋人。君獨與之抗。太守乃陰嗾某驛丞誣揭君坐罷任。州民譁然鳴鍾鼓罷市。欲詣闕留。時康熙五十二年六月事也。旣而得旨留原任。州民歡躍。會平陽民變。略如君。宰文登時撫軍檄君往撫。許以兵從。君曰。兵行是速亂也。請單騎往。旣至。民皆額手曰。修公至。吾屬無慮矣。乃入城。撫諭安堵如故。州城圯。捐俸千金爲倡。集僚屬紳民議修築。凡兩年工竣。民感其德。立生祠。君禁之。不能止也。君去六十七年。春秋俎豆弗衰。庚子引疾去。州民攀號聲震郊野。亡何以舊屬高平令。虧帑被逮。責償萬餘金。君故廉貧。



無所出。先是君在州辦軍需數年。未嘗尺寸擾民。民感次骨。至是憤泣。公捐五千金投州庫。君復謁蹶斥舊產。越五年始得完項歸。自是布衣蔬食終其身。恬如也。乾隆三年卒。子顯官。皆爲



夏存齋明府事略

夏君熙澤字爲霖號存齋江西新建人父鞠莊以進士任刑部主事曾講學於易堂程山之閒歿時君方七歲家貧體弱不繼母督之學或乏膏油則危坐默誦年十七奉母命遊學京師從韓慕廬孫莪山諸先生遊見聞益廣時高文良公官庶常舅氏周翁託爲擇壻時先生喜而許交告舅氏以女字焉康熙三十九年成進士同考官靜庵賁公更進以身心之學兼博覽史書求實用謁選得廣東增城縣時邑大水田疇成巨浸旣受事報水災開倉發粟按行村落散米數千石吏勸富民指貸民以不困秋大熟民相率輸倉至冬缺二百餘石吏請追比君弗忍代





還之。聽訟之暇。振興學校。購書籍。聘名師。聚邑人子弟教之。邑介海區。有靈山。複嶺層嶂。僻徑逶迤。潛通七邑。爲諸盜逋逃藪。鄰封追捕急。咸嘯聚剽掠。禽人民。索金帛粟米。出僞牒邀贖。君與同城武弁計曰。侯報上官。往還經旬。日賊糧足。守險益難奪。出不意攻之。兵法也。我領敢死士。先君繼之。合隊夾攻。賊穴可速破。武弁唯唯。君戎服佩刀。糾眾夜發。武弁遙巡山口。乃分鄉兵爲二隊。直擣其巢。賊聞鼓。噪聲不雄。眾寡奔散。過半追殺。十餘賊生擒。其魁男女。擄者悉解縛。奪歸。當是時。武弁恐形其短。不以白上官。上官亦諱言用兵功。抑不敘。君素以清介自持。凡上它胥吏婪索。絕不一應。百計中傷之。旋以監鑿盜犯過多。被



効罷時。斃者十二人。臬獄四府獄三。皆歸獄於縣。增成老幼咸嘆息。泣下。歸葺老屋居寡嫂。及二兄。僦數椽自居。淡飯黃菹。讀書不輟。閒出遊。蕭然獨往。歷名山川。訪異人。畸士。至老不倦。年七十餘。終於家。







沈觀如明府事略

沈君光榮字觀如漢軍正白旗人以歲貢試授筆帖式康熙四十年出知河南河南縣專務德化月朔望集城中居民宣講上諭翼日單騎歷郊野召鄉民徧告之往復懇到聞者莫不感動徵科不用敲朴設盒酒花帛召諸里老令通課者跪堂前斟酒進他里長之畢輸者飲之爲簪花被帛鼓吹導出中門由是輸者畢至有李家窪者地斥鹵多道君爲引溝渠開稻田招流民復業給以牛穀種改民藏富村遂成沃土民有訟令兩造要而來立剖決遣胥攝事按日給錢絲粟不得擾民時出俸錢行諸利益事夏設茶衢路冬施棉衣病者藥之死而裸露者棺之



三年去任士民懷其德祀名宦祠





陸麟度觀察事略

陸君諱師字麟度浙江歸安人少負文名究心先儒書講求實  
周康熙四十年進士授河南新安知縣下車修學校集諸生說  
經談藝童子能應縣官試者免其徭民興於學鹽使者下縣取  
鹽犯四十人君曰律以人鹽並獲爲真法今勘犯止二人何濫  
爲縣境響馬賊季國王者爲患久君廉得弊之杖下築菜根亭  
後園拔其蔬以遺僚屬曰不可不知此味也父憂歸旣成行忽  
前途塵起六七騎挾弓刀驅牛車載婦女三十餘人稱某將軍  
家自歸德買來饒民君叱止之令官還婦女於其家自將軍故  
其騎卒或調君已解識胡開罪將軍爲君曰吾一日未出境能



以饑民婦女媚將軍耶服除補江蘇儀徵縣縣彫疲又淮鹽所  
匪奸民窟其中吾一反前政每日晨起判爭訟有神明稱盜自  
引民某爲黨君突至某家見敗器物滿道言有凶人食比不償  
直因而鬪毆公詰其人狀與盜肖事遂白春徵先勸富戶輸旣  
徵卽以解秋則減其耗令自封投櫃城內外數火或言有祟公  
移牒城隍神欲毀廟示罰火遽熄每不甫步禱輒應疫起出俸  
錢購醫藥施民故事上官往來驛夫臨時取給鋪戶倉卒滋擾  
君一切革去但令鋪戶日賦一錢歸驛不勞而事辨有吏以私  
事銜知府命來索船君曰知府至吾當腰笏引舟若吏也胡爲  
者并其名紙抵之地揚州五屬餓督撫下知府各以五千金羅



穀倡賑。旣下具。舟市往則虛。而歸君知知府意。欲縣官藉補所虧。帑也。親往力爭。卒得請。於是五縣皆買穀以賑。始至。卻鹽商例餽。商固請。若曰。然則吾以給公用耳。乃立即簿登其人。修學宮。作明倫堂。具鐘鼓。尊彝樂舞祭器。濬泮池。植之桃李。又以其餘建倉。燉潔。治囹圄。爲別屋。以屋女犯縣。故有文信國公祠。新其宇。質庫相沿。書票有月。無日。勿論。久近。必取一月息。君辭其歲餽。令視他處。月讓五日。旗吳節婦門。修孝婦祠。以敦女教。縣稅領之稅大使。惟豬稅隸於縣。歲贏千金。君除之。渡江船人多載重。常易溺。君爲定其程度。以時察之。凡所釐剔。彰輝視新安之治尤詳。課最奉行。取部檄至。民男女空一縣。奔號上官請。




留弗得則闔城門塞牙署不聽去。既去乃寫像尸祝之。比入對聖祖溫諭有加。試制舉文一首取第一。授驗封司主事。遷員外。即掌選。有要人求官君力持不可。尋奉命督視山東礦務。條上開採無益疏。罷其役。還擢御史。又命巡河。讞獄均稱。旨未幾河督陳恪勤公奏請以君爲充沂曹道。有旨趣之行。已得病不起。康熙六十一年三月也。年五十六。君性孝友。以儒者自命。好讀書。再充鄉會試同考官。皆得士。居儀徵築江寒草堂。延邑士及過客之有文者。居京師與方望溪苞儲中子在文何義門焯友善。尤契張清恪公。清恪過訪必手自叩門。君能辨其聲。云兄弟子皆少孤。撫之如所生。養同年生遺孤。字以弟。女卒。



成其名著巢雲書屋采碧山堂王屏山樵諸集祀宛州新安儀  
徵名宦祠







張天申明府事略

張君士琦字天申江南嘉定人早歲舉於鄉以文學知名大學士徐公元文引入史館與修明史康熙四十一年選江西永新知縣前令故貪縱征歛橫出君至革除濫征銀三千餘兩米二十餘石捕逐豪右懲諸姦胥遇平民輒與溫語不輕箠一人月置酒召諸生攷論德藝士民翕然居三年大饑君發倉以賑不足出私錢佐之縣西礬山有三邨者俗驍悍屢險阻爲盜前令時糾眾數百劫掠至縣城令犒以酒食散遣之而已君至爲設練長嚴約束至是復聚眾疆糴官粟格鬪有傷者君禽其渠餘黨逸去遂列狀白大吏請設兵西鄙爲鎮壓計或言長官諱盜



久矣。今遽以盜聞。如吏議何。曰。拚一官。絕吾民後患。吾甘之矣。已而部議下。君果以註誤去。縣民聞其將去。樹大旗。城中央。及四門。以集眾。集者數千人。負土塞縣衙城門。不啟。罷市者半月。相率詣南昌。請大吏乞留君。不省。會

聖祖南巡。復集眾詣蘇州。且章欲上。不得達。竟罷職。新令至。以君前發倉粟。貧民未盡償。不聽去。民間設櫃。醵金輸者畢集。遂盡償之。比歸。錢送者塞衢巷。或追至百里。不絕。五十八年。復游京師。得疾卒。年五十六。



陳密山方伯事略

陳君德榮字廷彥號密山直隸安州人祖泐字牛于順治庚子舉人從孫徵君講學河漳義俠著州部當明末盜起流離相屬於道收養難婦數十人事定送歸又遍收塗閒棄兒哺之全活者眾大名史某以事繫於宮拯之出一日攜女爲謝正色辭之父鶴齡字鳴九康熙甲子舉人爲學穴陽明及鹿忠節而加以實踐父卒故舊巧奪其產弗與爭高陽李相國霽常廷至京師一日念母卽謝歸官正定教諭從學者數百人君少負文名與博野尹元孚爲檢身制事之學逾冠登康熙五十一年進士出趙恭毅徐文定門皆器君榜下充武英殿纂修時陳恪勤掌殿



中修書事嘗語方公望溪後進中有爲有守者以君稱首初授湖北枝江令鄰省大府卽思得君守巖州劇郡旣典郡卽思得君爲監司故論薦者如爭其以黔西州服闋引見

世宗卽命赴貴陽以牧守用其守大定以江西巡撫薦遂命補道府皆前此所罕見也君服官二十餘年勛績尤著於滇黔其爲政急民之病如其私而務以殖其衣食爲本在枝江修百里洲堤除解餉入川雜派攝饒九道剔潯陽大孤兩關銅弊辨誣獄出無辜者七人未數月經略張廣泗以貴州按察使保奏方是時羣苗交煽軍旅四出古州姑盧朱洪文叛案非君莫能定也逾年攝布政使黔地多山岵少穀兵餉半移調於鄰省民尤



貧。濟。君。奏。給。工。本。築。壩。堰。引。山。泉。以。治。水。田。貴。筑。貴。陽。開。州。威。甯。餘。慶。施。秉。閒。不。數。年。報。猥。升。科。者。三。萬。六。千。餘。畝。遂。課。種。桑。畝。蠶。師。教。民。蠶。出。署。內。所。登。繭。於。大。興。寺。繰。絲。織。作。使。民。歸。其。利。開。野。蠶。山。場。百。餘。所。比。戶。機。杼。聲。相。聞。又。以。其。閒。大。修。城。郭。壇。廟。學。舍。廣。置。栖。流。所。以。收。行。旅。之。病。者。益。囚。食。方。冬。寒。恤。老。疾。鰥。孤。之。無。依。者。躬。課。諸。生。開。以。立。志。爲。已。之。學。立。義。學。二十。四。所。於。苗。畱。其。始。至。貴。陽。也。署。威。甯。府。事。踰。年。威。甯。改。州。大。定。改。府。會。烏。蒙。土。司。謀。叛。東。川。鎮。雄。附。之。威。甯。爲。夷。縲。出。大。要。綰。地。仍。令。馳。赴。威。甯。督。州。牧。完。守。君。至。見。城。西。陴。類。舉。步。可。踰。乃。聚。民。閒。未。桶。實。土。石。層。累。丈。餘。然。後。比。次。甃。築。塘。堞。屹。然。羣。夷。



縱火牛光燭天。君言笑自如。日夜爲戰守計。賊不敢偏會。總兵哈元生兵至。賊敗遁。鄂文端總制滇黔。君其所舉任也。常以此自詡。其知人方威甯危急時。公慮賊兵趨大理。屬州牧陳嘉會分守大理。執其手曰。吾死此分也。但遺老母憂。齋志重泉矣。及君陳臬於黔。苗置初定。當事遽興屯。以蹙扼之。將吏多以刻急見。能謂此異類勦絕不足惜。丁巳正月。望省城大火。君入見。張經略曰。天意如此。宜修省。羣苗亦人類也。毋恣戮。經略大爲感動。申戒承事者。未幾遷江南布政使。徐鳳水災。流民爭趨金陵。君竭俸。賜編棚蓋席。以栖災黎。重建陽明書院。以實學。開羣士其卒也。官吏士民皆雨泣。生平孝友。任恤仁於故舊僚友。懿行



不可備書弟意華雍正甲辰一甲子名進士授修選子策乾隆  
丙辰進士筠筌皆舉人



國朝先正事畧

卷五十一

三



周子振太守事略


周君諱中鉉字子振浙江山陰人康熙中起家崇明縣丞累權  
六合宜與上海諸縣事有惠政後九年遷知華亭縣民有被誣  
殺久繫獄君立出之而坐其貫殺人者提標兵庇盜前令莫  
敢問君捕治伏法威愛信一時後三年秋淫海水大上漂數縣  
君具衣糗材糧救卹之又爲請賑弛租全活甚衆明年以催科  
不及招罷縣民無萬數遮言上官聞於朝得復職時高安朱  
公以總憲蒞修海塘知君賢一以事付之塘成丁內艱民復籲  
留而

憲皇帝先已擢君松江知府及是予假治喪還視府事明年朝



議濬淤。婁諸水以君攝太倉州董其役。方築壩。淤江一再潰。與千總陸君晝夜凌險。指麾倉卒。覆其舟。旣亡而築合。是爲雍正六年二月二十九日。君年四十有九。賜祭葬。贈太僕少卿。當君令華亭時。奉賢猶隸境內。其後析爲縣。君適爲知府。至是民懷其澤。奉君爲奉賢縣城隍之神。歲時祈報。著靈異。長洲千芑孫爲廟碑紀其事。




















28  
734  
L39  
v.23  
國朝先正事略卷五十二 循良

平江李元度次青纂

施筠瞻明府事略

施君昭庭字筠瞻一字寄篁江蘇吳縣人康熙五十四年進士知江西萬載縣萬載地險僻山嶺縣互有客民自閩粵來居之累數十年積三萬餘人曰棚民溫尚貴者臺灣逆盜也其黨亦散處山中爲拳勇師與棚民往來雍正元年閩中移捕盜黨急尚貴度不免謀爲變始君之至也以棚民爲慮縣人易廉野當而才君厚禮之使交於棚民而偵其所爲於是廉野大積粟貸棚民還不取息或免償如是者數年棚民大悅棚民之林者嚴



林生等數從廉野遊。由是盡得山中要領。尚貴將舉事。召棚民。林生遽告廉野。聞於君。君集勇敢三百人。卽以林生統之。爲要約。以待而棚民多受廉野恩。不忍往。然往者猶數百人。尚貴有眾二千。大掠山村間。時三月十三日也。君謂林生曰。賊易破也。然吾慮賊或擾旁近縣。旁近縣無備。必使向萬載破之。必矣。會得賊謀。四人厚撫之。使告尚貴曰。萬載人盡逃。城虛可唾手得也。賊遂決意向萬載。則又張疑兵伏諸境中。時鳴鼓譟。樹大旗。見旂。或連繫數十馬相蹠。嘶或熟草若炊烟。賊欲由徑攻我。後疑不敢入。遂由官道來。而棚民多受林生計。使趨捷者數十人。分曹持刃。挺伏叢棘中。賊過突躍出。大呼繫賊。賊驚走。輒追。



殺之。伏數發。賊疑駭。欲卻則又懼。棚民之躡其後也。於是濡彼爲盾。以進。君望見笑曰。彼已懾矣。則使火鎗二十餘迭繫之一。戰獲尚貴。尚貴起二日而敗。又二日而撫。營兵至。初棚民嘗入市。欺市人人積畏之。尚貴叛。道路洶洶。指棚民。君謂林生曰。撫營兵至。必按山。吾負棚民。奈何。則又曰。吾以免死。帖與諸降者。汝及今。趣棚民具。不從。賊結狀來。其免乎。兵至。果按山如君計。不戮一人。而巡撫初到官。聞警張其事。入奏。既見君申文不合。使請於總督查弼綯。欲改追之。君曰。吾不忍迫棚民使叛而殺之。以爲功也。不可。改巡撫乃檄君。謂棚民匿盜已久。又從亂。罪皆死。今雖赦之。必驅歸本籍。君乃使人徧諭棚民。無恐而請於



督撫曰。棚民者。閩粵之貧人耳。來居山中。種麻自給。惟其貧苦。以席爲屋。故曰棚民。非刀手老爪。賊之比也。歷年多生。齒日衆。與居民閒有爭。許皆細故。不足深懲。今日之亂。由臺灣盜。不關棚民。而探賊動止。離賊黨羽。誘賊就縛。悉賴棚民力。請覈戶口。編保甲。列齊民。泯其主客之形。寬其衣食之路。長治久安。爲計便查。公許之。巡撫尋亦悟。悉如君策。棚民乃安。事聞。世宗臨朝。諭九卿曰。知縣以數年心力。辦賊巡撫。劄官幾日。豈得有其功耶。獨下總督疏。交部議敘。以主事知州用。君尋引疾歸。後十餘年卒於家。



葉維一太守事略

葉君新字維一浙江金華人少補府學生已復冒順天籍入學康熙五十一年舉順天鄉試聞蠡吾李剛主傳顏習齋之學往受業焉立日譜稽核功過尤嚴義利之辨雍正五年以知縣試用四川既至權華陽尋補仁壽民或與鄰縣爭地界當會勘鄉保因閹人以賄請君怒悉下之獄勘畢歸各按其罪由是吏民悉歛手奉法八年攝嘉定州州故有沒水由多逋稅君視曠土可耕者召民墾闢以新科抵稅額逋稅悉免仁壽奉中旨菜木匠人倚官爲暴民弗堪糾眾相抗縣令以變告君馳至訊匠頭及首先糾眾者一人並治之餘數百人釋不問上官才之有



疑獄輒令往勘多所平反十二年遷知邛州乾隆元年再遷夔州同知權龍安及成都知府又攝瀘州瀘俗好訟初至案牘委積君日坐堂皇訟者至泣剖決誣罔者悉杖之旬餘獄事大減及百日遂無留獄七年權順慶知府遷雅州母憂歸服除授江西建昌府以簡靜爲治先教化而後形罰修旰江書院招引文學之士復南城黃孝子祠以厲民俗十三年南豐令報縣民饒令德謀反請窮治令德好拳勇令以風聞遣役往偵誤採其讎謂謀反有據遂逮令德令德適他往乃逮其弟繫縣獄令德歸自詣縣縣訊以重刑遂誣服雜引親故及鄰里爲同謀令遽移板追捕君得報集諸因親鞫時株連者已七十餘人言人人殊



君大疑詰縣役捕令德弟狀役言初至令德家獲一篋疑有金寶匿之及發視無所有則棄之野令聞意篋有反迹訊以刑遂妄稱發篋得簿劄毀之矣令謂實然遂逼令德俾誣服也君於是盡釋七十餘人錄其命隨往南昌戒之曰有一逋者吾代汝死矣及至七十餘人則皆在謁巡撫具道所以巡撫愕不信於是集才能吏令會勘益雜治諸所牽引卒無據然不可卒解先是巡撫得報時遽上奏奏下命所江總督委官卽讞君爲一剖解得白所全活三百許人十七年調贛州府贛縣民搶奪拒捕君依故例擬發邊遠充軍時新例已改本條爲斬決院司欲以改例擬君謂事在例前宜從故例爭之不得復以甯都民



獄事與同官持異同不得直遂謝事閉門候代上官慰諭再三  
不從乃以任性被議免歸家居十餘年卒。



葉映庭觀察事略

葉君士寬字映庭江蘇長洲人博學工詩文旁及象緯輿圖句服六書之學尤通達政體康熙五十九年舉人知山西定襄縣八年遷沁州知州其爲政善知民隱滌煩苛遇事不假手胥吏事辦而民不擾權潞安知府除諸稅之無名者復四門集以使商人民大懷畏厯權平陽太原治行爲山西最十二年大計以薦入朝

上賜蟒服擢紹興知府乾隆二年移知金華晉杭嘉湖道調金衢嚴及甯紹台道始終不出兩浙云其治紹興也有憐民格士而殺之衆士譁將罷試君在三江聞信飛騎至數言剖解試



如初浙西風潮大作海塘陷君往堵築三月而工完在金華時  
東陽縣饑求賑者呼號集城門以萬計君曰按冊施賑是賑冊  
非賑民也單騎往諭之召飢者前立注其名於冊而撻其二人  
民乃定二人者一婦人先以訟至官服華服至是易敝衣求賑  
君識之褫其敝衣內華服如故一男子容甚澤飲以早菰湯嘔  
出酒肉眾驚服冒賑者多散去泄金華三年多惠政既去郡人  
思之爲立生祠歲遇君生日輒燈張合樂以祀君其前在沁州  
亦然有武人自沁來過君祠適遇君生日祭獻者至擁馬首不  
得行時君去沁已數年矣其爲杭嘉湖道也嚴保甲守望之令  
盜賊屏息及移金衢嚴衢州地勢高西安龍游諸縣築壩蓄水



以既田商人入山伐木私開壩行水日洞乃嚴其禁自利後初  
君蒞嘉湖時桐鄉豪家訐訟有以金饋者君急置之法獄未其  
卽調金衢繼事者果以贓敗事連巡撫坐死總督德公子君推  
鞠君言巡撫實未受賊覆治之得金數千於用事者之家巡撫  
獲減罪八年移甯紹台道釐關政修戰艦親巡外洋雖險遠必  
至紹興水蕭山諸暨民多挾眾諸縣求食巡撫顛而惡之不欲  
賑君往視還白巡撫曰某來時災民飢欲死何忍見其悉填溝  
壑耶言訖痛哭巡撫心動聞於合朝遂得賑君嘗言侍飢而賑  
所活幾何本計其在修水利乎議復紹之鑑湖甯之廣德湖大  
興漕漑之利會去官乃止著浙東水利書冀後有行之者也十



二年父憂歸遂不出君在浙每加意書院以作人爲已在家居  
屢集諸生校試文藝興起者衆平居孝友之德著聞鄉里卒年  
六十有七。



翁蓼墅刺史事略

翁君運標字晉公號蓼墅浙江餘姚人父瀛廩貢生康熙壬申以妻兄鄔某官粵西蔡城令赴其約夜泊和陽之新塘失所在舟人大索不得報其家并返其行篋局銷未動失其鑰時君甫三歲兄運槐八歲招魂葬父又三年母亦卒君茹苦力學兄年十三年歷楚粵豫章尋父不得以病歸雍正元年君舉進士悲不得父骨誓往尋十於漢壽亭侯廟有誰知意外得生還之句三十而三北焉乃與兄徧走湖南萬山中刺臂血作疏禱於神更兩歲無所遇乃榜一舟曰餘姚翁某尋父湖洄衡永閒及半載一日泊新塘遇土人鄭海還者言三十年前其弟海生失足



溺水格。敗葦得不死。視葦閒有已。溺屍身佩小鎗囊。因瘞之。白沙洲存鎗囊爲識。乃遣急足證鎗於家。以啟篋牝牡胎合囊故。君姊昔年手製以奉父者也。始悟生還之讖。實應鄭氏兄弟名。遂號位啟。攢秩櫬歸。仍於前瘞處畱封樹焉。時雍正丁未八月也。人競稱翁氏兩孝子云。君初授桐柏知縣。多惠政。桐人爲建生祠。乾隆癸亥。知武陵縣。左道莫少康。蠱里民將成大獄。君捕小康。寘之法。被誘者皆得釋。有兄弟爭田者。親勘之。坐田野中。忽自掩涕。訟者驚問曰。吾兄弟日相依及來。武陵吾兄已不及見矣。今見汝兄弟。偶思吾兄。故悲耳。語未終。訟者亦感泣。以其田互讓。乃中分之。又有兄弟爭產者。其兄父養子也。父歿。弟少



分以瘠由。使別居。兄不平。以狀白。中有亡父嗜酒得疾語。君怒其暴親過也。笞之。仍斥其弟。割腴田以畀兄。又有子竊人金指爲父所匿者。拘其父至。反覆鞫詰。終不加以刑。或問之曰。以子誣父。晚有誣天性之恩。絕矣。姑俟之後。廉得其實。果黑夜爲他人攫其竊金去。而其子誤以爲父也。唐氏子聘張氏女。貧不能娶。張鬻其女。唐知而訟之。君察張亦貧甚。鬻女金久耗矣。乃出貲贖其女。召唐氏子婚焉。邑有衡州人業織者。其鄉有重囚亡命來主其家。家人不知也。已大府檄下大索之。囚已先逸矣。君第令業織者導之往。跡而得之。竟得不連坐。亦未受一笞。鄧康二姓爭湖州之利。鬪殺不已。積訟數十年。君勘其地。曉譬再三。



終不服會大雨至二姓請少避君曰汝輩爲一塊土世世罹重  
法不顧予何愛此身爲植立雨中逾時堅不去二姓感動乃親  
爲劃界訟自是息且相好邑東長樂村沿江互長堤每夏秋水  
漲直齧堤址田廬皆沒互浸中舊築石圍衛之水勢稍殺年久  
圯將圯民深患之渡江而南有德山石塔明提學董公其昌所  
議建也亦就圯形家言願以爲病附郭向無書院君勤於課士  
每就僧舍設講席輒用顰願於是大集邑人士疇咨興創不數  
月而三大工次第告成人稱其堤曰翁公堤塔曰翁公塔書院  
曰翁公書院焉歲乙丑大旱君閱郡志邑北有龍門洞去城百  
二十里唐劉夢得禱雨處乃覓導者草笠芒屨炷香步拜窮書



夜至其地洞邃而日挾縫而下以戕賒水蹣跚歸就北郊設壇  
白跪烈日中膝盡腫邑人哭籲君歸君泣不可見七日大雨歲  
則大熟邑人繪龍門禱雨圖爲詩歌紀其事大吏知其賢交章  
薦擢知道州道州路通郴桂山徑仄峭壁峙千仞下臨深溪行  
旅危之君割俸倡捐鑿險八十餘里成坦途歲大疫爲文告城  
隍神自請罰無傷百姓亟購方藥躬行村落閒一一審視或以  
傳沐爲慮曰我爲此邦父母子弟病忍不一顧耶時永郡死亡  
甚名州境獨得全活年六十以勞瘁卒官州人立祠祀之與武  
陵並請祀名宦君之令武陵也卽白沙州建祠父墓前額曰永  
毀並建啟鑰亭買田數十畝令鄭氏世董之丁卯遷道州過祠



展。哀哀感路人。視祁陽紳民如故舊。子孫注籍善化多達者嘉慶間族孫元圻任湖南布政使葺其墓祠。



蔣省齋郡丞事略

蔣君名祝字賡三號省齋浙江仁和人雍正元年進士選庶吉士出朱文端孫文定二公門散館授行人司行人聞父疾乞養歸文端公屬同修歷代名臣傳父服陰以知州發直隸用署樂亭縣事釐積案于餘尋知晉州擢永昌府同知引疾歸卒年八十有三君之在晉州也興農桑浹河渠嚴保甲事無不舉州民自某習躬教君曰不治則法蔓蔓而圖之難矣遣數十人縛以夾寘之獄使人勸諭之自悔泣卒爲良民州俗悍喜鬪儼古方製所謂三黃寶蜡丸創重者醫之輒不死民得免抵至活多州瀕滹沱河歲葺堤君於堤上徧植柳數年柳成陰民呼蔣公柳



制府方恪敏公薦於

朝引

見

賜朝衣一襲。會報。捕災君



自都門旋治所。禱八蜡廟。蝗皆南去。其飛蔽河。士民爭爲詩歌紀之。勒諸石。永昌有土司頗黷法。君單騎入苗洞。曉以大義。苗大戢。會別種苗蠢動。境內卒帖然。他郡民來避難。君厚撫之。賊退而民不忍去。嘗攝永昌守事。爲置義倉。或曰。攝守乃不憚勞。如是。君曰。苟利於民。奚問攝爲。會夏旱。民賴倉穀得不飢。乃大服銅廠有羨餘。攝守時悉以歸公。大府入覲。嘗舉君以對。上稱真廉吏。云。君旣歸。家居有直隸雲南民數十。送衣物數事。至仁和縣庭。曰。蔣公去官時。不之饋遺。吾儕戴其德。請以歸諸其家。所中大吏異之。爲作圖紀其事。



朱完一明府事略

朱君宏仁字完一直隸清豐人雍正元年進士五年知山東昌樂縣時田文鏡爲總督吏治尙嚴急而君持大體多善政其折獄務察情實不輕笞人人無不各得其意以去催科吏充當至里舍歲終稅不滿出俸銀充之異時商民歲出官使錢悉罷邑耗羨銀三分去一鄉士大夫間有饋遺無所受父老有獻瓜菜者受之坐之堂下賜以食間歲豐歉及民間所疾苦又時出循行鄉社民有娶婦生子者勞以壺酒在官四年民大和悅以註誤去官民間爲立生祠久之復以事過縣民相率持一錢飯滿盂逆諸境數十里不絕也







龔明水大令事略

龔君諱鑑字齡上又字明水錢塘人早喪母事父極孝父失明君侍左右如嬰兒雍正初以拔貢就選入籍

世宗見而才之時新析楊之江都爲甘泉以君知縣事縣境邵白埭受高寶諸湖水地卑下君建議當於農隙運土築高埂沿堤爲防堤上卽植桑以興蠶事其西界地高狹旬不雨田卽龜坼每一里宜鑿塘蓄水如是則境內高下之田俱無患大吏是之然不能行而邵伯埭下有芒稻河閘洩水尤要雍正癸丑水溢君冒雨親至其地呼開官洩之閘官以鹽漕爲言持不可會制府嵇公以視河至君直陳之厲聲呵閘官嵇公動色卽啟開



且立斥閘官。又用君言以鹽漕二船過湖。需水不過六尺。若過六尺。則啟閘。無得以鹽漕藉口。實多蓄水爲民田患。自是閘水疏通。然君終以築埂閘塘二事未得施行爲憾。

世宗晚習禪悅。僧明慧者。曾與內廷法會。出住西湖聖因寺。千謁遍大江南。北一日以書幣關白於君。君杖其使而遣之。制府驟聞。頗咎君良久。嘆曰。強項令當如是矣。吾堦之而其事竟流傳上聞。

上召明慧還京。鋼不許復出。當是時。甘泉令吏聲雄於天下。邦溝故脂膏地。吏罕以節操自持。君卓然目矢。有故侍郎子蒼嘗館君於京師。至是以里人入謁。有所屬。君拒之。又有同城官爲



制府所昵。令時察屬吏者。方有執而請。君亦拒之。又有巨室延  
飲先期。自運使太守以下。皆固要君同往。君又拒之。平居益自  
刻苦。終歲無一絲一粟足稱長物。喪偶不再娶。而惠政時及於  
民。每歲晏。江都之鰥寡孤獨多求入甘泉部中。以君有以卹之  
也。居六年。憂歸。尋卒。年四十有六。君於經學最深。著毛詩疏說  
八卷。皆簿書之暇所得也。其論春秋。滕子來朝。正胡傳之失。論  
周禮。舞師鼓人。應屬司徒。辨采芑詩。鉦人伐鼓。非互文。辨禹貢  
五服。正蔡傳之誤。皆獨有心得。多先儒所未發。其詩文曰龔甘  
泉集。







童心樸大守事略

童君華字心樸浙江山陰人年十二補諸生長習名法家言佐郡邑爲治雍正初入貲當得知縣時方纂大清律例大學士朱文端薦其才。

世宗召見命察賑直隸時樂亭盧龍兩縣報饑口不實君倍增其數怡賢親王方與文端治營田水利至永平問君樂河形勢君條對甚晰王器之尋補平山縣災不待報遽出倉粟七千石貸民擢知真定府權按察使事以前發粟事部議免官特詔原之五年怡賢親王奏以君理京南局水利君度真定府城外得泉十八疏爲渠溉田六百畝先後營田其三百五十頃以北



人不食糶。請官發錢買水田穀運通倉省漕費而民得市稷黍以爲食。王具以聞。從之。未幾移知蘇州。其爲治精勤廉幹。發奸摘伏如神。事有不可持之甚力。當是時有詔清查康熙五

十一年以來江蘇負課千二百餘萬。巡撫督責急速。捕追比無

虛日。君固講寬之。巡撫怒曰。汝敢逆旨耶。君曰。革非逆旨。

乃遵旨也。

皇上知有積欠。不命嚴追。命清查者。正欲清其來歷。查其委曲。或在官或在役。或在民或應徵或不應徵。使了然分曉。然後奏請以俟。

聖裁此詔書意也。今奉行者絕不顧名思義。徒以十五年積



欠揭揭然求完納於一時。是暴征非清查也。曰汝欲云何。曰限華三月。當部居別白分牒以報。巡撫默然從其請。乃量釋獄繫者千餘人。次第造冊請轉奏。未幾。

世宗風聞江南清查不善下

詔嚴飭如君吉巡撫嘗訪僧與

民婦姦製一枷兩人荷以徇。君聞即破枷出之。而詣巡撫曰犯姦者枷律也。兩人共荷之。非政體也。且臯薄非尊官所宜問。今縱之矣。巡撫謝之而心弗悅。浙江總督李衛嘗募人於蘇。無文牒君不與。李怒爲黃輿以聞。

世宗召見責以沽名干譽。對曰臣竭力爲國。近乎沽名。實心爲民。近乎干譽。命往陝西以知府用。署肅州。佐經略鄂文端。由田



肅州鑿通九家窑五山引水窰渠溉田萬畝復以忤巡撫被劾  
罷官歸數年卒年六十六家居嘗建宗祠置義田二百畝起屋  
數所以居族人又寫義冢二區費金數千兩所著書有請田大  
湖濱議九家窑屯工記銅政條議多切於事實合詩文集計共  
十餘卷九家窑屯工記銅



國朝先正事略卷五十三 循良

平江李元度次青纂

王皋謨大守事略

王君時翔字皋謨江蘇鎮洋人明相國文肅公族孫也爲二生  
博學能文章雍正六年州人沈起元官興化知府奉 詔當薦  
士以君應引 見 授福建晉江知縣時  
世宗以閩中吏治頽廢遣使按視倉庫盡更諸守令新至者頗  
尙操切晉江民好訟前官以擊斷爲治而訟益繁君至曰此吾  
赤子也忍以賊盜視乎縱解苛政坐堂皇煦煦作家人語曲直  
旣判呼兩造前令釋忿相對揖罷去由是訟者已長觀風整俗



使劉君按泉州。委君鞫疑獄二十餘事。輒報可。語人曰。晉江長者。決獄又何精敏也。題廉慎勤平四字。以章之。尋爲知府所嫉。調政和。晉江民爭乞留。不得。縣有平糶米六千石。代者以日耗不受。眾譴曰。爺飲此。閒一杯水。安所得錢補耗米。請各出錢買米。納價如頗。十日而事集。治政和。斃劇盜。懲訟之。引諸生不學。縣有虎患。移牒城隍神驅之。尋調甌甯。擢漳州府同知。駐南勝。南勝山箐深奧。民族居。尙中鬪者。輒百千爲黨。手兵械抗官。吏莫敢詰。有賴唱者。其黨犯法。捕治。糾眾奪之。與諸賴萬人匿險。自固。君馳檄示以利害。親入山。山中人聞君至。夾道跪。賴唱族長率諸賴迎謁。君謂曰。汝諸賴萬人。本何庇一賴而以死徇之。



其爲我。蒯唱以來。卽無事矣。諸賴皆感動。雖而退唱。不得已。自縛出。遂繫以還。治唱罪。自是。尙民帖然。咸除繫囚。數入許。暫甯家已。而如期。悉諸獄。瀨子。阮民。葉揚。煽亂。君謂。緩之。可一紙定矣。或張其事。聞於大吏。遂奉檄入山。勦之事。平。意不自得。乃乞歸。乾隆元年。以薦起。滿州同知。治永樂。未幾。特詔還。成都知府。以廉率屬。爲政。持入體。善審機要。錢傾騰。帝政使。榜平其直。市人皆諱君。方請假。謂成都華陽二令曰。市直當順民情。抑之錢益閉不出矣。二令言於有政使。撤其榜。錢價尋平。不相欲徙涼州。駐防兵於成都。議拓滿洲城。當奪民居二千。家君考故牘。請於布政使曰。成都滿洲城。故容駐防兵三千。見之一千五百。



尙虛其半。但出駐兵所侵地足矣。毋庸拓也。乃止。已而涼兵亦不果徙。七年江南湖廣災。巡撫奏請運蜀米四十萬石濟之。

報可。已而湖廣急米。委屬吏傾運。而江南獨無。巡撫檄州縣餽運。舳舻蔽江。商賈不通。成都薪炭俱絕。君謂江南運可緩。而徙病蜀甚。無謂。力言於巡撫。請獨運楚而聽商人自運江南。則公私兩便。巡撫怒。不聽。江運卒行。吏民重困。在官屢雪疑獄。闔府稱神明。九年卒於官。疾亟。召成都華陽二令入內問獄事。口爲定獄。而賻。年七十。



牛階平大令事略

牛君運震字階平號空山山東滋陽人生十歲能文十六補諸生雍正十年成進士乾隆元年召試博學鴻詞不遇尋授甘肅泰安知縣開九渠溉田萬畝縣北王鍾山崩塞河水溢壞民居君督濬四日夜而水通流民獲安堵縣聚曰西固去治二百餘里村民輸糧苦運費多積逋君單騎往諭問所苦民請以銀代君許之自是無梗化者先是巡檢某誣馬得才見弟五人爲盜前令弗能察得才自刎死其兄馬都上控令又誘斃之獄具其三人者將解府君鞫得其情昭雪之又白清水縣武生杜其陶冤前令當其陶父子謀殺罪上官檄君覆治驗死者得自



刳狀以移屍罪其陶因釋其子他所平反率類是官秦安入載  
惠農通商以經術飾吏治設隴川書院於署東通其門日與諸  
生講習民始知學嘗雩雨九龍山立應又牒城隍神爲民勸崇  
病者卽諭人以爲勤政之感兼攝徽縣其治如秦安建杜工部  
祠於溧亭川吳玠廟於仙人關皆置祀田徽多虎患君募壯士  
殺虎二十有六道始通及自徽縣歸秦安遇白額虎當道人馬  
股栗君叱之虎帖耳去或爲馴虎圖傳其事未幾調平番縣縣  
之五道岷苦饑蠲粟二百石賑之民感其惠人輸一錢製衣銘  
德君受衣返幣固原兵變圍提督戟門且肆掠督撫咸至平涼  
飛檄招君問方略君請勿以兵往但遙屯城外爲聲援而自入



城令縛首亂者出獄具斬三人。監候四人。餘予杖徒。有差上官才之。或反以此忌君。乃撫前受萬民衣事。劾免其官。平番民涕泣攀轅。雷主皋蘭書院。教學得上心。及歸。有走千里送至灞橋。始別者。君性開朗。有斷制。署中不延幕客。事雖鉤棘。輒辦。泊在官。不問生產。既罷。無愠色。與同歲生胡天游論古。最相得。著有經義史論數十卷。卒年五十三。



（The main body of the page contains a large, dark, and heavily obscured area, likely representing a faded or damaged section of text or a large illustration. The text is illegible due to the quality of the scan and the state of the original document.)



李立之太守事略

李君大本字立之山東安邱人雍正十三年舉鄉試乾隆九年  
選湖北棗陽縣改湖南之益陽居官自奉極約勤於吏事識大  
體所規爲多遠略益人不知蠶君教之樹桑後賴其利號李公  
桑縣多山有甲豪謀開礦以利昭君君叱去之因爲上官陳開  
礦之害請立碑申禁從之明年調長沙考積爲湖南最十六年  
遷寶慶理猺同知其所隸通水崗有苗僧行賈臨桂知縣田志  
隆見之意其爲賊黨吳方曙方曙者從馬朝柱謀反時方繪圖  
懸購者也僧畏刑誣服又訊朝柱所在妄言在崗中志隆以告  
巡撫立上奏帥兵出命君從行君曰僧言真偽不可知大兵卒




至苗必駭。旦生變。請潛訪之。果在以兵禽之。未晚也。旣而白僧言實妄。巡撫疑未釋。後欲率兵往。君力諫。乃已。後廷訊苗僧。果誣如君言。橫嶺尙苗乏食。籲官求粟。君多方賑之。復請於上官。曰。橫嶺尙自逆渠。授首安插。餘苗因惡其人。故薄其產。每口授田才三十。積得米無多。尙田稍腴者。又盡與堡卒。極惡者。方畀苗民。歲入不足。男則砍柴。易米。女則鬪蕨爲紛。給口食。年來生齒日繁。材木竭。米價益昂。飢餓愁歎。深可憐憫。恐不可坐視。而不爲之所也。見有入官苗田一千三百四十八畝。舊募漢民佃種。出租供饒。姦良不一。屢經淘汰。請視苗民家貧丁眾者。稽實書簿。有漢佃應除者。卽以書簿之丁。次第受種。出租如故。則



苗民得食而餉亦無虧此補救之一端也議上上官不許後巡撫陳文恭見之曰此識時務之言也將因北覲陳其事會遷兩廣總督遂寢二十一年君遷知長沙府以病足告歸卒於家







周梅圃觀察事略

周君名克開字乾三號梅圃湖南長沙人乾隆十二年舉人授隴西知縣調甯朔爲人明曉事理耐勤苦敢任繁劇甯朔屬甯夏府並河有三渠曰漢來唐延大清皆引河水人渠以灌民田唐延渠行地多沙易漫君治渠使狹而深又頗改其水道渠行得安而渠有睹洞以洩淫水故旱潦皆賴焉延渠暗洞壞渠水不行上官從甯夏令議填暗洞而竭唐渠入漢渠以利甯夏民而甯朔病矣君力請修復之夏民以爲農事近新水將至不可待君約以五日了之乃取故渠廢閘之石晝夜督工五日而暗洞復兩縣皆利大清河者鑿自康熙年長三十餘里久而石門



首尾皆壞民失其利召修復之皆用日少而成功速以章異薦擢固原州再遷知都勻府調貴陽府在都勻嘗從總督吳達善侍郎錢維城治貴州苗民爲逆事獲其首從鞫之君謂錢侍郎用法有失當者固爭不爲下在貴陽亦以強直忤巡撫宮兆麟二公始皆憾而卒以重君旋以公累解職引見復授蒲州知府調大原府大清積獄修復風俗口提堰障山潦而導入汾始君在甯夏治渠作閘民謂之周公閘及是提堰成民亦於堤上作周公祠云擢贛南道權布政使事坐王錫侯字貫案被議高宗素知君賢發江南以同知用曾南巡君迎駕命知九江府擢浙江糧儲道當是時王鳳望爲浙江巡撫吏徵糧皆



請民以奉上官。君聞素疾之。至浙。身自誓不取絲毫潤。請於巡撫。約與之同心。巡撫姑應曰。善。而厭君甚。無術以取之也。反奏譽君才優。糧備常事。易治。今海塘方急。請令移治。是於調杭嘉湖海防道。會改建海岸石塘。總督欲徙柴塘。近數百丈。以避潮。君曰。海不與河同徙。而讓之潮。益侵無益也。力爭乃止。以督工勞疾卒。官乾隆四十九年也。年六十一。君沿官皆有名績。善治獄。多所平反。禮儒生。斥私錢。興書院。性九廉。歿後家無餘貲。而王賈望卒以貪敗。世言苟受君言。豈徙國利。亦其家之安也。故天下稱廉吏者。必曰周梅圃云。







鄧虞揮太守事略

君諱夢琴字虞揮江西浮梁人乾隆十七年進士授四川綦江知縣縣人相沿呼大府胥吏爲老土司橫甚君察其尤者先予杖後申請治罪遂俱歛跡貴州遵義有巨盜亡命過縣君遣捕人跡至二千里外之萬縣獲之以能署江津江津民宋志聰與楊在位爭博負在位毆之仆死置尸黃君相之門前令比君相殺人罪已殫死矣君鈎距得獄情讞之前令因推事官巧請於按察使摘其獄君力爭按察使遂怒此初獄也而前令在江津事多率爾民周景康盜樹爲樹主斫顱左旋以他事與周秉魯爭傷腹下乃死前令以比樹主君請復診之腹下傷重罪當比



秉魯而按察使挾前怒欲如前令比以傾君此繼獄也。當是時前令已因宋志聰獄去官。君復持此獄甚急。於是諸黨按察使有氣力者爲蜚語以爲君好排人人已墜坑井。尙下石。按察使雖知君直而必洩前怒。幸其言君勢危甚。會定遠民譚學海被殺不得主名。縣攝民六人笞服之。至府皆不承。君奉府檄廉知誚僣鄧理瑤等實殺人。一訊獄具。此最後獄也。君白府分功定遠。定遠得免議。諸大府乃信君非排人者。適按察使權布政司事。周景康獄乃得如君讞。憂歸。十二年授挾西洵陽縣。洵陽處萬山中。流民賃山課。課不立期限。遂多訟。君期以五年民安之。山南州縣地日狹。大府歲檄升科。君言流民開荒食數年之利。



不可使失所他徙。國家賦額已定，徙飽吏胥耳。終君去，洵陽不報升科，尋署岐山。調寶雞，寶雞臨棧道，轄陳倉，東可二驛，冠蓋旁午。驛馬多疲弱，前令以給里民，需其值曰：「領馬有急，復撥私馬應官。」曰：「里馬君令領馬者，恐交見馬驛，遂充非大，差不撥里馬。」遂回出五作亂，陷通渭。君斷仙靈谷白道爲守，計復料丁壯，登陴賊以不至。旋擢商州知州，署西安府，擢知漢中府。因事錫緞，大府以教匪方熾，奏畱君尋以病乞休。時年七十五矣。後重赴甲子科，鹿鳴筵宴，卒於嘉慶十二年。年八十有六。少時以小學近思錄洛學編爲宗。後從座王蔡文恭公遊，窺聞中道學源流，終身守師說，惜曰：「聽訟未也。」雖然，有本焉。古之人先治已。



之好惡矣。至聽訟則察人之好惡爲好惡。夫天下固有得其辭而夫其意者。豈有舍其辭而得其意者哉。當官難於慎守官難於正求其難焉可也。所著有楸亭詩文集。



李澹成大令事略

李君名炯字澹成江蘇元和人少孤母教之成立乾隆十七年進士授廣東茂名知縣以慈惠爲政自奉薄嘗題其堂柱云窮秀才做官何必十分受用活菩薩出世總憑一點良心士民誦之每聽訟平心察理未嘗用一暴刑縣有重獄株連二十餘人君按驗多縱釋所羈候才一二人而已縣境黃塘瀨水居民多死者水退請上官發棺銀收殮有續報者太守難其請君指俸益之其生者爲起竹屋煮粥以食之初紹興沈生以刑名術佐君頗通賄君謝遣之及是客府衙構君於大守遂以不勝任勒罷改教官去之日士民執香送者踵錯於道作德政歌用金書



彩旗爲導。有瞽者百餘人。製布袍獻君服。而見之。瞽曰。貧不能得錦袍。恐不得公意。君曰。服之矣。瞽前捫君衣。果布也。則皆大喜。羅拜去。舟過梅菜鎮。商民張彩棚設樂餞君。三爵後。獻百金爲壽。君卻之已。而昇君徧歷鎮中。曰。公去矣。俾鎮人一識公。旣歸。遂不出。十居薨巖山下。野服翛然。以山水自樂。卒年七十一。縣役李棟者。嘗詐取鄉人牛。君痛杖之。責償其牛。及君將去。任棟數來候起居。君曰。得無怨我乎。棟曰。身自犯法。敢怨公。烏虜觀棟之於君。足以概其餘矣。



朱梓廬明府事略

朱君休度字介裴號梓廬浙江秀水人乾隆十八年舉人授山西廣靈知縣初蒞任值大荒疫民流亡過半前任虧官銀數千君安撫招徠補其耗久乃復其故丁糧歸地善政也縣之丁糧未歸者半災後或丁絕糧存或地在人亡或自外歸占耕他人之田或未歸而他人不敢耕其田君乃親履勘奠其居而勸之耕一年而荒者墾三年而土無曠於是丁糧地糧歲無逋負尤善決獄大吏知之遇難事輒使之聽孟縣郭添保賣妻張及其子女詰朝婦手刃二幼而自剄察婚書主者伯氏趙嫁者孀婦張也訊而知張爲劉劉氏趙爲郝永福夫爲劉杷子其嫁也多



媒屢易宿跡涉詭異當詣驗時婦猶未絕目郭作聲曰販販乃訊其妹及長女知婦以夫出飢欲死易姓改嫁既嫁疑郭爲販責人忿甚且恐子女俱辱不如俱死無他情讞定數月夫歸求見君君語之狀並及其家中某某事劉杞子涕泣曰小人愆歸期事至此勿怨他人矣稽首去大同馮良純兄爲里長以催繳料草答恚而死良純伺令短控於部凡十三事郡守拘之倔強不受命機君鞠之至則俯首聽郡虞其再赴部也屬君守之歲除君乃縱之歸適大吏欲提問郡指索不可得以讓君君遣一僕往良純卽出曰我不難逸去第不忍負朱公耳縣民薛某偕其妹觀劇其友目送之薛怒刃傷其左乳死逮訊自謂罪必死



大言曰。早欲殺之。殺人者死。無悔也。越日。復問曰。爾善拳擊乎。百不失一乎。曰。無之。君曰。然則一刀何以即死也。曰。刃時不料其即死。曰。不料其即死。胡不再刃。曰。小人見其血不止。心惕息。何忍再刃也。律。誤殺罪。弗死。若云。早欲殺之。則爲故殺。雖不死。且論絞決。而薛實誤殺。乃減等。君常曰。律則一耳。然南方案多情重法輕。北方案多情重法輕。稍忽之。失其情矣。能無愼乎。以是終任。不枉殺一人。君性慈惠。待人以誠。人不忍欺。又周知民情。聞言訴曲直者。折以數語。輒皆悅服。去數年。閒園。園一空。暇乃考縣之壺泉。爲周禮之嶠夷州。而酈道元以瀘水當之者。誤以於是築文昌閣。巽妙軒於壺山之上。縣解無吏舍。亦增置之。



白及門堂皆新之。而弗及臥室。居廣靈七年。薦卓異。君不樂仕。進嘉慶元年。引疾歸。邑人懇留不得。乞君壺山垂釣小像。勒諸石。追餞出境者數千人。君卒後二十年。邑人請祀名宦祠。君深經術工詩。年八十有一。精於數學。死葬。皆預定時日。如其言。著有學海觀瀾錄。皇本論語經疏考異。小木子詩集等書。



汪龍莊大令事略

汪君名輝祖字煥曾號龍莊浙江蕭山人父楷官河南淇縣典史君年十一而孤繼母王生母徐教之成立世稱汪氏兩節母君才識開敏十七補縣學生練習吏事前後入諸州縣幕佐其治疑難紛淆一覽得要領尤善治獄侔境揣形多所全活以其略讀書乾隆三十一年成進士授湖南甯遠知縣縣雜徭俗積逋而健訟前令被訐去攝者務姑息莠民益何閒爲挾持地流丐強橫勢洶洶君下車卽掩捕其尤而驅餘黨出境徵賦期迫君爲文告諭民剴切誠至讀之慙且感相戒無負好官不逾月而賦額是治事廉平尤善色聽剖倏發蘊不爽鎔銖及其援據



比傳律之所窮通以經術所決獄訓皆曲當人藉藉訟神明而君益欲然按事畢輒問堂下觀者曰允乎僉曰允矣遇罪人當予杖輒呼之前曰若律不可追然若受父母虐體桀行不肖虧辱之再三語罪人泣君亦泣或對簿者辰代請得免卒改行爲善良延見紳耆問民間疾苦所語皆籍記之教民廣種植導以與禮讓惜廉恥誠昏禮煩費而民知儉禁喪禮用酒而民知哀俗不變歲復屢稔乃復行鄉飲酒賓興禮建節孝祠行保甲政聲天播他邑有訟聞移君鞠之則皆喜甯速例食淮鹽直數信於粵鹽民多食粵私大府遺營弁偵捕人情惶擾君爲帖白上官請改淮引爲粵引久之未報君引例張示零鹽不及十斤



者聽修戶謂君故縱私聞於總督君復揭辨謂縣官當緩靖地方張示諭民勢非得已揭上總督畢公沅允嘉賞立弛零令鹽禁時偉其議稱荅知縣云官甯遠未及四年以足疾請告時大吏已疏調君善化疑君規避劾免歸民走送境上老幼泣擁與不得行君歸里值西江塘圯關數邑水利巡撫長麟公先後遣官勸君董其事不獲辭初估工費錢二萬八千九百緡用君議增工倍而省錢六千三百緡工用堅實爲永利君渡江一謝巡撫歸而閉戶讀書不問外事嘉慶元年詔舉孝廉方正邑人以君應固辭免君少尙志節老而愈厲持論提特不可屈而從善如轉圜性至孝痛父早歿兩母茹苦鞠孤撰父母行狀乞天下




能文章者表之得傳志銘誄賦詩數千百篇。集爲雙節堂贈言集六十二卷。自以孤子所繫甚重。故於守身之義。懷懷自防。終其身罔敢隕越。官私一介不取。而不以所守自矜。有譽之者。君怫然曰。爲淑女。蹇修而稱其不淫可乎。所交多老宿。以道誼文章相切劘。尤遂於吏。著有元史本證五十卷。讀史掌錄十二卷。史姓韻編六十四卷。九史同姓名略七十二卷。二十四史同姓名錄百六十卷。二十四史希姓錄四卷。遼金元三史同名錄四十卷。龍莊四六稟二卷。紀年獨吟草各一卷。題衫集三卷。辛辛草四卷。岫雲初筆二卷。楚中雜詠四卷。歸廬晚稟六卷。汪氏追遠錄八卷。越女表微錄七卷。善俗書一卷。庸訓六卷。過眼錄二



卷節穀燕談三卷其尤著者學治臆說四卷佐治藥言二卷言  
吏治者多宗之阮文達撫浙及豫皆刻行其書下有司仰爲法  
式嘉慶十二年卒年七十有八子繼芳丙午舉人四子繼培乙  
丑進士吏部主事







劉寄庵明府事略

劉君名大紳，字寄庵，雲南甯州人。工詩古文，而根本於忠孝廉節。乾隆四十八年，由進士知山東新城縣。有異政，以朱子小學誨諸生，約以朝夕講貫，身體力行，庶爲天地間不可少之人。以不虛負此生，士習爲一變。厯甲辰乙巳丙午三歲大旱荒，君極力拯卹，全活者多。量移曹縣，代者至，縣民詣大吏請留，弗許。適臺使者琅公過境，縣民數千人遮道留君。長山者鄰邑也，亦代新城乞留，遂得留三月。及涖曹，則乙巳丙午年災傷更甚新城也。方務與民休息，而河使者檄修趙王河，工段數百丈，日役萬夫兩月而始竣，無逃亡及疾病者。又檄辦河工稽料三百萬石。



以時方收穫。請暫緩。河員訴於使者。督責益急。將按以罪。因請爲十日限。縣民爭先往納。未十日而三百萬之數足矣。嘗出巡鄉曲。聞有於馬後言穀賤銀貴。開徵期迫者。君顧語之曰。俟穀得價。再輸未遲也。語聞於大吏。怒謂曹縣令。徑緩往矣。急遽能吏往代征。至則新賦已如期完。因議征乙巳丙午逋欠。計四五萬兩有奇。聲言不足數。卽以他人易君。民大恐。晝夜輸。將不數日得三萬餘兩。能吏由此膺上考。戊申君以病自勘。君之初至曹也。與上官有違言。投劾去。曹人聞之。環署泣留。且相率走訴大吏。趾交錯於道。適大吏有事於泰山。見而諭止之。以是得不去。至是乃於元日密自申文。不假手書吏。迨得請而縣人始知。



之雖乞留者踵至無如何也甫歸而貽攤之令至乃出山再至山東補文登縣未行而新城方修城城工棘手人爭避之新城人請於大吏願得君修城君能辭大吏不能辭新城人也工竣方議重興正蒙書院以錦秋湖荒爲膏火田蓋前沁新城時曾議此舉早災未暇及也亡何忽以曹縣任內事與同官並削籍遣戍兩縣人於是歛鍰請贖得放歸其後大臣有以君列薦者有旨送部引見仍發山東以知縣用權福山兩月值大雨水以七分災報大吏準五分五分則不成災矣民間素戴君無怨者君復乞病弗許命署青州同知尋升署武定同知同知固閑曹也會登萊蝗起大吏委官督捕又黃河水溢自漕運河至大



清河爲沿河郡邑害委君查災賑君皆竭力任事實惠能及民。後一年乙丑乃告養歸君平易近民民情固結不可解請畱矣。代贖矣意殊未已其始以病歸也東人畱醫治幾二年爲君壽。爲君母壽如在任時也歸則送及沐梁城畱數口乃別去有送至樊城者其繼以贖歸也延畱爲壽者如初歸有送至漢陽者。最後以養歸則有送及周家口者其得民心如此歸後百制軍延主五華書院成就後學甚衆卒祀新城名宦祠。



李許齋方伯事略

李君賡芸字生甫號許齋江蘇嘉定人父夢琬乾隆壬戌進士  
官江西直隸州君少從音樞先生學通六書蒼雅三禮善屬文  
孝於繼母勵名節爲所時稱乾隆五十五年進士知浙江孝豐  
縣調德清平湖嘉慶三年九卿中有密薦君者特旨問巡撫  
阮公元元以守潔才優爲浙中第一良吏奏引見遷處州同  
知調嘉興八年奏署台州府手詔批此人可用尋擢嘉興府  
十六年母服闋補汀州府十九年調漳州尋擢汀漳龍道明年  
遷福建按察使督布政使君性廉正敝衣疏食任監司無異寒  
儒曰縣令至藩臬所在有惠政能得民心其治平湖也以陸清



獻曾官嘉定而已。以嘉定人官平湖。首謁其祠。一以清獻爲法。除姦訓士。邑中稱神明。其守嘉興也。正己率屬。莫敢以苞苴進。生辰令節。閉門卻掃而已。五年。金處二郡災。有詔賑金華民。苦無錢。處州苦無米。價皆貴。君以萬金易錢。載至金華。人加賑錢百。民益安。而錢價頓平。復以萬金買米於溫州。轆轤轉運米亦賤。十年。嘉興水災。君奉檄減糶。復設粥廠。全活數十萬人。及涖漳州。俗獷悍。多械鬪。號難治。君召父老問有隙。胡不愬之。官皆曰。一涉公門。需訟費。且讞結。不以時。是非尤失實。君曰。某在此。有踵前弊者。父老共唾之。如不來愬。而仍鬪。則亂民也。誓以兵除之。母嘗試母恃賄脫。皆唯唯。退然不知操何道以治也。旣



而民有鬪者立調營兵往捕治焚其居鬪者大懼乃日坐堂皇  
重門洞開許愬者直入命役與俱召所當治者限時日不至則  
校役至則立平遣之卽案前書讞詞無一錢費民皆懽呼曰李  
公恬我終君任三年無鬪者漳屬九龍嶺多盜公下所屬嚴捕  
擒其魁十數商旅坦行故事獲盜當甄敘公悉以歸屬吏不自  
居也會龍溪歸德堡某姓械鬪令黃某懦不能治朱履中者丙  
狡而外樸攝平和縣事受代來謁君詢曰和平亦械鬪乎曰有  
之擒之必以兵乎曰云吏平日不擾民遇有應捕主名命里長  
縛以來無或忤也君止之愿人也乃請於督撫以朱代黃逾月  
不辦督之朱曰蒞事新民未孚也又久之知其終不辦也親率



兵在治無所得費帑金七百。既訖事與朱分任之。數月遷汀漳龍道。尋擢兩司。遂左遷朱教職。會朱虧鹽課五千抵以他款數相當。代者張均不聽抵。漳守畢所請。昔納朱賄而今苛督之。朱窮且憤。揭督撫謂虧帑由道府婪索。督撫密以聞。君遷藩司未一月遽解任矣。君之在漳也。嘗監造戰船。不如式。大吏令重修。君已去任。家人稱貸於朱以藏事。君不知也。質詆時朱撫前二事指爲賊。家人自承稱貸事有之。而君慳不知。總督桐城汪志伊益疑之。必欲窮其獄。歲除鞫至。徧盡乃罷。正月四日復促君對簿。君不肯誣服。總督謂獄不成。將罪承讞者。君恐爲獄吏所挫辱。越十有四日夜縊死。貧不能殮。家無以爲炊。士民數千人。



走數百里號哭於門累月不絕事聞  
上遣重臣出按其獄乃抵履中等罪督撫皆罷斥閩士民公呈  
於使者請捐貲建李公遺愛祠得旨諭行且諭口期民直  
道之公也又硃書使者奏牘中曰良吏阮文達公爲君傳遂  
以良吏署其端云



（The main body of the page contains several columns of extremely faint, illegible text, likely bleed-through from the reverse side of the leaf. The text is arranged in vertical columns, typical of traditional Chinese book layout. The rightmost column of text is partially obscured by the page header.)



國朝先正事略卷之五十四

循良

平江李元度次青纂

張蒔塘明府事略

張君名吉安字迎安號蒔塘江蘇吳縣人乾隆六十年舉人大挑以知縣發浙江署象山縣象山踞定海上游海盜田間擾浙必由縣境之南大佛山而入沿海居民多以米及淡水火藥濟盜且爲嚮導君蒞任卽嚴水米出洋之禁盜漸窮蹙不敢犯象山旋署新坡邑去水遠倉設行省民以新色輸官官購米兌軍多浮取君平其折價民力以紓庚申署永康夏蚊水猝發山石大如屋隨流下平地水深丈許田廬蕩然君速往勘搭棚廠俾



資棲止其被水阻隔不能出者以舟載餅粥遍飼之具狀請賑。同官以徧災向不查辦爲言君不顧上游果扼之災黎大謹幾。激變君力爭於大府得給賑及修補費且展賑如例是年處州。旱麗水尤甚以君能卹民也命之往下車易禱雨立至轉歉爲。豐麗水多山地險而道遠念赴想者多廢時失事就山寺讖結。之民旣得直又不苦期會癸亥春奉急檄至行省命署浦江縣。浦江疊被水不逞之徒知眾搶富民代墓樹鄰邑多煽動君白。大府曰聚眾肆掠非法無以止奸民眾聚以饑非米無以安民。民良民安則奸民氣散請運兵米所餘往散給許之民知君已。請米勢漸解擒治酋惡諭如律歲獲有秋是年冬補餘姚甲子。



春兩傷禾。米價騰涌。君既請糴倉穀。又請於臺使者官運川米。五千石。民食以足。明年復被水。鄰邑煮賑者。廠專設。毀城擁擠。傷亡日數輩。君分鄉設廠。別男女官帑。外勸富民。協濟。汔撒。廠無枉死者。邑多名國。次第修復。之以工作代賑。尋乞養歸。道光已丑正月卒。祀永康名宦。並釀建專祀。麗水民祀之。遺愛祠。餘姚民奉粟主於洞霄宮之一菴。卽君所修建。以祀蘇文忠公者。也。君素優於學。尤嗜坡公詩。歿而配食。論者以爲宜。







史倬雲刺史事略

史君諱紹登字倬雲江蘇溧陽人祖貽直官大學士諡文靖父  
奕瓌山西按察使君以順天鄉試挑膺錄敘布政司經歷發雲  
南乾隆六十年署文山縣事雲南鹽歸官辦苛刑捫配民不堪  
命君涖任卽弛其禁釋獄中逋課者數百人閱三載配鹽之五  
十七州縣一日同變乃改商辦以寬民依文出式也未幾苗匪  
起貴州距文山尙數郡君策其必至念鎮兵不可恃乃集吏卒  
健者得三百人親教以打鑢期三十步外取人能命中教甫成  
黔匪竄鄰境之邱北又潛結文山各寨獍獠約分途起君謂不  
救邱北則文山獍獠必不靖遂親帥三百人往人授刀一握鐵



鑣三十枚。既至。當者輒仆。收復卡汎。以十數。廓清邱北。而雲貴總督勤保。勦苗失利。被圍於貴州之黃草坪。月餘。雲南巡撫江蘭。檄君往援。君帥壯勇馳至。賊圍十數重。內外不相聞。君迎陣以鑣擊之。皆靡。賊死如積。一日遂奔潰。君念圍雖解。而賊衆固數萬。若入城。慰謁總督。賊去且遠。爲後患甚鉅。遂追奔三四百里。仗七接殲。賊過半。乃返黃草坪。先是圍解後三日。黔鎮以兵至。總督德之甚。比君上謁。總督曰。若文官亦遠來看我耶。君陳解圍狀。總督怒曰。圍果若解。何不入城。一見我君。曰。入謁則賊不可盡。請遣官至城外。及七次接仗。處驗賊尸。係鑣傷者。文山民壯所奮擊也。若刃傷。請伏冒功法。總督初欲重劾君。覆勘得。



實乃已而巡撫聞君與總督辨大懼遂飭君自備經費不入軍  
需報銷以是虧帑至二萬尋兼署蒙自縣距文山三百里交趾  
賊目儂福連句粵匪賀成猿等萬餘竄入文山境君匹馬馳一  
晝夜入文山城領民壯出勦生擒首從二百人硃卡悉復總督  
奏擢雲州知州仍畱署文山事默酬解圍功也嘉慶三年文山  
大水君發倉粟救民不待報明年初彭齡來爲巡撫性好察開  
化故有總兵官當蒙自變時土人榜通衢曰總兵守城知縣打  
仗總兵銜之初公詢總兵曰聞史令不要錢果否總兵曰小錢  
却不要初公遂以虧帑劾君士民聞之利章臚君文武政績題  
曰天理良心設匾邑廟醵金至三萬初公聞之甚悔以旣完虧



奏畱任仍餘七千金率督珥指銀之屬無可返乃立案貯庫爲公項後任欲乾沒之士民請於上臺建開陽書院焉七年署維西通判廳民恆乍紉爲亂巢險固不可攻君廉得巢後巖壁斗絕阻大溪水急如箭君以篋爲大組募善泅者繫長繩於腰繩尾續大組既渡溪引組繫巖樹對岸急引如竿橋組套篋圍圈下繫小板可坐君先上板以手攀組猱接登巖頂壯士三百從之出賊不意大驚亂擒賊淨盡事平拜花翎之賜九年卒官年五十君能乘生馬手未攀鞍身已上每宴客輒以鑣賭酒下堂坐使善鑣者環擊之鑣皆入君掌莫能傷常以至少擊至眾每戰未嘗敗衄身無傷痕所教三百人亦無陣亡者自川楚軍




與滿漢文武因將至尉所瞻顯爵者以數十百計迹其功能  
遠出君下以浮沈下吏故知者少云



國朝文獻卷之三

卷之三

三





蓋碧軒太守事略

蓋君諱方泌字季源亦字碧軒山東蒲臺人以拔貢州判陝西嘉慶三年署商州州同治在商州東百里曰龍駒寨寨之東抵河南南之武關爲湖北路四通綰商賈輸寫之會又多林莽山徑易憑匿時川楚教匪亂賊屢由武關入陝西寨君至地如洗賊酋張漢潮復擁眾至乃置藥麪中誘賊劫食多死遂西走官軍乘之漢潮由是不振且揚言必報若君集眾謀曰賊雖去必復東若等逃亦死守不得耕種亦坐餓死我文官也無兵若能爲吾兵當全活爾命眾議三日而後復曰生死惟命乃築堡聚糧據見戶三丁抽一得人三千無丁者以財佐軍餉親教之



戰辰集午散曰無廢農事四年賊屯山陽鎮安將東走河南迎擊敗之又擊賊於鐵峪埔逐賊入林中矛折賊已近君奪矛以斃賊時賊據山上而伏其半於溝乃分兵翦伏奪據其東山上數乘懈擊之殺傷過當賊宵遁卒不得東後賊由雒南東逸君馳至分水嶺開道出賊前而伏賊錯愕迎戰遂敗殺賊數百人鄉兵名由是大振自武關至竹林關鄉兵皆請隸龍駒寨五年知州困於賊君馳百死十里援之賊驚曰龍駒寨鄉兵至矣則皆遁是時賊屯商州西乃雒南山陽各萬餘人欲東走君勤鄉兵二萬人列三大營以待賊不敢前已聞楊忠武公以兵自商州至即前擊賊東西夾攻賊大敗幾殲是役枕戈而寢者五十



曰游擊某。誣以事解職。大吏直其謬。得留任。賊遂相戒。無入商州。八年賊平。授盩厔知縣。君在商州六年。賊出入陝西。久無所得。銳欲窺河南。狼奔豕突。君眇然以一文吏。不憑一城。藉一餉。起千百農家子。於逃亡餓羸之餘。抗堅悍滑習之賊。於必爭之衝。摧鋒守堅。賊死突不能入。平地牢困山谷。卒以就殲。厥功偉矣。在盩厔。猶時時入山搜賊。巡撫力勤。襄公奏賞藍翎。又生獲甯陝倡亂者四十餘人。擢甯陝同知。

仁宗召見。問商州事甚悉。授順慶知府。改成都府。十八年。訪都有賊人川。以鄉勇屯川陝要隘。賊知爲統龍駒寨鄉兵者也。卽遁歸陝。就滅母憂。歸服除。授延平知府。改臺灣府。兩攝臺灣道。



事道光二年以病歸。君始在陝，繼在川，皆以知兵重。然精吏事，重民命。其在盤屋，賊甫定，卽捐俸賑饑，旌死節婦及河灘馬廠鹽法，皆區畫久遠計。始至順慶，大吏聞渠縣民叛，屬以兵。君曰：「此作會人，眾客主相驚疑，訛言橫興，非叛也。」請無用兵，捕十二人而變息。始至閩，以三十金賞捕得周永和，乃總督命鎮將欲以兵取者也。在臺灣，所讞四獄，皆千百聚羣，稍激則變。君一以理諭，民輸其誠，被罪如法。彰義饑，捕劫者七十人，寘之法。天乃雨，民呼爲太守雨。君卒於道光十八年，年七十有一。



劉簾舫觀察事略

劉君衡字簾舫江西南豐人嘉慶五年副榜補官學教習十八年以知縣發廣東尋補四會縣憂歸道光三年授四川墊江縣調梁山及巴縣七年遷綿州直隸州明年擢保甯府調成都十年擢開歸陳許道十一年以疾乞休楊撫軍國楨上其治行且曰臣蜀人能言其治蜀狀請優之以風有位特旨予假兩月卒不痊遂歸君自少究心吏治喜讀律爲牧令不設門丁日坐堂皇決獄至數十慮蠹胥之壅蔽也懸鉦於堂以待愬者君聞鉦聲立出剖斷民呼劉青天嘗曰牧令親民官也官狙於安肆不自親其民致丁役痞隔以售好官與民乃曰遠欲矯其弊惟



官須自做四字耳。乃設長案於堂皇之東西。案各分數格。大書吏戶禮兵刑工等曹字樣。又設粉版如其數。各書曰某房送進。其在西案者曰發某房。有公牘命吏自送於案格。壓以版。旁設小磬。吏擊之立收。入核治其發出者。亦各置案格中。役呼某吏至捧而出。不經閹人手。積弊一清。出勘命獄。僉從吏役止六人。寘飯行橐中。淪以水自啖之。絲粟不擾民。訟者至立給以牒。命交某里正轉攝。所訟之人限日至。至則鳴鉦一訊。卽決。非重獄不遣役勾攝。懼擾也。每決事必親書判語。令兩造各讀一過。不識字者使吏朗誦之。皆翕服以去。凡訟牒不輕準理。準則必訊訊必決。以和息請者不許。所判或誤立卽更正。不怙前任牧令。



十餘年無一獄上訴。亦無翻異者。獄情既得左證。雖未具輒予決遣。省株累。始至巴縣。前令未決者千餘獄。以移君。及君去任。惟一舉子請咨試禮部。咨未卽至。以告受代者。此外無一事也。巴役七千人。君至無所得食。退散者六千八百有奇。存者百餘人耳。在官食指數百。日用不過六百錢。苟逾額必節縮。數日之食以補之。視百姓如家人。視百姓事如已事。獄辭無大小皆手治之。爲書勸僚屬。尤懇摯。動人嘗言圖治在恤民貧。恤貧在保富。保富在除弊。除弊在於禁棍役誣擾。受懇時先訊。始訟者窮其辭。則誣罔杜矣。每始蒞任。訟者月數百人。久之不過數人。或月餘無訟。牒鄰邑民爭來就質。辭不獲已。受其訴。有爭執數十



年不決一訊卽罷訟。始獨爲其難繼。實大簡易也。著有庸吏  
庸言。讀律心得。庸吏餘談。蜀僚問答。諸書足爲天下後世法。予  
良勳田編修官至監運使。



李皋言明府事略

李君毓昌字皋言山東卽墨人嘉慶十三年進士發江南以知縣用總督鐵保使勘核山陽縣賑事君親行鄉曲旬稽月口廉得山陽令王仲漢浮開卽戶冒賑狀具清冊將揭知府山陽令患之賂以重金不爲動則謀竊其冊使僕包祥與君僕李祥顧祥馬連升謀不可得復於山陽令曰是無可奈何旣惟死之耳君飲於山陽令廨夜歸而渴李祥以藥置湯中進君旣寢苦腹痛起包祥急從後特其頸君張目眈之曰若何爲李祥曰吾等不能事君矣馬連升解已所繫帶縊之嘉慶十四年六月七日也山陽令以自縊牒淮安守王穀穀遣役驗之還報曰尸口有



血也。穀怒杖驗者，遂以自縊狀上。其族叔李太清與沈某來迎，喪沈某，檢視其書籍有殘，橐半紙曰：「山陽冒賑以利，咎毓昌毓昌不敢受，恐上負。」天子蓋復總督書橐，諸僕毀而未盡者也。喪歸，君婦感異夢，啟棺面如生。沈某以銀鍼鍼之，鍼黑太清遂走京師，訴於都察院。



上命逮王穀、王伸、漢暨眾僕來刑部會訊。命山東按察使朱錫爵驗君尸，骨盡黑，蓋受毒未至死，先以縊死也。

天子震怒，斬包祥。寘顧祥馬連升極刑，押李祥至君墓所剖心祭穀，伸、漢各伏法。總督已下皆貶謫，有差贈君知府銜，封其墓。仁宗自爲愍忠詩三十韻，命勒其墓上。君卒年三十餘，無子。



詔爲立後嗣子希佐。賞舉人太清亦。賞武舉君柩之歸也。縣吏荆某少習君。暮出門見與馬僂從甚盛。有偉丈夫坐輿中。則君也。下而與執手甚歡。某諱曰。聞君死久矣。今胡爲者。君曰。吾死而爲城隍神於棲霞。某月日。吾家當開棺。則得吾死狀矣。君爲吏良苦。盍從我行。遂不見。某趨至君家。君婦方痛哭。乃決計開棺。後數日。荆某卒。







彭南峯戶部學略

彭君永思字位存號兩峯湖南長沙人嘉慶十四年進士以知縣卽用發雲南署嵩明州事。蒞任三月結宿案八百有奇有疑獄閱十餘年者一讞輒定尋補楚雅縣精於治獄狀入立判紙尾并判以某日訊非左證不具不以役喚也一訊必與決曰鄉民曠工廢業稍稽延其害與讞獄等凡攀輿納狀卽日訊者亦立致研詰或令夾輿行且行且問且斷案結而人不知出必以筆研隨每就田隴閒決事始至投訟牒者麇集其後月不過三四紙矣界哨民爭差役不均數十年無定讞兵備道過境至閱而環其驛館得君判遂著爲例每聽訟必霽色和顏使各畢其



說徐出一言。所之皆折服。鞫重囚。輒屏左右。抵聲細詰。使囚忘其爲官。雖數日。不承。不加刑。然卒莫能遁也。尤善治盜。儔窟穴。皆知之。所勘問。雖黠盜。莫敢枝梧。退或爲謾語曰。翁幾曾作賊來。某官解餉至省。會破鞘。得一石。失銀二百兩。適君至。繫羸卒屬治之。君察石有蟲窩。非道塗物。可無向卒求也。因以手量石間曰。石輕於銀兩。羸負銀左右。輕重必均。幾日曾歆否。卒悟曰。某日出某店。卽歆。君曰。吾歸途常察之。歸載石輿。中途遇石相類者。輒取之。計已十數矣。皆不甚類。至某店。從屋後得石。絕類。乃暗置袖中。縱羸夫歸。呼店主及某官從者曰。今日但看我審石。取十數石。令白比較。皆曰。不類。徐出袖中石示之曰。類乎。



則曰。類君笑曰。此石何以出爾屋後也。乃頓服。蓋店主與某官從者實同盜銀。其精審多類。此遇事擔當有氣力。遇不睦必力爭。總督嘗有批劄。君面誦其誤。請繳還。在高明巡撫同興公過境。儼從苛索甚厲。君用好言慰反。肆詈君。持鎖入。必欲得而笞之。同公爲起謝。迤西道行部至驛。家奴橫恣。竟繫之於柱。某巡道子過縣。索夫馬。君曰。例不應與其子。猶張甚。君白太守包君曰。來曰。此子不出城。必鎖其奴。痛與杖。尋遁去。永昌守輿夫歐大理諸生某於境。君請飭赴質夫。故守鄉人。祖之不使出。翼晨令肩其寵婢前行。君馳馬追及城外。叱役縛夫。別飭卒昇輿。大守亦無如何。凡大府涉境。必相戒無擾。彭知縣五侯神者不知。



所起淫祀也。邑民與豫章商爭祀鬪訟數十年。君令兩造具神像至。取筆判神背曰：爾像不滅，訟端不絕。立毀之。兩造相顧愕眙而散。楚雄城外某寺停棺百餘。久暴露。君督役往瘞。一日而盡。時久旱雨忽大至。大挑令某報稱：烏龍曰：奸民嘯聚數千，將爲亂。太守包君夜召君問計。君察啟詞涉張皇，請乘其始聚，選幹役僞與賊親者，以虛言囑喝散其黨。密白副將某率兵疾馳日行百八十里入洞掩捕之，獲七十人。君承鞠誅一人，徒三人而已。初，君權大挑篆，旣受代，邑有逆案。君聞之，驚曰：必某村某姓也。已而果然。同官訝之。君曰：曾至鄉見某狀兒，很呼至誠之，暗無忤容，以其無惡跡也，姑置之。然未嘗忘也。君任楚雄五年。



凡三權大姚四權廣通兩權南安州知醫遇獄囚及貧民病輒親診之多所全活大計舉卓異君厭外吏入貲爲戶部員外郎勤其職道光三年父憂歸遂不復出卒年七十有四子叩甫孫樹森皆舉於鄉



國朝先正集

卷五十四

古



俞陶泉都轉事略

俞君德淵字陶泉甘肅平羅人嘉慶二十二年進士由席吉士改江蘇荆溪知縣有聲林公則徐賀公長齡咸器之調長洲縣甚得民心遷徐州府同知道光八年海運告竣巡撫陶公澍奏擢常州府調江甯當是時兩淮鹽法大壞十年冬

宣宗命尙書王公鼎侍郎寶興公赴江南與總督議改鹽法先是陶公撫蘇時稔知兩淮積弊嘗極論之上頗有意興革乃召還總督蔣公而以陶公代時使臣議罷官商鹽歸場竈科稅以君有心計使與議君具議數千言大指謂鹽歸場竈其法有三一日歸竈丁以按鋤起科然其中難行者



有三。一在竈丁之逋欠。一在鑛鑛之私煎。一在災祲之藉口。二曰歸官場以給單收稅。然難行者亦有三。一在額數之難定。一在稽察之難周。一在官吏之難恃。三曰歸場商以認鑛納課。然難行者亦有三。一在疲商之鑽充。一在殷戶之規避。一在坦外之私售。以上三法。共有九難。如就三者兼權之。則招商認鑛一條。猶爲彼善於此。苟得其人。或可講求盡善。顧事難圖始。果欲行之。則宜先定章程。清竈僉商改官易制。諸事非行之三年。不能就緒。此三年中。額課未可常懸也。場鹽未可停售也。各岸食鹽未可久缺也。然則新舊接替之時。非熟思審處。何能變通。以盡利乎。至兩淮捆鹽之夫。淮北則永豐何有萬餘人。淮南則老



虎涇不下數萬人。皆無賴遊民。百餘年來。以此爲世業。一旦失所。此數萬眾將安往乎。其患又不止私梟拒捕已也。議上陶公深然之。乃與王寶二公定計。不歸場竈。仍用官商如故。惟奏罷鹽政。裁浮費。減高價。凡積弊皆除之。陶公舉君超授兩淮鹽運使。在任五年。正課無缺。運費遂充。揚州俗華。移君力崇儉樸。妻子常衣布素。風浴一變。郡中至無優劇。既精會計。又知人善任。使諸蒲岸商憚徒運。輒遣官代之。每運恒有贏和。盡以充庫。無私取。官中所入。雖少。必別貯之。曰此官銀也。官錢也。吾不敢以私遇朋友急難。則傾囊飲之。有大僚某罷歸。逋官錢。屬君償之。或曰。是其家不貧。毋庸也。君曰。旣許之矣。可食言乎。卒償之。同




官某時謁省爲黃緣君偶與藩使者言及異日大悔之曰庸知其必以是來乎吾媿此友矣君居官恪謹吏白事不衣冠不見盛暑讞獄坐堂呈汗浹竟曰常有所推鞫瘡忽作舉體震掉事未竟不休也始至荆溪遮訴者數十輩逾年前訴者又易名來控君一見卽識之羣驚爲神兩淮本脂膏地吏多以財結權貴人及四方遊客又以其餘瞻寒畯取聲譽皆商資也君謹守筦鑰失望者多絕不爲避怨計受陶公知遇而持法無可阿當塗黃左田尙書家居有子中民以場大使需次淮上陶公屬與優差君曰優差以待有功中民無功不可得陶公曰君已許之矣君曰以德淵辭可也堅不予陶公益賢之林公於時彥少所推



許獨稱君曰體周兼賅表裏如一十五年冬陶公入覲薦公大可用

上亦嘉之將晉用而君卒荆溪長洲江甯士民間之皆流涕請祀各屬名宦祠







石瑤辰郡丞事略

君諱家紹字瑤辰一字民傭姓石氏山西翼城人以拔貢教諭壺關實心課士學使者稱爲真教官道光二年成進士知江西龍南縣調上饒再調南昌歷署大庾新城新建擢銅鼓營同知署饒州贛州二府事己亥五月卒於贛州官舍年四十有八君和夷坦白口呐呐若不能辭而以情度物折獄常得其真在龍南發奸嫡伏有神明稱在南昌連年水患饑民聞省會散賑聚附郭之沙井上官委君及新建令辦賑務始散米令饑民自爨已而來者蝟集瀕河地幾莫能容旦人黑慮滋事於是改散錢令得錢各返鄉里候截留漕米濟各鄉閱兩旬饑民數萬漸散





去而水患愈棘。君請於上官。開倉平糶。其力不任。糶者復分。厰煮粥以賑之。主者循例備三千人食。而就食者五萬。扶老攜幼。攘臂喧爭。洶洶不可止。大吏不知所爲。或曰急檄石令及君。至往諭曰。食少人多。此嗟不能辦。汝等其速散。詰朝來。斷不使有一饑民無粥噉也。則皆曰。石多多不欺人。我輩無多事。遂散去。多多者。江西民呼父也。君所泣皆得民心。無識與不識皆以爹呼之云。先是惶遽時。大府遣官開諭者數矣。然皆若罔聞。及君至。片言解其素行。足以感人也。然君自視常欲然。有頌其政蹟者。君曰。僕綰符十二載。自問無一事。盡心可對土民者。慚憾而已。遑知其他。首縣鼓煩劇。君治之裕如。理訟必細心。勘鞠至夜。



分不輟性好聚書藏至七萬卷有暇卽手一編事母孝視聽無  
形聲事上官以敬然是非可否惟義是視不苟爲嬖嬰嘗自記  
曰吏而良民父母也其不良則民賊也父母吾不能民賊也則  
吾不敢吾其爲民傭者乎因自號曰民傭嗚呼父母之保抱甘  
子蓋曰爲傭而不自知也是則君所以自處者矣旣卒官五縣  
人皆請祀名宦南昌民尤德君醴金建專祠於百花洲恆沙寺  
之右久而奉嘗不衰







張翰風明府事略

君諱琦字翰風號宛邨江蘇陽湖人道光三年以舉人發山東  
權鄒平縣事山東吏同錢漕耗羨爲生歲祲則無所入而供億  
不能減故相率諱災。是歲鄒平旱君以臘底視事見田皆龜坼  
麥未種卽具牒報災。以秋冬無雨不能種麥告明年正月四日  
親赴行省呈牒布政使面言狀時布政使爲朱公桂楨言於巡  
撫破城例入奏因鄒平得緩征者十六州縣未幾調署章邱縣  
章邱民好訟月收訟牒至二千餘紙院司道府五署吏皆章邱  
人多走書請託掎摭。長無虛日君蒞任歲餘五署內無一紙  
至而結正新舊事二。有奇亦無一案翻異控及會垣五署者。



民失物誤訟於長山。歸嶽於君。君曰：汝失物地，大樹北。擲大樹南也。曰：大樹北。君曰：若，是則我界也。民愕然曰：誠鄒平耶？即不欲以數匹布煩父。母官持牒竟去。忽鄒平民亦來赴愬。君謝遣之，則號咷曰：自父母去，鄒平受屈者多矣。民知父母不能越境理事也，私念此情，得白諸父母前，即不啻伸雪耳。聞者皆爲泣下。已而民以瑞穀接踵來獻，有至四穗五穗者。君曰：去秋今春大旱，無禾麥，陽氣伏抑，得暑雨潤發，地力足，故生長倍常耳。皆謝遣之。然他邑同被旱者，卒不聞有此也。乙酉，補館陶。會天旱風霾，三日夜對面不見物，沙塵壓麥苗皆死。飢民聚掠之案已積十餘起。君虔禱龍王廟，得大雨，乃嚴捕倡掠者，又勘得富



民閉糴。居奇狀。分別按治。民大服。因請普賞口糧。人兩月。館陶故徧小君所造。應賑戶口冊。視鄰近大邑數。且倍。大吏呵之。忽奉詔責問。歲饑狀甚切。乃按臨災區。災民迎訴。賑弊無不至。惟館陶得實。始劾罷。尤玩視者數人。而厚慰君。旣而鄰邑蝗起。蔽天日。毘連館陶處。若或界之。無一跂闌入者。先是君在章邱。蝗自東府來。及界退。館陶人聞之。而未信也。至是皆詫爲異事。及秋大雨雹。積尺許。皆在不耕之地。君治館陶七載。歲屢豐。無牙角耗。閭閻殷富。成都會焉。士有訟者。閱其詞。不直。則曰。課汝文不至。訟乃至耶。試責以文。不中程。後乃決事。士訟遂稀。其仁術兼濟。類如此。縣向無良醫。民多天枉。見病者。君卽診之。然終



以入署爲艱。乃設惠民局。命族子賜司其事。貧者並給藥。疑難甚。則以質君全活。亡算。癸巳三月十二日卒。官年七十。是日昧爽。南關居民見鼓吹幢蓋。導君行於彩雲中。爭傳君爲館陶城隍神。公爲政。以近民爲主。用法恕而執之堅。其理訟也不待兩造畢集。卽決遣之。以其辭質。後至者莫或狡飾不承也。遇大疑獄。亦不過再訊。故事日簡。而民不擾。御胥役至嚴。驛騷小民者。論如法。然籌其生計。必均。必一無怨者。每去。官餞送者逾萬。及卒。賴賻贈以歸其喪。君少工詩古文。及分隸。與兄編修惠言齊名。稱毗陵二張。尤精輿地之學。於山川阨塞形勝。及古今沿革。戰守成敗得失之故。上下數千年。如指掌。著戰國策釋地二卷。



素問釋義十二卷古詩錄十二卷文集若干卷子曜孫舉人官  
漢黃德道



國朝外史事略

卷五十四



白秋齋協戎事略

君姓白氏諱雲上字秋齋河南河內人乾隆庚午武舉明年成進士由侍衛任江南都司尹文端公爲總督奉旨裁汰江甯京口駐防文端以旗人藉錢糧爲生稍不公輒起物議召君至密室諭曰江甯吾自爲之京口事以委若君取進止文端曰年六十五以上十五以下者汰之母弊混君出三日復進見文端曰若尙未行耶對曰某已畢事敬繳令問裁汰幾何君呈冊籍曰皆不當汰文端曰豈無一人在六十五以上十五以下者耶君跪曰十有其四某皆增損其年齒以稱中堂意是以得不汰文端怒君曰請得畢其詞我朝幅員萬里歲賦所入豈不能



贍此數旗人耶。旗人不注四民籍。汰之則強者爲盜賊。老弱丐徙而已。京口當衝途。外藩貢使皆假道。旗婦章服殊。民人沿街乞丐。恐有傷國體。爲外夷所笑。文端手扶君起。指其座曰。此席當屬君矣。遂上疏切論。罷其議。君擢揚州游擊。有通州好人告海外沙民謀逆。狀文端檄君先率所部往。君具文乞病假。五日。文端莫喻其意。親帥兵抵六閘。君急上謁。文端曰。故未病耶。對曰。某何病。某度沙民必無他以兵行。必驚擾故。單騎往察。仇怨所自起。召其父老。諭令指親串之任。內地者傳集訊驗。取結狀三百紙。並帶曉事數十人。馳迎中堂耳。文端握君手曰。吾固知君能了此事也。卽集眾諭遣之。置告者於法。山防揚糧兩河。



廳故事皆派柴戶輸工料歲賠累以萬計。君白文端裁革。徐淮揚三府民料積因以紓。天大旱向例武職不禱雨。君素服至龍王廟長跪階石上。凡三晝夜。既大雨而階石遂有兩膝。暈民以爲至誠能穿金石也。累遷漕標中軍副將。引疾去。官僑寓揚州。卒。揚民請入名宦祠。既得。旨。男婦爭進香楮。迎主者至萬餘人。爲傳誌歌頌者不下數百首。君工詩。善草書。在官緝捕救災愛民戢士。美政不可殫述。嘗曰。官樂則民苦。官苦則民樂。以吾一人之苦。易數十萬人之樂。吾獨不樂乎。陳文恭公督兩江時尤重君手書。敦勉諄諄若師弟子。然其尤重於名賢若此子守廉庚戌進士官知縣有廉直聲。



國朝先正事畧

卷五十四

三



國朝先正事畧卷五十五 孝義

平江李元度次青纂

趙孝子事畧 閔孝子

趙孝子希乾字仲易江西南豐人父師高常從豐城李見羅先生遊著有浩然集九邊屯田議等書早卒孝子依大母母以生年十七母抱病月餘日夜禱神祈身代不愈往問吉凶於日者答言無生理往十於市占者復言不吉孝子踟躕不去曰何以救吾母占者惡其類數胸孝子而嘻曰危矣剖心其可救乎聞者皆怪之孝子心識曰者言歸見母病益危篤作疏告神書遺言付仲父及弟封識之時日光斜射牀席寂無一人孝子取笥



中薙髮小刀坐牀上剖胸深寸許以手入取其心不可得忽風聲震颯衝其戶孝子驚疑以爲有人至四顧周章急反刀剗其胸肉置几上復取腸出斷數寸蓋人驚則心上忡腸盤旋滿胸腹云孝子置腸肉釜上悶絕於牀弟妹出見釜上物以謂孝子割股也烹而進之母再視孝子血淋漓胸腹閒氣垂絕始知其剖心城邑喧傳聞於令令親往視之命醫調治母子病不數日母病愈孝子亦漸進食飲唯胸前腸出不得納每日子午閒腸端漚濡濡下月餘胸肉合終身矢從胸上出而設道遂開飲食男女如常人明學使者候忠節公峒曾聞其事拔充博士弟子員尋選補壬午恩貢甲申後奉母避亂山中貧甚賣十以爲養



又十餘年母壽八十餘乃卒孝子高準大耳頤而長天性渾樸  
容或求觀其胸下腸解衣示之兩乳正中間腸突出寸許色鮮  
紅如血以帶繫竹筩懸於項及臂承其糞日必洗且換至再三  
蓋三十餘年矣母終未十年孝子亦卒年之十有一同時浙西  
有閔孝子者事與此類

閔孝子佚其名湖州之南乃人性粗慥力耕未嘗讀書而事父  
孝父爲老諸生年七十二病且革戚里咸勸治後事孝子不聽  
一日父病霍然起又數日受杖履矣人莫測所由旬日孝子呻  
吟狀第閒狀甚苦妻數叩之不答晨起見其捫心難堪狀疑之  
伺其寐發所捫處見創則大驚孝子不能諱曰常聞人言親病



不可救者得子心片許雜飭粥噉之可治也予不忍父病不救  
禱於神引刀刺胸出心割片許適夜半父呼飲納湯中以進不  
意父果霍然當刺胸時不甚楚割畢創卽歛如未刺時今始不  
能忍然祕之勿以戚吾父也妻大驚白之醫醫曰嘻顧安所得  
藥妻泣請不已妄出藥塗之去言必死詰朝藥忽迸落創痕已  
失所在矣事聞於

朝康熙甲辰被旌詔下之日惟其父拱立閭左郡邑大夫  
讓孝子出則已先二日遁去



黃孝子事親  
顧廷珩 劉龍光

黃孝子名向堅字端木江蘇吳縣人父孔昭舉明崇禎癸酉鄉試官雲南大姚令鼎革後阻兵不得歸孝子子身往尋之以家事付其妻曰此行不見父母決不歸也族黨皆阻之不顧既出門遇客之舊往滇者詢之告以道里之遠山川之阻戈鋌之擾狼虎之暴與盜賊剽掠獐獐番鬼之險惡復阻之卒奮然往一蓋一笠披雪丁帖越關數百重將及滇滇人訝其形容衣服不類欲加刃時兵戈未靖疑爲間諜也告以實痛哭如嬰兒眾乃釋之至白鹽井遇父母及從弟向嚴俱無恙喜極哭失聲蠻獠皆爲感動踰一年得歸歸時途中與弟親扶籃輦怡怡如也始



順治八年十二月訖十年六月往返二萬六千餘里吳人作樂府以傳其事而吳江潘檢討來至投刺自稱弟子同時孝子又得二人焉曰顧廷琦曰劉龍光

顧孝子廷琦字珮堅長洲諸生也父繩詒崇禎庚午舉人知蜀之仁壽縣張獻忠破成都不屈死天下既定孝子步入蜀顰面赤蹠前後歷四寒暑始得扶櫬歸中間川水暴漲幾死絕粒數日幾死遇盜劫幾死臨窆崖絕巘墜深淵幾死而卒不死不死面卒扶櫬以歸天相之也方孝子之成都時山川猶存城郭易位無有知瘞薶處者呼號路側誓不欲生由遵義民訪之殷繼周黃珪由繼周珪訪之文運由文運訪之曾大禮始得諸龍腦



摘側廬墓數月往返六萬四千餘里抵里門髻髮白矣事詳孝子自撰入蜀紀

劉孝子龍光者字夢蕭亦長洲諸生父廷諤官明益王府長史國初道梗孝子始以省試歸兵後不知父母存沒日夕涕泣家故貧徒步往建昌時益府舊人無在者禱於張令公之神夢申若有告以石際者然不知所謂久之遇一女僧云石際爲閩粵交界處今官道阻兵由間道往七日可達孝子乃冒死穿藤峽一綫天踰曰石嶺高萬仞蟻旋而上血漬雙足過山麓得微徑俯視山下有村村中板屋三楹流泉泱泱鳴石上孝子心動謂得母卽石際乎叫其戶則母管孺人出焉喜極而哭問父所在



先二年卒矣。又大哭問殯何地。則在板屋中。又哭。村民聞哭。皆來觀。曰。吾鄉舊名見娘村。宋孝子王龍山見母處也。今遇子。又一孝子矣。乃涕泣奉母扶柩歸。孝養十餘年。母沒。以哭母得心疾。終其身。



錢孝子事親 劉獻煜 劉德瀛

錢孝子名美。燕浙之紹興人。父士驥。明季由舉人授雲南陽宗知縣。有三子。孝子其季也。八歲時。庶母與仲兄之官。孝子及伯兄待母。畱故鄉。未幾。明亡。滇南道梗。伯兄亦卒。順治戊戌。滇方內附。孝子欲往尋親。母弗許。康熙癸卯秋。復請母曰。空囊能行。萬里乎。孝子曰。此不可。意料絕處逢生。未可知也。遂行。出江西。抵廣東。病幾殆。畱六閱月。至南甯。瘴氣方惡。畱餘月。至廣南。又病。藉力疾行。山徑十步九頓。抵蒙自。宿土城旅店。竟夕不寐。悲吟聲達戶外。有滇人楊姓者。問之。告以故。楊曰。是故錢守兒耶。守以老。最擢知嵩明州。乙未五月卒。官葬通海縣之南山。在滇。



復舉兩子兵燹後君家兄弟僅僕不知散失何所矣孝子聞言五內崩裂至通海問南山無知者痛哭於路左觀者訝之爭問故有老人曰我爲闕氏兄應乾錢公乙酉所取士也有童姓者君家舊僕盍詢之至則僕適他往其婦滇人也詰問再三愕然曰此豈浙來小主耶有頃僕歸不復識詳告之乃相持哭叩其始末一如楊姓言尋謁墓南山仲兄至亦不相識矣詰旦探庶母幼弟忌敝廬困甚時甲辰十一月五日也謀歸父喪無貲寄跡僧寮復流寓嵩明自乙巳至戊申展轉丐貸乃藉張臬使之力得偕仲兄負骨歸兩弟及庶母留滇是年九月十五日抵家蓋往近六年矣好事者演傳奇曰尋親記觀者皆爲泣下



同時有劉孝子者。名獻煜。字曰凝。陝西華陰人也。父濯翼。崇禎  
閒。司訓武昌。借其妻及幼子以往。而孝子留家。視墳墓。流賊擾  
楚。豫閒道絕。失音。耗十餘年。順治初。孝子徙步求父母。楚中時  
寇亂垂定。焚火猶數舉。紆迴險隘。出入鋒刃。閒屢濱死。乃達訪  
舊時僕役。流亡都盡。日夜哭泣。遇人輒諏詢。莫有知劉教官者。  
一日。哀號山徑中。一老人聞之。曰。劉教官夫婦死久矣。其子爲  
盜掠去。孝子籲老人導之。至瘞所。發之。見軀焉。朱書紀姓名。鄉  
貫。皆合。猶濯翼所自書也。孝子乃得負其父母。該骨歸。肩肉爲  
枯者數寸。孝子彊直自遂。爲邑諸生。嘗以言語忤學師。置劣行  
法。當除名。提學道周君厥茂集多士。問狀。眾以其事對。田乃喟



然嘆曰是則孝子宜旌矣遂得釋而孝子自是不復應試晚而講樹藝爲小圃讀易其中從容朝夕有忤之者置弗校年八十餘卒

又涿州劉孝子名德瀆國子生父源汴明季官鴻臚寺鳴贊流賊破京師按京朝官及選人籍名索諸薦紳擄掠之號曰追贓或立斃或賂而免或受其賂而又殺之方是時源汴名亦在索中孝子匿源汴他所而身自詣賊曰劉鳴贊卽我是也賊拷責數百孝子默無言久之度父已遠去乃奮起叱咤罵賊賊怒杖殺之而源汴竟行遯沒齒不出蓋身不罹刑辱名不污賊黨一時士大夫類莫能及云



顏孝子事畧

顏孝子伯璟字士瑩山東曲阜人復聖六十六世孫也性孝友補四氏學生員父允紹明季官河間知府敵兵至城孤乏援力不支朝服北向拜闔室自焚死孝子與弟伯玠時家兗州兵亦至城將陷兵民皆竄孝子聽肥不能走伯玠手掖之以行步益窘孝子曰同死無益弟急去猶可活也伯玠不肯釋孝子給弟他顧躍下城伯玠俯視痛哭矢及其身而卒孝子仆他傷左足夜乃甦爲邏卒所得見其修髯偉貌不敢害昇以告其帥孝子見帥不爲屈帥驚異問之則顏子後也遂延之坐留帳前有被掠者偶語曰昨見城中婦女一數輩邏卒驅以走中一婦不肯




行卒反刃擊其臂臂折猶罵不已卒殺之牆下有媼過之指曰此顏氏婦也孝子曰得非吾婦朱氏乎告其帥跡之果然蓋刃傷已四日矣驗其息猶未絕載之還復活帥謂孝子曰而日念而父然兗州破時河間陷已一月矣孝子聞之長號力請於帥護之出軍壘蹣跚走河間時盜賊充斥白刃塞於前積日不能得食每被執輒忼慨與語輒得釋卒達河間哭其父甚哀路人皆哭方其父之自焚也幼子伯詢甫六歲僕呂有年抱之出火負而走道中流矢死伯詢匿民間顧得免孝子既拾父遺骸復訪得其弟與俱還覩文正公元璐河間公座主也至是道經河間爲文以祭曰父忠子孝是吾師矣由是孝子之名聞一時生



平坦易而家法嚴。以肅友愛季弟同居無閒言訓子孫以經義  
鼓琴賦詩自娛恆自言壽止六十一果驗子光猷官編修光敏  
進士官吏部郎中皆有文名性亦孝執親喪躃踊盡哀淚與血  
俱四方觀禮者有顏丁善居喪之目







陳孝子事畧 賀上林 何士閔

陳孝子名嘉謨字我師江蘇興化人邑諸生順治初父宏道爲  
怨家所誣繫府獄獄卒絕其橐餽孝子乞一見父不許知羣小  
計必殺之乃痛哭於城隍神作血書懷之出自沈於河是夜蒼  
頭守舍候孝子不歸忽聞哭聲是外至扣門甚急啟視無人心  
恠之及明兩淮運使白某得一函啟視則嘉謨訟寃血書也運  
使大驚適蒼頭亦來訴求其尸七日出自鈔關河屹立風浪中  
髮皆上指遂出宏道於獄收葬孝子而抵誣告者罪後下餘年  
有賀孝子事

賀孝子上林丹陽人父天綬以事忤令繫獄將殺之孝子年十



八謀脫父不得。聞巡撫將至。涉江溯淮。迎舟大呼。騶從呵之。不  
得前。憤極。遂投河。髮沒數寸。復躍起。大呼巡撫。令急救之。已死。  
檢其衣。得一紙。則白父冤狀也。巡撫按部。且得令。不法狀黜之。  
釋天敘於獄。鄉人爲立賀孝子祠。又何君士閔者。安徽南陵人。  
也有族人滿盜。破其祖母家。以葬親。孝子訟之官。三年不得直。  
會巡撫檄兩縣令會勘。滿健訟。事仍未白。士閔大慟。觸碑腦裂。  
而死。令義之勒滿起棺。治其罪。葬士閔。題曰義士何士閔之墓。



曹孝子事畧

張維德

張振祚

許文

許化禮

曹孝子超。安徽和州諸生。有學行。順治十六年。海寇鄭成功犯江甯。掠及州境。孝子奉親出避。猝遇寇兵。欲戕其父母。孝子號泣請代。寇閔而釋之。家貧。力供甘旨。以養。居喪。負土作墳。家有紫薇一株。父手植也。久枯。孝子每對之。哀慟。忽復發花。時人以爲孝感。康熙四十二年。旌孝子以身代親死事。與張孝子維德致相類。維德。合肥人。明崇禎乙亥。流寇入境。執其父。將見殺。孝子年甫十五歲。延頸就刃。求代父賊。義而釋之。越順治丙申。父卒。哀毀骨立。廬墓側三年。又張孝子振祚。廬江人也。父宏任。攜帑知四川嘉定州。崇禎壬午。流賊逼城。孝子奉父命。領數騎。



突出求援。城尋陷。孝子還見父被害。觸石死。時弟振祺以應試回籍。阻絕無音耗。及順治甲午。聞信奔赴至保甯。阻寇不得前。巡撫李國英拔署梓潼縣。三年。道始通。卽辭官尋母。遇之峩眉縣。年七十餘矣。奉以歸。

和州薛氏二孝子者。兄文弟化。禮陳橋洲農家者。傭也有母老矣。乃傭力以養。而畱一以待母。迭相代傭者。出其一人。潔治茅屋坐母中央。絮絮語。移日日將。吁傭者。荷擔自村外來。白粲一甌酒。一壺市脯。或生肉。用楊栳貫魚輒以至。至則嚮烹跪進。兄若弟跳舞歌謳以侑食。歲以爲常。或天寒凍冽。則負母出曝於戶外。一人前後爲侏儻。斑卽當作能以博母笑。鄰兒大譁。孝



子不屑意。徐徐負母入。逕戶去。久之。母益篤老病。且死。殯葬。皆竭誠信。毀不能出戶。傭主蹤跡至其家。二人則骨立不能起。哭益哀。向鄰人索粥糜羹。活之數日。兄弟竟俱死。時康熙四十二年也。知州事何偉表其閭。又四十四年。學使朱筠。稱其主於何公嗣。且爲之記。



楊文舉字子中號文舉  
江蘇武進人  
嘉靖中進士  
官至  
文舉  
字子中  
號文舉  
江蘇武進人  
嘉靖中進士  
官至

楊文舉字子中號文舉  
江蘇武進人  
嘉靖中進士  
官至



趙孝子事畧

趙孝子名萬全。浙江會稽人。父應麟。爲儒而貧。記教授出遊四方。時孝子甫周晬。應麟出無所遇。久客益困。明亡。天下亂。阻兵不得歸。轉徙他鄉。以沒棄其家二十年矣。孝子幼數從母問父何忘返。今安在。母持之泣。且曰。兒知憶而父甯使父得歸。卒撫爾乎。孝子則大痛。年十九。請於母曰。兒已長。願往尋父。幸必奉父還。眾止之。不可。遂獨行求父。度淮南北。歷齊燕。穿楚豫秦隴。所值雖傭保。負販浮屠術師。流丐之倫。皆潛察無敢忽慮其父之。或遁於是也。周行五六年。日不再食。億甚。柴立如植。鰮然終已。不遇。心疑父已死。遇骷髏之委溝壑者。輒灑血漉之。堅不入。



乃拾去復謳號於至初孝子將出懼已不審父狀則張牘書應  
麟名及鄉里年歲容貌揭於背以行久之抵馬邑馬邑故山西  
邊兵後人烟凋喪孝子旁皇無所告張文義者縣人也聞之太  
息曰嗚呼是豈趙君兒耶亟走視問其籍故會稽誦所書牘曰  
是矣吾幸識而翁翁客遊無所寄食窮歸我嘗爲我授書甚適  
吾哀其旅死也槨而封之高不及馬腹手表之木今且拱孝子  
聞言擗地慟奔之窀所號而什絕復蘇者數乃負骨歸冀少慰  
其母馬邑人爭來聚觀皆泣下少畱之不可旣歸服斬衰躬鑿  
塊築墓時時哀號復託教授供其母極艱且勤母亡得合葬廬  
家上三年康熙己巳孝子卒後四十餘年守土吏土其事於



朝。

詔祠之廟且

賜金俾家石而

旌其門。



1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100



王孝子事畧

王孝子原直隸文安人也父珣當明季

荒役重不能支辭

其妻曰我去則追呼不及門。發婦孤兒庶可安也。遂逃去不復返。時孝子方在抱。稍長從羣兒學。有嘲其無父者。歸問母得其故而悲之。曰我當求父母。曰兒幼不能也。孝子慧甚。及長設酒肆。多作祿屨。諸行色所需物。遇遠客至。則資而厚款之。不受值。問所欲。曰吾父姓某。名某。貌若何。亡出有年矣。倘所寄寓。若道途邂逅者。客幸爲兒迹訪。相告生死不忘。酬也。居久之無得。既娶婦。乃復辭母。覓父去。母泣留曰年遠父存亡不可知。且若父昨耳流落何處。誰知名者。無爲父子相繼作羈鬼。使我無依。



孝子痛哭曰不得父兒不歸也幸有婦侍母母勿以兒爲念遂行足跡半天下日乞食充腹跣步重趼至見骨南北去來積十餘年無倦色一日渡海至田橫島假寐神祠中夢至一寺當午僧炊菰食之味苦以細肉爲湯和之乃甘尋驚寤遇一老父曰孺子德甚何爲者孝子以情懇且語之夢老父曰試爲子占之午者正南位也莎根附子泥肉和之附子膾也求之南方父子其會平孝子喜拜謝遂南踰洛漳向洛汝而行所歷寺皆遍已而至嵎縣之帶山有寺曰夢覺孝子心動曰吾夢豈至是徵耶天雨雪寒甚卧寺門外有僧見之詰知其尋父也憐之導見其師與之食師曰子何貫曰文安曰吾徒舊有文安人者盍出與



敘鄉邦乎及相問姓名卽其父也乃相抱持慟哭父猶未肯卽  
歸曰吾棄家久矣無顏復返孝子牽衣哭不止寺僧皆感動勸  
其父曰若不歸子必死子死妻媳必繼死奈何忍滅一家親也  
於是相將還里門夫妻子母復聚鄉人嗟歎父子並登大壽比  
孫而顯黃科名繁盛迄今稱右族焉



此處為書寫區域，內容模糊不清，可能為古文或草書。



耿孝子事畧 耿極 耿光 耿於彝 耿朝

耿孝子名耀河南太康人邑諸生少從兄光學事之如父凡出入起居必諮稟而後行光嘗與之財孝子曰家有長兄我無用此爲也崇禎壬午李自成陷太康孝子率弟炳肩輿昇母避河朔賣市以供甘旨母病孝子朝出經營暮歸侍疾衣不解帶者累月母沒扶輓渡河將殯於祖塋會鎮卽高樵兵作亂道梗塞孝子從刀山血海中挽車以葬不恤也時定與耿權與弟極以孝友稱炳嘗慕其爲人訂爲兄弟分宅以居且贈田四頃其義譜有云性地成宗心源爲譜孫夏峯徵君聞而義之爲作三耿合傳云光字伯明邑諸生事繼母孝教諸弟嚴棄家業農父應



科好施與七世同居。子姓百餘口。置園八二外。則男子以次。共食內。則婦女以次。共食。額其堂曰效藝。嘗赴省試。拾遺金數百。於旅舍俟其人歸之。嘗言行事當以聖賢爲法。始無悔事立心。當求鬼神可鑒。始無愧心。其刻志勵行如此。子於彝有學行。光卒。木葬。值流賊屠太康。居民逃竄於彝。獨抱父柩號泣不去。賊大至。慌之曰。汝獨不畏死耶。推墜城下。傷腰脅。幾死。越三日。賊退。踉蹌歸家。以土掩柩而後去。時歲大祲。人相食。邑令餽穀四十斛。悉推其餘以賑貧人。督家僮廣種菜。明春菜發。任人刈取。所全活無算。年八十二。無疾而終。耿氏以孝友名。世子姓守其家。法中州稱禮讓者。以耿氏稱首。又有耿孝子輔者。虞城人。邑




諸生早喪父。奉母避亂開封。會流寇決河灌城。輔倚浮木負母渡水逃。獲免。後居母喪哀毀骨立。縞衣粗食終其身。以子惇貴。贈給事中。與於彝並祀鄉賢。
























國朝先正事畧卷五十六 孝義

平江李元度次青纂

班李恂劉星郭培壩

劉孝子事畧 子青藜

劉孝子恩廣河南襄城人。當明季寇亂，父漢臣被執。孝子方十歲，號哭奔赴父，已被害。慟哭收父屍，賊怒，截其耳鼻，不肯去。賊鄰而釋之，負父屍以歸。兄弟同居，終身無閒言。有姊少寡，迎歸撫其二子，給以田產。母歿，哀毀嘔血，遂以卒。寢門外產芝三木，人咸謂純孝所感。云子青藜，康熙丙戌進士，選庶吉士，性敏，好學，博極羣書。十歲遭父喪，哀毀嘔血成疾，後母患疽，目不交睫，衣不解帶者七閱月，淡於仕進，請急家居，不復出。母數促之，終



不忍離膝下。生平清介自守。及母卒。囊無一錢。邑令致賻始克殮。父子並祀鄉賢。

同時王孝子珽。祥符人性純孝。年八歲侍祖父疾。母氏刲股以療。翁孝子十指忽慟甚。趨問母知其故。率飲泣不言。以成母孝。與子符震同舉。康熙甲子鄉試。乙丑成進士。部檄至。依依不忍離膝下。父母督之不得已入都。一夕夢中忽驚悸恍惚。母氏刲股時情狀急馳歸。母疾已大漸。人以為誠孝所感。服闋父促令就銓。得新會令。會裁缺。即告養歸。絕意仕進。學所一宗程朱。龜負經史尤邃。於易祀鄉賢。又同郡李孝子。惻尉氏人家貧。以木工營生。父患痺疾。孝子事之惟謹。遇歲歉不能養。乃乞食於市。



歸以啖父。後得賑穀一石。慮不可長。繼日會比。許供父。而以稗  
糞自咽。及父病劇。夜中鄰人猶聞孝子撫摩嗟泣聲。遲明則孝  
子已抱父足死矣。其父亦一慟而絕。鄉人重其孝。爲葬之。雍正  
十一年旌。又有劉孝子星者。祥符人也。爲諸生。有學行。年十  
三。喪父。哀毀逾常。母病。割左股以進。疾遂廖。生平雖盛暑。未嘗  
袒裼。恐人見其創痕也。後以子士聰貴。贈給事中。

又郭孝子培。埔新鄉人也。邑諸生。性至孝。母沒。廬墓三年。晨夕  
哀號。塋外舊有先世祠。一夕失火。孝子抱木主冒火出。倉卒中  
遺生母像。復衝入烈焰中。檢得之。身幾殞。性尤廉介。取與無所  
苟。有藥賈止宿其家。遺金百兩。孝子追還之。雍正六年旌。



國朝文獻通考卷之五





顏孝子事畧顧鼂

顏孝子中和本名發祥吳之楓橋人其父宏仁順治初有怨家周昌者乘亂偕其黨十餘人誘宏仁閉空舍中殺之而棄其首已顏氏得道旁尸驗之良是屢購其首無有也及物色殺者主名知爲昌連控諸官不得直時孝子年甫十三痛其父被殺嘗與兄孟和取析薪斧出彌之復束藁草如人形書昌姓名其上以試斧如是者數矣鄰里知者數易之以謂此穉子戲耳卽昌聞之頗心動然亦未暇備也逾三年孝子懷斧竊告其母曰兒將往復父仇母大駭搖手止之曰昌無籍有臂力汝弱小何能爲慎勿自速死也孝子奮衣出門不顧是日值昌市中孝子陰



尾之行。昌不知也。行稍前。遽自後揮斧中昌首。流血被面。昌方左右顧。又斧之。會其母趣孟和走視弟。孟和趨至昌已死。兄弟相率號於眾。請偕詣官首罪。眾如其言。既至縣庭。孝子與孟和爭自承殺人。官不能決。眾從旁分別言之。始下孝子於獄。其母蒲伏往視之。且哭且撫其背。訴曰。駭兒豈不聞殺人者死。顧欲以父子兩命易人一命耶。孝子怡然曰。父仇得復。死不憾其明。年巡按御史錄囚。遂釋孝子。而周昌前所與共殺宏仁者十餘人。先後皆病死。臨死時皆言。顏泰如守我徧體青赤色。若有擊之者。或有言泰如幸緩我。泰如者宏仁別字也。不期年十餘人無一在者。而孝子兄弟無恙。




顧孝子鼈亦吳縣人也。年二歲時，父仲常爲其仇金瑞甫所殺。鼈稍長，知父死狀，卽淬一刃挾以出入。金亦避之。順治辛丑，鼈年十八，遇金於胥日，拔刃刺之。金躍入水，鼈從之，連刺不死。金適去，挾重貲誣鼈以盜，兵備王紀郡丞劉瑞訊得實，卒誅瑞甫。



國朝文工事畧

卷五十二

四





吳孝子事畧

孝子姓吳名紹宗字二璧江西新城人性敏善屬文弱冠補諸生弟一屢試輒高等父道隆病久之痺不能起前後血並下醫藥十餘年罔效康熙戊午正月病甚孝子惶恐無所出乃齋沐焚香告天地刺血書疏將謁大華山自投捨身崖代父死大華山者撫州崇仁縣名山也詎新城三百里相傳神最靈吳諸來謁者有罪輒被禍不得上甚則有靈官擊殺之同行人聞鞭聲錚然或忽狂病日道生平隱隱而神殿左有懸崖陡絕曰捨身崖人情急不欲生者則擲身投之頭足盡破折死孝子既告天作疏獨身行二日至山上宿道士管遜吾寮同寮宿者南昌鄉




先生二人同郡邑諸生二人十八日孝子入廟默禱焚疏訖同  
寮人邀遊著棋峯路經捨身崖孝子忽越次前行至崖所歎然  
投身下同行入驚絕不知所爲一時傳駭聚觀者千人道士趨  
買棺往就殯自山頂至崖下路紆折四十里而殿上道士急奔  
崖所呼眾人曰誰云吳秀才投崖死者今方在神座下叩頭方  
巾道服如故眾走視之果然方孝子之自投也立空中不墜開  
目視足下有白雲起遙望見石門門上一大孝字俄見三神人  
命之曰孝子吾左側石有仙篆九十二畫汝謹識之歸書紙食  
汝父不特卻疾且延年更授治病瘡驅瘟咒并諸家孝子叩頭  
謝畢身已在殿上孝子乃言吾如夢中也遂馳歸一日有半面



至家至則父垂絕。孝子急書一篆焚服之室中。皆聞香氣。甫入  
口。父暗曰。是何藥耶。疾大愈。孝子徒步往返六百里。不飲食者  
五日。而父乃益康彊。善飯以詩酒自娛。年九十二。無疾終焉。孝  
子生平好名義。輕財。數爲人解訟。闕旣感神應。益自修。人病苦  
者。恒用符篆救之。以施藥爲名。







朱孝子事畧

孝子姓朱名壽命江西餘干團湖村人康熙乙卯遭亂與母李相失孝子日夜泣不欲生如是者數年一夕夢若有神語云汝母無恙竝正藍旗下孝子益痛哭遍拜其成族鄰里且與訣曰壽命苟不見母不生還矣短衣芒屨背黃袱足跣赤露匍匐二千餘里走京師至則行乞市中或遺以餘餌則自食遺以銀錢則紉衣縫中竟日忍餓不敢費一錢爲贖母計也蹤跡久之果得母所在如夢中語而旗人故邀重購拒孝子孝子曰踰其門外雙膝爲踵遇母生日持肉麪一盂踰進母句母父畢然後起邵遠平學士時官京師義而贖之旣出無所依因畱學士家母



性。主。急。小。不。如。意。則。詬。詈。不。休。甚。則。捽。而。批。其。頰。孝。子。益。嬉。笑。  
謝。曰。恐。傷。母。手。後。數。月。得。便。舟。奉。母。歸。餘。干。孝。子。體。羸。面。黃。不。  
知。書。故。其。語。質。每。對。人。言。在。母。腹。時。日。噉。母。血。三。合。何。忍。不。報。  
蓋。其。天。性。也。



楊孝子事畧 蕭日瑛

孝子名文蔚。浙江上虞人。父榮明。諸生。康熙丁未。父年八十有七。病。孝子走廁。臉嘗其糞。甘號於天。請身代。不得。父竟死。越十年。母病。痢中死。法醫者凡數輩。皆辭去。孝子獨念父危。死不救。今復爾。生男何爲也。世已無鍼灸技。豈湯醴亦告絕。乃闔戶。割左臂。以其肉雜。薑汁。獲之三。浸三。進。母病霍然。已時。丙辰九月二十一日也。方孝子將割臂。束臂以兩麻。令肉墳起。然後追噬之。而脫之。以刃。故創甚鉅。骨露。丘百二十日。始合。創人不知也。戊午。邑令廉其事。告諸臺使者。將旌之。孝子再拜泣辭。固強之。泣愈甚。乃題其門曰。以身壽母。孝子爲人謙而和。輕財好義。不



以俠烈名人。以孝稱之。必變色踖踖。每月吉。輒禱城隍神。願減年益母壽。然秘不令諸兄知。惟恐以獨行傷兄。若意者。同時有蕭孝子者。江都人也。諱曰璜。母朱氏病且殆。孝子刲脇刮肝。使婦虞氏和藥進母。母病愈而孝子死。孝子既喪。虞氏謂母初愈。不當使聞。增悲慟。乃匿語姑曰。日璜出耳。嬪孝子他室。奠則哀。經而哭。入則常服而奉進食飲。孝養十餘年。姑死。虞氏守節以終。孝子事在康熙時。墓在梅花嶺東。邑人祠於墓側。轉運使朱孝純至。修其祠宇。爲立碑而銘之。



張孝子事畧

郭居鼎

江大賓

張孝子燾小字洪居福建連江人生有至性父震公挈家避亂於邑東之岱堡順治十三年海寇陷堡張氏一門殲焉獨震公以他適免孝子時年七歲被掠往龍巖既鬻之廈門稍長傭於清漳震公謂其已死也康熙十年孝子年二十餘思念其父母每遇佳辰輒雨泣或夢中號哭不止顧忘其鄉邑及父名字因爲傭時人謂其語音似連江而彷彿憶天真者父名也遂奔連江越數日無所嚮哭於途或問父何名泣曰忘之矣此間母乃有張天貞耶願見其人於是震公聞之曰天貞吾亡弟彼焉得識之急走視遇於南關叩其詳大喜攜與歸呼其母出曰吾兒




洪居不死。今歸矣。孝子熟視母良久曰。非吾母也。震公曰。果非爾母也。母亦斃於賊矣。此爾繼母耳。孝子搶地大哭。自是事繼母如所生。念母死於賊。賊仇未復。慟不欲生。更持服三年。每哭失聲。鄉里賢之。雍正七年。旌同時有郭君居舉者。海澄人。由歲貢。歷官戶部郎中。幼失怙恃。哀慕終其身。兄居昌因亂相失。跋涉相尋。凡二年。行數千里。遇於贛。挈以歸。分產共之。邑五都海塘決。漂室廬。亡算。捐千金興築。邑人立石紀焉。雍正初入祀鄉賢。又江孝子大賓。秦甯人。生數月。父遊學京師。轉徙山陝間。落魄不歸。孝子稍長。痛不見父。誓不欲生。俄聞父在漢中。遂辭母往尋。貧且病。長途孤影。瀕死者數矣。抵漢中。不宿旅舍。席荒。



郊蔓草中號泣周詢久之竟得父扶以歸父年七十矣又數年卒於家有以尋父狀問者孝子輒諱之不欲以孝名







鄭孝子事畧

吳國擎

何履旭

李盛山

林開登

鄭孝子江字若庵福建侯官人慷慨有至性母葉病將革孝子割股和羹以進母霍然起曰兒創無恙乎適神告我病將立廖順治五年大饑穀數斛可易田十數畝孝子謂其妻陳氏曰美田宅易得也乘人之急而利之不義擁餘粟而坐視無告不仁且遠計子孫何如近憐兄弟氏曰善乃以穀分贍宗族塾師劉慶開妻歿爲翼其孤里中有周九者重困官役父子三人將仰藥孝子排戶入贈金九救其死有販豕者被竊喪其貲窘甚走投河孝子資以金如其亡數得不死聞者義之又吳孝子國擎何孝子履旭皆閩籍並割股療親病而李孝子盛山林孝子開



登則並以割肝救母聞

國。擊。福。清。人。父。鼎。臣。官。永。定。訓。導。病。篤。孝。子。割。左。股。作。羹。以。進。未。愈。羹。石。股。遂。瘞。越。三。年。父。沒。海。寇。逼。城。孝。子。負。母。竄。母。病。孝。子。自。割。如。前。病。亦。愈。履。旭。字。君。章。福。清。人。父。其。達。早。世。奉。節。母。葉。氏。竭。力。色。養。母。疾。篤。倉。皇。籲。禱。一。夕。夢。神。授。藥。手。按。其。股。乃。焚。香。告。天。割。股。和。藥。以。進。母。尋。愈。待。兄。弟。極。友。愛。著。有。心。鳴。集。盛。山。姓。李。氏。羅。源。人。也。母。鄭。遘。重。疾。孝。子。禱。於。神。割。肝。作。羹。以。進。母。竟。卒。孝。子。亦。卒。雍。正。六。年。事。聞。得。旨。割。肝。療。疾。事。雖。不。經。而。其。迫。切。救。母。之。心。實。難。得。而。可。憫。其。子。旌。而。同。時。林。孝。子。割。肝。救。母。年。纔。十。四。其。事。爲。尤。奇。林。字。亮。中。名。開。登。福。清。人。



謝孝子事畧

陳開運  
余萬春

賴用賢  
鄧成珠

李人鳳  
李人彪

謝孝子獻恂福建甯化人事親至孝嫡母雷氏無出父客外再娶王氏生孝子父旋卒孝子扶生母歸里奉嫡母雷克盡子道雷卧病孝子剖股和藥以進病立愈順治中邑令何鳳岐表其門爲請旌焉時有陳賴李余諸孝子皆閩產並以卓行聞而鄧成珠者家貧至傭力以食亦以純孝著

陳孝子開運字而均清流人父病割股以進兄弟八人友愛無閒言縣令賈漢儒請旌其門同邑諸生賴用賢字鴻逵待母痼疾十年躬調湯藥衣不解帶母歿苦寢柩側哀毀骨立五世同居人稱陳賴云李孝子人鳳字亦凡長汀諸生嘗爲其祖母



砥癰居父喪不食七日。弟人彪亦刲股療親病時稱一門兩孝。子余孝子名萬春。清流人。邑諸生。母病刲股調藥。母卒哀慟以頭觸柱絕而復甦。苦次歎粥茹苦三年如一日。鄧孝子成珠者。泰甯人也。家故貧。父早卒。傭於廖氏。距家數里。日乞米一合。味且趨送。母所疾趨反供主役。亡何母目盲不能炊。乃負母依主家旁舍。朝夕手自飯之。久而主有微言。孝子曰。某自泐簪奉母。不敢重累主人也。晨昏弗懈。便溺必親者五年。母卒。日夜長號。聞者皆流涕。葬畢辭。主人不知所之。



沈孝子事畧

沈孝子萬育字和卿江蘇常熟人鼎革時避亂負母周氏行於野遇盜奪其繡母固不與盜怒將殺之孝子泣而求代並得免鄰人失火延母寢母疾方劇不可以變孝子號痛呼天天反風火以息母年八十餘疾危篤醫皆言法不可治孝子割股以進弗瘳夢緋衣神告曰疾非五樂所能治也醫凌某在雙林速致之凌至以針達之霍然愈孝子性好義屢建輜梁施棺槨以成母志卒於康熙四十九年年九十有四臨終惟呼父母子六皆爲諸生其二登鄉薦孫淑官編修嘗乞方伐卽苞誌其墓侍卽之言曰嘗怪書傳所紀以孝感鬼神而得異徵者大抵皆獨行



之士而聖賢則無之蓋聖賢之學至於知命而不惑雖事父母亦盡其心與力之堂然而止耳獨行之士悲憂感發若焦若熬常欲殉九身命故精氣之積而鬼神爲之通理或然也學者以爲知言雍正四年旌



國朝先正事畧卷五十七

孝義

平江李元度次青集

王孝子事畧

王孝子恩榮字仁庵山東蓬萊人也爲人原款而深挺造次不能以文自達縣小吏尹奇強性險猾頗以巫醫之術有寵於官孝子父永泰因寘產與角日被毆中要害立死時孝子甫九歲祖母劉氏年高訟之官不得直僅給理葬銀十兩祖母傷痛自縊孝子母劉氏健婦也瘞其姑藁厝永泰棺於市僦屋其旁居之大書曰殺爾父者誰也泣血三年病甚呼孝子至榻前授以官所給銀曰汝家以三喪易此海枯石爛存此志恨不可忘也



孺子識之。孝子游羅大事家。盡落依舅以居。厲志讀書。稍長。補諸生。誓於父柩前。尋仇以斧自隨。其舅患之。誘使居長山島中。禁勿令出。且告之曰。孺子志誠善。但殺人者死。國法也。爾父之鬼餒矣。孝子流涕聽命。每晝取史記伍子胥白公列傳。朗讀。讀已。痛哭。夜靜。焚香長跪。告天絮語。達旦。時或困倦。假寐。輒連聲。魘厭大呼。怨家在此。年二十八。舉子辭於舅曰。可矣。遂行。踰月。忽遇奇強於道。揮斧急擊。稍遠。不用。乃投以石。仆地道旁。人爭執之。得免。奇強諱不言。裹足。不出一日。偶獨立門首。又爲孝子所見。前火中。其首帽厚偏引至耳。扶傷脫走。其家奔訴於官。時已年遠。吏胥案牘無可證。孝子出。母故所弄銀陳之訟庭。



殊批爛然。旁以血書鈴之。縣令嘆曰：至性人也。吾欲尼爾，則傷中。天之恨，欲聽爾，則違累赦之條。周禮調人之法，具在各爲趨避已耳。孝子於是噉然而哭。縣令亦哭。堂廉內外觀者盡哭。孝子旣再舉不得，奇強亦遠遁。棲霞相隔八年。適蓬萊人有患病者，力延奇強禱治。奇強亦以事久稍安入城，過一小巷，四顧無人，方裒裒閒。孝子突出扼之。奇強皇窘伏地乞哀。孝子曰：吾父遲爾久矣，遽劈其腦，腦裂以足連蹴其心而絕。於時見者驚出不意，相率前擁孝子。孝子笑曰：豈有白日殺人乃畏死者？遂自繫赴縣。會奇強家訟當口，永泰故自縊，非毆死。縣令欲開棺驗視。孝子曰：某已有子矣，甯抵死不忍再暴父骸。叩頭出血。縣令



惻然乃爲傳稽於介衆皆曰孝子言是遂具牒法司法司議曰古律無復仇之文然查今律有擅殺行凶人者子杖六十其卽時殺死者不論是否未嘗不教人復仇也孝子父死之年尙未成童其後壘殺不遂雖非卽猶卽也觀其視死如飣激烈之氣有足嘉者相應特予開釋復其諸生卽以原存理葬銀還給尹氏以章其孝且將具題請旌孝子之舅聞之見有司曰孺子求見其父母耳夫人遭奇禍以要旌門式閭之榮又何忍矣法司嘆曰汝亦賢者也遂止而祀其母氏於祠時康熙四十八年也其時莅孝子事者撫軍則中吳蔣公陳錫提學則北平黃侍講叔琳及滇南李觀察發甲云



謝孝子事畧王全

謝孝子萬程河南唐縣人妻李氏楚人也事親孝父儀爲諸生食餼屢困場屋司農旣裁餼廩益屢空孝子夫婦耕織供滫瀡無闕儀老且死不克殮夫婦號泣僻踊里巷哀之然力不能助也孝子目其妻泣若有言不忍李氏知之請自鬻以營葬具目其子俊娃泣時俊娃生甫五閱月不忍戀遂行里巷哀而記之曰康熙某年七月二十日孝子謝萬程鬻其妻葬父鄰村董官店王全者先有子七歲遭寇掠遺唐縣道中有翁嫗養而子之義不得返全乃議置妾以二十四金買李氏氏歸焉泣而請曰妾生士家知詩禮翁死不得已鬻身以葬願早夜供織紉全妾



節君德益洪遠必昌厥嗣全故知萬程夫婦孝至是感其誠惻然許之明年全子所養之家其翁嫗皆死得歸全兄大有故與弟積忤誣爲逃人也愬於兵備使者詞連李氏時南陽郡丞漢陽張三異循吏也有異政遠近戴之秦檄按其事全偕其子至曰非逃人吾子也向掠今歸耳詢少婦何人全備述其事詢李氏涕泣自陳具言全節狀且請召萬程察之萬程至具言所以鬻其妻者張公歎曰古有備身以葬親者世傳至孝汝若此可謂孝矣乃笞大有而畀全金賞萬程幣示於衆曰康熙某年七月二十日孝子謝萬程夫婦完聚如初且旌其門曰節孝雙奇於是里巷無遠近咸贈孝子金與粟好事者至演之爲傳奇論




者謂子克孝婦他適而完節以歸其去而復返也歲月日時無  
易是有天焉而張公化民訓俗其王全之完人節義皆爲不可  
及云

國朝先王事

卷五十七

四







蕭氏兩孝子事畧

蕭孝子啟聖弟鳳騰，江西樂安縣雲蓋鄉人也。當父喪，日兄七齡，弟裁四齡，卽克盡哀禮如成人。時逆藩倡亂，母氏負抱兩孤，避賊山谷。暮陷虎穴，中虎瞋之。啟聖乃身蔽母泣，告曰：「請噉我肉，傷母及幼弟，俄而虎竟去。」寇平，啟聖年漸長，念母勤苦，乃廢書，偕弟力田，以爲養母。以家學弗繼，爲憂。鳳騰於是復就學，刻苦下帷，燈焰熏帳中，至黝黑不可辨。後雖終於諸生，而母意未嘗以爲歉也。兩孝子當母耄，則請荆受杖，病則籲天祈身代。母旣沒，兩孝子負土成墳，三年廬其側，祭日僂聞，愴見如慕如疑。事之若生時，其相友也自幼至白首，怡怡然於妻子，無所私妙。



胡氏娣曾氏居室禮讓內父雍肅數十年如一日鄉人以爲難  
啟聖年四十無子鳳騰歷雨雪涉險阻爲求側室旣而生男側  
室卒曾氏減次子乳乳之兄嗣由是得續兩孝子聞母言父平  
生欲修葺遠祖蕭儀忠諫坊負不能舉齊志沒康熙庚子啟聖  
兄弟力新之竟克成親願云兩孝子沒後其家五世未嘗析  
爨和順之氣油油然鍾於一門



王孝子事略

劉必泰

邱永彰

胡士宏

王孝子麟瑞福建南靖人邑諸生八歲喪母能盡哀事繼母如所生母病渴思食青梅孝子繞樹呼號絕食三日是夜梅忽華旋結實摘以奉母病立愈父歿廬墓三年突遇虎虎卻避之聞者異焉里人劉陞遺金數百拾而還之俾得完娶雍正元年舉孝廉方正以薦授永平知府歷四川道監察御史同時有劉孝子必泰字闔人莆田人也郡廩生六歲哭母幾喪明父疾露頂焚香久以身代父偶思石鱗魚伏月不可得孝子夜馳深山中行百里叩瑞雲宮乞神助果獲魚以奉父後父歿廬於墓側每大風雨輒繞墓哀號事兄如父兄歿夜卧柩旁哭聲震四鄰時

國朝正事畧

卷五十七

孝義

六



稱其孝友。又邱孝子永彰者，龍溪人。弱冠喪父，事母至孝。母歿，廬墓哀號，每風雨聲，益悲。鄉人化之。初以貧不克葬，父數仰天泣血，一夕，廁苟供，母得金泥中，乃克營。父家人謂孝思所格云。雍正七年，詔旌其門。又會稽有胡孝子，昔名士宏，字大生，父愚，痼疾，侍湯藥，惟謹，衣不解帶者十五年。雪夜，父渴，思食，黎時，城門已扃，孝子繞城隍，號泣，忽遇一軍士，指負，一舍引之去，得黎以歸，詰旦往謝，堞下不復有舍。惟漢前將軍關侯廟在焉，始悟爲神所使也。父歿，營葬，東湖躬負土石，建隄植木，人呼孝子隄。



黃孝子事畧 子商衡

黃孝子名農字古處江蘇元和人。父袁縣學生有孝行生子二長庭次卽孝子。孝子年十餘母吳有疾卧牀三載。孝子奉湯藥惟謹。已復病利。方大暑。扶掖轉側。手除穢溺。閱數十晝夜不懈。母卒號慟絕。復蘇者數。旣殮坐卧不離柩側。獨居輒喃喃共母語。夢中時作歡笑聲。旣覺則大哭如是者逾年。葬而歸。伏地哭不能起。父方教授於外。攜入館久之。啟其枕。清淚若膏。貌瞿然。視初喪不異也已。而父遷館距家數里。孝子念父五日一往省。父止之。乃私伺門外。遇館童出。問安否。曰安。則欣然去。或曰否。卽趨而進。問所苦。褰衷不忍去。衣服器用。時其寒暑。輒具以往。



父歸左右侍無頃刻離。既成婚。依依若孺子。一夕鼓三下。忽心悸。蹶起。謂妻曰。吾父其有恙乎。方嚴冬。不及旦。疾馳至館。父果得暴疾。舁以歸。疾甚時。父年五十一。術者言。明年數當盡。會除夕。孝子書黃紙十餘。願減算二十年。益父元旦。徧詣諸神祠。焚之。是夕寐覺。喜曰。神許我矣。已而父果以七十二歲終。而孝子以三十二卒。孝子事兄篤友愛。兄舉鄉試。留都門家事。孝子悉自任。兩人同歲舉。子姁病乏乳。命妻兼乳之。兒亦不辨其誰母也。平生與人恭謹。犯者弗校。歲餘。源食食里中饑者。母忌日。必省墓。涕泣。遇時物雖微。必薦。疾篤。與父訣。哽咽而沒。先時枕邊置銀一裹。及是啟視。遂以含。蓋不欲以累父也。後數年。父患心



痛呼號罔措。一夕恍惚見孝子。問何以來。曰來侍疾耳。手摩父胸。病良已。孝子卒於康熙二十一年。至乾隆五年。巡撫徐公士林揚於朝。以孝子旌。妻金氏年十七歸。孝子孝子將終。語婦曰。吾云侍吾母矣。汝善相吾兄嫂事。吾父侍孤之有立也。勉之時孤方四歲。遺腹女才七月。婦痛夫死。孝欲身殉者數矣。憶夫言而止。家故貧。事翁極謹。洗滌縫綴。胥自任。不以委家婦。一夕所居室震盪。有聲急。挈兒女出而屋毀。或勸入似室。曰伯在。不可。遂露坐達旦。翼日召匠新之。不慎一夕風雨。方寐。若或促之起立。披衣抱兒女走而牆忽崩。牀凡盡敗裂。趨甕觚以免。終不入妯室也。翁既終。兒女婚嫁畢。節婦以夫亡日設祭拜且哭。



曰吾二十餘年戰栗自持。恐負夫付託之重。今幸畢吾事。遂長齋奉佛。終其身。雍正二年卒。年六十有七。其年得旌如制。子師憲改名商衡。力學砥行。陳恪勤公知蘇州拔賓第一。以諸生終。少刻苦。夜寢。刻香繫鐵錘下。承銅盤香盡。錘墜。擊盤鏗然有聲。卽驚覺起。讀。好先儒語錄。推衍蕺山人極圖說。貫以論語學庸及橫渠紫陽之緒。言曰。困學錄。父孝母節。建坊後。擇日奉主入祠。遽得疾。強起拜送。尋卒。



胡孝子事畧

海陽有孝子曰胡君諱隆字景初代本素封至其父振卿而家落孝子爲奉養計弱冠走京師謀筮仕父卒奔歸營葬哀禮交盡後入貲爲寶泉局大使久之改江南涇縣丞以母老不果就養數乞身上官留之及母訃至孝子哀毀骨立歸見母柩則僵地大慟每一慟輒死復生無何以父墓地勢下思再上穴合葬之啟父攢見積水蓄壙奮迅躍入穴抱相長號與土工昇以上其口天寒風虐舉體皆冰孝子不知也旣開新穴孝子布苫曰其下卧數夜驗有溫氣乃合葬時在仲冬中旬孝子年六十有四矣葬後結廬墓側親負土築墳面鑿羊駝埭明年遂歎掘野



疏合糜粥啖之而負土不休去其居平定村十里許三年中  
一至也服除補浙之奉化丞權鎮海知縣先是丞涇時嘗堊其  
縣事又嘗攝旌德盱眙二縣事所至皆有仁恩士民戴之涇邑  
久旱步禱烈日中行七十里至岑樓潭有蜥蜴三游水面貯以  
竹筒攜之行不數里震霆大作四境雨霑足邑人呼胡公雨鎮  
海蝗蟲爲災田野厚積數寸孝子齋三日牒告城隍神蟲頓滅  
咸謂仁人之感冥漠如呼吸通也孝子有弟五人仕籍後自傷  
不得事父則致孝於其母視母意所向以厚諸弟爲吏餘三十  
年矣其卒也至無屋以居平生敦古誼專趨人之急其施於人  
者皆本原所推賢也長子文伯雍正四年以訓導引見奏對稱



特擢禹州知州曠典也孝子時方引疾得家書猶伏榻北河  
稽首謝云


國朝先正事錄

卷五十七 孝義

止



日本書紀卷之六十六 孝德天皇二十五年





林氏兩孝子事畧 黃學朱

林孝子長貴岡之福清人父宗正弟長廣皆以晒鹽爲業宗正以他事入城至星橋遇海潮暴至溺以死孝子聞之奔救不及仰天長號投橋下死之長廣繼至繞岸痛哭亦自沈時雍正九年七月十七日也孝子卒時年二十有六弟二十有四里老感其孝莫不流涕相與收三尸殮焉聞於官同知張良弼捐俸卹其家各大史助葬金有差明年得 旨旌門先是順治間土寇陳德容作亂有黃義士學朱者甌甯諸生孝子同郡人也與弟俱被執度不能兩全乃給賊曰家有薄產釋吾弟歸以其直贖我何如賊疑之欲遣學朱學朱曰我秀才也質重於弟賊遂釋



其弟歸實無業可售也。未幾學朱竟被宦聞者哀之。



李孝子事畧

李孝子名維煌字裕光江蘇寶山人也生十歲而孤方父疾時  
日夕籲天進湯藥必親嘗及父沒哀慕逾常兒終三年不離柩  
次人呼小孝子家貧無以養母乃棄舉子業任門戶力求甘脆  
奉母而自食藜藿母偵知之呼與其食遂長齋淡食以慰母焉  
母得喉間疾醫莫能療孝子復籲天三晝夜母夢道者授以鍼  
曰以汝子故爲汝治之汗浹背而愈又嘗患背創醫言當用艾  
灸孝子恐母不勝痛先自試果大痛乃止夜稽顙北辰願減算  
以益母尋亦獲愈雍正十年七月海上颶風大作孝子所居江  
灣距海不二十里水至屋將圯孝子負母匿几下俄鄰屋俱毀



國朝分江三邑志卷三十一  
而孝子室獨全有弟爲叔父後幼多疾廢業孝子輒分財與之  
弟沒字其孤迎叔母其養焉孝子事母未嘗一息離其從兄錫  
泰巡撫廣西欲招孝子往孝子曰吾安能一日離吾母哉遂謝  
之先是孝子喪父逾年又遭祖喪兩世孤露不能葬嘗布衣屏  
居不與筵會人或勸之輒流涕曰禮不葬不釋經吾有痛於中  
也及卜地葬隆冬盛冰雪手運灰土偃卧垂絕煨火權以湯乃  
甦體素羸竟以是病將卒屬二子善事祖母奉母手大慟瞪目  
而絕孝子沒於乾隆五年又十五年得旌建坊江灣里



國朝先正事略卷五十八 孝義

平江李元度次青纂

黃孝子事略

孝子名洪元江蘇丹陽人父國相以武斷豪於里中有虞庠者  
奸持吏短長夤緣佞訐與國相同里不相能遂發國相陰事欲  
致之罪國相行賄得不坐庠反以誣受杖乃爲引謝具酒食交  
懽而私遣惡少年誚國相會國相被酒夜行從其後捽頂反接  
之負以石沉諸河里人皆心知庠所爲也莫敢問時孝子與弟  
某皆幼其後稍長頗聞之乃哭告母曰殺吾父者虞庠也母急  
掩其口曰勿妄言禍及矣孝子每號慟母輒呵禁之於是中夜




飲泣至旦。且椎床曰：「死耳！」母亦泣曰：「汝父未葬，我老矣，俟我死，則聽汝孝子始受命。」兄弟共適市，數市利，斧藏之。庠頗自疑，更  
好言慰孝子曰：「孺子未婚，吾壻汝。」孝子陽謝曰：「公我丈人行也，  
得爲公壻，幸甚。」退而切齒曰：「賊奴欲以而女易吾父耶？」久之，母  
死，旣合葬，兄弟哭拜墓上曰：「兒飲血含憤十年矣，今日願與父  
母訣。」遂懷斧往來迹。庠未得聞。吳俗春社，必陳優戲，里人觀者  
環集。初，國相亦以社時被酒遇害。至是，又直社。孝子見庠在社  
所，馳歸呼其弟，各挾斧往殺庠。庠方上坐，觀優，意甚自適也。孝  
子直入，肩擠之，字謂庠曰：「逸羣，我送汝死。」梓起笑曰：「孺子醉耶？」  
乃瞋目答曰：「將醉汝血，援斧砍。」庠應「羊」，仆。眾驚，二子橫斧揮眾。



大呼曰去去。毋嘗我刃也。皆卻立不敢動。兩斧並下。庠遂死。於是四顧拱手謝曰。某無禮。倉猝乃驚父老。復兄弟挾斧緩步出。翌日詣縣自陳狀。有司義之。免其弟。頌繫孝子於獄。康熙十一年四月某日也。後一年上官竟脫孝子罪云。







盧孝子事略

浙之東有盧孝子焉。名必陞，字采臣，號玉茗，世居山陰。祖名極，生子五，長芳，字南江。孝子，本生父也。次茂，字懷江。無子，以孝子嗣。孝子始生時，祖母張病甚，本生母朱氏禱天求代，是夕夢神益算，并賜以孫。及覺而生。孝子少時知孝敬，有異敏。九歲，南江病，思得蟛蜞炙。孝子潛攜一筐，採諸沙口，爲風潮所沒，得漁者救，以竹筏簞終不釋手，而蟛蜞滿其中。甲申之難，流賊未殄，懷江負俠氣，嘗杖劍獨行，不知所往。孝子奔覓諸暨山中，晝循林箐，隱夜則崎嶇匍伏而行，失道投僻路，伏屍枕籍，驚跳疾奔，兩足爲沙石所啗，血縷縷漬地，行跡皆赤。遇一僧憐之，挾與俱遇。



虎匿高樹大呼山神救我虎竟去閱數月得奉父以歸王子士  
寇竊發懷江陷賊營孝子匍匐探其穴贖以金不應繞岸哭三  
晝夜不絕聲賊感動爲引至父前時賊首欲得懷江降脅以刃  
不從斬所俘者以示又不從賊怒拔刀環向刃欲下者數矣孝  
子冒刃叩頭流血大呼丐命忽狂風四起大雨如注舟幾覆凶  
渠震駭乃得釋賊黨皆歎曰真孝子也孝子既奉父生還逆知  
賊必追已也卽遣人馳報祖母盡室以行明旦賊果追之不及  
遂至九墩大索縱火而去懷江旣被重傷病日臻孝子亦改面  
失音恐貽父憂雖嘔血弗以告日夜侍卧側以兩手摹患處懷  
江歎曰人摹我痛痛在我身汝摹我痛痛如在汝身先是孝子




出繼時懷江有女屈分其貲百計傾之孝子處之泰然至是奉  
母徐氏命往雲間舟過石門盜擊之垂死盜曰汝死毋我讐我  
奉某命來也孝子佯死盜縛而投之水中遇救得免或勸訟之  
官孝子曰吾自出繼以來蒙吾母恩育十有餘年母止此一女  
不忍以女故傷母心上書白母自謝不謹被盜不及其他母大  
感悟以康熙丙戌七月卒年七十有四妻李氏亦以賢孝稱雍  
正二年浙撫李公衛請旌於朝詔發帑金建坊入祀忠孝  
祠漳浦蔡文勤公表其墓



所傳而亦文便於世其

五十年間其文便於世





周孝子事略 潘德馨

周孝子士晉字康侯江蘇嘉定人生有至性母病久傾家療之  
貲盡醫言惟得人乳可再生時家已罄無力雇乳媼孝子謀於  
妻李氏卽棄其九月兒以乳乳母三月而母病痊問兒安在詭  
以殤對自後妻不復妊無幾微懊悔心越十二年有僧爲殷氏  
子推命怪其生年月日與周氏兒同詰之則得諸道旁者也由  
是兩家通往來父子復合而其母是時猶健在得還其孫人以  
爲孝感所致

潘孝子者亦嘉定人名德馨字式周父曰文彬兄德輝長孝子  
十餘歲嘗割股愈親疾孝子聞其事而善之幼習爲賈而好讀



孝經曰。我知所以事親矣。天性純摯。不忍離父母側。雍正四年。母氏程病。羈醫藥不效。乃禱於城隍神。願減已年益母。遂割左肱肉和藥以進。母夢神告曰。以汝子孝感。增汝壽一紀。病立愈。後果如夢中言。邑中競稱潘孝子。孝子居父喪時。以哭泣傷脅。略血數盆。乃止。兩目失明者數月。平生。在二親前。怡色婉容。即有所怒。見父母。則轉爲喜。叱咤不及大馬。父母歿後。孝事祖母。至百齡。友愛羈弟。篤行好施。與皆其精誠之所推也。



施孝子事母 楊嘉禎

施孝子聖悌江西新喻人十歲喪母。擗踊絕食。父慰諭之。得不  
減性。終喪盡禮。如成人。事父雖貧。必覓甘脆奉膳。視聽無形聲。  
父病篤。顙天夜禱。叩頭流血。絕復甦。越日父竟瘞。久之父歿。廬  
墓三年。有白鶴飛繞。悲鳴與哭聲相應。和又繪二親遺象。每食  
必薦出告。反面。年至七十餘。事之如生。蓋終身孺慕云。雍正八  
年。詔旌其門。同時宜春楊孝子嘉禎。邑諸生。有學行。順治丙  
戌。春。父文盛避兵山塘。兵將至。孝子從閒道渡水。報父水湍急。  
被溺。流至深處。滅頓矣。猶躍出水面。曰。速走。速走。遂溺死。







劉孝子事畧

劉孝子炳字耀南長洲人幼喪父事大父盡孝家貧資束修以養及歿鬻宅以葬母中年而嫠孝子奉片甘必腆出遇時果輒懷歸客至設草具對食而母常飫珍饌母嘗夏日犯腹疾思食野鷺索諸市不得孝子徬徨無措忽一人持以至熟而進之疾遂愈嘗客華亭縣署未幾卽辭歸曰吾忍以升斗粟離膝下耶後以事滯鄰邑心痛急返則母病兩日矣日則蓬垢待湯藥夜對北斗呼籲願以身代往歿慟絕復蘇旣葬日匍匐比墓哭三年如同一日自母歿春秋祭祀輒涕泣市上遇時果爲母素嗜者卽涕泣不能止忌辰號哭若初喪每獨居歎曰吾母苦節未



彰其何以爲子乾隆五年得旌如制是年孝子無疾卒



任孝子事親 從子裕德

任孝子遇亨字華宇江蘇崑山人居千墩里生有至性膂力過人國初燬湖盜錢大起四出擄掠爲害孝子負父逃避盜劫其父去孝子呼天竟一夕至黎明忽奮躍持刀突入盜藪負父出身故重創腸出腹旋遇神醫得不死乃扶父至嘉定羅店以老時稱任孝子云從子裕德亦以孝行被旌

裕德字厚齋幼有至性篤於孝弟垂髫時其兄裕章失父意將予大杖孝子號泣求解得免兄亦感悔焉有士惡某積怨於其父乘間突持刃刺之孝子年十一急以身蔽父兩王直奪其刃厲氣正辭曉以禍福惡亦感動擲刃去父患痢三冬弗痊孝子



晝夜扶掖巾裙。廁牕皆躬滌濯之。冰肌裂膚血淋漓弗恤也。父  
歿哀毀骨立。三年如一日。事母能色養。病劇孝子籲天禱願以  
身代母病。尋瘳。兄老無藉。凡養生送死皆躬自任之。又析已產  
畀其子與子已均。乾隆十九年巡撫莊公有恭題旌得旨  
建孝子坊。入祀縣學忠孝祠。



劉孝子事畧

劉孝子鎰字兼萬江西豐城人三歲失怙母鄒氏年十八矢志撫孤事姑余氏極勞瘁孝子稍長卽能盡孝養祖母卒孝子廬墓三年遇雷雨輒踞墓前曰鎰在此毋怖有古孝子風父棺厝象鼻山乾隆壬戌山水暴發壞廬舍孝子夜半馳救棺已漂泛孝子抱棺順流數十里至白馬寨觸筏乃止孝子躬耕養母母久臥病思鮮魚孝子踏雪遠求之歸遇虎人立而噪孝子叱之曰爾食我母將不食魚耶虎搖尾去鄰火將及母寢孝子自外歸突烈燄中以重衾負母出得亡恙而孝子頭面焦灼幾燬其瘢可數也母彌留日以廬墓爲戒孝子枕塊三年泣不輟懸雨



國朝文獻公集卷三十一  
世像於堂。出告反面。享祀皆盡誠。乾隆己巳。爲母請旌。得旨建坊。侍遺腹弟。思銘極友愛。教之成立。爲邑諸生。性仁惠。凡母所鄰恤者。竭力濟之。丙戌。以孝子被旌。拜命。曰。尙爲孺子泣云。



曹孝子事畧

曹孝子名起鳳字士元先世自徽州遷崑山父子文賈於蜀歲寄金錢歸俄而耗絕孝子年十六矣有蜀客來問之曰噫死矣問死何地弗知也孝子大慟絕而蘇將往求其骨貧不能行長洲潘爲縉義士也贈孝子百金將行其叔父尼之願自往金盡無所獲而歸孝子既壯每念父輒憤痛欲絕潘君復贈金四十兩遂行道河南歷陝西走成都南抵滇界西達金川書牒於背逢人輒哭訴無知者逾年反成都禱於諸葛武侯廟神示所向遂東行道險踵血流失道七日無人蹤及西陽積雪盈尺不能前踣土穴中兩日有項生許生過之聽羣鴉繞穴鳴卽之見僵



尸焉而氣微屬視背牒咤曰孝子孝子掖之歸飲以湯問故止  
孝子病進酒肉弗食曰誓不見父棺不食此矣其夕夢經荒原  
一老父與數人坐林下見孝子至拍手笑曰月邊古蕉中鹿兩  
王申可食肉覺而識之一口隨兩生出行過荒原如夢所見白  
楊下有棺纍纍然孝子心動泣不止兩生問故語之夢兩生曰  
有微人胡某者居此久盍往問之胡沈思良久曰噫信頗記十  
年前鄉人曹氏客死殯於是所以所遺牙牌納棺中其殆是乎然  
非白之官莫驗也遂由巡檢白知州飭里長察驗棺皆有主名  
而其一獨無啟棺見骨孝子瀝血驗之沒骨棺有牙牌文曰蕉  
鹿孝子大號曰是矣月邊古胡也蕉中鹿牌也何疑焉遂收骨



行時乾隆十四年也。項生許生爲設祭。祭畢以餽肉食。孝子曰：向子不食肉者，未見父棺也。今則旣見矣，憶與子遇穴中，日在壬申。今六十有一日，而又值壬申，夢久驗矣。豈非天哉？孝子再拜謝。兩生交餽之，乃負骨歸。道湖南過洞庭，風作，兩日不得度。同舟者疑之，且大索。孝子恐禱於洞庭君，明日風止，遂得度。旣歸，其後母見牙牌而哭曰：嗟乎！此我鎖匙牌也。爾父出門時取鎖及牌去，不見此二十餘年矣。復取棺以殮，而納牙牌焉。孝子性鯁直，謹取與治家有法度。旣老，月必再三詣冢上，灌所植樹，裹裛久之，然後去。四十九年卒，年七十有二子五人。







國朝先正事畧卷五十九 孝義

平江李元度次書纂

汪孝子事畧

汪一崧

王品璋

汪孝子一元字兆初江都人縣學生父良澤病孝子主省試出  
第一場聞之不反次疾行窮晝夜數百里歸視父父已卒大慟  
咯血家貧躬畚土起墳力竭矣明年又遭母喬喪遂以毀卒年  
四十有二孝子之毀也號天地而不歸通幽明而一覲仁孝達  
於性初禮經其後起者已孝子既歿妻鄒氏煩擱苛楚教成其  
子中鬱爲通儒卽容甫先生也孫喜孫亦有學行記曰毀不滅  
身爲無後也聖教之愛人也汪氏死孝後乃克昌天心之祐善



國朝文獻卷之二十一  
可知矣。孝子通算學，嘗以今法逆推朔閏中節。至乾隆十四年四月止焉。孝子竟以是月卒。其所謂通於神明者歟。從兄一崧年十七，別肱肉起，母潘危疾，道光初同時被旌坊其鄉。稱汪氏二孝子。

有王孝子品璋，海昌人家，負服賈於吳門。道光十二年閏母病，徒步歸，侍湯藥，惟謹。越七日，母歿，訖喪具。晝夜長號，旬日骨立。旁觀者憂之。而孝子不覺也。孝子蒲伏如侍母側，夢魂如與母言。明年春正月八日夜，將半呼，家人言曰：「吾將奉母往矣。」問何往，曰：「歸位。」逾時卒。距母喪未百日也。年四十五。兄某傳其事。



張孝子事畧

蔡應泰

楊璞

銓芳

乾隆二十六年秋。伊洛水溢。破外堤。灌偃師城。洶洶有聲。民皆避水。奎星樓上。張孝子者。名大觀。奉母亦登焉。無何。水撼急。樓傾。眾皆溺。孝子左手爲石柱所戕。臂及腕皆折。血漂波赤。不斷如縷。不顧入奔。濤求。母有孫。號救。孝子叱之去。望母。髻露水中。得之。負出水。有大樹橫偃。嚙口。孝子曳其斷手。獨以右手舉母。騎樹枝上。復涸。而覓食。食母。母撫其斷手。泣。佯慰母曰。兒手雖折。幸不剝。母自愛。母憂水退。負母歸家。猶屏當衣食。是夕。創重。竟死。

蔡孝子應泰。縣人也。母樞在堂。水且至。以繩縛母樞。旋繞數十




市令固束兩大帶爲纆水至妻子號救不應跪負母極轉洪濤中極與手若兩翼飛瞬息八十里抵鞏縣神堤灘神堤灘者北邙山尾也山橫洛口遏黃河衝河漲倒灌洛流潌洄灘上樞忽爲沙撿村民異之以長鉤引至岸岸之上孝子亦無恙天將暮聞鄰村喧救兩人趨視則其妻若子也眾嗟歎曰神感也醵錢送之歸。

楊孝子瑛亦偃師人莊農也與其弟某奉母居弟饒於財孝子負且懦水至弟以筏載其妻逃北山母呼之不應竟去孝子怒乘其妻子襁母於背將浮水趨北窯水勢奔驟若有挈之者旋躍大湍中山上人望之如黿鼉湍不沈亦抵神堤灘村民救



之登岸頃之有婦人抱子漂而下母遙望忽號曰吾婦與孫也  
救之果然翼日歸而其弟乘梓將抵北山下大樹崩壓筏夫婦  
俱溺死先是村民夜間空中神語明日當速救孝子母民驚起  
各具舟及長竿巨繩以俟以是得俱生母壽九十餘無疾終  
康熙己巳洛水緇有劉孝子芳者永甯人也父爲巨浪所漂疾  
流如矢孝子追哭里許躍入水援之父恍惚聞人語云急抱吾  
馬足可渡父如其言比達洲則所抱者孝子脛也父子俱獲免  
知縣佟賦偉嘉之率鄉民環拜其廬表曰孝子村甘肅大府采  
其事入通志事在三孝子前







常孝子事畧 史邱曾

孝子姓常名裕綸山西國溝人生四歲孤家故織嗇無存歲冷母戴氏鍼狂以供食孝子侍側愉愉然不刻離既長以武舉授鎮海衛千總督漕者多風波危以故勿克迎養乾隆二十八年孝子畢官事還鎮人見孝子連日喜色溢眉宇異常時誦之乃其母已來也未一載母卒孝子維斯徙跣不納勺飲將大殮擊棺號阿母不止聲盡血湧腸裂而卒距母亡裁三日年五十有一論者謂禮稱毀不危身又曰五十不毀然皋魚立哭而死孔子與之孝子年五十矣豈不知留其身以慰母於地下哉乃情極而禮忘焉非得已也同時有史孝子邱曾字綬紫漂陽人父



汝杰宮潞安同知孝平幼隨任事父及母謝氏甚謹父解官歸  
母病孝子奉湯藥衣不解帶者累月骨柴立如枯腊母歿呼搶  
不欲生長號踊嘔血數升而死



范孝子事畧 朱有令

范孝子仲光，湖南桂陽人，農家子也。天性過人，其父母命之學，年十八，父邁危疾，醫藥窮，潛封兩肱，家莫知見其慘，黯無人色。竊危之父竟死，孝子宛轉，泣督神支離，不自克，如欲無生者。其母思失孝子，踰兩月，召其同學者數輩，強掖之館所。孝子重戚母，忽涕習所業，手制縮艱，上下人靜，輒絮泣，其曹疑之。陽與語，持而禮其臂，則左右各去，肉倍寸，赭如握。孝子哭，其曹皆哭。人始知孝子割肱也。免喪，試補弟子員，舉一子終以毀，故病咳血。年二十五，遽歿。妻何氏爲孝，守義撫孤，克有立。同時朱孝子有合，亦桂陽人，居井頭，宋孝女明旌靖一姑故宅。



也。姑幼遭家難，爲貞女。撫周族弟雲伯，後其父母苦汲掘，宅隙得泉，因井之後坊，其井曰義井。宅其宅曰井頭云。孝子爲雲伯十六世孫。父元載，母范氏有兄三人，年十四封股，愈母病二十喪父，以艱會與其叔分耕營內。母從伯仲居井頭，井頭去營內六里而近。孝子且耕且奉母，宵必定母寢，僕僕適途，應晷刻終母之身，弗衰。母卒年七十有八。孝子免喪後，視瞿瞿恆中夜涕泣，晚起家倍愴咽痛，其父弗逮也。孝子妻胡氏弗戒於火，面焦爛。胡盛年尙無子，或勸納妾，泣然曰：「是與吾其事吾母者，忍負諸後？」胡爲孝子舉四男，相孝子昌其家。孝子以居遠，伯仲艱數日負必極歡，別慘淚如嬰孩然。孝子款樸無絲飾，見人語照。



照人易之間其事則肅然起敬嘉慶丙子丁丑閒修邑志。翁謂  
孝子宜有述。孝子斷斷執不可。涕盈丑當是時。孝子老矣。孝  
子者重傷。孝子志事乃已。孝子壽七十有七而終。妻後孝子十  
三年卒。孝子身後族有秋祭其先自子一姑上下咸頌。孝子長  
生作永世勿替。




同前少正書卷五十一



卷五十一

六





# 奚孝子事畧

奚孝子名緝。字聖輝。江蘇寶山人。父士本。字秀林。以孝行  
旌門。自其未旌之先。鄉里無不知有奚孝子者。秀林歿。而聖輝  
又以孝聞。鄉里稱奚孝子。與昔無異也。孝子幼入塾。從師講論  
語。至父母之年。不可不知。輒簌簌隕涕。師大奇之。曰。非是父不  
生。是子成童時。母沈邁疾。醫云難治。孝子潛割臂肉作湯。以進  
母。果瘳。踰數年。母病革。夜偕妻朱氏。向北斗稽顙。乞減算。以代  
母。既歿。孝子常宿父所。秀林年七十餘。冬月惡寒。孝子夜抱父  
足達旦。父歿後。或勸以入粟求仕。則曰。吾父以貧廢學。布衣終  
其身。吾敢納粟希冠帶乎。兩弟早卒。撫遺孤如所生。女兒嫁某。



氏貧不能自存。同堂妹適某氏早寡。皆依孝子以活。分宅居之。而婚嫁其子女。皆承秀林之志也。其它創義學。平糶。施樽。多可紀者。子增慶能亢其宗。寶山令李君元奮。田君聯芳。皆題額贈之。而錢詹事大昕爲作傳。以比南史會稽郭世通父子云。



鄧孝子事畧

鄧孝子觀灝。江西萍鄉人。幼有至性。隨父悔安宦京師。受詩至。蓼莪。輒廢書泣。人異之。稍長。隨父監司中州。職防河。孝子聞河務。輒能得其要領。父遷四川按察使。坐巡鹽舊案被逮。籍沒論死。賴

上恩。矜緩繫刑部獄三載。孝子隻身左右之。會族兄某至。孝子謀丐貸納贖。父慮其無濟也。漕督楊勤慈公。諗孝子。父官吏部時。甚清介。不至以貪敗。爲孝子謀者屢矣。乃徧走齊鄭燕趙。嘗夜墮叢莽中。狐鬼噪嘯相逼。一僕劉章阻勿行。弗顧。遇獵火出焉。閒關入都。訴於步軍統領。果殺阿公。公叱曰。爾擅入禁地。不



國朝文忠公集卷三十九  
畏死耶。命繫暗室孝子。度父無生理。誓身殉。哭晝夜不絕聲。一  
武弁守之。聞哭。詢其故。義而釋之。他日復伺。聞訴於忠勇傅公。  
及阿公馬前。傅公語阿公曰。孺子冒死救親。可憫也。宜上請。阿  
公亦惻然。二公取其辭入奏。得旨。鄧某情可原。準贖。傅公遣  
飛騎爲孝子。賀蓋深重之也。納鍰入。父獲免。先是母卒於家。迫  
見父。始得知奉父生還。畢母葬。越二年。父旅殯南陽。復匍匐歸。  
其喪哀感行路。其慘瘁備嘗如此。他行誼皆甚摯。而孝尤篤。遠  
近稱鄧孝子云。



潘孝子事畧

潘孝子名瑁錢唐潘隆子也隆妻丁氏生女珠姑久之乃生孝子故先有養子於家隆嘗之海南養子耽飲不戒於火倉卒中丁氏挈一篋令孝子負之先行孝子及門回顧失母委篋復入適家人白火出望見孝子遙止之曰後垣不可穴也母已不救矣但聞孝子言母若不保我何以生爲竟冒火入從母及珠姑死初家人在火中見主母爲煙燄所阻欲掖珠姑始行珠姑揮之曰汝男子何可拉我我惟有從我母死耳於定珠姑亦死火熄撥灰燼孝子與母妹三尸相環結雖燬猶隱也○可辨識時乾隆四十四年十二月望日也孝子年裁十五性穎異素有奇童之



目其殉親與明孝。郭金科事相類。珠姑早適范以賢。孝聞時  
歸甯。遂及於難。孝子死後。其聘妻王氏同邑人。世居江干。長孝  
子二歲。聞計未婚。守志送孝子葬。畢卽歸。潘氏懼葬地隘。後將  
不能同穴。跪請於舅曰。翁如拓數弓地。婦死有依矣。從之事舅  
以孝聞。撫嗣子克延其祀。



龐孝子事略

長洲虎邱山塘有龐孝子者名佑字山甫早喪母與父同寢晨夕依依相憐也以是終身不再娶父年六十餘病羸便溺閉隆醫治莫能效左右愕視計無出孝子私跪中庭默禱一晝夜忽水道通患頓釋親黨交慶謂必有陰相孝子者既乃稍稍聞知實孝子吮哺所致云又八年父卒哭踊盡哀不處內偕昆弟經營窀穸無失禮既葬父家事亦稟兄命不析產弟卒撫其孤孤亡又撫嫠穉四人教養成立償兄逋負以千計襄戚屬中之不克葬者推解周急承父志一如親在時性嚴介不苟取與有賣珠姬過孝子家遺金珠一篋姬歸暴病死物主向姬家索金珠



不得訟之官責驚產以償孝子跡知之還其篋封識宛然訟得  
解謝以金不受里人嘖嘖稱道之



國朝先正事略卷六十

孝義

平江李元度次青纂

湯孝子事略

湯孝子名淵字涓泉常熟唐墅鎮人八歲失怙家窶甚無出入  
蒙塾母茅氏紡織度日君見輒淚下少長業負販供菽水勸母  
暫休母曰休不且餒死耶君大慟益竭蹶紆母勸會客至母孿  
茗椀立屏背呼遮出君惶恐跪地受自傷貧不能具僕婢痛自  
責幾無所容年垂三十始娶袁氏逾年生一子而妻遽亡或諷  
使繼室孝子曰吾已有子何忍分養母之力以養婦竟以鰥終  
母歿柴毀骨立哀號動路人其後家稍裕然嚴冬風雪覆被衾



不肯置褥曰吾親昔無之吾敢求溫年五十有八卒先期命市棺仍視殯母之費雖力足辦勿增也生平事兄若父同居至老侍杖履尤恪嘗助宗黨之艱葬者每遇窮獨量調之然深自晦迹曰不識字而拾道旁遺字最勤其天性然也子若孫並循謹守家風許進士朝何明經忠相皆爲作傳而朱侍講琿誌其墓



黃孝子事略

黃孝子古愚名則有湖南邵陽人生四歲喪父家故貧母孫氏  
劬苦撫育稍長遣就外傳人或調以儒冠多誤莫能濟飢寒母  
曰吾忍死不欲吾兒廢學正冀其能濟吾窮耳言已淚雨落孝  
子聞之大慟奮於學所詣日益進試輒屈其曹偶逾冠授徒里  
中資修脯養母然以戀母故終其身所館不出二十里外館中  
奉膳稍豐卽終席不下箸夏無帳主人以進命撤之曰吾母無  
此煩軀甘受蚊蠹弗忍蔽也值嚴寒又製棉衣進固卻之或責  
以矯廉則泣曰家貧無以煖母乃忍享此奇溫耶聞者大感動  
當事纂修寶慶府志招孝子與楊孝廉大灝入志館兩人居同



室一夕風大作雪盈尺許已就枕矣忽披衣起繞室長吁楊君  
問故答曰思吾老母耳卽夕冒雪馳三十里歸旣抵家母大喜  
曰吾思兒正切也是時母年近九十孝子齒亦逾六十矣有司  
上其狀請旌得旨俞允而孝子母苦節亶吏先已策奏於  
是節母孝子同被旌命下日邦人咨嗟歎有泣者無何  
節母歿孝子亦繼逝蓋以毀終也孝子性好吟幼讀宋人詩銳  
志學之每一詩成狂跳疾呼索人卽誦人或竊笑其旁弗省也  
貌蒼古類深山老衲所遭極窮惡而自守益堅不少貶又喜施  
與在志局三年嘗節薪水資購絮衣棉被貽其戚族之貧者子  
詒賢亦能詩早卒有九品遺橐附孝詩集後



胡孝子事略 潘周岱

胡孝子名其愛安徽桐城人。生不識詩書。傭力以養母。母陳氏。中歲遭罷癯之疾。長臥牀褥。孝子常左右之。自臥起至飲食溺。便皆躬自扶抱。一息而百役靡不爲也。家無升斗儲。每晨起爲母盥沐烹飪進朝饌。乃敢出傭。其傭地稍遠不及炊。則出勺米付鄰妪而叩首以祈其代饗。媼辭叩則行數里外遙致其拜焉。夜必歸。歸則取母巾裙自浣滌。孝子衣履皆垢敝而時致肥鮮供母。出傭遇肉食卽不食而請歸以遺母。同列見其然多分餽之。輒不受。平生無所取於人。有與之者必報。村鄰有伶僂之劇。孝子必負母出觀。爲藉草安坐。候至夜分人散乃復負而還母。



國朝文獻卷之二  
三  
欲往宗親里鄒家亦如之孝子以貧故遂不娶養母終其身母  
病三十年奉之如一日也乾隆二十七年母卒負土成墳即墳  
旁掛片席以居明年以毀卒

同時潘孝子周岱涇縣茂林都人家貧世業竹工孝子幼隨父  
執藝輒身先煩溽而遺父以易且逸者在家侍養殯必父母食  
然後食王餘兼力農晝夜弗懈歲卽歉奉甘旨外俾弟食踰於  
已而自率妻子咀糟糠父創足不良於行每出傭孝子負而往  
返積有年父老罷廢獨赴工遇酒肉時蔬則懷歸燂溫以進父  
母疾左右侍養無須臾離漸衰澤滌厠隤恆憂慙涕泣母家銅  
山山下泉清冽殊常品母病篤夜半思飲孝子急挈甕而奔嚮



曙已返蓋四十餘里矣。居喪且暮悲號行路皆墮淚。先後廬墓各三年。墓舍枕林麓有巨蛇憩苦塊旁不爲懼。當盛暑蚊蠅交嚼未嘗遽拂扇。旣除服夕必至墓所執香燃燈雨雪罔闕者二十餘年。終其身如一日。偶他適預語其妻加其鏹以奠。妻哭氏亦敬戒無違命。平時立木主於室供具如生存。將出彌登起獻湯茗畢乃行。歸復如之。伏臘祭祀依依孺慕。或矢聲貌模誠臨事纖毫無所苟。道光元年以孝子被旌。



（The main body of the page contains a large, dark, and heavily textured rectangular area, likely representing a faded or obscured section of text or a woodblock print illustration. The text within this area is illegible due to the quality of the scan and the nature of the original document.)



高孝子事略

高孝子，效燮，浙江山陰人，性仁孝。授室後，猶常臥親側。母患皆疽，醫不治，孝子泣吮之，數日愈。又念母肢體傷痛，乃備藥於手，朝夕按磨數年，乃得痊。而孝子雙目爲藥氣薰炎，遂瞽。更三載，竟復明。居親喪，終制不近內，斷葷酒。父墓在村畔，金鷄山日一往視，風雨無稍間。兩弟幼孤，精以成立，終身其嬰從兄。某卒，濟南倉大使孝子歸其骨，爲娶子婦，延嗣。凡族子貧者，皆賴以授室。初，胡某貸百金，既還，寶應主簿孝子偶過之，胡欲以重息貸金以償。孝子乃焚卷去郡，大饑，孝子盡出所儲粟以賑，不給賣衣飾，又不給乃變產以濟，所全活亡算。平居施棺藥以爲常。蓋



錫類之仁也。有司請旌其門。舉鄉飲大賓。人皆稱高孝子而不名。卒年六十有八。後昆振振然爲泮東華族云。



朱孝子事略

青浦朱孝子名修來字懷遠號愛林居邑之金澤鎮父紹辰早  
世母郭氏守志撫孤家貧甚孝子八歲入塾旦起先櫛野薺盈  
筐和飢粥食之以爲常聞師講孝經至謹身節用以養父母卽  
終身誦述不衰自塾歸母授一錢俾易餅餌代午餐仍剖半遺  
母或無錢則忍飢讀越二年母患鼻衄頗劇醫言瀕蘆根飲可  
愈孝子急向鎮東白蕩灘掘之得數幹方嚴寒冰滑失足墮風  
浪中飄泊踰數刻幾死遇救蘇裏敗絮送歸微息僅存猶堅握  
蘆根不釋燂湯沃殭手血漉漉殷盆中蓋冰稜所刺也亡何植  
歲稔益艱食遂傭賈肆受值備養飧每日適市必糴升米挈水



二三甕乃行。雖風雨必再省視。見母無恙則喜。稍違豫卽憂。形於色。夜俟母睡熟始安枕。歲時有魚肉簞食。餌攜歸獻母。弗敢私。顧母性嚴正。炊烟卽不繼。母許稱貸。君奉命惟謹。在肆力作。倍勤無纖毫苟。他人有饋則辭。惟主者於常值外。例勞酒資。日賦錢五。盡投敝簾中。嘗痛母節未顯。背若負芒。貽爲異日請旌地。累積餘四十年。竟獲顙有司請諸朝建。功如例。時母已前卒。以未獲親睹爲憾。輒嗚咽流涕。營生壙依父母塋側。謂生不能養死得侍晨昏也。生平動循禮法。孺慕終身。遠近稱孝。無間言。孫德基曾孫敬華皆爲名諸生。道光丁亥學使辛侍郎從益按郡。爲給額表其閭。



吳孝義事略 蕭良昌

吳孝義名紹先字伯宗山西稷山人少讀書略解文義十六歲  
父母皆亡有二弟季年十一與從兄偶出遂絕蹤又數年仲以  
博塞失負逃伯宗負販以迹之南出襄洛西歷劍州東至黑龍  
江積十有六年卒同時而得之初遇季於京師爲高氏僕高感  
其義許之歸時已微聞仲在甯古塔乃留季而自往求仲且與  
季別曰吾得仲則偕返否則併吾之妻子屬弟矣舊都郊關出  
人有禁限伯宗率以計達至則仲果在甯古塔豪家以情請乃  
冒公人入軍府訟軍吏庇豪欲威懾伯宗以應對失儀唾其面  
血淋漓伯宗辭愈強直且言還京將籲閭吏懼卒白太帥持其



弟以歸時仲冬沍寒夜經大臥磯行者皆墮指伯宗與弟相推挽顧而曰此中人未有如吾樂者也比入塞爪甲脫爛無存者至京師待季偕行知其事者爭傳說公卿間相國陳文貞公贈詩七十韻李文貞公爲書事多就而體貌之伯宗赧然大無以自容衣敝履穿或贈遺終不受有與同寓舍者聞其哭失聲就視之則讀論語父母之年章也伯宗事在康熙三十年後六十年有湖南蕭孝義事

蕭君名良昌邵陽人生有至性事兩親至孝兄弟四君其季也析居最早已伯仲歿各遺一子叔兄僅一子忽攜之遠出不知所之方是時家貧甚諸孤煢煢無所衣食君極憂之地固產漆



居民以所產貿之他省。君少習是業，稍獲利。或勸之娶。君泣曰：「吾兩兄死，遺孤無以自存。吾忍遽言娶耶？」乃悉召諸子，復同產率之，貿荆襄閒。其後家漸裕，乃始娶婦。是時父健在，事之最謹。能先意承志。嘗除夕，家人團宴，父舉觴屬君曰：「兒能撫存孤姪，吾心滋慰。」顧安得汝叔兄父子一見爲慊？君跪自曰：「兒誓往覓。」朝正四日，遽束裝。子身出時，兄音問久梗。或傳其在滇。君至滇，歷訪數郡縣，無所值。凡離家六閱月，徒步萬餘里，貲將盡矣。窮途哭泣，自盡。腫見者咸嗟歎不已。一日薄暮，抵村塾。塾師朱翁亦邵人，告以故。朱翁止之宿，且爲筮之。曰：「賀君明日卽相見矣。」君大喜。其夕復夢兩舟相磨戛，自以爲兄弟相遇之兆。益復大



喜鷄初鳴。卽別朱翁。行天明至一村落。遇有曉汲者。熟視卽其兄子也。君見兄相持大哭。亟偕歸。與同居。父心太慰。復舉觴屬君曰。兒真孝子。吾且瞑目矣。君勤苦成家。育諸子。死如已子。家門嚴肅。婦女絕口不敢言析居事。年八十有餘。卒。卒之前歲始爲諸子析產。厚子兄子。田宅而令已子少受。諸子固辭。則曰。若曹佐家成家甚劬苦。吾子勞逸旣殊。受產可無別耶。卒少受兩子。亦怡然從之。



李孝義事略

黃成富

陳福

譙者

李君長茂字齡侯福建海澄人四世同居男女千指其饌而食無閒言建大小宗祠置烝嘗田以奉祭祀著家規十法十戒以示子孫立義學以訓族人之貧不能延師者每歲必損居積以助族人之不能婚娶者子五福順治己丑進士官刑部侍郎兄弟八人備極友愛暇輒以詩歌吟諷相勸誠人以爲有江州陳氏風時有黃君成當者連江農家子也六世同居男女六十餘口雍睦無閒子弟各執其業每出作田間衆婦俱往畱一婦視家卧兒於筐飢則浮之不問其爲誰兒也懸衣於桁出則脫之入則衣之垢則澣之不問其誰衣也遇客至供具飲食家長子



之家中不聞一言。又永春陳福者，世居西溪，以耕讀爲業。兄弟同居，至福已十二世。家建二堂，以別男女飲食。家範整肅，簡儉世立。一人督家政，婚娶葬祭，量力辦治。子孫世守醇樸，未嘗一至有司之庭。地方吏禮獎，並免其徭役焉。

譙君名衿，湖南沅江人。邑諸生，自明正德時至衿，凡七世同居，積二百餘年。喪祭無失禮，親支百十九人。衿以祖命主家政，每食男女異席，終事無譁。會鄰家火起，衿兄弟先入祠堂抱神主避火。火隨息，家蓄耕生，每出入亦以齒先後。在牧地行列不辭，作家訓二十條，子孫咸遵守之。雍正十年，詔旌其門。御書世篤仁風額，賜之。



吳孝義事略

吳君鴻錫字允康福建晉江人生七歲而海寇亂父萬佑避兵  
浙江適兵部郎中滿洲噶尼希奉命來造戰艦延萬佑於幕  
未幾卒噶公挈君歸京師將子之君請呼以伯曰父一而已噶  
公大奇之曰七歲兒能辨此耶噶公清宦家漸困君稍長助任  
芻牧精勤勇猛芻恒有餘市書冊弓矢私習之又市酒果就能  
者質焉數年遂通滿漢文精騎射會噶公校射方怒拙射者君  
徐進三發皆中噶公益奇之康熙癸亥從兄雲鱗以平臺灣功  
授參將引見入都因就噶公乞君歸噶喜遽諾之君泣曰我  
未可以歸也我七歲育於公今我壯而公老矣三公子皆成立



我乃可歸。再噶公聞言持君大慟。遂不果行。鎮國公海清噶公  
壻也。高其義。遂隸也府佐領。俾久居旗下。以成君志。明年噶公  
卒。夫人以哀毀得狂易疾。長子和順市七歲。次和鼎六歲。和麟  
五歲。君獨力治喪事。盡禮。然噶公新喪。諸族豪悍僕耽耽欲蠶  
食其家。君信行素孚。又材且武。諭以義。懾以威。衆莫敢侮。家故  
不及中人。君精心計。權子母業。日以饒。延良師課噶公三子。食  
飲必親饋。業稍進。則頓首謝。師感之。益盡力。又親教三子國書。  
稍長。並爲娶名族女。君尤謹於禮。冠帶終日。司柩以婦人。歲時  
慶祝。君盛衣冠。率家人入執事事。畢親率以出。內外肅然。和順  
年十六。有思之者。擢爲獲軍將。困苦之。每番直。君佩刀從。直夜



則露坐終夕。人莫敢加害。顧念非通仕籍。未猶免役。而噶公故  
交惟大學士阿蘭泰。公稱長者。可以義動。乃率三子曰。候公門  
外公得其情。果惻然。問諸子習國書乎。曰皆習。孰最優。曰和順。  
阿公許以中書用。既而首輔索額圖欲用其族子。君卽爲書言  
和順孤苦狀。伺索公出。踞上之。索大怒。擲書去。君踞其門。五晝  
夜。水漿不入於口。困垂。樊索大驚。撫之曰。世乃有義烈如子者  
乎。吾用順矣。就試。果得中書。乙亥。  
聖祖親征厄魯。持君謂順曰。國家有事。正臣子效命之秋。亦  
子發跡地也。遂治裝從征。隨大將軍費襄壯公。由西路進。君結  
束從行。數日。家中宵小攘敼。蠶起。卽使人追君還。君泣謂順曰。



吾不得偕行矣。雖然戰陣無勇非孝也。子必勉之。怒馬抵家。宵小亡匿。訖無事而順亦立功。擢禮部主事。有約順會飲者。以博具佐觴。政君知其匪人也。拔刀衝坐。執其人將殺之。刀觸席鑿然。其人叩頭乞命。使捧而去。引順歸。或問人可殺乎。君正色曰。殺人不過死耳。吾已許噶公撫諸孤而坐視其溺於燕明誠生不如死。吾死而諸孤知勉則死賢於生矣。順自是不復與燕會。癸未不東大饑。詔遣官往賑。和順正行。君曰。此仁人君子。盡心時也。從以往分賑武城廩未發。君預以私錢布米。因逐戶稽明先量給之。念民居有僻遠不能至縣者。度四鄉適中地得南魯集爲散賑所。又懼民飢久不勝任負。日爲蒸餅萬計人給其



二然飢腸驟飽有致斃者或言先飲蘿蔔湯則無害亟具湯日  
活民無算武城十萬家得實漑皇仁者君佐順力也事竣歸  
縣人泣送者數千有送至京者順奉命收密雲關稅君曰負  
販小民不可取其稅儻額不及以家財足之可也民大悅競趨  
之額亦無歉和龔習舉業遇鄉試君述先德勸課恆涕洒交頤  
猶懼其怠也穴其几貫鐵索自繫以守之龔驚謝請脫繫不許  
讀益力遂中式龔弟和麟年十六卽攜赴永定河效力河故名  
無定水怒土疏潰壞無常君爲親督畚揭隄成面水驟漲中晝  
夜守視增卑培薄直隸巡撫于清端公夜出視隄遙見有拜於  
隄泣籲河神者召詢之則君也于公歎異脫襲衣贈之是歲隄




壤者多麟所古獨不壞敘功補筆帖式累遷刑部郎中比君卒  
三子去纓席地婦皆披髮去璫如居父母喪葬之日皆徒步扶  
匱至塋哀毀過節蓋君所以感之者深矣初君以噶公有已恩  
矢扶其孤不得歸卽京受室念父母邱墓南望輒隕涕追寫父  
母像遇忌辰及歲時伏臘率妻子哭奠竟日檢篋得父遺衣冠  
就噶公墓相近地招魂葬之每歲除設奠終夕徘徊兩墓閒或  
勸之歸曰吾幼孤不逮養義不當受家人之養也生平善治生  
而自奉畱受人之施一飯必報其施於人者雖于金不言惠也  
歿之日取朋友稱貸紵畫焚之持躬嚴整見者皆敬憚在武城  
賑荒時有舊家子落魄工諧媚屢進謁和順談笑傾其座人惟



君在則汗流氣塞終席不能出一語其幾於寬而栗者與君卒於康熙己丑年五十有八子世久官親軍校常德丁未進士官卽中君卒後安溪李侍講清植爲之傳私謚孝義先生而臨川李侍卽紱表其墓。







4



